

# მონისტური თვალსაზრისი ისტორიაზე

პასუხად ბ. ბ. მიხაილოვსკის, კარევის და კოშკ.

*Audiat et altera pars.*

თარგმანი

მ. თავართქილაძისა

---

მე-6 სტამბა  
პოლიგრაფტრესტისა  
მთავლიტი—1802  
შეკვ. ჩან. ტირ. 4000

---

„მონისტური თვალსაზრისი ისტორიაზე“ გ. პლებანოვის ერთი საუკეთესო ნაწარმოებთაგანია. მას აქვს არა მარტო უდიდესი ისტორიული მნიშვნელობა, როგორც იმ ბრძოლის ძეგლს, რომელიც წარმოებდა მარქსიზმსა და ნაროდნიკობას შორის რუსული ლეგალური ჟურნალისტიკის ასპარეზზე, არამედ — განსაკუთრებული ღირებულება, როგორც წყაროს ისტორიული მატერიალიზმის შესასწავლად. მისი ცალკე ფურცლები საზოგადოებრივი განვითარების მარქსის თეორიის გაგებისათვის უფრო მეტს იძლევა, ვიდრე ზოგის ათეული და ასეული ფურცლები.

მაგრამ არის გარემოება, რომელიც თანამედროვე მკითხველს — განსაკუთრებით ინტელიგენტ მუშას და მოწაფეს — ამ შესანიშნავი შრომით სარგებლობას უძნელებს. ეს გარემოება იმითავა გამოწვეული, რომ წინამდებარე ნაწარმოები ცხარე პოლემიკით გამსჭვალულ პამფლეტს წარმოადგენს. გამოცდილებამ ცხადპყო, რომ ეს ფორმა ხელს უშლის თანამედროვე მკითხველს იმ მეცნიერული მასალის შეთვისებაში, რომელსაც პლებანოვის გენიალური პამფლეტი შეიცავს...

წიგნი გამოდის მეორე გამოცემის წინასიტყვაობით და სამი დამატებით, რომელიც მას ჩვეულებრივად თან ახლავს \*). რამდენადაც ვიცი, საზღვარ-გარეთ გ. პლებანოვის არქივში ამ უკანასკნელ ხანებში ნაპოვნია „მონისტური თვალსაზრისის“ ახალი წინასიტყვაობა, რომელიც ჯერ კიდევ არ არის გამოქვეყნებული.

\* \* \*

წარსული საუკუნის მეოთხმოცდაათე წლები დასავლეთ ევროპის საზოგადოებრივი აზროვნების მატრიანეში აღნიშნულია, როგორც ცხარე მეცნიერული დისკუსიის ეპოქა ისტორიული მატერიალიზმის შესახებ. იმ ხანებში აკადემიური მეცნიერების წარმომადგენლებმა ფარ-ხმალი აისხეს მატერიალიზმის — პროლეტარიატის ფილოსოფიის

\*) მეორე დამატება: „რამდენიმე სიტყვა ჩვენს მოწინააღმდეგეებს“, ქართულ თარგმანში არ შესულა. — მთარგმნელი.

—წინააღმდეგ. ისტორიულ მატერიალიზმს სწამებდენ მექანიურობას, შინაგან წინააღმდეგობას, ფატალიზმს, ფილოსოფიურ სიჩლუნგეს, კვიეტიზმს, შაბლონობას, ამორალობას, მეტაფიზიკურ ხასიათს. ისტორიული მატერიალიზმის წინააღმდეგ მიმართულმა გამოსვლებმა მისცა საბაზი კარლ კაუცკის, ფრანც მერინგსა და პოლ ლაფარგს გამოსულიყვენ ისტორიული მატერიალიზმის ბრწყინვალე აპოლოგით, რამაც მნიშვნელოვნად გაამდიდრა მარქსიზმის მეცნიერული საუნჯე.

დისკუსიამ, რომელიც ისტორიული მატერიალიზმის გარშემო წარმოებდა, ჰპოვა გამოძახილი რუსეთშიაც. 1892-4 წ.-წ. რუსულ ჟურნალებში დაიბეჭდა მთელი რიგი წერილები, რომელიც ცდილობდა გაებათილებია ისტორიული მატერიალიზმი უმთავრესად გერმანელი იდეალისტების არგუმენტაციით. ნ. კ. მიხაილოვსკი, პროფ. კარევი, კუდრინი და ისტორიული მატერიალიზმის სხვა კრიტიკოსები ამტკიცებდენ ამ სისტემის დოქტრინერულსა და დოგმატიურ ცალმხრივობას, მის მეცნიერულ უმართებულებას.

ყველა ამ გამოსვლის პასუხი—*audiatur et altera pars*—იყო პლენანოვის 1895 წელს გამოქვეყნებული წიგნი, რომელიც დღემდე წარმოადგენს დიალექტიკური მატერიალიზმის ისტორიის და თეორიის კლასიკურ სახელმძღვანელოს. ბელტოვის წიგნი—„მონისტური თვალსაზრისი ისტორიაზე“, გადაიქცა რუსეთის საზოგადოებრივი აზროვნებისთვის მიმართულების მიმცემად და განსაკუთრებული გავლენა მოახდინა თანამედროვეთა აზროვნებაზე. ლიადოვის მოწმობით, ახალგაზრდობა მასიურად ტოვებდა ნაროდნიკულ პოზიციებს და დგებოდა მარქსიზმის დროშის ქვეშ. ბელტოვს იფიცებდენ, ბელტოვს კითხულობდენ გატაცებით გიმნაზიის ყოველ ჯგუფში\*). ბელტოვმა სრულიად დაიმორჩილა იმ თაობის გონება, რომელსაც შეღვუნოვმა უწოდა „მომავლის ახალგაზრდობა“. ბელტოვის წაგნი გადაიქცა „რუსეთის სოციალ-დემოკრატიის სახარებად“, როგორც მას უწოდა ისტორიული მატერიალიზმის ერთ-ერთმა წუთიერმა მომხრემ, რომელმაც შემდეგ მას უღალატა და დაეშვა „მარქსიზმიდან იდეალიზმის გზით“ მისტიციზმისა და რეაქციის უფსკრულში.

საკითხავია, შეეფერებოდა თუ არა პლენანოვის წიგნის მნიშვნელობა იმ შეფასებას, რომელიც მას მისცეს.

პლენანოვის წიგნი ერთ-ერთ ყველაზე უფრო მნიშვნელოვან მომენტად ჩვენ ვთვლით სწორი შეხედულების შემუშავებას XVIII

\*) იხ. М. Лядов. История РСДРП. 1-ლი ნაწილი.

საუკუნის ფრანგულ მატერიალიზმზე, რომლის შესახებ დღემდე ერთობ ბუნდოვან აზრს ვხვდებით. მეოთხმოცდაათე წლებში-კი დიალექტიკური მატერიალიზმის და ფრანგული მატერიალიზმის ერთიმეორეში არევა, პირველისადმი მეორის სუსტი მხარეების მიკუთვნება, ნათელი წარმოდგენის უქონლობა იმ საზღვარზე, რომელიც ჰყოფს მარქსისა და ენგელსის ფილოსოფიურ შეხედულებებს ჰოლბახისა და ჰელვეციუსის მოძღვრებისგან, ჩვეულებრივი მოვლენა იყო. პლენანოვმა შევეთრად და აშკარად გააელო ეს საზღვარი, გამოარკვია ნამდვილი ურთიერთობა, რომელიც არსებობს დიალექტიკურ მატერიალიზმსა და XVIII საუკუნის ფრანგულ მატერიალიზმს შორის. ნათელჰყო ამ უკანასკნელის წინააღმდეგობანი და სუსტი მხარეები. მან ცხადჰყო, რომ მარქსისა და ენგელსის მატერიალიზმი თავიდან ბოლომდე დიალექტიკურია მაშინ, როცა ჰელვეციუსისა და ჰოლბახის შეხედულებანი სავსებით მეტაფიზიკურ ხასიათს ატარებენ და ამრიგად ენათესავენ იან მეტაფიზიკურ იდეალიზმს, რომელთანაც ერთად ისინი სუბსტანციის უცვლელობას აღიარებენ. პლენანოვმა გამოარკვია ის მომენტები, რომლითაც დიალექტიკური მატერიალიზმი უკავშირდება ფრანგულ მატერიალიზმს და მის გაგრძელებას წარმოდგენს, და ამასთანავე ცხადჰყო ის საბედისწერო წინააღმდეგობანი, რომელთა მოჯადოვებულ წრეში ტრიალებდა ჰოლბახის, ჰელვეციუსის და მათ თანამოაზრეთა ფილოსოფიური აზროვნება. მან გამოააშკარაა არათანამიმდევრობა და ლოდიკური უმართებულება მათი სისტემისა, რომელიც აღიარებდა საგანთა თვისებების შეცნობის შესაძლებლობას და აცხადებდა მატერიის არსის შეუცნობლობას. ა. დებორინი სავსებით მართალია, როცა ამბობს, რომ „ფრანგული მატერიალიზმი ნამდვილი თავისი სახით პლენანოვმა წარმოგვიდგინა“-ო \*).

განვიხილოთ პლენანოვის გამოსვლის სხვა დამსახურება.

მესამოცდაათე წლებში ნ. კ მიხაილოვსკი ისტორიულ მატერიალიზმში ხედავდა „შესანიშნავად დამუშავებულ მასალას ზოგადი საკითხის გადასაჭრელად იმის შესახებ, თუ რა დამოკიდებულებაა ფორმასა და მისი არსებობის მატერიალურ პირობებს შორის \*\*). შემდეგში მიხაილოვსკიმ შესცვალა თავისი დამოკიდებულება მარქსის ფილოსოფიური მოძღვრებისადმი, გამოვიდა ისტორიული მატერია-

\*) А. Деборин: „Введение в философию диалектического материализма“.

\*\*) Отечественные записки.

ლიზმის ერთ-ერთ ყველაზე უფრო შეურიგებელ მოწინააღმდეგედ და ცდილობდა მკითხველი საზოგადოების თვალში გაექარწყლებია მისი მეცნიერული ღირებულება. მიხაილოვსკი ამტკიცებდა, რომ ეკონომიური მატერიალიზმი ყოველისშემკველი ფილოსოფიური სისტემა კი არაა, არამედ მხოლოდ მისი ნამსხვრევი, რომ ეკონომიური მატერიალიზმის თვით საფუძვლები... ერთმანეთთან შეუკავშირებელია და ფაქტებით შეუმოწმებელი“ \*).

პლენანოვმა თავისი გამოსვლით ყველას დასანახად ნათელჰყო იმ მტკიცების უსაფუძვლობა, რომლის მიხედვით მარქსის სისტემის ნაწილები შეუკავშირებელია და თვით სისტემა ფაქტებით შეუმოწმებელი. „ისტორიული მატერიალიზმის დებულებანი შეუკავშირებელია ერთმანეთთან?“—კითხულობდა პლენანოვი—საკმარისია წავიკითხოთ „Zur Kritik der politischen Oekonomie“-ის წინასიტყვაობა იმის დასანახად, თუ რა მწყობრად და მკიდროდაა ისინი შეკავშირებული ერთმანეთთან“. მართლაც, საკმარისი იყო მკითხველს მიემართნა იმ შესანიშნავი წინასიტყვაობისთვის, რომელსაც პლენანოვი ასახელებს, რომ მყისვე შეენიშნა მასში სწორედ ის განმაზოგადოებელი და ერთმანეთთან მკიდროდ შეკავშირებული იდეები, რომელსაც ამაოდ ეძებდა მიხაილოვსკი მარქსის მოძღვრებაში.

პლენანოვმა ამხილა ის მიუტევებელი შეცდომა, რასაც სუბიექტივისტები ჩადიან, როცა ცდილობენ ერთი-მეორეს მოაცილონ მარქსის ეკონომიური მოძღვრება და მისი ისტორიული თეორია, როცა სცნობენ პირველს და უარჰყოფენ მეორეს. „ამით ნათქვამია ის, რომ თქვენ არ გესმით მისი არც ისტორიული თეორია, და არც ეკონომიური შეხედულებანი“.

პლენანოვის აზრით, მარქსის ეკონომიური შეხედულებანი განუყრელია ისტორიული მატერიალიზმისგან. მან არა ერთხელ დაამტკიცა ის დებულება, რომელიც მარქსმა შემდეგი სიტყვებით გამოთქვა: „ეკონომიური კატეგორიები წარმოადგენს მხოლოდ წარმოების საზოგადოებრივ ურთიერთობათა თეორიულ განყენებულ გამოხატულებას“ („ფილოსოფიის სილატაკე“). პლენანოვი აბათილებდა ბრალდებასაც ისტორიული მატერიალიზმის პრინციპების შეუმოწმებლობის შესახებ. „ისინი შემოწმებულია საზოგადოებრივ მოვლენათა ანალიზით წიგნში—„მე-18 ბრიუმერი“ და „კაპიტალშიც“... უკლებლივ ყველა თავში—პირველიდან უკანასკნელამდე“.

\*; Русское Богатство, 1894.

პლენანოვის გამოსვლის მეცნიერული ღირებულება და საზოგადოებრივი მნიშვნელობა იმაში უნდა გამოხატულიყო, რომ განედგენა ისტორიული მატერიალიზმის მოწინააღმდეგენი იმ იდეალისტური და სუბიექტური პოზიციებიდან, რომელზეც იყვენ ისინი გამაგრებულნი.

თავის წიგნში პლენანოვმა მოკეცა ტიტულიარული „სოვეტნიცის“ ტიპი, რომელსაც ფიქრობს, რომ დარვინის თეორიის მთელი აზრი იმ აღმაშფოთებელ დებულებაში მდგომარეობს, თითქოს იგი—საპატიო „ჩინოვნიცა“ წარმოადგენდეს მხოლოდ თავსაფრით მორთულ მაიმუნს. პლენანოვმა მიზნად დაისახა დამტკიცებია, რომ მარქსის სწორედ ისევე არ სწამებს ცილს „ინტელიგენტებს“, როგორც დარვინი—ტიტულიარულ „სოვეტნიცებს“.

უნდა აღვიაროთ, რომ მიუხედავად თავისი კარიკატურული ხასიათისა, მოყვანილი სურათი დაახლოვებით სწორად გამოხატავდა ბურჟუაზიული და ნაროდნიკული პუბლიცისტიკის ერთი ნაწილის დამოკიდებულებას ისტორიულ მატერიალიზმთან. უკანასკნელი ერთხელ კიდევ ზედმეტად ამტკიცებდა მერინგის სიტყვებს იმის შესახებ, რომ თანამედროვე საზოგადოება ისეთსავე დამოკიდებულებაშია ისტორიულ მატერიალიზმთან, როგორშიც იგი იყო წინა დარვინიზმთან, რომელსაც განიხილავდა როგორც „მაიმუნურ თეორიას“.

პლენანოვი აღნიშნავდა, რომ მატერიალისტები თავის იდეალს ეკონომიურ სინამდვილეს უხამებენ, და ამხელდა სუბიექტივისტების მიდრეკილებას მეტაფიზიკისადმი, რომელთაც არ ესმოდათ ყოველი სინამდვილის ორმხრივი ხასიათი. მატერიალისტები ემყარებიან არა დრომოკმულ სინამდვილეს, არამედ იმას, რომელიც მას შესცვლის — „მომავლის სინამდვილეს, რომლისადმი სამსახური ნიშნავს სიყვარულის დიადი საქმის გამარჯვებისთვის ხელის შეწყობას“. არ შეიძლება ლაპარაკი იმაზე, რომ მატერიალისტები არ აძლევენ არავითარ მნიშვნელობას იდეალებს. თუ კი ვილაპარაკებთ „იდეალების“ მიხედვითო—აცხადებდა პლენანოვი—მარქსის თეორია არის ყველაზე უფრო იდეალისტური, რომელიც-კი ახსოვს კაცობრიობის აზროვნების ისტორიას.

ისტორიული მატერიალიზმის მოწინააღმდეგენი ამ მოძღვრების აქილესის ტერფად თვლიდენ (და თითქმის ეხლაც თვლიან) მის „ცალმხრივობას“—იმას, რომ იგი არის ყოველსშემცველი და ამიტომ „კოკლი“ თეორია, რომელიც საზოგადოებრივი განვითარების ზოგი ელემენტის მნიშვნელობას აზვიადებს, ზოგს-კი ჩქმალავს. ისტო-

რიული მატერიალიზმის მოწინააღმდეგეებს, რომელთაც შეჰქონდათ შესწორება თითქოს მის ცალმხრივობაში, ეკავათ „ნეიტრალური მდგომარეობა“ მატერიალიზმსა და იდეალიზმს შორის და ამტკიცებდნენ, რომ „...ისტორიის როგორც ფსიქოლოგიური, ისე ეკონომიური მიმართულება ერთნაირად სწორია, რამდენად ისინი... ერთიმეორეს ავსებენ“-ო \*).

პლენანოვმა იკისრა ამოცანა დაემტკიცებია, რომ იდეალისტური და მატერიალისტური თვალსაზრისის სინთეზის ყოველი ცდა მიგვიყვანს არა „სრული ჭეშმარიტების“ აღმოჩენამდე, რასაც ეძებდა სუბიექტური სოციოლოგიური სკოლა, არამედ „ეკლექტიზმის საგლახაკო საკემანდამდე“. მან თავის ნაშრომში გამოარკვია, რომ დუალისტურ სისტემებს, რომელთაც სული და მატერია მიაჩნათ ურთიერთ შემესებ სუბსტანციებად, არ ძალუძთ მოგვეცეს ისტორიული პროცესის რამოდენადმე მაინც დამაკმაყოფილებელი ახსნა. ამიტომ იგი გვიჩვენდა მოვლენები ავგვხსნა ერთი ძირითადი პრინციპის—მონიზმის მეოხებით.

სუბიექტურ-სოციოლოგიური სკოლისათვის საზოგადოებრივი პროცესის ახსნა სულიერი საწყისით—იყო თეზისი, მისი განხილვა ეკონომიური თვალსაზრისით—ანტითეზისი და ამიტომ იგი მოუწოდებდა მესამე მომენტისაკენ, რომელშიაც „თეზისის და ანტითეზისის ცალმხრივობა მოიხსნება“. სულსა და სხეულს შორის „ნეიტრალიტეტის დაცვით“—სუბიექტივისტები სინთეზს ეძებდნენ იდეალიზმისა და მატერიალიზმის შერიგებაში.

პლენანოვმა გამოამყდა, რომ სუბიექტივისტების „სინთეზს“ მივეყვართ წმინდა-წყლის დუალიზმამდე. „მასო—ამბობს პლენანოვი კარეევის შესახებ—აქ ეკონომია აქვს; იქ—ფსიქოლოგია; ერთ ჯიბეში—სული, მეორეში—სხეული. ამ სუბსტანციებს შორის არის ურთიერთ ზემოქმედება, მაგრამ თითოეული მათგანი ეწევა დამოუკიდებელ არსებობას, რომლის წარმოშობა ბურუსითაა მოცული“. სოციოლოგიური სკოლის დუალიზმს პლენანოვმა დაუპირისპირა მარქსიზმის მონიზმი. იგი აღნიშნავდა, რომ მარქსისათვის ფსიქოლოგია და ეკონომია წარმოადგენს ერთი მოვლენის—არსებობისათვის ბრძოლის—ორ მხარეს, რომლის პროცესში ხდება ესა თუ ის საზოგადოებრივი დაჯგუფება, რომელიც განისაზღვრება საწარმოო ძალთა მდგომარეობით. პლენანოვი ამომწურველად ხსნის, თუ როგორ უნდა გავიგოთ ისტორიული მატერიალიზმის *primum agens*-ი—ეკონომიკა. აი რას ამბობს იგი ამის შესახებ.

\*) ნ. კარეევი. ეკონომიური მატერიალიზმის კრიტიკა.



— არსებობისათვის ბრძოლა ჰქმნის მათ (ადამიანთა... ს. ვ.) ეკონომიას, მის საფუძველზევე აღმოცენდება მათი ფსიქოლოგიაც... ეკონომია თვით არის წარმოებული რამ ისე, როგორც ფსიქოლოგია. და სწორედ ამიტომ იცვლება პროგრესის გზაზე მღვარი ყოველი საზოგადოების ეკონომია: საწარმოო ძალთა ახალი მდგომარეობა იწვევს ახალ ეკონომიურ სტრუქტურას სწორედ ისე, როგორც ფსიქოლოგიას, ეპოქის ახალ „სულს“. იგი თვით არის შედეგი და საწარმოო ძალთა ფუნქცია.

საზოგადოებრივი პროცესის განვითარება პლენანოვს წარმოდგენილი აქვს ამრიგად: ისტორიული განვითარების მრუდე ხაზზე არსებობს დიდ გადატრიალებათა წერტილები; ეს წერტილებია A, B, C, D და სხვ. როდესაც ეკონომიური განვითარება აღწევს A წერტილს, მაშინ იმარჯვებს ერთი კლასი; როდესაც იგი აღწევს B წერტილს, მაშინ მანამდე გაბატონებული კლასი იძულებულია თავისი ადგილი დაუთმოს ახალ კლასს და სხვ. და ეს გრძელდება მანამ, სანამ საზოგადოებრივი განვითარება არ მიაღწევს საბოლოო წერტილს C-ს, რომელზედაც გაჰქრება თვით საზოგადოების დაყოფა კლასებად.. კაცობრიობის მოძრაობა A წერტილიდან B წერტილამდე, B წერტილიდან C წერტილამდე და ასე შემდეგ თვით D წერტილამდე—არასოდეს არ ხდება მარტოოდენ ეკონომიკის გზით. იმისათვის, რომ A წერტილიდან მივიდეთ B წერტილამდე და სხვ... საჭიროა ყოველთვის აღმადლდეთ „ზედნაშენამდე“ და იქ მოვახდინოთ ზოგი ცვლილებანი. მხოლოდ ასეთ ცვლილებათა შემდეგ შესაძლოა მივალწიოთ სასურველ წერტილს. გზა ერთი წერტილიდან მეორე წერტილისაკენ გაივლის „ზედნაშენს“ \*).

პლენანოვი მრავალჯერ ხაზს უსვამს, რომ ეკონომიური ურთიერთობანი არ წარმოადგენენ გაყინულ მეტაფიზიკურ ცნებას. „ისინი მუდმივ იცვლებიან იმ ისტორიული წრის ზეგავლენით, რომლითაც გარემოცულია ესა თუ ის საზოგადოება“. შემდეგში, საზოგადოებრივი პროცესის კანონზომიერების გარკვევის დროს („მარქსიზმის ძირითად საკითხებში“) პლენანოვმა განავითარა ფორმულა, რომელიც ხსნის საწარმოო ძალთა და საზოგადოებრივ ეკონომიას შორის ურთიერთ ზემოქმედებას, და აგრეთვე იმ ურთიერთ ზემოქმედებასაც, რომელიც არსებობს ეკონომიურ „საფუძველსა“ და იდეოლოგიურ „ზედნაშენს“ შორის. პლენანოვი

\*) იხ. ლია წერილი ვ. ა. გოლცევისადმი: «За двадцать лет». მესამე გამოცემა. პეტერბურგი, 1908 წ. გვ. 440.

აბათილებს ისტორიული მატერიალიზმის წინააღმდეგ წამოყენებულ იმ ბრალდებას, რომ იგი (ე. ი. ისტ. მ.) აფეტიშებს ეკონომიურ ფაქტორს და საზოგადოებრივი განვითარების ყველა დანარჩენ ფაქტორებს უყურადღებოდ სტოვებს, და ფართედ შლის „საფუძვლის“ „ზედნაშენთან“ დამოკიდებულების შემდეგ ხუთ-წევროვან ფორმულას.

1. საწარმოო ძალთა მდგომარეობა.

2. მათ მიერ განსაზღვრული ეკონომიური ურთიერთობანი.

3. ამა თუ იმ ეკონომიურ საფუძველზე აღმოცენებული სოციალურ-პოლიტიკური წყობილება.

4. საზოგადოებრივი ადამიანის ფსიქიკა, რომელიც ნაწილობრივად უშუალოდ განისაზღვრება ეკონომიკით, ხოლო ნაწილობრივად მასზე აღმოცენებული მთელი სოციალურ-პოლიტიკური წყობილებით.

5. სხვადასხვა იდეოლოგია, რომელიც გამოხატავს ამ ფსიქიკის თვისებებს \*).

პლენანოვი სავსებით მართალია, როდესაც ამბობს, რომ აღნიშნული ფორმულა საკმაოდ ფართეა იმისათვის, რომ მასში ადგილი ჰქოვოს საზოგადოებრივი განვითარების ყველა ფორმამ, და რომ ამავე დროს იგი მთლიანად გამსჭვალულია მატერიალისტური მონიშნით.

„სულისა“ და „სხეულის“ ურთიერთ შემოქმედების ბუნდოვანს, თითქმის მეტაფიზიკურ ცნებას პლენანოვმა დაუპირისპირა ნათელი და გარკვეული ფორმულა, რაც ზუსტად შეესაბამება მარქსის შეხედულებას, რომელიც ყოველთვის სცნობდა „სულის“, როგორც საბოლოოდ—ეუბნობიკაზე დამოკიდებული ძალის, მოქმედებას საზოგადოებრივ პროცესში. ამ ფორმულის დასაბუთება და პოპულიარიზაცია წარმოადგენდა დიდი მნიშვნელობის საქმეს; უნდა გვახსოვდეს, რომ იმ დროს დიალექტიკური მატერიალიზმის „სივიწროვე“ და „ცალმხრივობა“ წარმოადგენდა მისი კრიტიკოსების დასამიზნებელ საგანს. პლენანოვმა თავისი გამოსვლით ყოველი ფასი დაუკარგა ყველა იმ „შემარტებელ“ ეკლექტიკურ თეორიებს, რომლებიც აღიარებდნენ საზოგადოებრივი განვითარების მრავალრიცხოვანი, ურთიერთ შემომქმედი, ელემენტების დამოუკიდებლობას.

თუ ცალმხრივობა იყო ერთ-ერთი „გავრცელებული საბუთი“, მიმართული დიალექტიკური მატერიალიზმის წინააღმდეგ—მეორესი „ფატალიზმი“ წარმოადგენდა. პლენანოვმა ბრწყინვალედ გამო-

\*) „Основные вопросы марксизма“ С. П. Б. 1917 წ. გვ. 96.

არაკვია, თუ როგორ აწერდენ დიალექტიკური მატერიალიზმის მოწინააღმდეგენი მას (ე. ი. დიალ. მატ.) მეტაფიზიკური მატერიალიზმის თვისებებს, რომელსაც, მართლაც, ფატალიზმი ახასიათებს.

დიალექტიკური მატერიალიზმი — ეს ფატალიზმის და პასივობის ფილოსოფია კი არ არის, არამედ მოქმედების და აქტივობის ფილოსოფიაა. პლენანოვმა გამოარკვია დიალექტიკური მატერიალიზმის წინააღმდეგ წაყენებული იმ ბრალდების მთელი უსაფუძვლობა, თითქოს იგი აღიარებდეს აუცილებლობისადმი ბრმა დამორჩილებას. დიალექტიკური მატერიალიზმი ჩაგრულ კლასებს ხელში აძლევს ბერკეტს ეკონომიურ სინამდვილესთან ბრძოლისათვის. წარმოუღკენელია საზოგადოებრივი ურთიერთობის რაიმე ცვლილება მასების მონაწილეობის გარეშე. ისტორიულ პროცესში მასების მონაწილეობის აუცილებლობა განსაზღვრავს მათზე უფრო განვითარებული და უფრო ზნეობრივი ადამიანების გაელენას. „ამრიგად ცალკე პიროვნებათ ეძლევათ ფართე ასპარეზი ნაყოფიერი მოღვაწეობისათვის, და თუ ამ პიროვნებათა შორის აღმოჩნდებიან ისეთები, რომლებიც ეკონომიური მატერიალიზმის ზეგავლენით გადაიქცევიან ობლომოვებად, ამაში ბრალი უხდა დავდვით არა ეკონომიურ მატერიალიზმს, არამედ სწორედ ამ პიროვნებებს“.

მიხაილოვსკის აზრი, რომ მატერიალიზმი პიროვნებას ეპყრობა „გამანადგურებელი სიძულვილით და ცივი სისასტიკით“, პლენანოვმა გააბათილა. დიალექტიკური მატერიალიზმი ოდნავადაც არ მოითხოვს რკინის ეკონომიური კანონებისადმი ბრმა დამორჩილებას. იგი ცდილობს შეიცნოს ეს კანონები და მისი შეცნობის შემდეგ აუცილებლობა გახადოს მის მორჩილ მონად.

„მე კია ვარ — ამბობს იდეალისტი. მე კია ვარ, სანამ უვიცი ვარ — უპასუხებს დიალექტიკოს-მატერიალისტი — მაგრამ მე ღმერთი ვარ, როცა ვიცი. *Tantum possumus, quantum scimus*“.

ადამიანის გონება არ ჰქმნის ისტორიას; იგი თვით არის მისი პროდუქტი. მაგრამ რაკ მოგვევლინა, როგორც ისტორიული პროცესის შედეგი, — იგი ცდილობს გარდაქმნას ცხოვრება, ე. ი. წარმართოს ისტორიის მიმდინარეობა იმ კალაპოტით, რომელსაც უფრო სასურველად თვლის.

ისტორიული მატერიალიზმის თვალსაზრისით, საზოგადოებრივი ადამიანის გონების განვითარება შესაძლოა აფხსნათ — ადამიანთა კანონზომიერი მოღვაწეობის საშუალებით საზოგადოებრივ-საწარმოო პროცესში, ე. ი. მოქმედების საშუალებით. ამ მოქმედებით-კი ამოიწურება დიალექტიკური მატერიალიზმის მთელი პრაქტიკული ფი-

ლოსოფია. „დიალექტიკური მატერიალიზმი მოქმედების ფილოსოფიაა“ — გვამცნო პლენანოვმა თავისი წიგნით. პლენანოვი, რომელიც მოუწოდებდა დიალექტიკური მატერიალიზმის მომხრეებს მოქმედებისაკენ და აცხადებდა, რომ „არ უნდა დავტოვოთ ლამპარი ინტელიგენციის ვიწრო კაბინეტში“-ო — ამბობდა:

— სანამ არსებობენ „გმირები“, რომლებსაც წარმოდგენილი აქვთ, რომ საკმარისია მათი განათლება იმისათვის, რომ ბრბო წაიყვანონ ყოველგან, სადაც მათ მოესურვებათ, იმისათვის, რომ მისგან ისე, როგორც თიხიდან, გამოძერწონ ყველაფერი, რაც მათ მოეპრიანებათ, მანამ გონების სამეფო რჩება ლაპაზ ფრაზად, კეთილშობილ ოცნებად. იგი ჩვენ გიგანტური ნაბიჯებით მოგვიახლოვდება მხოლოდ მაშინ, როდესაც თვით „ბრბო“ გახდება ისტორიული მოქმედების გმირი და როდესაც მასში, ამ უფერულ ბრბოში განვითარდება ამის შესაბამისი თვითშეგნება.

„საქიროა ბრბოში გავალვივით გმირული თვითშეგნება“ — გვამცნო ბელტოვის წიგნმა გონებრივი დაკნინებისა და უიმედობის ეპოქაში. მან ახალი, რევოლუციონური შუქი მოჰფინა დიალექტიკური მატერიალიზმის ყველა ძირითად მომენტებს, მან გვიჩვენა, რომ ეს უკანასკნელი, ფრანც მერინგის სიტყვებით რომ ვთქვათ, მკედარი-მექანიზმის პასიური სათამაშო კი არ არის, არამედ ცოცხალი მოქმედი ძალა, რომელიც მოწოდებულია სამყაროს გარდასაქმნელად.

ცრუმორწმუნეობა ისტორიული მატერიალიზმის „მექანიზრობასა“ და „კვიეტიზმზე“ პლენანოვის მიერ გაბათილებული იქნა ისეთივე თანამიმდევრობით და ურყევობით, როგორც წინეთ შეხედულებანი მისი „სივიწროვის“ და „ცალმხრივობის“ შესახებ.

პლენანოვის ეს მეტად დიდი დამსახურება უფრო რელიეფური გახდება, თუ შევადარებთ მის გამოსვლას მეორეს, თითქმის ერთდროულ გამოსვლას — პ. ბ. სტრუვეს — ისტორიული მატერიალიზმის დასაცავად (\*). პლენანოვის წიგნში მთელი თავისი სიგრძე-სიგანით მოცემულია დიალექტიკური მატერიალიზმის აქტივობისა და მოქმედების ის მომენტები, რომლებიც სტრუვეს „კრიტიკულ შენიშვნებში“ მიჩქმალული იყო: თუ სტრუვეს „შენიშვნებში“ შესაძლებელი იყო შეგვემჩინა მისი ავტორის მომავალი რევიზიონიზმის ჩანასახი, — პლენანოვის წიგნში: „მონისტური თვალსაზრისი ისტორიაზე“, მოსჩანდა მარქს-ენგელსის სულიერი მემკვიდრეობის სიდიადე.

\*) Петр Струве: „Критические заметки“, 1894 წელი.

სავსებით გასაგებია, რომ პლენაროვის გამოსვლამ, რომელიც მიმართავდა მისთვის დამახასიათებელ პოლემიკურ ხერხს — „თავდაცვიდან თავდასხმაზე“ — მთელი კამპანია გამოიწვია დიალექტიკური მატერიალიზმის მოწინააღმდეგეთა მხრით, რომელნიც ცდილობდნენ გაექარწყლებიათ მისი გამოსვლის მეცნიერული და საზოგადოებრივი მნიშვნელობა.

საჭიროა აღინიშნოს, რომ პლენაროვის ოპონენტების ყველა გამოსვლაში, რომელსაც ადგილი ჰქონდა 1895 წელს და რომელიც ზედიზედ მრავალ წელს გაგრძელდა, არ იყო არც ერთი ისეთი საბუთი, რომელიც არ მოეყვანათ მათ წინეთ ანდა არ ესესხათ მარქსიზმის დასავლეთ ევროპის კრიტიკოსებისგან. პლენაროვის მოწინააღმდეგენი, რომელნიც ებრძოდნენ მის „დოგმატიურ გატაცებას“ დიალექტიკური მატერიალიზმით, ადიოდნენ „ობიექტური ქეშმარიტების მალლობებზე“ და ცდილობდნენ იქიდან ემხილათ პლენაროვი ამა თუ იმ შეცდომაში, ციტატების არასწორად მოყვანაში, ლოლიკურ შეცდომებში და მარქსთან წინააღმდეგობაში. მაგრამ არც ერთ გამოსვლას — ასეთი-კი უამრავი იყო — არ შეეძლო გაებათილებია დიალექტიკური მატერიალიზმის ის გენეზისი, რომელიც მოგვცა პლენაროვმა, არ შეეძლო შეერყია მისი არგუმენტაცია.

პლენაროვის ერთ-ერთმა მთავარმა ოპონენტმა ნ. ნ. კარეევიმ, მეორე ოპონენტის — ნ. კ. მიხაილოვსკის გამოსვლის შესახებ აღიარა, რომ იგი „იძლევა მრავალ მასალას ბ. ბელტოვის წიგნის, მისი მეცნიერული და პოლემიკური ხერხების კრიტიკისათვის, მაგრამ ნაკლებად ეხება თვით ეკონომიური მატერიალიზმის საფუძვლებს“. ეს სიტყვები შეგვიძლია გამოვიყენოთ ყველა იმ გამოსვლის წინააღმდეგ, რომელიც პლენაროვის წიგნის საპასუხოდ იყო მიმართული, და მათ შორის პროფესორი კარეევის წინააღმდეგაც. ისინი ყველანი „ნაკლებად“ ეხებოდნენ მარქსის მატერიალიზმის იმ საფუძვლებს, რომელსაც იცავდა პლენაროვი, და კიდევ უფრო ნაკლებად შეარყიეს ეს საფუძვლები. კარეევი სავსებით მართალი იყო, როცა იმავე სტატი-აში აცხადებდა, რომ იგი არ ფიქრობს, „რომ ეკონომიური მატერიალიზმის მთელ ამ კრიტიკას უახლოეს დროში შეეძლოს ბოლო მოუღოს ამ იდეოლოგიური კონცეპციით დოგმატიურ გატაცებას“...

პლენაროვის გამოსვლის მნიშვნელობისათვის ჯამის გაკეთებისას შესაძლებელია აღინიშნოს შემდეგი მომენტები, რითაც გამოიხატა ღირებულება წიგნის: „მონისტური თვალსაზრისი ისტორიაზე“.

1. დიალექტიკური მატერიალიზმის იდეის გენეზისი.

2. დიალექტიკური მატერიალიზმის გამიჯვნა დიალექტიკური იდეალიზმისა და მეტაფიზიკური მატერიალიზმისაგან; ამ უკანასკნელის სუსტი მხარეების გამოაშკარავება.

3. იმ დებულების დასაბუთება, რომ დიალექტიკური მატერიალიზმი მემარცხენე ჰეგელიანელობის ნამსხვრევი კი არაა, არამედ მთლიანი მეცნიერული თეორია.

4. დიალექტიკური მატერიალიზმის „ცალმხრივობის“ გაბათილება.

5. დიალექტიკური მატერიალიზმის განხილვა, როგორც მოქმედების ფილოსოფიისა.

6. რუსული სინამდვილის მიმართ დიალექტიკური მატერიალიზმის პრინციპების პრაქტიკული გამოყენების ფორმულა.

7. დიალექტიკური მატერიალიზმის, როგორც საზოგადოებრივ მოვლენათა კვლევის უნივერსალური მეთოდის, დემონსტრაცია.

**ს. ვოლფსონი.**

---

## მეორე გამოცემის წინასიტყვაობა

აქ მხოლოდ ტექნიკური შეცდომები გავასწორე, რომელიც პირველ გამოცემაში შეიპარა. მე არ შემიძლო უმნიშვნელო ცვლილება შევიტანა ჩემს საბუთებში იმ უბრალო მიზეზის გამო, რომ წინამდებარე წიგნი პოლემიკური ნაწარმოებია. პოლემიკური ნაწარმოების წინააღმდეგობაში რაიმე ცვლილების შეტანა ნიშნავს მოწინააღმდეგის მიმართ ახალი იარაღით გამოსვლას მაშინ, როცა მას ძველით უხდება ბრძოლა. ეს წესი დაუშვებელია საზოგადოდ, და ამ შემთხვევაში-კი მით უფრო მიუღებელი, რომ წთავარი ჩემი მოწინააღმდეგე— ნ. კ. მიხაილოვსკი უკვე აღარ არის ცოცხალი.

ჩვენი თვალსაზრისის კრიტიკოსები ამტკიცებდნენ, რომ ის, ჯერ ერთი, თავის თავად უმართებულოა, მეორე, განსაკუთრებით შემცდარი რუსეთის მიმართ, რომელსაც თითქოს ეკონომიური განვითარების თავისი საკუთარი გზა ჰქონდეს; მესამე, უვარგისია იმ გაგებით, რომ თავის მომხრეებს უქარგავს მოქმედების ყოველგვარ უნარს, ჰქმნის მათში „კვიეტიზმს“. ეს უკანასკნელი საყვედური საექვოა დღეს ვინმემ გაიმეოროს, მეორე საყვედურიც გაბათილებულია ყველას დასანახად რუსეთის ეკონომიური ცხოვრების განვითარებით უკანასკნელი ათი წლის განმავლობაში. რაც შეეხება პირველ საყვედურს, საკმარისია გავეცნოთ უკანასკნელი დროის ეთნოლოგიურ ლიტერატურას მაინც, რომ დავრწმუნდეთ ისტორიის ჩვენი გაგების სისწორეში. ყოველი სერიოზული თხზულება „პირველყოფილი კულტურის“ შესახებ იძულებულია მიმართოს მას ყოველთვის, როცა ლაპარაკი ჩამოვარდება „ველურ“ ხალხთა საზოგადოებრივისა და სულიერი ცხოვრების მოვლენათა მიზეზობრივ კავშირზე. მაგალითისათვის დავასახელებ ფონ-დენ-შტეინის კლასიკურ თხზულებას: „Unter den Natur-völkern zentral-Braziliens“, მაგრამ თავის-თავად ცხადია, რომ ამაზე აქ არ შემიძლია ვრცლად შევჩერდე.

ზოგ ჩემ კრიტიკოსს პასუხს ვაძლევ დამატებით წერილში: „რამდენიმე სიტყვა ჩვენს მოწინააღმდეგეებს“, რომელიც მე პსევ-

დონიმიტ გამოვაქვეყნე და ამიტომ იქ ჩემ წიგნზე ვლაპარაკობ, როგორც სხვა პირის ნაწარმოებზე, რომლის თვალსაზრისი იმავე დროს ჩემიც არის. მაგრამ ამ წერილში არაფერია ბ. კუდრინის შესახებ, რომელმაც ჩემ წინააღმდეგ „Русское Богатство“-ში გამოილაშქრა დასახელებული წერილის უკვე გამოქვეყნების შემდეგ. ბ. კუდრინის შესახებ ვიტყვი აქ ორიოდ სიტყვას.

ისტორიული მატერიალიზმის წინააღმდეგ წამოყენებული მისი საბუთებიდან ყველაზე უფრო სერიოზულად შესაძლოა მის მიერ აღნიშნული ის ფაქტი მოგვეჩვენოს, რომ ხშირად ერთსა და იმავე რელიგიას, მაგალითად, ბუდიზმს აღიარებენ ეკონომიური განვითარების სულ სხვადასხვა საფეხურზე მდგომნი ხალხნი. მაგრამ ეს საბუთი მხოლოდ ერთი შეხედვით გვეჩვენება საფუძვლიანად. დაკვირვებამ ცხადჰყო, რომ ასეთ შემთხვევებში „ერთი და იგივე რელიგია“ არხებითად იცვლის თავის შინაარსს იმ ხალხთა ეკონომიური განვითარების დონის შესაბამად, რომელნიც მას აღიარებენ.

მსურს ბ. კუდრინს ვუპასუხო კიდევ აი რის შესახებ. მან მიპოვა შეცთომა პლუტარქის ბერძნული ტექსტის თარგმანში<sup>1)</sup> და რამდენსამე მეტად გესლიან შენიშვნას აკეთებს ამის გამო. მაგრამ ნამდვილად-კი მე ამ შეცთომაში „ბრალი არა მაქვს“. ამ წიგნის გამოცემის დროს გზაში ვიყავი, ხელნაწერი გადავგზავნე პეტერბურგში. ხელნაწერში არ იყო მოყვანილი ციტატა პლუტარქიდან, აღნიშნული იყო მხოლოდ ის პარაგრაფები, რომლიდანაც ციტატა უნდა მოეყვანათ. ერთმა იმ პირთაგანმა, რომელიც ამ წიგნის გამოცემის საქმესთან ახლო იდგა და რომელმაც მგონი სწორედ ის კლასიკური ზიმნაჰია გაათავა, რომელშიც მეცნიერი ბ. კუდრინი სწავლობდა, — სთარგმნა ჩემ მიერ ნაჩვენები პარაგრაფები და ... ბ. კუდრინის მიერ შენიშნული შეცთომა დაუშვა. ეს, რასაკვირველია, სამწუხაროა. მაგრამ ისიც უნდა ვთქვათ, რომ ეს ერთად ერთი შეცთომა იყო, რომელიც ჩვენმა მოწინააღმდეგეებმა აღმოგვიჩინეს. საჭირო იყო მათაც მიეღოთ რაიმე ზნეობრივი კმაყოფილება. ასე რომ, „როგორც აღამიანს,“ მახარებს კიდევ ეს შეცთომა.

---

1) იხ. სხოლ. 127 გვ.



## თავი პირველი

### XVIII საუკუნის ფრანგული მატერიალიზმი

„თუ დღეს, — ამბობს ბ. მიხაილოვსკი,<sup>(1)</sup> — თქვენ შეხვდებით ახალგაზრდას, რომელიც ერთგვარი მოუთმენლობითაც-კი განაცხადებს, „მატერიალისტი“ ვარო, ეს იმას არ ნიშნავს, თითქოს ის მატერიალისტი იყოს ზოგად-ფილოსოფიური გაგებით, როგორც იყვენ ჩვენში ბიუხნერისა და მოლეშოტის<sup>(2)</sup> მიმდევრები. ხშირად თქვენ თანაშობაუბრეს ოდნავადაც არ აინტერესებს მატერიალიზმის არც მეტაფიზიკური, არც მეცნიერული მხარე და მათზე ძლიერ ბუნდოვანი წარმოდგენაც აქვს. მას სურს თქვას, რომ იგი ეკონომიური მატერიალიზმის თეორიის მიმდევარია და ისიც თავისებური, პირობითი აზრით“<sup>1)</sup>).

ჩვენ არ ვიცით, რა ჯურის ახალგაზრდას შეხვდა ბ. მიხაილოვსკი, მაგრამ შეიძლება მისმა სიტყვებმა გვაფიქრებინოს, რომ „ეკონომიური მატერიალიზმის“ წარმომადგენელთა მოძღვრებას არავითარი კავშირი არა აქვს მატერიალიზმთან „ზოგად-ფილოსოფიური გაგებით.“ მართალია ეს? „ეკონომიური მატერიალიზმი“ ნამდვილად ასე ვიწროა და შინაარსით ღარიბი, როგორც ბ. მიხაილოვსკის ჰკონია? პასუხს მოგვცემს ამ მოძღვრების მოკლე ისტორია.

რა არის „მატერიალიზმი ზოგად-ფილოსოფიური გაგებით“?

**მატერიალიზმი არის იდეალიზმის პირდაპირი წინააღმდეგობა.** იდეალიზმი ცდილობს ახსნას ბუნების ყველა მოვლენა, მატერიის ყველა თვისება სულის თვისებებით. მატერიალიზმი მიმართავს სრულიად საწინააღმდეგო ხერხს. იგი ფსიქიური მოვლენების ახსნას ცდილობს მატერიის ამა თუ იმ თვისებით, ადამიანის და, საზოგადოდ, ცხოველის სხეულის ამა თუ იმ ორგანიზაციით. ის ფილოსოფოსნი, რომელთა აზრით პირველადი ფაქტორი მატერიაა, ეკუთვნიან მატერიალისტთა ბანაკს. ისინი-კი, რომელნიც ასეთ ფაქტორად სულს თვლიან, — იდეალისტები არიან. აი ყველაფერი ის, რაც შეიძლება ითქვას მატერიალიზმზე საზოგადოდ, „მატერიალიზმზე ზოგად-ფილოსოფიური გაგებით“, რადგანაც მის ძირითად დებულებაზე ჟამთა ვითა-

<sup>1)</sup> „Русское Богатство“. იანვარი, 1894 წელი, განყ. II გვ. 98.

რება აგებდა სხვადასხვა ზედნაშენს, რაიც სხვადასხვა ეპოქის მატერიალიზმს ერთი-მეორისგან სრულიად განსხვავებულ სახეს აძლევდა. (2)

მატერიალიზმი და იდეალიზმი ამოსწურავს ფილოსოფიური აზროვნების მთავარ მიმართულებებს. მართალია, მათი გვერდით თითქმის ყოველთვის არსებობდა ესა თუ ის დუალისტური სისტემა, რომელიც სულსა და მატერიას ცალკე, დამოუკიდებელ სუბსტანციებად აღიარებდა. დუალიზმს არასოდეს არ შეეძლო დამაკმაყოფილებელი პასუხი გაეცა იმ აუცილებელ კითხვაზე, თუ როგორ შეუძლია ამ ორს, ერთმანეთთან არაფრის საერთოს მქონე, ცალკე სუბსტანციას ერთი-მეორეზე გაველენა მოახდინოს. ამის გამო უფრო თანამიმდევარი და უფრო ღრმა მოაზროვნენი ყოველთვის მონიზმამდე მიდიოდენ, ე. ი. მოვლენის ახსნამდე ერთი რომელიმე ძირითადი პრინციპით. (μοιρα—ბერძნულად ნიშნავს ერთს). ყოველი თანამიმდევარი იდეალისტი ისეთივე მონისტია, როგორიც ყოველი თანამიმდევარი მატერიალისტი. ამ მხრით არ არის არავითარი განსხვავება, მაგალითად, ბერკლეისა (3) და ჰოლბახს (4) შორის. ერთი იყო ბოლომდე იდეალისტი, მეორე-კი არა ნაკლებ თანამიმდევარი მატერიალისტი, მაგრამ ერთიც და მეორეც მონისტი იყო; ერთსაც და მეორესაც კარგად ესმოდა დუალისტურის, ჩვენ დრომდე თითქმის ყველაზე უფრო გავრცელებული მსოფლმხედველობის უმართებულება.

ჩვენი საუკუნის პირველ ნახევარში ფილოსოფიაში გაბატონებული იყო იდეალისტური მონიზმი; მეორეში-კი, როცა ფილოსოფია სრულიად შეუერთდა მეცნიერებას, მეცნიერებაში გაიმარჯვა მატერიალისტურმა მონიზმმა, მართალია, არა ყოველთვის ბოლომდე თანმიმყოლმა და ნათელმა.

არ არის საჭირო აქ მატერიალიზმის მთელი ისტორია დავალაგოთ. ჩვენი მიზნისათვის სრულიად საკმარისია განვიხილოთ მისი განვითარება წარსული საუკუნის მეორე ნახევრიდან; და ამასთანავე აქ ჩვენ სახეში უნდა ვიქონიოთ განსაკუთრებით ერთი,—მართალია, ყველაზე მთავარი,—მისი მიმართულება, ე. ი. ჰოლბახის, ჰელვეციუსისა და მათ თანამოაზრეთა მატერიალიზმი. (5)

ამ მიმართულების მატერიალისტებს ცხარე პოლემიკა ჰქონდათ იმ დროის ოფიციალურ მოაზროვნებთან. უკანასკნელნი იმოწმებდნენ დეკარტეს—რომლის მოძღვრება საექვოა მათ სწორად გაგებული ჰქონოდათ—და ამტკიცებდნენ, რომ ადამიანს აქვს განსაზღვრული თანდაყოლილი, ე. ი. ცდის დამოუკიდებელი მიღებული, იდეები. (7) ფრანგი მორალისტები უარპყოფდნენ ამ თვალსაზრისს და, არსებითად, გადმოსცემდნენ მხოლოდ ლოკის მოძღვრებას, რომელიც ჯერ კიდევ XVII

საუკუნის დასასრულს ამტკიცებდა, რომ თანდაყოლილი იდეები არ არსებობს (No innate principles).<sup>(6)</sup> მაგრამ მისი მოძღვრების გადმოცემის დროს ფრანგმა მატერიალისტებმა მისცეს მას უფრო თანმიმდევრობითი სახე და ხაზი გაუსვეს იმას, რასაც ლოკი გვერდს უვლიდა, როგორც კეთილადზრდილი ინგლისელი ლიბერალი. ფრანგი მატერიალისტები იყვენ უშიშარი, ბოლომდე თანმიმდევარი სენსუალიზტები, ე. ი. ისინი ადამიანის ყველა ფსიქიურ ფუნქციას განიხილავდენ, როგორც შეგრძნებათა სახეცვლილებას.<sup>(7)</sup> აქ უნაყოფო იქნება იმის შემოწმება, თუ რამდენად დამაკმაყოფილებელია მათი საბუთები თანამედროვე მეცნიერების თვალსაზრისით. თავისთავად ცხადია, რომ ფრანგმა მატერიალისტებმა ბევრი რამ არ იცოდენ ისეთი, რაც ეხლა ყოველი მოწაფისათვის არის ცნობილი: საკმარისია გავიხსენოთ ფიზიკური და ქიმიური შეხედულებანი ჰოლბახისა, რომელიც, თუმცა, კარგად იცნობდა თავისი დროის ბუნებისმეტყველებას. მაგრამ ფრანგ მატერიალისტებს მიუძღვისთ ის უდავო და განსაკუთრებული დამსახურება, რომ ისინი აზროვნებდენ თანმიმდევრობით მაშინდელი მეცნიერების თვალსაზრისით. ეს კი ყველაფერია, რაც მოაზროვნეს შეიძლება და უნდა მოეთხოვოს. არ არის საკვირველი, რომ ჩვენი დროის მეცნიერებამ წარსული საუკუნის ფრანგ მატერიალისტებს გაუსწრო; მაგრამ აღსანიშნავია, რომ ამ ფილოსოფოსების მოწინააღმდეგენი ჩამორჩენილი ხალხი იყო მაშინდელი მეცნიერების მიმართაც-კი. მართალია, ფილოსოფიის ისტორიკოსები ჩვეულებრივად ერთი-მეორეს უპირისპირებენ ფრანგი მატერიალისტებისა და კანტის თვალსაზრისს, რომელსაც, თავისთავად ცხადია, შეუძლებელია ცოდნის ნაკლებობა ვუსაყვედუროთ. მაგრამ ეს დაპირისპირება სრულიად უმართებულოა და არ არის ძნელი იმის დამტკიცება, რომ კანტიც და ფრანგი მატერიალისტებიც არსებითად ერთსა და იმავე თვალსაზრისზე იდგენ, მაგრამ სარგებლობდენ იმით სხვადასხვაგვარად და ამიტომაც სხვადასხვა დასკვნებს ლებულობდენ, იმისდამიხედვით, თუ რა საზოგადოებრივ ურთიერთობათა გავლენის ქვეშ იმყოფებოდენ და აზროვნებდენ ისინი. ჩვენ ვიცით, რომ ეს აზრი პარადოქსად მოეჩვენება იმ ხალხს, რომელსაც ბრმად სჯერა ფილოსოფიის ისტორიკოსების სიტყვა. ჩვენ არა გვაქვს საშუალება ეს აზრი აქ საფუძვლიანად დავასაბუთოთ, მაგრამ უარს არ ვამბობთ ამაზე, თუ ამას მოისურვებენ ჩვენი მოწინააღმდეგენი.

როგორც უნდა იყოს, მანც ყველასთვის ცნობილია ის ფაქტი, რომ ფრანგი მატერიალისტები განიხილავდენ ადამიანის ყველა ფსიქიურ პროცესს, როგორც სახეშეცვლილ შეგრძნებებს (sensations

transformées). ფსიქიური პროცესების ამ თვალსაზრისით განხილვა ნიშნავს ადამიანის ყველა წარმოდგენის, ცნების და გრძნობის აღიარებას ადამიანზე წრის ზემოქმედების შედეგად. ფრანგ მატერიალისტებს სწორად ასე ესმოდათ ეს საკითხი. ისინი განუწყვეტლივ, მხურვალედ და სრულიად კატეგორიულად აცხადებდნენ, რომ ადამიანი ყველა თავისი შეხედულებით და გრძნობით არის ის, რასაც მისგან ჰქმნის გარემო. ე. ი. ერთის მხრით, ბუნება და, მეორეს მხრით, საზოგადოებაო. „L'homme est tout éducation“ („ადამიანი სავსებით დამოკიდებულია აღზრდაზე“) — ამბობს ჰელვეციუსი. მას სიტყვა აღზრდა ესმის, როგორც საზოგადოებრივი გავლენის მთელი ჯამი. ეს შეხედულება ადამიანზე, როგორც გარემოს ნაყოფზე, ფრანგი მატერიალისტების ნოვატორულ მოთხოვნილებათა მთავარი თეორიული საფუძველი იყო. მართლაც, თუ ადამიანი თავისი ხასიათის ყველა თვისებით გარემოზეა დამოკიდებული, მაშინ, სხვათაშორის, მისი ნაკლის მიზეზიც გარემო იქნება; მაშასადამე, თუ თქვენ გსურთ მის ნაკლს ებრძოლოთ, — საჭიროა სათანადოდ შესცვალოთ მისი გარემომცველი, სახელდობრ, საზოგადოებრივი წრე, რადგანაც ბუნებით ადამიანი არც ბოროტია და არც კეთილი. ჩააყენეთ ადამიანი გონიერულ საზოგადოებრივ ურთიერთობაში, ე. ი. ისეთ პირობებში, სადაც ადგილი არ ექნება თავის დაცვის ინსტიქტით გამოწვეულ ბრძოლას ერთი-მეორის წინააღმდეგ; შეუთანხმეთ ცალკე ადამიანის ინტერესი მთელი საზოგადოების ინტერესს — სათნოება (vertu) თავისთავად გაჩნდება ისე, როგორც თავისთავად ეშვება ძირს ქვა, დასაყრდენს მოცილებული. სათნოება კი არ უნდა ვიქადაგოთ, არამედ გზა უნდა გავუკაფოთ მას საზოგადოებრივ ურთიერთობათა რაციონალური მოწყობით. წარსული საუკუნის კონსერვატორებისა და რეაქციონერებისადმი ზერელე მიბაძვით ფრანგი მატერიალისტების მორალს დღემდე ეგოისტურ მორალად თვლიან. გაცილებით მართალი იყვენ თვით ისინი, როცა ამბობდნენ: მორალი ჩვენ ხელში სავსებით პოლიტიკაში გადადისო. (14).

სწავლას იმის შესახებ, რომ ადამიანის სულიერი ქვეყანა გარემომცველი წრის ნაყოფს წარმოადგენს, ფრანგი მატერიალისტები ხშირად მათთვის მოულოდნელ დასკვნამდე მიჰყავდა. მაგალითად, ისინი ზოგჯერ ამბობდნენ, რომ ადამიანის შეხედულებებს არავითარი გავლენა არა აქვს მის ყოფა-ქცევაზე, და რომ ამის გამო საზოგადოებაში ამა თუ იმ იდეის გავრცელება ოდნავადაც ვერ სცვლის მისი განვითარების ბედსო. ქვემოთ ჩვენ ცხადვყოფთ, თუ რაში იყო ამ აზრის შეცთობა, ეხლა-კი უურადლებას ფრანგი მატერიალისტების შეხედულებათა მეორე მხარეს მივაქცევთ.

თუ ყოველი ადამიანის იდეებს გარემომცველი წრე განსაზღვრავს, მაშინ კაცობრიობის იდეებიც თავისი ისტორიული განვითარების დროს საზოგადოებრივი წრის, საზოგადოებრივ ურთიერთობათა ისტორიით განისაზღვრება. მაშასადამე, ჩვენ რომ მიზნად დავგვესახა „ადამიანის გონების პროგრესის“ სურათის მოცემა და ამასთანავე არ დავეკმაყოფილებულიყავით კითხვით — „როგორ?“ (სახელდობრ, როგორ წარმოებდა გონების ისტორიული განვითარება?), არამედ დავგვესა სრულიად ბუნებრივი კითხვა — „რატომ?“ (რატომ ხწორედ ასე ვითარდებოდა, და არა სხვაგვარაღ?), ამისათვის ჯერ წრის, საზოგადოებრივ ურთიერთობათა ისტორია უნდა შეგვესწავლა. ამგვარად, კვლევის სიმძიმის ცენტრს, პირველ ხანებში მაინც, საზოგადოებრივი განვითარების კანონების შესწავლის მხარეზე გადავიტანდით. ფრანგი მატერიალისტები შიუახლოვდნენ ამ საკითხს, მაგრამ ვერ შესძლეს მისი არა თუ გადაჭრა, არამედ სწორად დასმაც-კი.

როცა ისინი კაცობრიობის ისტორიულ განვითარებაზე იწყებდნენ მსჯელობას, მათ ავიწყდებოდათ თავიანთი სენსუალისტური შეხედულება „ადამიანზე“ საზოგადოდ და ყველა მაშინდელი „განმანათლებლის“ მსგავსად ამბობდნენ, რომ ქვეყანას (ე. ი. ადამიანთა საზოგადოებრივ ურთიერთობას) შეხედულებანი მართავენო (*c'est l'opinion, qui gouverne le monde!*). ეს ის მთავარი წინააღმდეგობაა, რომელიც XVIII საუკუნის მატერიალიზმს ახასიათებდა და რომელიც მის მომხრეთა მსჯელობაში იშლებოდა მისგან გამომდინარე, მრავალ მეორეხარისხოვან წინააღმდეგობად, მსგავსად იმისა, როგორც საბანკო ბილეთი წვრილ მონეტებად ხურდავდება.

**დებულება.** ადამიანი ყველა თავისი შეხედულებით არის გარემომცველი წრის, განსაკუთრებით კი საზოგადოებრივი წრის ნაყოფი. ეს აუცილებელი დასკვნაა ლოკის შემდეგი ძირითადი დებულებისა: *no innate principles*, თანდაყოლილი იდეები არ არსებობს.

**საწინააღმდეგო დებულება.** წრე ყველა თავისი თვისებით არის შეხედულებათა ნაყოფი. ეს აუცილებელი დასკვნაა ფრანგი მატერიალისტების ისტორიული ფილოსოფიის შე-

<sup>1)</sup> „შეხედულებას მე ვუწოდებ ერთი გავრცელებულ კეშმარიტ და მდარა აზრთა შედეგს; შედეგს, რომელიც განსაზღვრავს მის მსჯელობას, მის პატივისცემისა და ზიზღის გრძნობას, მის სიყვარულსა და სიძულეილს, მის მიდრეკილებასა და ჩვეულებას, მის ღირსებასა და ნაკლს, ერთი სიტყვით მის ზნე-ჩვეულებას. აი—ეს შეხედულება მართავს ქვეყანას“. Suard, «Mélange de Littérature». Paris, An. XII t., III p. 400.

მდეგი მთავარი დებულებისა: *s'est l'opinion, qui gouverne le monde.*

ამ ძირითადი წინააღმდეგობიდან გამომდინარეობდნენ, მაგალითად, შემდეგი მეორეხარისხოვანი წინააღმდეგობანი:

**დებულება.** ადამიანის აზრით კარგია ის საზოგადოებრივი ურთიერთობა, რომელიც მისთვის სასარგებლოა, და ცუდია ის ურთიერთობა, რომელიც მას ზიანს აყენებს. ადამიანის შეხედულებებს განსაზღვრავს მისი ინტერესები. „L'opinion chez un peuple est toujours déterminée par un intérêt dominant“ — ამბობს სიუარი (ხალხის შეხედულება ყოველთვის მის წრეში გაბატონებული ინტერესით განისაზღვრება<sup>1)</sup>). ეს ლოკის მოძღვრების დასკვნაც არ არის, არამედ მისი შემდეგი სიტყვების უბრალო განხეობა: „No Innate practical principles... Virtue generally apro'vd; not because innate, but because profitable... Good and Evil... are nothing but Pleasure or pain, or that which occasions or procures Pleasure or Pain, to us“ (არ არსებობს თანდაყოლილი ზნეობრივი იდეები... ადამიანი მხარს უჭერს სათნოებას არა იმიტომ, თითქოს ის თანდაპყოლოდეს მას, არამედ იმიტომ, რომ სათნოება მისთვის სასარგებლოა. სიკეთე და ბოროტება... სხვა არაფერია, გარდა კმაყოფილებისა და ტანჯვისა, ანდა იმისა, რაც ჩვენში კმაყოფილებას ან ტანჯვას იწვევს!“<sup>2)</sup>.

**საწინააღმდეგო დებულება.** ამა თუ იმ ურთიერთობას თვლის ხალხი სასარგებლოდ ან მავნედ, იმისდა მიხედვით, თუ როგორია მის შეხედულებათა სისტემა. იმავე სიუარის სიტყვებით, ყოველ ხალხს „ne veut, n'aime, n'approuve, que ce qui croit être utile“ („ყოველ ხალხს უყვარს, მხარს უჭერს და ამართლებს მხოლოდ იმას, რასაც ის სასარგებლოდ თვლის“). მაშასადამე, საბოლოოდ მაინც ყველაფრის საფუძველი ისევ შეხედულებანი არიან, რომელნიც ქვეყანას მართავენ.

**დებულება.** ძლიერ სცდება ის, ვინც ფიქრობს, თითქოს რელიგიურ მორალს, მაგალითად, მოყვასისადმი სიყვარულის მცნებას, ოდნავადაც მაინც ხელი შეეწყოს ადამიანის ზნეობრივად ამაღლებისათვის. ასეთი მცნებანი, როგორც იდეები საზოგადოდ მეტად უძლეურნი არიან ადამიანთა მიმართ. მთავარია საზოგადოებრივი წრე, საზოგადოებრივი ურთიერთობა<sup>3)</sup>.

1) Suard, t III, p. 401.

2) Essay concerning human understanding B, I. ch 3; B. II ch. 20, 21, 28.

3) ეს დებულება მრავალჯერ მეორდება ჰოლბახის «Systeme de la Nature»-ში. ჰელვეციუსიც ამასვე გამოთქვამს, როცა ამბობს: ვთქვათ მე გაეჯერცულე სრულიად სულელური აზრი, რომლიდანაც გამომდინარეობს საზიზღარი დასკვნები; თუ მე

საწინააღმდეგო დებულება. ისტორია გვასწავლის „que les opinions sacrées furent la source véritable des maux du genre humain, და ეს სრულიად გასაგებია, რადგანაც, თუ საზოგადოდ შეხედულებანი მართავენ ქვეყანას,--მაშინ მცდარი შეხედულებანიც მართავენ მას, როგორც სისხლისმსმელი ტირანები.

შეიძლებოდა კიდევ დაგვესახელებია ფრანგ მატერიალისტთა სხვა მრავალი წინააღმდეგობა, რომელიც მემკვიდრეობით მიიღო ზოგმა ჩვენმა თანამედროვე „მატერიალისტმა ზოგად-ფილოსოფიური გაგებით.“ მაგრამ ეს ზედმეტია. უმჯობესია ჩაუკვირდეთ ამ წინააღმდეგობათა საერთო ხასიათს.

წინააღმდეგობაც არის და წინააღმდეგობაც. როცა ბ. ვ. ვ.<sup>(11)</sup> თავის „კაპიტალიზმის მომავალში“ ანდა „რუსეთის ეკონომიური განვითარების გამოკვლევის შედეგი“-ს პირველ ტომში ყოველ ფეხის გადადგმაზე ეწინააღმდეგება თავის თავს, ამ შემთხვევაში მის ლოლიკურ შეცთომებს შესაძლებელია მნიშვნელობა ჰქონდეს მხოლოდ როგორც „ადამიანურ ღოკუმენტს“. რუსული ლიტერატურის მომავალმა ისტორიკოსმა ამ წინააღმდეგობათა აღნიშვნის შემდეგ უნდა შეუდგეს საზოგადოებრივი ფსიქოლოგიის თვალსაზრისით მეტად საინტერესო საკითხის გამოკვლევას: რატომ, მიუხედავად მთელი თავისი სიცხადისა და უეჭვობისა, ეს წინააღმდეგობანი შეუმჩნეველი რჩებოდნენ ბ-ნი ვ. ვ-ის მრავალი მკითხველისათვის. პირდაპირი გაგებით, ამ მწერლის წინააღმდეგობანი უნაყოფო არიან, როგორც ცნობილი ლელვის ხე. არის სხვა სახის წინააღმდეგობა, ისეთივე ცხადი და უეჭვო როგორც ბ. ვ. ვ-ისა, მაგრამ ის ამ უკანასკნელისგან იმით განსხვავდება, რომ იგი კი არ აღუწევს ადამიანის აზრს და კი არ აფერხებს მის განვითარებას, არამედ წინ მიაქანებს მას ისე მძლავრად, რომ თავისი შედეგით უფრო ნაყოფიერია, ვიდრე უაღრესად მწყობრი თეორია. ასეთ წინააღმდეგობათა შესახებ შეიძლება ჰეგელის სიტყვები ვთქვათ; „Der Widerspruch ist das Fortleitende“ (წინააღმდეგობას წინ მიყვება). სწორედ ასეთ წინააღმდეგო-

---

ოდნავადაც ვერ შეესცალე კანონები, სრულიადაც ვერ შეესცლი ზნესაც“. («De l'homme, section III ch. IV»). ამ აზრს არა ერთხელ გამოთქვამს თავის «Correspondance Littéraire»-ში გრიმი, რომელიც დიდხანს ცხოვრობდა ფრანგ მატერიალისტთა წრეში, და ვოლტერიც, რომელიც მათ ებრძოდა. „ფერნეელი პატრიარქი“ თავის „Philosophie ignorant“-ში, როგორც სხვა მრავალ თავის თხზულებებში ამტკიცებდა, რომ ჯერ არც ერთ ფილოსოფოსს არასოდეს არ მოუხდენია თავის მოყვასთა ყოფაქცევაზე ოდნავი გავლენაც-კი, რადგანაც ისინი თავის მოქმედების დროს ხელმძღვანელობენ ადათით, და არა მეტაფიზიკით.

ბათა რიცხვს ეკუთვნის XVIII საუკუნის ფრანგი მატერიალისტების წინააღმდეგობანი.

შევეჩრდეთ მათ ძირითად წინააღმდეგობაზე. ადამიანის შეხედულებას განსაზღვრავს წრე; წრე განისაზღვრება ადამიანის შეხედულებით. ამაზე იგივე უნდა ვთქვათ, რასაც კანტი თავის „ანტინომიებზე“ ამბობდა: თეზისი ისევე მართალია, როგორც ანტი-თეზისი. და მართლაც, ყოველ ექვს გარეშეა, რომ ადამიანთა შეხედულებანი განისაზღვრებიან მათი გარემომცველი საზოგადოებრივი წრით, ასევე უექვსა ისიც, რომ ვერც ერთი ხალხი ვერ შეურიგდება ისეთ საზოგადოებრივ წესწყობილებას, რომელიც ეწინააღმდეგება ყველა მის შეხედულებას: ის აჯანყდება ასეთი წესწყობილების წინააღმდეგ და გარდაქმნის მას თავისი ინტერესებისდა მიხედვით. მაშასადამე, მართალი ყოფილა ისიც, რომ შეხედულებანი მართავენ ქვეყანას. მაგრამ, როგორ არის შესაძლებელი, რომ ორი. თავის-თავად სწორი დებულება ერთი-მეორეს ეწინააღმდეგებოდეს? ამის გაგება ძალიან ადვილია. ისინი ეწინააღმდეგებიან ერთი-მეორეს მხოლოდ იმიტომ, რომ ჩვენ მათ მცდარი თვალსაზრისით ვიხილავთ: ამ თვალსაზრისით გვგონია,—და აუცილებლად ასეც უნდა გვეგონოს,—თუ მართალია დებულება, შემცდარი უნდა იყოს საწინააღმდეგო დებულება, და პირიქით. მაგრამ სწორი თვალსაზრისის გამო-ნახვის შემდეგ წინააღმდეგობა გააქრება და თითოეული მათგანი მიიღებს ახალ სახეს: ჩვენ დავინახავთ, რომ ერთი დებულება კი არ უარპყოფს, არამედ ავსებს ან, უფრო სწორედ, განსაზღვრავს მეორეს; ასე რომ, თუ ერთი მათგანი უმართებულოა, ასეთივე ბედს გაიზიარებს მეორეც, რომელიც წინედ პირველის ანტაგონისტად გვეჩვენებოდა. როგორ უნდა ვიპოვოთ ასეთი მართებული თვალსაზრისი?

ავიღოთ მაგალითი. ხშირად, განსაკუთრებით-კი XVIII საუკუნეში ამბობდნენ, რომ ყოველი ხალხის სახელმწიფო წესწყობილება დამოკიდებულია ~~ამ ხალხის~~ ~~ზნე-ჩვეულებაზე~~. ეს სავესები ~~შაბდალია~~. როცა რომაელებმა ძველი რესპუბლიკანური ზნე-ჩვეულება დაჰკარგეს, რესპუბლიკამ ადვილი დაუთმო მონარქიას. მაგრამ, მეორეს მხრით, ასევე ხშირად ამტკიცებდნენ, რომ ხალხის ზნე-ჩვეულებას სახელმწიფო წესწყობილება განსაზღვრავსო. ესეც ყოველ ექვს გარეშეა. და მართლაც, როგორ გაუჩნდებოდათ, მაგალითად, გელიოგობალის დროის რომაელებს რესპუბლიკანური ზნე-ჩვეულებანი? განა სრულიად აშკარა არ არის, რომ იმპერიის დროის რომაელების ზნე-ჩვეულებანი სულ სხვაგვარი უნდა ყოფილიყვნენ, ვიდრე ძველი რესპუბლიკანური? და თუ ეს ნათელია



ჩვენ მივიღებთ იმ ზოგად დასკვნას, რომ სახელმწიფო წესწყობილებას განსაზღვრავს ზნე-ჩვეულება, ზნე-ჩვეულებას-კი—სახელმწიფო წესწყობილება. მაგრამ ეს ხომ წინააღმდეგობის შინამქონე დასკვნაა. უნდა ვიფიქროთ, რომ ამ დასკვნამდე ერთი რომელიმე ჩვენი დებულების უსწორობის გამო მივედით. რომელის სახელდობრ? იტყებთ თავი რამდენიც გნებავთ, თქვენ ვერ აღმოაჩენთ ვერც ერთის უსწორობას; ისინი უნაკლო არიან, რადგან ხალხის ზნე-ჩვეულებანი მართლაც გავლენას ახდენენ სახელმწიფო წესწყობილებაზე და ამდენად მის მიზეზს წარმოადგენენ. მეორეს მხრით, სახელმწიფო წესწყობილება განსაზღვრავს ზნე-ჩვეულებებს და ამდენად ეს უკანასკნელი მისი შედეგის სახით წარმოგვიდგება. სად არის გამოსავალი? ჩვეულებრივად ასეთ საკითხებში ურთიერთი ზემოქმედების აღმოჩენით კმაყოფილდებიან: ზნე-ჩვეულება გავლენას ახდენს კონსტიტუციაზე, კონსტიტუცია—ზნე-ჩვეულებაზე,—ყველაფერი ნათელია, როგორც დღე, და ისინი, რომელთაც არ აკმაყოფილებს ასეთი სიცხადე, იჩენენ ყველას მიერ გასაკიცხ ცალმხრივობას. დღეს ასე მსჯელობს ჩვენში თითქმის მთელი ინტელიგენცია. ის განიხილავს საზოგადოებრივ ცხოვრებას ურთიერთი ზემოქმედების თვალსაზრისით: ცხოვრების ყოველი მხარე გავლენას ახდენს ყველა დანარჩენზე და თავისი მხრით განიცდის მათ გავლენას. ნხოლოდ ასეთი თვალსაზრისი შეფერის მოახროვნე „სოციოლოგს“; და ვინც, მსგავსად მარქსისტებისა, ლამობს საზოგადოებრივი განვითარების რალაც უფრო ღრმა მიზეზებს მისწვდეს, ის ვერ ამჩნევს, თუ რამდენად რთულია საზოგადოებრივი ცხოვრება. ფრანგი განმანათლებელი ამ თვალსაზრისს მიმართაუდენ ყოველთვის, როცა მათ დასკირდებოდათ სისტემაში მოეყვანათ თავიანთი შეხედულებანი საზოგადოებრივ ცხოვრებაზე და გადაეჭრათ ის წინააღმდეგობანი, რომელთა დაძლევა მათ არ შეეძლოთ. მათ შორის ყველაზე უფრო ლოლიკურად მოაზროვნენი (ჩვენ არ ვახსენებთ აქ რუსოს, რომელსაც ძალიან ცოტა რამ აქვს საერთო განმანათლებლებთან) ვერ მიდიოდენ ამაზე შორს. მაგალითად, მონტესკიე თავის შესანიშნავ თხზულებებში: „Grandeur et Decadence des Romains“ და *De l'Esprit des lois*<sup>1)</sup> ურ-

<sup>1)</sup> ჰოლბ-ხი თავის „Politique naturelle“-ში ზნე-ჩვეულებისა და სახელმწიფოებრივი წესწყობილების ურთიერთი ზემოქმედების თვალსაზრისზე დგას. მაგრამ, რადგან მას იქ პრაქტიკული საკითხების გადაჭრა უხდება, ამიტომ ამ თვალსაზრისის იგი მოჯადოებულ წრეში შეჰყავს: ზნე-ჩვეულების გასაუმჯობესებლად საჭიროა სახელმწიფოებრივი წესწყობილების გაუმჯობესება და პირიქით. ჰოლბახი ამ მოჯადოებულ წრიდან გამოჰყავს ყველა განმანათლებლის მიერ ფანტაზიაში წარმოადგენილ და სასურველ bon prince, რომელიც ჩნდება როგორც deus ex machina და აძლევს ყველა წინააღმდეგობას იმით, რომ აუმჯობესებს ზნე-ჩვეულებასაც და სახელმწიფო წესწყობილებასაც.

თიერთი ზემოქმედების ამ თვალსაზრისზე დგას და ეს, რასაკვირველია, მართებული თვალსაზრისია. ურთიერთი ზემოქმედება უიქველად არსებობს სოციალური ცხოვრების ყველა მხარეს შორის. სამწუხაროდ, ეს სწორი თვალსაზრისი ძლიერ ცოტას ხსნის. იმ ადვილად გასაგები მიზეზის გამო, რომ იგი არაფერს ამბობს ურთიერთ ზემოქმედელ ძალთა წარმოშობის შესახებ. თუ სახელმწიფო წყობილება თვითვე ჰგულისხმობს იმ ზნე-ჩვეულებათა არსებობას, რომელზეც გავლენას ახდენს, აშკარაა, იგი ვერ იქნებოდა ზნე-ჩვეულებათა მიზეზი. იგივე ითქმის ზნე-ჩვეულებათა შესახებაც: თუ მათი არსებობა უკვე ჰგულისხმობს იმ სახელმწიფო წესწყობილებას, რომელზეც ისინი მოქმედებენ, ცხადია, რომ სახელმწიფო მათ არ შეუქმნიათ. რომ თავი დავაღწიოთ ამ დომბალს უნდა ვიპოვოთ ის ისტორიული ფაქტორი, რომელმაც წარმოშვა როგორც ხალხის ზნე-ჩვეულება, ისე სახელმწიფო წესწყობილება, და ამ გზით მათი ურთიერთი ზემოქმედების შესაძლებლობაც შეჰქმნა. ასეთი ფაქტორის აღმოჩენა ჩვენ მიგვიყვანს იმ სწორ თვალსაზრისამდე, რომელსაც ვეძებდით; შემდეგ-კი გაადვილდება იმ წინააღმდეგობის გადაჭრაც, რომელიც ჩვენ ეგზომ გვაფრთხობდა.

ფრანგული მატერიალიზმის ძირითადი წინააღმდეგობის მიმართ ეს შემდეგს ნიშნავს: ძლიერ ცდებოდენ ფრანგი მატერიალისტები, როცა ისინი, წინააღმდეგ თავიანთი ჩვეულებრივი თვალსაზრისისა ისტორიაზე, ამტკიცებდენ, რომ იდეები არ ნიშნავს არაფერს, რადგანაც წრე ნიშნავს ყველაფერსო. არა ნაკლებ მცდარია მათი ის ჩვეულებრივი თვალსაზრისიც ისტორიაზე (*c'est l'opinion qui gouverne le monde*), რომელიც ყოველი საზოგადოებრივი წრის არსებობის ძირითად მიზეზად შეხედულებებს ასახელებს. წრესა და შეხებულებათა შორის უუქვო ზემოქმედება არსებობს, მაგრამ მეცნიერული კვლევა-ძიება ვერ დაკმაყოფილდება ამ ურთიერთი ზემოქმედების აღიარებით, რადგან ის (ე. ი. ზემოქმედება) სრულიად არ ხსნის საზოგადოებრივ მოვლენათა მიზეზს. ადამიანთა ისტორიის გასაგებად, ე. ი. ამ შემთხვევაში, ერთის მხრით, მის შეხედულებათა ისტორიის და, მეორეს მხრით, იმ საზოგადოებრივ ურთიერთობათა ისტორიის, რომელიც განვლო კაცობრიობამ თავის განვითარების დროს,—საჭიროა გავსცილდეთ ურთიერთი ზემოქმედების თვალსაზრისს და აღმოვაჩინოთ,—თუ კი ეს შესაძლებელია,— ის ფაქტორი, რომელიც განსაზღვრავს როგორც საზოგადოებრივი წრის, ისე შეხედულებათა განვითარებას. XIX საუკუნის სო-

ციალური მეცნიერების ამოცანას სწორედ ამ ფაქტორის აღმოჩენა წარმოადგენდა.

ქვეყანას მართავენ შეხედულებანი. მაგრამ შეხედულებანი ხომ არ რჩებიან უცვლელი. რა იწვევს მათ ცვლილებას? „განათლების გავრცელება“—უპასუხებდა ჯერ კიდევ XVII საუკუნეში ლამოტ-ლევიე. <sup>(12)</sup> ეს ყველაზე უფრო განყენებული და ზერელე გამოთქმაა იმ აზრის, რომ შეხედულებანი მართავენ ქვეყანას. XVIII საუკუნის განმანათლებლები მტკიცედ იცავდნენ ამ აზრს და მას ზოგჯერ უმატებდნენ მეღანქოლიურ მსჯელობას იმის შესახებ, რომ განათლების ბედი, სამწუხაროდ, არ არის მაინცა და მაინც საიმედოო. მაგრამ ზოგს, მათ შორის ყველაზე უფრო ნიჭიერს, უკვე ეტყობა ამ თვალსაზრისის უვარგისობის შეგნება. ჰელვეციუსი შენიშნავს, რომ ცოდნის განვითარება ექვემდებარება განსაზღვრულ კანონებს და რომ, მაშასადამე, არსებობს რაღაც ფარული, უცნობი მიზეზები, რომელზეც დამოკიდებულია ეს განვითარებაო. მას აქვს მეტად საინტერესო, დღემდე ღირსეულად შეუფასებელი ცდა კაცობრიობის საზოგადოებრივი და გონებრივი განვითარების ახსნისა მატერიალური მოთხოვნილებებით. ეს ცდა მარცხით დამთავრდა და მრავალი მიზეზის გამო არც შეიძლებოდა მას სხვა შედეგი მოჰყოლოდა. მაგრამ ის თითქოს ანდერძად დარჩა მომდევნო საუკუნის მოაზროვნეებს, რომელნიც მოიხსურებდნენ ფრანგი მატერიალისტების საქმე განეგრძოთ.

## თავი მეორე

### რესტავრაციის დროის ფრანგი ისტორიკოსები

„ერთ-ერთი ყველაზე უფრო საყურადღებო დასკვნა, რომელიც შეიძლება ისტორიის შესწავლის ნიადაგზე მივიღოთ, ისაა, რომ მართვა-გამგეობა არის ხალხის ხასიათის ყველაზე უფრო ნამდვილი მიზეზი; რომ ხალხის ღირსება თუ ნაკლი, მისი ენერჯია თუ უძლურება, მისი ნიჭი, განათლება ან უფიცობა თითქმის არასოდეს არ წარმოადგენს ამა თუ იმ ჰაერს ან რასის თვისებათა შედეგს. ბუნება აჯილდოვებს ყველას ყველაფრით, მართვა-გამგეობა-კი ინახავს ან ჰკლავს მისდამი დამორჩილებულ ხალხში იმ თვისებებს, რომელიც თავდაპირველად ადამიანთა გვარის საერთო კუთვნილებას შეადგენს.“ იტალიაში არ განუცდია არავითარი ცვლილება არც ჰაერსა და არც რასას (ბარბაროსთა შემოსევა ძლიერ უმნიშვნელო იყო იმისათვის, რომ მისი თვისება შეეცვალა): „ბუნება ერთი და იგივე რჩებოდა ყველა დროის იტალიელებისათვის; იცვლებოდა მხოლოდ მართვა-გამგეობა — და ეს ცვლილებანი ყოველთვის წინ უძლოდენ ან თანხდევდენ ხალხის ხასიათის ცვლილებებს.“

ასე ედავებოდა სისმონდი<sup>(1)</sup> იმ მოძღვრებას, რომელიც ხალხთა ისტორიულ ბედს მხოლოდ-და-მხოლოდ გეოგრაფიულ წრეს უკავშირებს.) მისი საბუთები არ არის უსაფუძვლო. მართლაც გეოგრაფია ყველაფერს ვერ ახსნის ისტორიაში, სწორედ იმიტომ, რომ ეს უკანასკნელი ისტორიაა, ე. ი. როგორც სისმონდი ამბობს, მართვა-გამგეობა იცვლება, მიუხედავად იმისა, რომ გეოგრაფიული წრე უცვლელი რჩება. ეს სხვათა შორის. ჩვენ აქ სულ სხვა საკითხი გვაინტერესებს.

მკითხველმა ალბად უკვე შენიშნა, რომ გეოგრაფიული წრის უცვლელობისა და ხალხთა ისტორიული ბედის ცვალებადობის ურთიერთი შედარების დროს, სისმონდიმ ეს ბედი ერთ ძირითად ფაქტორს — „მართვა-გამგეობა“-ს დაუკავშირა, ე. ი. განსაზღვრული ქვეყნის პოლიტიკურ წესწყობილებას. ხალხის თვისებები სავსებით მარ-

1) «Histoire des Républiques italiennes du moyen âge». Nouvelle édition, t. I, Paris. Introduction, pp. V—VI.

თვა-გამგეობის ხასიათით განისაზღვრება. თუმცა, კატეგორიული ფორმით გამოთქმულ ამ დებულებას სისმონდი მყისვე მნიშვნელოვნად ამსუბუქებს: პოლიტიკური ცვლილებანი, ამბობს იგი, წინ უძღოდენ ხალხის ხასიათის ცვლილებას ან თანხედვედენ მაჲ სო. ეს კი იმას ნიშნავს, რომ მართვა-გამგეობის ხასიათს ზოგჯერ ხალხის თვისებები განსაზღვრავს. მაგრამ ამ შემთხვევაში სისმონდის ისტორიული ფილოსოფია ეჯახება ჩვენთვის უკვე ცნობილ ანტინომიას, რომელიც ფრანგ განმანათლებლებს მოსვენებას არ აძლევდა: ხალხის ზნე-ჩვეულება დამოკიდებულია პოლიტიკურ წესწყობილებაზე; პოლიტიკური წესწყობილება განისაზღვრება ხალხის ზნე-ჩვეულებით. სისმონდი ისევე უძღური იყო ეს წინააღმდეგობა გადაეჭრა, როგორც განმანათლებლები: ის იძულებული იყო თავის მსჯელობათა საფუძვლად ამ ანტინომიის ხან ერთი წვერი დაედო და ხან მეორე. მაგრამ მას შემდეგ, რაც იგი მიიღებდა ერთს მათგანს, სახელდობრ: ხალხის ხასიათი დამოკიდებულია მის მართვა-გამგეობაზე, ის აძლევდა ცნება „მართვა-გამგეობა“-ს ძლიერ ფართო მნიშვნელობას. ეს ცნება ხავსებით შეიცავდა განსაზღვრული სოციალური წრის ყველა თვისებას, განსაზღვრულ საზოგადოებრივ ურთი-ერთობათა ყველა თვისებურებას. უურო სწორედ, მისი აზრით, სოციალური წრის ყველა თვისება „მართვა-გამგეობის“ საქმეა, პოლიტიკური წესწყობილების შედეგია. ეს XVIII საუკუნის თვალსაზრისია. როცა ფრანგ მატერიალისტებს სურდათ მოკლედ და მტკიცედ გამოეთქვათ თავისი შეხედულება შესახებ გარემომცველი წრის გარდაუვალი გავლენისა ადამიანზე, ისინი იტყოდენ: *c'est la législation qui fait tout* (ყველაფერი კანონმდებლობაზე დამოკიდებულია). მაგრამ, როცა ისინი კანონმდებლობაზე იწყებდენ მსჯელობას—მათ სახეში ჰქონდათ თითქმის მხოლოდ პოლიტიკური კანონმდებლობა, სახელმწიფოებრივი წესწყობილება. სახელგანთქმული ფ. ბ. ვიკოს თხზულებათა (11) შორის არის პატარა წერილი სათაურით: „ცდა იურისპრუდენციის სისტემისათვის, სადაც რომის სამოქალაქო სამართალი ახსნილია პოლიტიკური რევოლიუციებით“.1) თუმცა ეს „ცდა“

1) წერილის სათაური ჩვენ ფრანგულიდან ვთარგმნეთ და ამასთანვე უნდა შევნიშნოთ, რომ ამ წერილის მხოლოდ ზოგიერთი ფრანგული ნაწყვეტებია ჩვენთვის ცნობილი. ჩვენ ვერ ვიშოვეთ მისი იტალიური დედანი, რადგანაც ის, როგორც გვახსოვს, ვიკოს თხზულებათა მხოლოდ ერთს გამოცემაშია დაბეჭდილი (1818წ.). ის უკვე აღარ იპოვება 1835 წლის მილანის ექვს ტომიან გამოცემაში. თუმცა, ამ შემთხვევაში მთავარია არა ის, თუ როგორ შეასრულა მან თავისი ამოცანა, არამედ ის, თუ სახელდობრ, რა ამოცანა და ისახა მან გადასაკრედად.

უკვე XVIII საუკუნის დასაწყისშივე დაიწერა, მაგრამ მასში გამოთქმული შეხედულება სახელმწიფო წესწყობილებასთან სამოქალაქო სამართლის დამოკიდებულების შესახებ გაბატონებული იყო ფრანგულ რესტავრაციამდე; განმანათლებლები ყველაფერს „პოლიტიკით“ ხსნიდნენ.

მაგრამ „კანონმდებლის“ პოლიტიკური მოქმედება, ყოველ შემთხვევაში, შეგნებული მოქმედებაა, თუმცა, რასაკვირველია, არა ყოველთვის მიზანშეწონილი. ადამიანის შეგნებული მოქმედება-კი მის „შეხედულებაზე“ დამოკიდებული. ამრიგად, ფრანგი განმანათლებლები მათდა შეუმჩნეველად უბრუნდებოდნენ აზრს შეხედულებათა ყოვლისშემძლეობის შესახებ მაშინაც-კი, როცა მკვეთრად სურდათ გამოეთქვათ აზრი წრის ყოვლისშემძლეობაზე.

სისპონდი კიდევ XVIII საუკუნის თვალსაზრისზე დგას. 1) უფრო ახალგაზრდა ფრანგი ისტორიკოსები-კი სულ სხვა თვალსაზრისს იცავენ.

საფრანგეთის რევოლუციის მსვლელობა და შედეგი, რომელიც თავისი სიურპრიზებით „უგანათლებულეს“ მოაზროვნეებსაც-კი ჩინში აყენებდა, უაღრესად თვალსაჩინო გაბათილება იყო აზრისა შეხედულებათა ყოვლისშემძლეობის შესახებ. მაშინ ბევრმა სავსებით იმედი დაჰკარგა „გონების“ სიძლიერეში, სხვები-კი, რომლებიც არ მიეცნენ სასოწარკვეთილებას, მით უფრო მიემხრნენ აზრს წრის ყოვლისშემძლეობის შესახებ და იწყეს მისი განვითარების მსვლელობის შესწავლა. მაგრამ რესტავრაციის დროს წრეს სრულიად ახალი თვალსაზრისით მიუღდგენ. დიდმა ისტორიულმა მოვლენებმა ისე აბუჩად აიგდეს „კანონმდებლები“ და პოლიტიკური კონსტიტუციები, რომ ამის შემდეგ უცნაურად ეჩვენებოდათ დაეკავშირებიათ ამ უკანასკნელისთვის, როგორც ძირითადი ფაქტორისთვის, საზოგადოებრივი წრის ყველა თვისება. ამის შემდეგ პოლიტ. კონსტ. იხილავდნენ როგორც შედეგს, და არა როგორც მიზეზს.

---

ამთავითვე ავიცილებთ ერთ საყვედურს, რომელსაც უთუოდ მოგვახლიან ჩვენი გამჭირაბი კრიტიკოსები: თქვენ განურჩევლად ხმარობთ გამოთქმას: «განმანათლებელი», «მატერიალისტი», მაშინ როცა ყველა განმანათლებელი არ იყო მატერიალისტი; მრავალი მათგანა, მაგალითად, თუ გინდ ვოლტერი, თავგამოდებით ებრძოდა მატერიალისტებს». ეს ასეა. მაგრამ, მეორეს მხრით, ჯერ კიდევ ჰეგელმა ცხადჰყო, რომ მატერიალიზმის წინააღმდეგ მებრძოლი განმანათლებელი თითონ მხოლოდ არა თანმიმდევარი მატერიალისტები იყვნენ.

1) იტალიის რესპუბლიკების შესწავლა მან 1796 წელს დაიწყო.

„მწერლების, მეცნიერების, ისტორიკოსებისა და პუბლიცისტების უმეტესი ნაწილი, — ამბობს გიზო თავის „Essais sur l'histoire de France“—<sup>1)</sup> ცდილობდა აეხსნა საზოგადოების არსებული მდგომარეობა, მისი ცივილიზაციის სახე და ხარისხი ამ საზოგადოების პოლიტიკური ინსტიტუტებით. <sup>(12)</sup> უფრო გონივრული იქნებოდა საზოგადოების პოლიტიკურ დაწესებულებათა გაგების მიზნით ჯერ თვით საზოგადოება შეგვესწავლა. დაწესებულებანი თვით წარმოადგენენ შედეგს, სანამ მიზეზი გახდებოდენ. საზოგადოება მათ მანამდე ჰქმნის, სანამ მათი ზეგავლენით ამ საზოგადოების ცვლილება დაიწყებოდეს. იმის მაგიერ, რომ პოლიტიკური ფორმების მიხედვით ხალხის მდგომარეობაზე ვიმსჯელოთ, უმჯობესია უწინარეს ყოვლისა ხალხის მდგომარეობა შევისწავლოთ, რომ შეგვეძლოს მსჯელობა: როგორი უნდა ყოფილიყო და როგორი შეიძლებოდა ყოფილიყო მისი მართვა-გამგეობა... საზოგადოება, მისი შემადგენლობა, ცალკე პირთა ცხოვრება მათი სოციალური მდგომარეობის მიხედვით, სხვადასხვა კლასის წევრთა ურთიერთობა, ერთი სიტყვით ადამიანთა სამოქალაქო ყოფა-ცხოვრება (L'état des personnes)—ასეთია, უეჭველად, პირველი კითხვა, რაიც იპყრობს ისტორიკოსის ყურადღებას, რომელსაც სურს გაიგოს როგორ ცხოვრობდენ ხალხნი, და პუბლიცისტისა, რომელსაც მათი მართვა-გამგეობის ფორმები აინტერესებს.<sup>2)</sup>

ეს სრულიად ეწინააღმდეგება ვიკოს თვალსაზრისს. ის სამოქალაქო სამართლის ისტორიას პოლიტიკური რევოლუციებით ხსნის, გიზო-კი პოლიტიკურ წესწყობილებას ხსნის სამოქალაქო ყოფა-ცხოვრებით, ე. ი. სამოქალაქო სამართლით. მაგრამ ფრანგი ისტორიკოსი უფრო შორს მიდის „საზოგადოების შემადგენლობის“ ანალიზის საქმეში. მისი სიტყვით, ყველა იმ ხალხის „სამოქალაქო ყოფა-ცხოვრება“, რომელნიც ისტორიულ სარბიელზე დასაეღეთ რომის იმპერიის შემდგომ გამოვიდენ, დაკავშირებული იყო „მიწათმფლობელობის ურთიერთობასთან“ (état des terres) და ამიტომაც ამ ურთიერთობის შესწავლა წინ უნდა უსწრებდეს მათი ამ ყოფა-ცხოვრების გამოკვლევას: „პოლიტიკურ დაწესებულებათა გასაგებად საჭიროა საზოგადოების სხვადასხვა ფენისა და მათი ურთიერთობის შესწავლა. ამ სხვადასხვა საზოგადოებრივი ფენის გასაგებად საჭიროა ვიცოდეთ მიწათმფლობელობის ურთიერთობათა ბუნება“<sup>3)</sup>

<sup>1)</sup> მისი პირველი გამოცემა 1821 წელს გამოვიდა.

<sup>2)</sup> «Essais» dixième édition, Paris 1960 წ. გვ. 66.

<sup>3)</sup> ibid. გვ. გვ. 75-76.

გიზო სწორედ ამ თვალსაზრისით იხილავს საფრანგეთის ისტორიას პირველი ორი დინასტიის მანძილზე. იგი მისი აზრით მაშინდელი საზოგადოების სხვადასხვა ფენებს შორის ბრძოლის ისტორიაა. მის მიერ დაწერილ ინგლისის რევოლუციის ისტორიაში კიდევ ერთ ნაბიჯს დგამს წინ და გვიხატავს ამ მოვლენას, როგორც ბურჟუაზიის ბრძოლას არისტოკრატების წინააღმდეგ. ამრიგად ის ჩუმად აღიარებს, რომ ამა თუ იმ ქვეყნის პოლიტიკური ცხოვრების ასახსნელად საჭიროა შევისწავლოთ არა მარტო მიწათმფლობელობის ურთიერთობანი, არამედ ყველა ქონებრივი ურთიერთობა საზოგადოდ.<sup>1)</sup>

ასეთი თვალსაზრისი ევროპის პოლიტიკურ ისტორიაზე მარტო გიზოს კუთვნილებას როდი წარმოადგენდა. ამ შეხედულებას იზიარებდნენ სხვა ისტორიკოსებიც, რომელთა შორის ჩვენ აღვნიშნავთ ოგიუსტენ ტიერსა და შინიეს.<sup>(16)</sup>

ოგ. ტიერი თავის „Vues des revolutions d'Angleterre“-ში ინგლისის რევოლუციების ისტორიას გვიხატავს, როგორც ბურჟუაზიის ბრძოლას არისტოკრატისთან. „ყოველი, ვცის წინაპარიც ინგლისის დამპყრობელთა რიცხვს ეკუთვნოდა—ამბობს იგი პირველ რევოლუციაზე—ტოვებდა თავის კოშკს და მიდიოდა მეფის ბანაკში, სადაც თავისი წოდების შესაფერს ადგილს იჭერდა. ქალაქის მცხოვრებლები-კი მასიურად მიდიოდნენ საწინააღმდეგო ბანაკში.

1) რელიგიური და პოლიტიკური პარტიების ბრძოლას XVII საუკუნის ინგლისში არსებითად სოციალური სარჩული ედო: ის გამოხატავდა სხვადასხვა კლასის ბრძოლას ძალაუფლებისა და გაღვივებისათვის. მართალია, ინგლისში ეს კლასები არ იყვენ ისე აშკარად გამოიხატული და ერთიმეორესადმი ისე მტრულად განწყობილი როგორც სხვა ქვეყნებში. ხალხს კარგად ახსოვდა, რომ ძლიერი ბარონები იბრძოდნენ არა მარტო თავისი საკუთარის, არამედ აგრეთვე ხალხის თავისუფლებისათვისაც. სოფლელი აზნაურები და ქალაქის ბურჟუები სამი საუკუნის განმავლობაში ერთად იკრიბებოდნენ პარლამენტში ინგლისის თემების სახელით. მაგრამ უკანასკნელ საუკუნეში საზოგადოების სხვადასხვა კლასის შედარებით ძალის დიდი ცვლილება მოხდა, რომელსაც არ მოჰყოლია პოლიტიკური წესწყობილების შესაფერისი ცვლილება... ბურჟუაზიას, აზნაურობას, ფერმერებსა და, მაშინდელ სოფლებში ძლიერ მრავალრიცხოვანს, წვრილ მიწათმფლობელებს არ ჰქონდათ ის გავლენა საზოგადოებრივი საქმის მსვლელობაზე, რომელიც შეეფერებოდა მათ საზოგადოებრივ მდგომარეობას. ისინი მომწიფდნენ, მაგრამ ვერ ამალდნენ. ამის გამო ამ ფენაში ისე როგორც მის ქვედა მდებარე სხვა ფენებში, თავი იჩინა ძლიერმა თავმოყვარეობამ რის გააფთრებულ გამოიმეტავენისათვის საკმარისი იყო სულ უბრალო საბაბი. Discours sur l'histoire de la revolution L'Angleterre. Heriin. 1850, pp. 9—10.

იხ. ამავე ავტორის, ინგლისის პირველი რევოლუციის შესახებ ყველა ექვსი ტომი, და მაშინდელი სხვადასხვა საზოგადო მოღვაწის ცხოვრების შესახებ ნარკვევები. გიზო იქ იშვიათად თუ უღალატებს კლასთა ბრძოლის თვალსაზრისს.



მაშინ შეიძლებოდა თქმა, რომ ერთი ბანაკი ეწყობა მცონარეობისა და ხელისუფლებისათვის, მეორე-კი შრომისა და თავისუფლებისათვის. ყველა მოხეტიალე, როგორც უნდა ყოფილიყო მისი წარმოშობა, ყველა ის, ვინც უშრომლად ეძებდა სიტკბოებასა და კმაყოფილებას, დგებოდა მეფის დროშის ქვეშ და იცავდა მისი ინტერესების მსგავს ინტერესებს. პირქით, ძველ დამპყრობელთა ის შთამომავლობა, რომელიც მრეწველობას ეწეოდა, შეუერთდა თემთა პარტიას<sup>1)</sup>.

იმდროინდელი რელიგიური მოძრაობა, ოგ. ტიერის აზრით, ყოფა-ცხოვრების დადებითი ინტერესების მხოლოდ ანარეკლი იყო. „ორივე მხრით ბრძოლა დადებითი ინტერესებისათვის წარმოებდა. დანარჩენი მხოლოდ საბაბი და გარეგნობა იყო. ის პირნი, რომელნიც თავის ქვეშევრდომთ იცავდენ, მეტწილად პრესვიტერიანები იყვენ, ე. ი. ისინი უარპყოფდენ ყოველგვარ დამორჩილებას რელიგიაშიც-კი. ისინი-კი, რომელნიც მოწინააღმდეგე პარტიას ემხრობოდენ, ანგლიკანური ან კატოლიკური სარწმუნოების მიმდევრები იყვენ. ეს— იმიტომ, რომ რელიგიურ სფეროშიც-კი ისინი ძალა-უფლებისა და ხალხის დაბეგვრისაკენ მიისწრაფოდენ“. ამასთანავე ტიერს მოჰყავს ადგილი ფოქსის „History of the reign of James the Second“-იდან: „ყველა რელიგიურ შეხედულებას ვიგები პოლიტიკოსის თვალთ უცქერდენ. პაპიზმის მიმართაც მათი სიძულვილი გამოწვეული იყო არა იმდენად ამ არაპოპულარული სექტის ცრუმორწმუნეობით ან ეგრეთ-წოდებულ კერპთაყვანისმცემლობით, რამდენადაც მისი მისწრაფებით აბსოლიუტური ძალაუფლების დაწესებისაკენ სახელმწიფოში“.

მინიეს აზრით, „საზოგადოებრივ მოძრაობას გაბატონებული ინტერესები განსაზღვრავს. მრავალი დაბრკოლებით გარე?ოცული, ეს მოძრაობა მიისწრაფის თავისი მიზნისაკენ, ჩერდება როცა მიზანი მიღწეულია და ადგილს უთმობს სხვა მოძრაობას, რომელიც დასაწყისში შეუმჩნეველია და მხილდება მხოლოდ მაშინ, როცა დომინირული ხდება. ასეთი იყო ფეოდალიზმის განვითარების გზა. ფეოდალიზმი ჯერ წარმოადგენდა ხალხის მხოლოდ მოთხოვნილებას, მაგრამ ფაქტიურად არ არსებობდა—პირველი ეპოქა; მეორე ეპოქაში ის არსებობდა ფაქტიურად, მაგრამ თანდათან სცილდებოდა ხალხის ინტერესებს, რის გამოც ბოლოს ის მოისპო. არასოდეს არც ერთი რევოლუცია სხვა გზით არ მომხდარა“<sup>2)</sup>.

<sup>1)</sup> Dix ans d'Etudes historiques—ტიერის თხზულებათა სრული კრებულის მეექვსე ტომი, მეათე გამოცემა, გვ. 66.

<sup>2)</sup> De la féodalité des institutions de St.-Louis et l'influence de la législation de ce prince. Paris, 1822 გვ. 76-77.

საფრანგეთის რევოლუციის ისტორიაში მინიე მოვლენებს სწორედ საზოგადოების სხვადასხვა კლასის „მოთხოვნილებათა“ თვალსაზრისით იხილავს. მისი აზრით ამ კლასების ბრძოლა პოლიტიკური ამბების მთავარ მამოძრავებელ ძალას წარმოადგენს. თავისთავად ცხადია, ასეთი თვალსაზრისი არ მოეწონებოდა ეკლექტიკოსებს ძველ ნეტარ დროშიც-კი, როცა მათი თავი უფრო მუშაობდა, ვიდრე დღეს. ახალი ისტორიული თეორიის მომხრეებს ეკლექტიკოსები უსაყვედურდნენ ფატალიზმსა და სისტემით გატაცებას (esprit de système). როგორც ასეთ შემთხვევებში ხშირია, ეკლექტიკოსები ახალი თეორიების ნამდვილ სუსტ მხარეებს სრულებით ვერ ამჩნევდნენ, სამაგიეროდ უფრო მეტი ენერგიით ებრძოდნენ მათ უდავოდ ძლიერ მხარეებს. მაგრამ, ეს ამბავი ძველია, როგორც ქვეყანა და ამიტომ ნაკლებად საინტერესო. გაცილებით უფრო საინტერესოა ის გარემოება, რომ ამ ახალ თვალსაზრისს იცავედა მაშინდელი სოციალიზმის ბრწყინვალე წარმომადგენელი—სენ-სიმონისტი ბაზარი. (17)

ბაზარი ფიქრობს, რომ მინიეს წიგნი საფრანგეთის რევოლუციაზე უნაკლო არ არის. მისი შეხედულებით ამ თვალსაზრისის მთავარი ნაკლი, სხვათაშორის ის იყო, რომ იგი მოვლენას აგვიწერდა როგორც განცალკევებულ ფაქტს, რასაც არავითარი კავშირი არ ჰქონდა „ლონისძიებათა იმ გრძელ ჯაჭვთან, რომელმაც დაამზორა ძველი საზოგადოებრივი წესწყობილება, ხელი უნდა შეეწყო ახალი წყობილების დამკვიდრებისათვის.“ მაგრამ წიგნს უეჭვო ღირსებაც აქვს. „ავტორმა მიზნად დაისახა იმ პარტიების დახასიათება, რომელნიც ერთი-მეორის შემდეგ ხელმძღვანელობენ რევოლუციას; ცხადპყოფა ამ პარტიების კავშირისა სხვადასხვა საზოგადოებრივ კლასებთან, ნათელპყოფა იმისა, თუ რა მოვლენათა წყობა ანიჭებს მათ ერთი-მეორის შემდეგ ამ მოძრაობის ხელმძღვანელობას, და ბოლოს—მათი გაქრობის მიზეზების გამორკვევა. სწორედ ის „სული სისტემისა და ფატალიზმის“, რასაც ეკლექტიკოსები ახალი მიმართულების ისტორიკოსებს უსაყვედურებდნენ, ბაზარის აზრით, უპირატესობას ანიჭებს გიზოსა და მინიეს იმ „ისტორიკოს-ლიეორატორების წინაშე (ე. ი. იმ ისტორიკოსების, რომელნიც მხოლოდ „სტილის“ სილამაზეზე ზრუნავენ), რომელთაც, მიუხედავად მათი მრავალრიცხოვანობისა, ერთი ნაბიჯითაც ვერ წასწიეს წინ ისტორიული მეცნიერება XVIII საუკუნის შემდეგ.“<sup>1)</sup>

ოგიუსტენ ტიერის, გიზოსა ან მინიესათვის რომ ეკითხათ, სახელმწიფოებრივ წესწყობილებას ხალხის ზნე-ჩვეულება ჰქმნის თუ

<sup>1)</sup> Considerations sur l'histoire, „Producteur“-ის IV ნაწ.

პირიქით, თითოეული მათგანი უპასუხებდა: რაოდენ დიდი და უდაო არ უნდა იყოს ხალხის ზნე-ჩვეულებისა და სახელმწიფო წესწყობილების ურთიერთი გავლენა, საბოლოოდ მაინც ერთი და მეორეც ემყარება უფრო ღრმად მდებარე ფაქტორს: „აღამიანთა საშოქალაქო ყოფა-ცხოვრებას, მათ ქონებრივ ურთიერთობას“. ამ გზით წინააღმდეგობის ქსელი, რომელშიც იხლართებოდნენ XVIII საუკუნის ფილოსოფოსები გადაიჭრებოდა და ყოველი მიუღდომელი ადამიანი აღიარებდა, რომ ბაზარი მართალია, რომ მეცნიერებამ წინ წასდგა ერთი ნაბიჯი ახალ ისტორიულ შეხედულებათა წარმომადგენლების სახით.

მაგრამ ჩვენ უკვე ვიცით, რომ მოხსენებული წინააღმდეგობა XVIII საუკუნის საზოგადოებრივ შეხედულებათა ძირითადი წინააღმდეგობის კერძო შემთხვევაა: 1) ადამიანი ყველა თავისი აზრით და გრძნობით არის წრის შედეგი; 2) წრე არის ადამიანის ქმნილება, მის „შეხედულებათა“ ნაყოფი. შეიძლება თუ არა ითქვას, რომ ახალმა ისტორიულმა თვალსაზრისმა გადაჭრა ფრანგული მატერიალიზმის ეს ძირითადი წინააღმდეგობა? ვნახოთ, თუ როგორ ხსნიდნენ რესტავრაციის დროის ისტორიკოსები იმ საშოქალაქო ყოფა-ცხოვრების, იმ ქონებრივ ურთიერთობათა წარმოშობას, მხოლოდ რომელთა გულდასმითი შესწავლა, მათი აზრით, მოგვცემდა ისტორიულ მოვლენათა გაგების საშუალებას.

ადამიანთა ქონებრივი დამოკიდებულებანი ეკუთვნიან მათ იურიდიულ ურთიერთობათა სფეროს. საკუთრება, უწინარეს ყოვლისა იურიდიული ინსტიტუტია. თქმა იმისა, რომ ისტორიულ მოვლენათა გასაღები ადამიანთა ქონებრივ დამოკიდებულებებში უნდა ვეძიოთ, ნიშნავს იმის აღიარებას, რომ ამ გასაღებს სამართლის ინსტიტუტები წარმოადგენს. მაგრამ როგორ ჩნდება ეს ინსტიტუტები? გიზო სრულიად სამართლიანად შენიშნავს, რომ პოლიტიკური კონსტიტუციები იყო შედეგი მანამ, სანამ ისინი მიზეზი გახდებოდნენ; რომ საზოგადოებამ ჯერ შექმნა ისინი და შემდეგ იწყო მათი ზეგავლენით ცვლა. მაგრამ განა არ შეიძლება, რომ ქონებრივ ურთიერთობათა შესახებაც იგივე ითქვას? განა თავის მხრით ისინი შედეგი არ იყვენ, სანამ მიზეზად იქცეოდნენ? განა საზოგადოებას არ უნდა შეექმნა ისინი მანამ, სანამ მათი გავლენის ქვეშ მოექცეოდა? ყველა ამ საფუძვლიან კითხვას გიზო სრულიად არადამაკმაყოფილებელ პასუხს აძლევს.

იმ ხალხთა საშოქალაქო წყობილება, რომელნიც დასავლეთ რომის იმპერიის შემდგომ გამოვიდნენ ისტორიულ სარბიელზე უა-

ხლოეს მიზეზობრივ კავშირშია მიწისმფლობელობასთან <sup>1)</sup>: მიწასთან ადამიანის დამოკიდებულება განსაზღვრავდა მის საზოგადოებრივ მდგომარეობას. ფეოდალიზმის მთელი პერიოდის განმავლობაში საზოგადოებრივი დამოკიდებულებანი განისაზღვრებოდენ საბოლოოდ მიწათმფლობელობითი ურთიერთობით. მაგრამ, რაც შეეხება ამ ურთიერთობებს,—იგი გიზოს სიტყვით, „დასაწყისში, ბარბაროსთა შემოსევის პირველ ხანებში“, განისაზღვრებოდა მიწათმფლობელთა საზოგადოებრივი მდგომარეობით: „მიწა ლეზულობდა ამა თუ იმ ხასიათს იმისდა მიხედვით, თუ რამდენად ძლიერი იყო თვით მიწათმფლობელი.“<sup>2)</sup> მაგრამ ამ შემთხვევაში რით განისაზღვრებოდა მიწათმფლობელის საზოგადოებრივი მდგომარეობა? რა იწვევდა „დასაწყისში, ბარბაროსთა შემოსევის პირველ ხანებში მიწისმფლობელთა თავისუფლებისა და ძლიერების მეტს თუ ნაკლებ ხარისხს? ბარბაროს დამპყრობელთა წინანდელი პოლიტიკური ურთიერთობა? მაგრამ გიზომ აკი გვითხრა, რომ პოლიტიკური ურთიერთობანი შედეგია და არა მიზეზიო. ბარბაროსთა იმ ეპოქის პოლიტიკური წესწყობილების გასაგებად, რომელიც წინ უძღოდა რომის იმპერიის დაცემას, ჩვენი ავტორის რჩევის თანახმად, ჩვენ უნდა შევისწავლოთ მათი სამოქალაქო, სოციალური წყობილება, სხვადასხვა კლასის ურთიერთობა და სხვ... ხოლო ასეთი შესწავლა ისევ მიგვიყვანდა კითხვამდე, თუ რა განსაზღვრავს ადამიანთა ქონებრივ ურთიერთობას, რა ჰქმნის ამ საზოგადოებაში არსებულ საკუთრების ფორმებს. და ცხადია, რომ ჩვენ ვერაფერს მოვიგებდით, რომ სხვადასხვა საზოგადოებრივი კლასის მდგომარეობის ასახსნელად დაგვემოწმებია მათი თავისუფლებისა და ძლიერების შედარებითი ხარისხი. ეს პასუხი კი არ იქნება. ადამიანთა კითხვის განმეორება ახალი ფორმით, ზოგი წვრილმანის დამატებით.

საეკვლა, რომ საკითხი ქონებრივ ურთიერთობათა წარმოშობის შესახებ გიზოს წინაშე წამოკრილიყო გარკვევით და სწორად დას-

<sup>1)</sup> მაშასადამე, მხოლოდ უახლოეს დროის ხალხთა? ასეთი შეზღუდვა მით უფრო უცნაურია, რომ უკვე ბერძენი და რომაელი მწერლები ამჩნევდნ თავიანთი ქვეყნების სამოქალაქოსა და პოლიტიკური წყობილების მკიდრო კავშირს სამიწათმფლობელო ურთიერთობასთან. თუმცა ამ საკვირველმა შეზღუდვამ ვერ შეუშალა ხელი გიზოს რომის იმპერიის დაცემა მის სახელმწიფო მეურნეობასთან დაეკავშირებია. იხ. მისი პირველი «ცდა»: „Du régime municipale dans l'empire romain au V siècle de l'ère chrétienne.“

<sup>2)</sup> ე. ი. მიწათმფლობელობა სხვადასხვა უფლებრივ ხასიათს ატარებდა, ანდა,—მისი მფლობელობა იწვევდა მეტს თუ ნაკლებ დამოკიდებულებას მიწათმფლობელის ძალისა და თავისუფლების მიხედვით. II. c., გვ. 75.

მული მეცნიერული საკითხის სახით. ჩვენ დავინახეთ, რომ მას არ შეეძლო მისთვის ანგარიში არ გაეწია, მაგრამ ყველა იმ პასუხის ბუნდოვანება, რომელსაც ის ამ საგანზე იძლეოდა, მოწმობს იმას, რომ მისი პასუხი არ იყო ნათლად გამოთქმული. უკანასკნელი ანალიზის დროს გიზო საკუთრების ფორმების განვითარებას ძლიერ ბუნდოვანად ხსნის ადამიანის ბუნების დამოწმებით. არ არის საკვირველი, რომ ეს ისტორიკოსი, რომელსაც ეკლექტიკოსები შეხედულებათა ზომაზე მეტ სისტემატიურობას წამებდნენ, თითონვე აღმოჩნდა საკმაო ეკლექტიკოსი, მაგალითად, თავის შრომებში ცივილიზაციის ისტორიის შესახებ.

ოგ. ტიერი, რომელიც რელიგიური სექტებისა და პოლიტიკური პარტიების ბრძოლას საზოგადოების სხვადასხვა კლასის „დადებითი ინტერესების“ თვალსაზრისით იხილავდა და გატაცებით თანაუგრძნობდა მესამე წოდების ბრძოლას არისტოკრატიასთან, ამ კლასებისა და წოდებების წარმოშობას დაპყრობით ხსნიდა. *Tout cela date d'une conquête: il y a une conquête la dessous* (ყველაფერი ეს დაპყრობის შემდეგ მოხდა, ყველა ამისი საფუძველი დაპყრობააო), ამბობს იგი მხოლოდ და მხოლოდ უახლოესი დროის ხალხთა კლასობრივ და წოდებრივ ურთიერთობათა შესახებ. ამ აზრს იგი განუწყვეტლივ ანვითარებს სხვადასხვა სახით, როგორც პუბლიცისტურ ნაწერებში ისე თავის მერმინდელ სამეცნიერო თხზულებებში. მაგრამ, რომ არ ვილაპარაკოთ იმაზე, რომ „დაპყრობა“—პოლიტიკური საერთაშორისო აქტი—აბრუნებდა ტიერს XVIII საუკუნის თვალსაზრისთან, რომელიც მთელს საზოგადოებრივ ცხოვრებას კანონმდებლის, ე. ი. პოლიტიკური ხელისუფლების მოქმედებით ხსნიდა, დაპყრობის ყოველი ფაქტი აუცილებლად წამოჭრის კითხვას: რატომ იყო მისი სოციალური შედეგი სწორედ ასეთი, და არა სხვაგვარი? გერმანელ ბარბაროსთა შემოსევამდე გალიამ უკვე განიცადა რომაელთა მიერ დაპყრობა. ამ დაპყრობის სოციალური შედეგი სრულიად სხვაგვარი იყო, ვიდრე შედეგი გერმანელთა მიერ დაპყრობისა. მონღოლების მიერ ჩინეთის დაპყრობის სოციალური შედეგი ძალიან ცოტათი ჰგავს ნორმანების მიერ ინგლისის დაპყრობის სოციალურ შედეგს. რა არის ასეთ განსხვავებათა წყარო? იმის თქმა, რომ ეს განსხვავებანი გამოწვეულია სხვადასხვა დროს ერთი-მეორესთან მებრძოლ ხალხთა სოციალური წყობის სხვადასხვაობითო, ნიშნავს არაფრის თქმას, რადგანაც უცნობი რჩება, თუ რით განისაზღვრება ეს სოციალური წყობილება. ამ კითხვის გადასაჭრელად წინანდელ დაპყრობათა დამოწმება ნიშნავს მოჯადოვებულ წრეში

ტრიალს. რამდენი დაპყრობაც არ უნდა დაასახელოთ, თქვენ მაინც ბოლოს იმ აუცილებელ დასკვნამდე მიხვალთ, რომ ხალხთა სოციალურ ცხოვრებაში არის რაღაც X, უცნობი ფაქტორი, რომელიც არა თუ განისაზღვრება დაპყრობით, არამედ, პირიქით, თითონ განსაზღვრავს დაპყრობათა შედეგს და ხშირად (შესაძლოა ყოველთვისაც) თვით დაპყრობასაც იწვევს იმით, რომ საერთაშორისო შეჯახებათა მიზეზი ხდება. თავის შრომაში: „ნორმანების მიერ ინგლისის დაპყრობის ისტორია“, ტიერი ძველ ძეგლებს ემყარება და თითონ ასახლებს იმას, თუ რა ამოძრავებდა ანგლო-საქსებს თავიანთი დამოუკიდებლობისათვის ბრძოლის დროს. „ჩვენ უნდა ვიბრძოლოთ,—ამბობს ერთი ჰერცოგთაგანი,—როგორც უნდა იყოს საშიშროება, რადგან აქ საქმე ეხება არა ახალი ბატონის ცნობას, არამედ სულ სხვა რასმე. ნორმანების წინამძღოლმა უკვე დაურიგა ჩვენი მამული თავის რაინდებს და იმ ხალხს, რომლის დიდმა ნაწილმა ამის გამო თავისი თავი უკვე მის ვასალად სცნო. ისინი შეეცდებიან ისარგებლონ ამ ნაბოძებით თუ ნორმანელი ჰერცოგი ჩვენი კოროლი გახდა, იგი-კი იძულებული იქნება ჩაუგდოს ხელში მათ ჩვენი მიწა, ცოლები და ქალიშვილები: ეს მათ წინასწარ დანაპირები აქვთ. მათ სურთ არა მარტო ჩვენი აოხრება, არამედ ჩვენი შთამომავლობისაც, მათ სურთ წაგვართვან წინაპართა მამული“ და სხვ. თავისი მხრით „ვილჰელმ დამპყრობელი“ ეუბნება თავის თანამგზავრებს: „იბრძოლეთ მამაცად, დაჰოცეთ ყველა; ჩვენ თუ გავიმარჯვეთ, ყველანი გაემდიდრდებით. იმას, რასაც მე შევიძენ, შევიძენთ აგრეთვე თქვენც, რასაც დაეპყრობ მე, დაიპყრობთ თქვენც; თუ მე მექნება მამული, გექნებათ იგი თქვენც“.<sup>1)</sup> აქ ცხადად ჩანს, რომ დაპყრობა თავისთავად არ იყო მიზანი,—სარჩულად მას გარკვეული „დადებითი“, ე. ი. ეკონომიური ინტერესები ედო. იბადება კითხვა: რამ მისცა ამ ინტერესებს ის სახე რომელიც მათ მაშინ ჰქონდათ. რატომ იყო რომ ადგილობრივი მცხოვრებნიც და დამპყრობელნიც ემხრობოდნენ და იცავდნენ სწორედ ფეოდალურს და არა სხვა რომელსამე მიწათმფლობელობას? ამ შემთხვევაში „დაპყრობა“ არაფერს ხსნის.

იმავე ტიერის „Histoire du tiers etat“-სა და საფრანგეთისა და ინგლისის შინაგან ურთიერთობათა ისტორიის ნარკვევებში მოცემულია ბურჟუაზიის ისტორიული მოძრაობის საკმაოდ სრული სურათი. საკმარისია გავეცნოთ ამ სურათს მაინც იმის ნათელსაყოფად, თუ

<sup>1)</sup> Histoire de la conquête და სხვ... Paris, ტ. I, გვ. გვ. 295, 300.

რამდენად არადამაკმაყოფილებელია ის თვალსაზრისი, რომელიც განსაზღვრული სოციალური წყობილების წარმოშობას და განვითარებას დაპყრობას უკავშირებს: ეს განვითარება ხომ სრულიად ეწინააღმდეგებოდა ფეოდალური არისტოკრატიის, ე. ი. დამპყრობელთა და მათი შთამომავლობის ინტერესებსა და სურვილებს.

სრულიად გადაუმეტებლად შეგვიძლია ვთქვათ, რომ თითონ ოგ. ტიერი შეეცადა თავისი ისტორიული კვლევით გაებათილებია საკუთარი შეხედულება დაპყრობათა ისტორიულ როლზე.<sup>1)</sup>

იგივე მოსდის მინიესაც. იგი აღნიშნავს მიწათმფლობელობის გავლენას პოლიტიკურ ფორმებზე, მაგრამ თუ რაზეა დამოკიდებული და რატომ ვითარდება მიწათმფლობელობის ფორმები ამა თუ იმ მიმართულებით, ეს მინიემ არ იცის. მისი აზრითაც მიწათმფლობელობის ფორმები საბოლოოდ დაპყრობით აიხსნება.<sup>2)</sup>

ის გრძნობს, რომ საერთაშორისო შეჯახებათა ისტორიაშიც ჩვენ საქმე გვაქვს არა განყენებულ ცნებებთან: „დამპყრობელი“, „დაპყრობილი“, არამედ განსაზღვრული უფლების და საზოგადოებრივ ურთიერთობათა მქონე ცოცხალ ხალხთან; მაგრამ აქაც მისი ანალიზი შორს ვერ მიდის. „როცა ერთ მიწაწყალზე მცხოვრები ორი ერი გაითქვიფება ერთიმეორეში—ამბობს იგი,—ისინი დაჰკარგავენ სუსტ თვისებებს და შეიძენენ ერთიმეორისგან ძლიერ თვისებებს.“<sup>3)</sup> ეს არც ღრმად, და არც ნათლადაა გამოთქმული.

რესტავრაციის დროის ფრანგი ისტორიკოსების წინაშე ქონებრივ ურთიერთობათა საკითხი რომ მთელი თავისი სიცხადით წამოჭრილიყო, ისინი უთუოდ სიძნელისაგან თავის დასალწვევად, გიზოს მსგავსად, შეეცდებოდნენ ადამიანის ბუნება დაემოწმებით.

ის შეხედულება, რომ ადამიანის ბუნება ის უმაღლესი ინსტანციაა, სადაც წყდება ყველა „საკაზუსო საქმე“ სამართლის, მორალის, პოლიტიკის და ეკონომიის დაარგიდან, XIX საუკუნის მწერლებმა საესეებით წინა საუკუნის განმანათლებელთაგან გადმოიღეს.

<sup>1)</sup> საინტერესოა, რომ ჯერ კიდევ სენ-სიმონისტები ამხნევდნენ ტიერის ისტორიული თვალსაზრისის ამ სუსტ მხარეს. მაგალათად, იმ წერილში, რომლიდანაც ჩვენ ზემოთ ციტატა მოვიყვანეთ, ბაზარი შენიშნავს, რომ სინამდვილეში დაპყრობამ გაცილებით ნაკლები გავლენა იქონია ევროპიული საზოგადოების განვითარებაზე, ვიდრე ტიერი ფიქრობსო. „ყველა, ვისაც კაცობრიობის განვითარების კანონები ესმის, ხედავს, რომ დაპყრობის როლი სრულიად ხელქვეითია.“ მაგრამ ამ შემთხვევაში ტიერი უფრო ახლოსაა თავისი ყოფილი მასწავლებლის სენ-სიმონის თვალსაზრისთან, ვიდრე ბაზარი. სენ-სიმონი დასავლეთ ევროპის ისტორიას XV საუკუნიდან ეკონომიურ ურთიერთობათა განვითარების თვალსაზრისით იზილავს, საშუალო საუკუნეების საზოგადოებრივ წესწყობილებას-კი დაპყრობის პროდუქტად თვლის.

<sup>2)</sup> იხ. De la féodalité. გვ. 50.

<sup>3)</sup> იხ. De la féodalité გვ. 212.

თუ ადამიანს დაბადებიდანვე თან არ მოაქვს „პრაქტიკულ იდეათა“ მზამზარეული მარაგი; თუ სათნობას პატივს სცემენ არა იმიტომ, რომ იგი თანდაყოლილია ადამიანისადმი, არამედ იმიტომ, რომ იგი სასარგებლოა, როგორც ამტკიცებდა ლოკი; თუ საზოგადოებრივი სარგებლობის პრინციპი უზენაესი კანონია, როგორც გვასწავლიდა ჰელვეციუსი; თუ ადამიანი ნივთთა საზომია ყოველგან, სადაც-კი ლაპარაკია ადამიანთა ურთიერთობაზე,—მაშინ სრულიად ბუნებრივია დავასკვნათ, რომ სწორედ „ადამიანის ბუნება“-ა ის თვალსაზრისი, რომლითაც უნდა ვიმსჯელოთ სარგებლობასა და ზარალზე, განსაზღვრულ ურთიერთობათა გონივრულობასა თუ უფარვისობაზე. ამ თვალსაზრისით იხილავდნენ XVIII საუკუნის ფრანგი განმანათლებელნი როგორც მაშინდელ საზოგადოებრივ წყობილებას, ისე იმ რეფორმებსაც, რომელიც მათი აზრით სასურველი იყო. ადამიანის ბუნება მათთვის მთავარ საბუთს წარმოადგენდა მოწინააღმდეგეებთან ბრძოლაში. თუ რა დიდი მნიშვნელობა ჰქონდა მათ თვალში ამ საბუთს, ამას მშვენივრად ცხადჰყოფს, მაგალითად, კონდორსეს<sup>(15)</sup> შემდეგი მსჯელობა: „სამართლიანობისა და სამართლის იდეას აუცილებლად ერთნაირად იმუშავენს შეგნებისა და იდეის შეძენის უნარის მქონე ყველა არსება, ამიტომ ისინი ერთგვარია“. მართალია არის შემთხვევა, როცა ხალხი მას ამახინჯებს (les altèrent) „მაგრამ ყოველი სალი მსჯელობის ადამიანი სწორედ ისევე აუცილებლად მივა მორალის დარგში ამა თუ იმ იდეამდე, როგორც მათემატიკაში. ეს იდეები წარმოადგენს იმ უდავო ჭეშმარიტების აუცილებელ დასკვნას, რომ ადამიანი შემგრძნები და მოაზროვნე არსებაა“. ნამდვილად-კი ფრანგ განმანათლებლებს თავიანთი საზოგადოებრივი შეხედულებანი სრულიად არ გამოჰყავდათ ამ მეტად მკლე ჭეშმარიტებიდან; ამ იდეებს მათ გარემომცველი წრე უქარნახებდა: „ადამიანი“, რომელიც მათ სახეში ჰყავდათ მარტო შეგრძნების და აზროვნების უნარით დაჯილდოვებული როდი იყო: მისი „ბუნება“ გარკვეულად მოითხოვდა ბურჟუაზიულ წყობილებას (ჰალბახის თხზულებები სწორედ იმ მოთხოვნის ილემენტებს შეიცავს, რომელიც შემდეგ დაეფუძნებელმა კრებამ განახორციელა); იგი მოითხოვდა ვაჭრობის თავისუფლებას, სახელმწიფოს ჩაურევლობას მოქალაქეთა ქონებრივ ურთიერთობაში—(laisser faire, laisser passer!)<sup>1)</sup> და სხვ...

<sup>1)</sup> მართალია, არა ყოველთვის. ზოგჯერ იმავე ბუნების სახელით ფილოსოფოსები ურჩევდნენ «კანონდებელს მოესპო ქონებრივი უთანასწორობა». ეს ფრანგი მატერიალისტების ერთი მრავალ წინააღმდეგობათაგანია. მაგრამ ეხლა ჩვენ მასთან საქმე არა გვაქვს. ჩვენთვის მნიშვნელობა აქვს იმ გარემოებას, რომ



განმანათლებელი ადამიანის ბუნებას უცქერდნენ არსებულ საზოგადოებრივ მოთხოვნილებათა და ურთიერთობის პრიზმით. მაგრამ, ამას ისინი სრულიად ვერ ამჩნევდნენ. მათ წარმოედგინათ, თითქოს მათი ბაგეებით ლაპარაკობდა თვით „ადამიანის ბუნება“, ბოლოს და ბოლოს, გაგებული და დაფასებული კაცობრიობის განათლებულ წარმომადგენელთა მიერ.

XVIII საუკუნის ყველა მწერალს ერთნაირად არ ესმოდა ადამიანის ბუნება. მის გაგებაში ისინი ხშირად სცილდებოდნენ ერთი-მეორეს. მაგრამ ყველა ისინი ერთგვარად იყვენ დარწმუნებული, რომ მხოლოდ ამ ბუნების სწორ გაგებას შეუძლია საზოგადოებრივ მოვლენათა გასაღების მოცემა.

ზემოდ ჩვენ ვთქვით, რომ ბევრი ფრანგი განმანათლებელი უკვე ამჩნევდა ადამიანის გონების განვითარების ერთგვარ კანონზომიერებას. აზრს ამ კანონზომიერების შესახებ მათში ჰბადებდა, პირველ ყოვლისა, ლიტერატურის ისტორია: რომელი ხალხი არ ყოფილა ჯერ პოეტი, და შემდეგ მოაზროვნე? კითხულობენ ისინი. <sup>1)</sup> რით აიხსნება ასეთი თანმიმდევრობა? საზოგადოებრივი მოთხოვნილებით, რომლითაც განისაზღვრება აგრეთვე ენის განვითარებაცო, ამბობდნენ განმანათლებელი. „მეტყველების ხელოვნება ისე, როგორც ყველა ხელოვნება, საზოგადოებრივი მოთხოვნილების და ინტერესების ნაყოფია“-ო ამტკიცებდა ჩვენ მიერ სხოლიოში ნახსენებს, თვის სიტყვაში, აბატი არნო. საზოგადოებრივი მოთხოვნილებანი იცვლებიან და ამის გამო „ხელოვნებათა“ განვითარების მსვლელობაც იცვლება. მაგრამ რა განსაზღვრავს საზოგადოებრივ მოთხოვნილებას? საზოგადოებრივი მოთხოვნილებანი, საზოგადოების წევრთა მოთხოვნილებანი ადამიანის ბუნებით განისაზღვრებიან. მაშასადამე ამ ბუნებაში უნდა ვეძიოთ გონების განვითარების ახსნაც.

რათა ადამიანის ბუნებას უზენაესი საზომის როლი შეესრულებინა, იგი უნდა ეცნოთ ერთხელ და სამუდამოდ მოცემულად და უცვლელად. განმანათლებელი, როგორც მკითხველმა უკვე კონდორსეს სიტყვებიდან დაინახა,—მას მართლაც ასეთად თვლიდნენ. მაგრამ, თუ ადამიანის ბუნება უცვლელია, როგორ შეიძლება მისი

---

განყენებული „ბუნება ადამიანისა“ ყოველ განსაზღვრულ შემთხვევაში წარმოადგენდა საბუთს საზოგადოების, და განსაკუთრებით, ბურჟუაზიული საზოგადოების სხვადასხვა ფენის სრულიად კონკრეტულ მოთხოვნილებათა სასარგებლოდ.

<sup>1)</sup> გრიმი. *Correspondance litteraire*, აგვისტო 1774 წელი. გრიმი აყენებს ამ კითხვას და იმეორებს მხოლოდ აბატ არნოს აზრს, რომელიც ამ უკანასკნელმა საფრანგეთის აკადემიაში წარმოთქმულ სიტყვაში განავითარა.

მეშვეობით კაცობრიობის გონებრივი და სოციალური განვითარება აეხსნათ? რას წარმოადგენს ყოველი განვითარების პროცესი?—ცვლილებათა რიგს: შეიძლება თუ არა ეს ცვლილებანი რაღაც უცვლელით, ერთხელ და სამუდამოდ მოცემულით აეხსნათ? იმით ხომ არ იცვლება ცვალებადი სიდიდე რომ მუდმივი რჩება უცვლელად? განმანათლებელნი ფიქრობდნენ რომ—არა, და რომ თავი დაეღწიათ სიძნელისგან, აღნიშნავდნენ, რომ თვით მუდმივი სიდიდე განსაზღვრულ ფარგალში ცვალებადია. ადამიანი გაივლის სხვადასხვა ჰასაკს: ბავშობის, ყმაწვილობის, სიმწიფის და სხვ... ამ სხვადასხვა ჰასაკის დროს მისი მოთხოვნილებანი სხვადასხვანაირია: „ბავშობის დროს ადამიანი ცხოვრობს გრძნობებით, წარმოდგენებით და მეხსიერებით: იგი ეძებს მხოლოდ გასართობს, გატაცებულია სიმღერებით და ზღაპრებით; შემდეგ დგება ვნებათა ჰასაკი: სული მოითხოვს მძაფრ განცდებს და ემოციებს. შემდეგ ვითარდება აზროვნებითი უნარი, გონება, რომელიც თავისი მხრით მოითხოვს ვარჯიშობას, რომელის მუშაობა ვრცელდება ყველაფერზე, რასაც-კი შეუძლია ცნობისმოყვარეობის გამოწვევა.

ასე ვითარდება ცალკე ადამიანი: ეს საფეხურები და თანდათანობა გამოწვეულია თვით მისი ბუნებით. და სწორედ ინიტომ, რომ ეს მისი ბუნების თვისებაა, ადგილი აქვს მას (ე. ი. თანდათანობას) მთელი კაცობრიობის სულიერ განვითარებაშიც. იმით აიხსნება ის გარემოებაც, რომ ყველა ხალხი იწყებს ეპოსით და ათავებს ფილოსოფიით.<sup>1)</sup>

ცხადია, რომ ასეთი „ახსნა“ არაფერს ხსნიდა და კაცობრიობის გონებრივი განვითარების მსვლელობის აღწერას მხატვრულ ფორმებში ხვევდა (შედარება უფრო აშუქებს ასაწერი საგნის თვისებებს). ნათელია აგრეთვე, რომ ასეთი ახსნის დროს XVIII საუკუნის მოაზროვნენი ტრიალებდნენ ჩვენთვის უკვე ცნობილ მოჯადოებულ რკალში: წრე ჰქმნის ადამიანს, ადამიანი ჰქმნის წრეს. მართლაც, ერთის მხრით, გამოდის, რომ კაცობრიობის გონებრივი განვითარება, ე. ი. სხვა სიტყვით, ადამიანის ბუნების განვითარება, აიხსნება საზოგადოებრივი მოთხოვნილებით, მეორეს მხრით—საზოგადოებრივ მოთხოვნილებათა განვითარება ადამიანის ბუნების განვითარებაზე დამოკიდებული.

როგორც ვხედავთ ეს წინააღმდეგობა ვერც რესტავრაციის დროის ფრანგმა ისტორიკოსებმა დასძლიეს: მათ მას მხოლოდ სხვა სახე მისცეს.

<sup>1)</sup> Suard, loc. cit., გვ. 38.

## თავი მესამე

### უტოპისტ-სოციალისტები

თუ ადამიანის ბუნება უცვლელია და თუ მის მთავარ თვისებათა ცოდნის შემწეობით შეიძლება გამოვიყვანოთ მათემატიკურად სწორი დებულებები მორალისა და საზოგადოებრივი მეცნიერების დარგში, მაშინ არაა ძნელი გამოვიგონოთ ისეთი საზოგადოებრივი წყობილება, რომელიც სავსებით უპასუხებს ადამიანის ბუნების მოთხოვნილებას და რომელიც სწორედ ამის გამო იდეალური საზოგადოებრივი წყობილებაც იქნება. ჯერ კიდევ XVIII საუკუნის მატერიალისტები გატაცებით იკვლევდნენ საკითხს სრულქმნილი კანონმდებლობის შესახებ (*Legislation parfaite*). ეს გამოკვლევები განათლების ლიტერატურაში უტოპისტურ ელემენტს წარმოადგენს.<sup>1)</sup>

XIX საუკუნის პირველი ნახევრის უტოპისტ-სოციალისტები ასეთ გამოკვლევებს დიდი გატაცებით ეწევიან.

ამ ეპოქის უტოპისტ-სოციალისტები სავსებით დგანან ფრანგი მატერიალისტების ანთროპოლოგიურ თეალსაზრისზე. იმითაც სწორედ ისე, როგორც მატერიალისტებს, ადამიანი გარემომცველი საზოგადოებრივი წრის ნაყოფად მიაჩნიათ.<sup>2)</sup> სწორედ ისე, როგორც

---

<sup>1)</sup> ჰელვეციუსს თავის წიგნში: „De l'homme“, აქვს დაწვრილებითი პროექტი ასეთი „სრულქმნილი კანონმდებლობისა“. მეტად საინტერესო და სასარგებლო იქნებოდა ამ უტოპიის შედარება XIX საუკუნის პირველი ნახევრის უტოპიებთან. მაგრამ, სოციალიზმისა და ფილოსოფიის ისტორიკოსებიც, სამწუხაროდ, სრულიადაც არ ფიქრობდნენ ამდენ ხანს ასეთს შედარებაზე. რაც შეეხება სპეციალურად ფილოსოფიის ისტორიკოსებს, ისინი არასაკადრისად ამცირებენ ჰელვეციუსს. დინჯი და თავდაპირველი ლანგეც-კი ვერ პოულობს მისთვის სხვა დახასიათებას გარდა—„ზერელე ჰელვეციუსი“-სა. აბსოლიუტურ მატერიალისტ ჰელვეციუსს ყველაზე უფრო სამართლიანად აბსოლიუტური იდეალისტი ჰეგელი მოეპყრა.

<sup>2)</sup> „ლიაბ, ადამიანი არის ის, რასაც ჰქმნის შიგან ყოვლისშემძლე საზოგადოება ან ყოვლისშემძლე აღზრდა ამ სიტყვის რაც შეიძლება ფართო მნიშვნელობით, ე. ი. მასში უნდა ვიგულისხმოთ არა მარტო სკოლისა და წიგნის მეოხებით მიღებული აღზრდა, არამედ აღზრდა, რომელსაც ჩვენ ვღებულობთ ადამიანთა და საგანთა, მოვლენათა და მდგომარეობა—გარემოებისაგან, აღზრდა როლის გავლენა ჩვენზე იწყება აკენიდან და არ წყდება ერთი წუთითაც-კი“. კაბე, *Voyage en Jcarie*, 1848 წლის გამოცემა, გვ. 402.

მატერიალისტები, ისინიც მოჟადობულ რკალში ექცევიან და წრის ცვალებად თვისებებს ადამიანის ბუნების უცვლელი თვისებებით ხსნიან.

ჩვენი საუკუნის პირველი ნახევრის ყველა მრავალრიცხოვანი უტოპია არის ადამიანის ბუნების უზენაეს საზომად აღიარება და მის საფუძველზე სრულმქნილი კანონმდებლობის გამოგონების ცდა. ფურიე გამოსავალ წერტილად იღებს ადამიანის ვნებათა ანალიზს; რ. ოუენი თავის „Outline of the rational system of society“-ში ემყარება „ადამიანის ბუნების შესახებ მეცნიერების მთავარ პრინციპებს“ („First Principles of Human Nature“) და ამტკიცებს, რომ „რაციონალურმა მთავრობამ“, პირველ ყოვლისა, უნდა „გაიგოს ადამიანის ბუნება“-ო („ascertain what Human Nature is“) სენსიზმონისტები ამბობენ, რომ ჩვენი ფილოსოფია ადამიანის ბუნების ახალ გაგებას ეყრდნობაო (sur une nouvelle conception de la nature humaine)<sup>1</sup>); ფურიეს მიმდევრები ამბობენ: ჩვენი მასწავლებლის მიერ გამოგონილი საზოგადოებრივი ორგანიზაცია წარმოადგენს ადამიანის ბუნების ურყევი კანონებიდან გამომდინარე მთელ რიგ უდავო დასკვნებსო.<sup>2</sup>)

რა თქმა უნდა, ადამიანის ბუნების აღიარება უზენაეს საზომად ხელს არ უშლიდა სხვადასხვა სოციალისტურ სკოლებს ამ ბუნების თვისებები სხვადასხვანაირად განესაზღვრათ. მაგალითად, სენ-სიმონისტების აზრით „ოუენის გეგმები იმდენად ეწინააღმდეგება ადამიანის ბუნებას, რომ ის პოპულიარობა, რომლითაც ისინი, როგორც ჩანს, სარგებლობენ დღეს (დაწერილია 1825 წ.), პირველი შეხედვით აუხსნელ გარემოებად გვეჩვენება.“<sup>3</sup>) ფურიეს პოლემიკურ ბროშურაში „Pièges et charlatanisme des deux sectes Saint-Simon et Owen, qui promettent l'association et le progres“, შეიძლება ბევრი მკვეთრი მითითება ვიპოვოთ იმის შესახებ, რომ ადამიანის ბუნების ყველა თვისებას სენ-სიმონისტური მოძღვრებაც ეწინააღმ-

1) იხ. Le Producteur, t. 1, Paris 1825. Introduction.

2) Mon but est de donner une Exposition Elementaire, calire et facilement intelligible, de l'organisation sociale, déduite par Fourier des lois de la nature «humaine», V. Considèrent, Destinée Sociale, t. I. 3-me edition, Déclaration.—„Il serait temps enfin de s'accorder sur ce point; est-il à propos, avant de faire des lois, de s'enquérir de la véritable nature de l'homme, afin d'harmoniser la loi, qui et par elle—meme modifiable avec la nature, qui est immuable et souveraine?“ Nations élémentaires de la science sociale de Eourier, par l'auteur de la Défense du Fourierisme [Henri Grosse. Paris. 1834, p. 35].

3) Le Producteur, ტ. 1, გ. 139.

დევება. ეხლაც ისე, როგორც კონდორსეს დროს, გამოირკვა, რომ შეთანხმება ადამიანის ბუნების განსაზღვრაში გაცილებით უფრო ძნელია, ვიდრე ამა თუ იმ გეომეტრიული ფიგურის განსაზღვრა.

რამდენადაც XIX საუკუნის უტოპისტ-სოციალისტები ადამიანის ბუნების თვალსაზრისზე იდგენ, იმდენად ისინი მხოლოდ XVIII საუკუნის მოაზროვნეთა შეცთომას იმეორებდნენ, შეცთომას, რომელიც ახასიათებდა, სხვათაშორის, მთელ მათდროინდელ საზოგადოებრივ მეცნიერებას.<sup>1)</sup> მაგრამ მათ ეტყობათ დიდი სურვილი დააღწიონ თავი განყენებულ ცნების ვიწრო ფარგლებს და კონკრეტულ ფუძეს დაემყარონ. ამ მხრით ყველაზე უფრო შესანიშნავი სენ-სიმონის შრომებია.

მაშინ, როცა ფრანგი განმანათლებლები უმეტეს შემთხვევაში კაცობრიობის ისტორიას განიხილავდნენ, როგორც გარკვეულ რიგს ასე თუ ისე ბედნიერ შემთხვევებისა,<sup>2)</sup> სენ-სიმონი ისტორიაში, პირველ ყოვლისა, კანონზომიერებას ეძებს. მეცნიერება ადამიანთა საზოგადოების შესახებ სწორედ ისეთივე ზუსტ მეცნიერებად უნდა შეიქნეს, როგორც ბუნებისმეტყველებაა. ჩვენ უნდა შევისწავლოთ კაცობრიობის წარსული ცხოვრების ფაქტები იმისათვის, რომ მასში მისი პროგრესის კანონები აღმოვაჩინოთ. მომავლის გათვალისწინება შეუძლია მხოლოდ მას, ვინც გაიგო წარსული. სენ-სიმონმა ასე დასახა საზოგადოებრივი მეცნიერების ამოცანა

---

<sup>1)</sup> ეს ჩვენ უკვე ცხადეყავით რესტავრაციის დროის ისტორიკოსების მიმართ. ძლიერ ადვილია ამის ცხადყოფა ეკონომისტების მიმართაც. როცა რეაქციონერებისა და სოციალისტების წინააღმდეგ ეკონომისტები ბურჟუაზიულ საზოგადოებრივ წყობილებას იცავდნენ, ისინი მას იცავდნენ სწორედ როგორც ისეთ წყობილებას, რომელიც ყველაზე უფრო შეეფერება ადამიანის ბუნებას. „მოსახლეობის განყენებული“ კანონის გამოწვევის ცდა, სულერთია, წარმოებდა იგი ბურჟუაზიულს თუ სოციალისტურ ბანაკში, — მიუხედავად იყო დაკავშირებული „ადამიანის ბუნების“ იმ გაგებასთან, რომლის მიხედვით იგი („ადამიანის ბუნება“) საზოგადოებრივი მეცნიერების ძირითად ცნებას წარმოადგენს, რომ ამოწი დავრწმუნდეთ, საკმარისია შევადაროთ მალთუსის მოძღვრება მოსახლეობაზე, გოდენისა ან ჯ. ს. მილისადმი მიძღვნილი შენიშვნების აუტორის მოძღვრებას. როგორც მალთუსი, ისე მისი მოწინააღმდეგე, ეძებენ მოსახლეობის საერთოს, ასე ვთქვათ, აბსოლიუტურ კანონს. ჩვენი დროის პოლიტიკური ეკონომია სულ სხვაგვარად ფიქრობს: მან იცის, რომ საზოგადოებრივი განვითარების ყოველ ფაზას მოსახლეობის თავისი განსაკუთრებული კანონი აქვს. მაგრამ ამაზე ქვემოლ.

<sup>2)</sup> ამ მხრით მეტად დამახასიათებელია ჰელვეციუსის საყვედური მონტესკიეს მიმართ «თავის წიგნში რომის ძლიერებისა და დაცემის მიზეზების შესახებ მონტესკიემ არასაკმარისად შეაფასა ბედნიერ შემთხვევათა მნიშვნელობა ამ

და შეუდგა განსაკუთრებით დასავლეთ ევროპის ისტორიის შესწავლას რომის იმპერიის დაცემის დროიდან. რამდენად ახალი და ფართო იყო მისი შეხედულებები ჩანს იქიდან, რომ მისმა მოწაფემ ო. ტიერმა საფრანგეთის ისტორიის დამუშავებაში შესძლო თითქმის მთელი გადატრიალება მოეხდინა. სენ-სიმონი იმ აზრის იყო, რომ გიზომაც თავის შეხედულებანი ჩემგან ისესხაო. საკითხს თეორიული საკუთრების შესახებ ჩვენ გადაუჭრელად ვტოვებთ და შევნიშნავეთ მხოლოდ, რომ სენ-სიმონი ევროპის საზოგადოებათა შინაგანი განვითარების მექანიზმის შესწავლის საქმეში უფრო შორს მიდიოდა ვიდრე მისი დროის სპეციალისტ-ისტორიკოსები. თუ ტიერმა, მინიემ და გიზომ გამოარკვიეს, რომ მთელი საზოგადოებრივი წყობილების საფუძველს ქონებრივი ურთიერთობა წარმოადგენს, სამაგიეროდ სენ-სიმონი, რომელმაც პირველად და განსაკუთრებული სიცხადით გააშუქა ახალ ევროპაში ამ ურთიერთობათა ისტორია, უფრო შორს წავიდა, როცა შეეკითხა თავს: რატომ მაინცა და მაინც ეს და არა სხვა რომელიმე ურთიერთობა ასრულებს ასეთ მნიშვნელოვან როლს? მისი აზრით, პასუხი მრეწველობის განვითარების მოთხოვნილებებში უნდა ვეძიოთ: „საერო ხელისუფლება XV საუკუნემდე აზნაურთა ხელში იყო, და ეს სასარგებლოც იყო, იმიტომ რომ აზნაურები მაშინ ყველაზე უფრო უნარიანი მრეწველები იყვნენ. ისინი ხელმძღვანელობდნენ სამიწათმოქმედო მუშაობას, ხოლო ეს უკანასკნელი მაშინ მნიშვნელოვანი სამრეწველო საქმიანობის ერთად-ერთი სახე იყო.“<sup>1)</sup> კითხვას, თუ რატომ აქვს მრეწველობის მოთხოვნილებებს კაცობრიობის ისტორიაში ასეთი გადამწყვეტი მნიშვნელობა, სენ-სიმონი უპასუხებს: იმიტომ რომ წარმოება ყოველგვარი საზოგადოებრივი კავშირის მიზანიაო (*le but de l'organisation sociale, c'est la produc-*

სახელმწიფოს ისტორიაში. მან დაუშვა იმ მოაზროვნეთათვის მეტად დამახასიათებელი შეცდომა, რომელთაც ყველაფრის ახსნა სურთ,—და შეცდომა კაბინეტის მეცნიერთა, ხალხის ბუნებას რომ იფიქვებენ და უცვლელ პოლიტიკურ სახეებსა და ერთნაირ პრინციპებს ხალხის წარმომადგენლებს რომ მიაწერენ. ამავე დროს ხშირად ერთი პირი ხელმძღვანელობს თავისი სურვილისამებრ იმ დიდი მნიშვნელობის მქონე კრებებს, რომელსაც სენატი ეწოდება. *Pensées et réflexions. CXL, ტ. III, Oeuvres Complètes de Helvetius. Paris MDCCCXVIII.* მკითხველო, არ გაგონებთ ეს თქვენ რუსეთში ეხლა მოდაში შემოსულ „გმირთა და მასის“ თეორიას? დაიცადეთ, შემდეგში ჩვენ კიდევ უფრო ნათლად დავინახავთ, თუ რა ცოტა რომ არის ორიგინალური რუსეთის „სოციოლოგიაში“!

<sup>1)</sup> *Opinions littéraires, philosophiques et industrielles, Paris. 1826 p. 144. 145.* შედარეთ აგრეთვე *Catéchisme politique des industrielles.*

tion). იგი წარმოებს აწერს ისეთ მნიშვნელობას, რომ სასარგებლოა და წარმოებითს შორის იგივეობის ნიშანს სვამს (l'utile — c'est la production) და კატეგორიულად აცხადებს: la politique... c'est la science de la production.

მოსალოდნელი იყო, რომ ასეთ შეხედულებათა ლოლიკური განვითარება, სენ-სიმონს ისეთ დასკვნამდე მიიყვანდა, რომ წარმოების კანონები სწორედ ის კანონებია, რომლითაც განისაზღვრება საბოლოოდ საზოგადოებრივი განვითარება და რომლის შესწავლაც უნდა შეადგენდეს იმ მოაზროვნის ამოცანას, მომავლის გაგებას რომ ცდილობს. ზოგჯერ ის თითქოს უახლოვდება ამ აზრს, მაგრამ მხოლოდ ზოგჯერ და მხოლოდ უახლოვდება.

წარმოებისთვის აუცილებელია შრომის იარაღი. ეს უკანასკნელი არ არის მოცემული ბუნების მიერ მზა-მზარეულად, მას იგონებს ადამიანი. ამ იარაღის გამოგონება და უბრალო ხმარაგ-ვი მწარმოებლის გონებრივი განვითარების ერთგვარ დონეს ჰგულისხმობს. ამიტომ „მრეწველობის“ განვითარება წარმოგვიდგება როგორც კაცობრიობის გონებრივი განვითარების უეჭველი შედეგი. გვეჩვენება, რომ შეხედულება, „განათლება“ (lumières) აქაც უკლებლივ მართავს ქვეყანას. რაც უფრო ირკვევა მრეწველობის მნიშვნელოვანი როლი, მით უფრო მტკიცდება ერთის შეხედვით XVIII საუკუნის ფილოსოფოსთა ეს თვალსაზრისი. სენ-სიმონი ამ თვალსაზრისის დაცვაში უფრო თანმიმდევარია, ვიდრე ფრანგი განმანათლებლნი, რადგანაც იგი იმ აზრს, რომ იდეები შეგრძნებისგან წარმოიშობა დამტკიცებულად თვლის და უფრო ნაკლები საბაბი აქვს ჩაუფიქრდეს ადამიანზე წრის გავლენის ფაქტს. ცოდნათა განვითარება, მისი აზრით, ისტორიული მოძრაობის მთავარი ფაქტორია.<sup>1)</sup> ის ცდილობს აღმოაჩინოს ამ განვითარების კანონები. იგი აწესებს სამი ფაზისის სწორედ იმ კანონს, რომელიც შემდეგში ოგიუსტ კონტმა დიდი წარმატებით თავის საკუთარ „აღმოჩენად“ გაასაღა: თეოლოგიურის,

---

<sup>1)</sup> იდეალისტური თვალსაზრისი ისტორიაზე სენ-სიმონს უკიდურესობამდე მიჰყავს. მისი აზრით საზოგადოებრივ ურთიერთობათა საბოლოო საფუძველს წარმოადგენს არა მარტო იდეები („პრინციპები“), არამედ იდეათა შორის მთავარი როლი ეკუთვნის „მეცნიერულ იდეებს“, — „ქვეყნის მეცნიერულ სისტემას“, რომლიდანაც გამოდინარეობს რელიგიური იდეები, რაც თავის მხრივ წინეობრივ შეხედულებებსაც განსაზღვრავს. ეს ინტელექტუალური იდეები, რომელიც იმ დროს გაშვებული იყო გერმანელ ფილოსოფოსთა წრეშიც, მაგრამ რომელიც მათ ხელში სხვა სახეს იღებდა.

მეტაფიზიკურის და პოზიტიურის.)<sup>1)</sup> მაგრამ ეს კანონებიც მისი აზრით ბოლოს და ბოლოს ადამიანის ბუნების თვისებებით აიხსნება. „საზოგადოება ინდივიდუუმებისგან შესდგება,—ამბობს იგი,—ამიტომ საზოგადოებრივი გონების განვითარება შეიძლება იყოს მხოლოდ იმავე ინდივიდუალური გონების განვითარება უფრო დიდი მასშტაბით“. ის გამოდის ამ ძირითადი დებულებიდან და თავის „კანონებს“ საზოგადოების განვითარების შესახებ თვლის საბოლოოდ გამორკვეულად და დასაბუთებულად ყოველთვის, როცა-კი კპოებს ინდივიდუუმის განვითარებაში მოხერხებულ ანალოგიას ამ „კანონების“ დასამტკიცებლად. ის ამტკიცებს, მაგალითად, რომ საზოგადოებრივ ცხოვრებაში ხელისუფლების როლი თანდათან ნულამდე მივაო<sup>1)</sup>. ამ როლის თანდათანობითი, მაგრამ მუდმივი შემცირება კაცობრიობის განვითარების ერთ-ერთი კანონია. როგორ ასაბუთებს ის ამ კანონს? ამის სასარგებლო მთავარი საბუთი ადამიანის ინდივიდუალურ განვითარებაზე მითითებაა: დაბალი საფეხურის სკოლებში ბავში ვალდებულია უსათუოდ ემორჩილებოდეს უფროსებს; საშუალოსა და უმაღლესში—დამორჩილების ელემენტი თანდათან სუსტდება და მომწიფებისას საბოლოოდ დაუთმობს ადგილს მის დამო-

---

<sup>1)</sup> ლიტრემ ენერგიულად გაილაშქრა გიუბერის წინააღმდეგ, როცა ამ უკანასკნელმა ეს... სესხება ამხილა. ის მიაწერდა სენ-სიმონს მხოლოდ „ორი ფაზისის“ კანონს: თეოლოგიურისა და მეცნიერულის. ფლინტს მოჰყავს ლიტრეს ეს შეხედულება და შენიშნავს: „ის მართალია, როცა ამბობს, რომ სამი ფაზისის კანონი არ არის მოხსენებული სენ-სიმონის არც ერთ ნაშრომშიო“ (Philosophy of History in France and Germany, Edinburgh and London MDCCCLXXIV, გვ. 158). ამ შენიშვნას ჩვენ დაუპირდაპირებთ შემდეგ ამონაწერს სენ-სიმონის შრომიდან: „რომელმა ასტრონომმა, ფიზიკოსმა, ქიმიკოსმა ან ფიზიოლოგმა არ იცის რომ ადამიანის გონება მეცნიერების თითოეულ დარგში—სანამ იგი წმინდა თეოლოგიური იდეებიდან პიზიტიურზე გადავიდოდეს, დიდხანს იზიარებს მეტაფიზიკას? ყველა, ვისაც კი უმუშავნია მეცნიერების ისტორიის დარგში განა საბოლოოდ არ რწმუნდება იმაში. რომ ეს შუალედი ფაზა სასარგებლოა გადასასვლელად და აბსოლიუტურად აუცილებელი?“ (Du système industriel, Paris MDCCCXXI, préface, გვ. გვ. vj—vij). სენ-სიმონის თვალში სამი ფაზისის კანონის ისეთი მნიშვნელობა ჰქონდა, რომ იგი მზად იყო აეხსნა მისი მეოხებით წმინდა პოლიტიკური მოვლენები, მაგალითად, „ლეგისტებისა და მეტაფიზიკოსების“ ბატონობა საფრანგეთის რევოლიუციის დროს. ფლინტს არ გაუძნელდებოდა ამის „ადმოჩენა“, თუ სენ-სიმონის თხზულებებს ყურადღებით წაიკითხავდა. მაგრამ, სამწუხაროდ, გაცვილებით უფრო ადვილია აზროვნების „მეცნიერული“ ისტორიის დაწერა, ვიდრე მისი განვითარების ნამდვილი ისტორიის შესწავლა.

<sup>2)</sup> მისგან ეს შეხედულება შემდეგში ისეა და დაამახინჯა პრუდონმა, რომელმაც მასზე ააგო თავის ანარქიის თეორია.



უკიდებელ მოქმედებას. ვინც როგორ უნდა უცქერდეს „ხელის-  
უფლების“ ისტორიას, ყველა დაგვეთანხმება, რომ აქ, ისე როგორც  
ყოველგან, შედარება არ არის დასაბუთება. ყოველი განუყოფ-  
ლის ემბრიოლოგიურ განვითარებას (ონტოგენეზისი) მრავალი ანა-  
ლოგიური რამ აქვს იმ სახის ისტორიასთან, რომელსაც ეს განუყო-  
ფელი ეკუთვნის: ონტოგენეზისი მრავალ მნიშვნელოვან ცნობას იძ-  
ლევა ფილოგენეზისის შესახებ. მაგრამ რას ვიტყვით ჩვენ ეხლა  
იმ ბიოლოგზე, რომელსაც აზრად მოუვიდოდა მტკიცება დაეწყო,  
რომ ფილოგენეზისის საბოლოო ახსნა ონტოგენეზში უნდა ვეძიოთ?  
თანამედროვე ბიოლოგია პირდაპირ საწინააღმდეგოდ იტყევს: იგი  
განუყოფელის ემბრიოლოგიურ ისტორიას სახეობის ისტორიით  
ხსნის.

ადამიანის ბუნებისადმი აპელაცია სრულიად თავისებურ სახეს  
აძლევდა საზოგადოებრივი განვითარების ყველა იმ „კანონს“, რომელიც  
ჩამოაყალიბა როგორც თვით სენ-სიმონმა, ისე მისმა მოწა-  
ფეებმაც

ამას ისინიც მოჯადოებულ წრეში შეჰყავდა. კაცობრიობის  
ისტორია ადამიანის ბუნებით აიხსნება. მაგრამ როგორ ვეცნობით  
ჩვენ ადამიანის ბუნებას?—ისტორიის საშუალებით. ცხადია ამ წრე-  
ში ტრიალთ არ შეიძლება არც ადამიანის ბუნების და არც მისი  
ისტორიის გაგება. შესაძლოა მხოლოდ გამოვთქვათ ესა თუ ის ცალ-  
კე, მეტად თუ ნაკლებად ღრმა აზრი საზოგადოებრივ მოვლენათა  
ამა თუ იმ სფეროს შესახებ. სენ-სიმონმა გამოთქვა რამდენიმე  
მახვილი, ზოგჯერ ქეშმარიტად გენიალური შენიშვნა, მაგრამ მისი  
მთავარი მიზანი—„პოლიტიკისათვის“ მტკიცე მეცნიერული საფუძ-  
ვლის გამონახვა—მიუღწეველი დარჩა.

„ადამიანის გონების პროგრესის უმაღლესი კანონიო,—ამბობს  
სენ-სიმონი,—იმორჩილებს ყველაფერს, ყველაფერზე ბატონობს; ხალ-  
ხი მისთვის მხოლოდ იარაღია... და თუმცა ეს ძალა (ე. ი. ეს კანო-  
ნი) ჩვენგან გამოდის (dérive de nous), ჩვენ ისევე არ შეგვიძლია თა-  
ვი დავაღწიოთ მის გავლენას ან დავიმორჩილოთ იგი, როგორც არ  
შეგვიძლია ის ძალა შევცვალოთ ჩვენი სურვილებისამებრ, რომელიც  
მიწას მზის გარშემო ატრიალებს. ჩვენ მხოლოდ ის შეგვიძლია, რომ  
შეგნებულად დავემორჩილოთ ამ კანონს (ჩვენს ქეშმარიტ განგებას)  
იმით, რომ ნათლად გვქონდეს წარმოდგენილი ის მოძრაობა, რომ-  
ელსაც იგი ჩვენთვის აწესებს, იმის ნაცვლად, რათა მას ბრმად და-  
ვემორჩილოთ. შევნიშნავთ გაკვრით, რომ სწორედ ეს იქნება ნაბიჯი

წინ, რომელიც უნდა გადასდგას ჩვენი საუკუნის ფილოსოფიურმა ცნობიერებამ<sup>1)</sup>).

ამრიგად, კაცობრიობა სავსებით ემორჩილება თავისი გონებრივი განვითარების კანონს; ის ვერ აიცილებდა მის გავლენას იმ შემთხვევაშიც-კი, რომ მას ეს მოესურვებია. განვიხილოთ გულდასმით ეს დებულება და მის ცხადსაყოფად ავიღოთ სამი ფაზისის კანონი. კაცობრიობა მიდიოდა თეოლოგიური აზროვნებიდან მეტაფიზიკურისაკენ, მეტაფიზიკურიდან—პოზიტიურისაკენ. ეს კანონი მოქმედებდა მექანიკური კანონების ძალით.

აღვილი შესაძლებელია, რომ ეს ასეც იყოს, მაგრამ კითხვა იბადება, თუ როგორ უნდა გავიგოთ ის აზრი, რომ კაცობრიობა ვერ შესცვლიდა ამ კანონის მოქმედებას იმ შემთხვევაშიც-კი, მას რომ ეს მოესურვებია. ეს იმას ხომ არ ნიშნავს, რომ კაცობრიობას არ შეეძლო მეტაფიზიკის აცდენა იმ შემთხვევაშიც-კი, თუ იგი პოზიტიური აზროვნების უპირატესობას ჯერ კიდევ თეოლოგიური პერიოდის დასრულებისას შეიგნებდა? ცხადია, არა. და თუ-კი არა, პაშინ არა ნაკლებ ცხადია, რომ ბუნდოვანებას შეიცავს თვით სენ-სიმონის გაგება გონებრივი განვითარების კანონზომიერებისა. რაში ჰდგომარეობს ეს ბუნდოვანება? საიდან წარმოიშვა იგი?

ამ ბუნდოვანებას იწვევს კანონის, ერთი მხრით, და მისი მოქმედების შეცვლის სურვილის, მეორეს მხრით, ურთიერთი დაპირისპირების ფაქტი. რაკი დაებადა კაცობრიობას ასეთი სურვილი,—იგი თვით შეადგენს მისი გონებრივი განვითარების ისტორიის ერთ-ერთ ფაქტს,—კანონი ამ ფაქტს კი არ უნდა უპირდაპირდებოდეს, არამედ ითავსებდეს, სანამ ჩვენ ასეთი დაპირდაპირების ფაქტს შესაძლებლად ვსცნობთ, მანამ ჩვენთვის ჯერ კიდევ გამოაკვეული არ არის კანონის ცნება და ჩვენ ამ ორი უკიდურესობიდან უექველად ერთ-ერთში ჩავარდებით: ან სრულიად დავტოვებთ კანონზომიერების თვალსაზრისს და დავდგებით სასურველის თვალსაზრისზე, ან სრულიად მხედველობიდან გავუშვებთ სასურველს,—(უფრო სწორად იმას, რაც ამა თუ იმ ეპოქის ადამიანებს სასურველად მიაჩნიათ) და ამით მივსცემთ კანონს რაღაც მისტიურ იერს, გადავაქცევთ მას რაღაც ფაქტულად. სწორედ ასეთი ფაქტუმის სახით აქვთ წარმოდგენილი „კანონი“ სენ-სიმონსა და საზოგადოდ უტოპისტებს, რამდენადაც ისინი კანონზომიერებაზე ლაპარაკობენ. აღვნიშნოთ აქვე, რომ როცა რუსი სუბიექტური სოციოლოგები ფარხმალს ისხამენ „პიროვნებისა“,

1) L'organisateur, სენ-სიმონის თხზულებათა IV ტომის 119-ე გვ.

„იდეალებისა“ და სხვა კეთილ საქმეთა დასაცავად, ისინი ებრძვიან სწორედ ამ უტოპიურს, ბუნდოვანს, არასრულსა და ამიტომ უმართებულო მოძღვრებას „მოვლენათა ბუნებრივ მსვლელობაზე“. ჩვენ სოციოლოგებს თითქოს არც-კი გაუგონიათ, თუ რაში მდგომარეობს საზოგადოებრივ-ისტორიული პროცესის კანონზომიერების თანამედროვე მეცნიერული გაგება.

საიდან მივიღეთ კანონზომიერების ცნების უტოპიური ბუნდოვნება? ის წარმოიშვა ჩვენ მიერ უკვე აღნიშნული ძირითადი ნაკლისგან იმ თვალსაზრისისა კაცობრიობის განვითარებაზე, რომელზეც იღვენ უტოპისტები, და როგორც ჩვენ უკვე ვიცით, არა მართო უტოპისტები. კაცობრიობის ისტორიას ისინი ადამიანის ბუნებით ხსნიდენ. რაკი მოცემულია ეს ბუნება, ამით მოცემულია ისტორიული განვითარების კანონებიც, მოცემულია *an sich*, როგორც ჰეგელი იტყოდა, უკვე მთელი ისტორია. ადამიანს ისევე არ შეუძლია ჩაერიოს თავის განვითარების მსვლელობაში, როგორც არ შეუძლია მას ადამიანად არ ყოფნა. განვითარების კანონი განგების სახით გვევლინება.

ეს იმ მოძღვრების შედეგად მიღებული ისტორიული ფატალიზმია, რომელიც ადამიანის ცოდნის განვითარებას, მაშასადამე, ადამიანის შეგნებულ მოქმედებას, ისტორიული განვითარების ძირითად მამოძრავებელ ძალად აღიარებდა.

მაგრამ განეაგრძოთ.

თუ ისტორიის გასაღებს ადამიანის ბუნების შესწავლა იძლევა, მაშინ ჩემთვის მნიშვნელობა აქვს არა იმდენად ისტორიის ფაქტიურ შესწავლას, რამდენადაც სწორედ ამ ბუნების მართალ გაგებას. მას შემდეგ, რაც მე შევითვისე სწორი შეხედულება მასზე, მე თითქმის ყოველი ინტერესი მეკარგება საზოგადოებრივი ცხოვრებისადმი, როგორც იგი არის, და მთელ ჩემ ყურადღებას მივაპყრობ საზოგადოებრივ ცხოვრებას, როგორც იგი უნდა იყოს თანახმად ადამიანის ბუნებისა. ფატალისტური თვალსაზრისი ისტორიაზე ოდნავადაც ხელს არ უშლის პრაქტიკულად უტოპისტურ დამოკიდებულებას სინამდვილისადმი. პირიქით, იგი ხელს უწყობს მას იმით, რომ სწყვეტს მეცნიერული კვლევის ძაფს. საზოგადოდ, ფატალიზმი ხშირად სრულს თანხმობაშია უუკიდურეს სუბიექტივიზმთან. ფატალიზმი თავის საკუთარ განწყობილებას ყოველ ფეხის ნაბიჯზე ისტორიის გარდაუვალ კანონად აცხადებს. სწორედ ფატალისტებზეა ზედგამოჭრილი პოეტის შემდეგი სიტყვები:

Was sie den Geist der Geschichte nennen,  
Ist nur der Herren eigener Geist.

სენ-სიმონისტები ამტკიცებდნენ, რომ საზოგადოებრივი პრო-  
დუქტის ის წილი, რომელსაც ითვისებენ სხვისი შრომის ექსპლო-  
ატატორები, თანდათან მცირდებაო. ასეთი შემცირება მათი აზრით,  
წარმოადგენდა კაცობრიობის ეკონომიური განვითარების უმნიშვნე-  
ლოვანეს კანონს. ამის საბუთად ისინი იმოწმებდნენ პროცენტისა და  
მიწის რენტის დონის თანდათან დაკემას. მათ რომ ამ შემთხვე-  
ვაში წმინდა მეცნიერული კვლევის მეთოდი გამოეყენებიათ, უნდა  
გამოენახათ მათ მიერ აღნიშნული მოვლენის ეკონომიური მიზეზი.  
ამისათვის-კი მათ გულდასმით უნდა შეესწავლათ პროდუქტების  
წარმოება, განმეორებითი წარმოება და განაწილება. ისინი რომ  
ასე მოქცეულიყვნენ, შესაძლებელია მათ დაენახათ, რომ პრო-  
ცენტის და თვით მიწის რენტის შემცირებაც, თუ მას მართლაც  
აქვს ადგილი, ჯერ კიდევ სრულიად არ ამტკიცებს მესაკუთრეთა  
წილის შემცირებას. მაშინ მათი „ეკონომიური კანონი“, რასაკვირ-  
ველია, სრულიად სხვა ფორმით გაძლიერებოდა. მაგრამ მათ ამის-  
თვის როდი ეცალათ. ადამიანის ბუნებიდან გამომდინარე საიდუმლო  
კანონების ყოველისშემძლეობაში რწმენამ მათი აზროვნება სულ სხვა  
მხრით მიმართა: ტენდენციას, რომელიც დღემდე სჭარბობდა ისტო-  
რიაში, მომავალში მხოლოდ გაძლიერება შეუძლიაო, — ამბობდნენ ისი-  
ნი, — ექსპლოატატორთა წილის თანდათან შემცირება აუცილებლად  
დასრულდება მისი სრული გაქრობით, ე. ი. გაქრობით თვით ექს-  
პლოატატორთა კლასისა. რაკი ჩვენ ეს გათვალისწინებული გვაქვს,  
ამიტომ ჩვენ დღესვე უნდა გამოვიგონოთ საზოგადოებრივი წყობი-  
ლების ახალი ფორმები, სადაც ექსპლოატატორებს სრულიად ადგი-  
ლი არ ექნებათ. ადამიანის ბუნების სხვა მხარეები ცხადყოფს, თუ  
როგორი უნდა იყოს ეს ფორმები. საზოგადოებრივი გარდაქმნის  
გეგმა ძლიერ სწრაფად მზადდება; საზოგადოებრივ მოვლენათა კან-  
ონზომიერების შესახებ მეტის-მეტად მნიშვნელოვანი მეცნიერული  
აზრის შედეგად ორიოდე უტოპიურ რეცეპტს ვღებულობთ.

მაშინდელი უტოპისტები ასეთ რეცეპტებს მოაზროვნის ყვე-  
ლაზე უფრო მნიშვნელოვან ამოცანად თვლიდნენ. თავისთავად პო-  
ლიტიკური ეკონომიის ამა თუ იმ დებულებას არა აქვს მნიშვნელო-  
ბა. იგი მნიშვნელობას ღებულობს იმ პრაქტიკული დასკვნების მი-  
ხედვით, რომელიც მისგან გამომდინარეობს. ე. ბ. სეი ედავება რიკარ-  
დოს იმის შესახებ, თუ რა განსაზღვრავს საქონლის ხაცვლელ ღირე-  
ბულებას. (19) ადვილი შესაძლებელია, რომ ეს — სპეციალისტების

აზრით, დიდი მნიშვნელობის მქონე საკითხი იყოს. მაგრამ უფრო მნიშვნელოვანია ვიციოდეთ, თუ რით უნდა განისაზღვრებოდეს ღირებულება, ამაზე-კი სპეციალისტები, სამწუხაროდ, არც-კი ფიქრობენ. ვიფიქროთ ჩვენ სპეციალისტთა მაგიერ. ადამიანის ბუნება აშკარად გვეუბნება ამასა და ამას. თუ მას ყურს დაეუგდებთ, ჩვენთვის ნათელი გახდება, რომ სპეციალისტების აზრით მნიშვნელოვანი დაეა არსებითად მაინც-დამაინც მნიშვნელოვანი არაა. სეის შესაძლოა დავეთანხმოთ, რადგან მის დებულებათაგან გამომდინარეობს დასკვნა, რომელიც სავესებით ეთანხმება ადამიანის ბუნების მოთხოვნილებას. შესაძლოა რიკარდოსაც დავეთანხმოთ, რადგან მის შეხედულებასაც, სწორად გაგებისა და შევსების შემდეგ, შეუძლია ეს მოთხოვნილებანი უფრო საფუძვლიანი გახადოს. ასე უცერემონიოდ ეჩრება უტოპიური აზრი მეცნიერულ დავაში, რომლის მნიშვნელობა მისთვის გაუგებარი რჩება. ასე სწყვეტდენ მაშინდელი პოლიტიკური ეკონომის სადავო საკითხებს განათლებული და ბუნებისგან უხვად დაჯილდოებული ხალხი, მაგ., ანფანტენი (20).

ანფანტენმა საკმაო პოლიტიკურ-ეკონომიური გამოკვლევები დასწერა, რომელიც არ ჩაითვლება სერიოზულ მეცნიერულ ნაშრომებად, მაგრამ რომლის სრულიად უყურადღებოდ დატოვება შეუძლებელია, როგორც დღემდე პოლიტიკური ეკონომიის და სოციალიზმის ისტორიკოსები იქცევიან. ანფანტენის ეკონომიურ ნაშრომებს აქვს თავისი მნიშვნელობა, როგორც სოციალისტური აზროვნების განვითარების ისტორიის საინტერესო ფაზისს. მაგრამ იმას, თუ როგორია მისი დამოკიდებულება ეკონომისტთა დავასთან, ცხადად უნდა შევძვევი მაგალითი.

ცნობილია, რომ მალთუსი (21) დაჟინებით, თუმცა, ვაგლახად ილაშქრებდა რიკარდოს რენტის წინააღმდეგ. ანფანტენი ფიქრობს, რომ არსებითად ქეშმარიტება პირველის მხარეზეა და არა მეორესი. მაგრამ ის არ უარაჟყოფს არც რიკარდოს თეორიას: იგი ამას საჭიროდ არ სცნობს. მისი აზრით მთელი „მსჯელობა რენტის ბუნებაზე და მესაკუთრის მიერ მუშაკისგან მითვისებული წილის ნამდვილ შედარებით გადიდებასა თუ შემცირებაზე უნდა გამოხატულიყო ერთი კითხვით: როგორია იმ ურთიერთობათა ბუნება, რომელნიც საზოგადოების სასარგებლოდ უმოქმედო მწარმოებელსა (ასე უწოდებს ანფანტენი მიწისმფლობელს) და აქტიურ მწარმოებელს (ე. ი. ფერმერს) შორის უნდა არსებობდეს? როცა ეს ურთიერთობანი ცნობილი იქნებიან, მაშინ საკმარისი იქნება იმ საშუალების გამორკვევა, რომელიც მიგვიყვანს ასეთ ურთიერთობათა დამყარე-

ბამდე; ამასთანავე საჭირო იქნება მხედველობაში მივიღოთ საზოგადოების თანამედროვე მდგომარეობაც; მაგრამ, მიუხედავად ამისა, ყოველი სხვა კითხვა (ე. ი. გარდა ზემოდ დასმული კითხვისა) იქნებოდა მეორეხარისხოვანი და ხელს შეუშლიდა იმ კომბინაციებს, რომელმაც ხელი უნდა შეუწყოს დასახელებულ საშუალებათა გამოყენებას“.<sup>1)</sup>

უმთავრესი ამოცანა პოლიტიკური ეკონომიისა, რომლისთვისაც ანთანტენი „მრეწველობის ფილოსოფიური ისტორიის“ სახელწოდებას ამჯობინებდა, არის როგორც მწარმოებელთა სხვადასხვა ფენის ურთიერთობაზე მითითება, აგრეთვე მითითება მწარმოებელთა მთელი კლასის და სხვა საზოგადოებრივ კლასების ურთიერთობაზე. ეს მითითება უნდა ემყარებოდეს სამრეწველო კლასის ისტორიული განვითარების შესწავლას, ამასთანავე ამ შესწავლას საფუძვლად უნდა ედოს „ახალი გაგება ადამიანთა გვარისა“, ე. ი. სხვა სიტყვებით, ადამიანის ბუნებისა.<sup>2)</sup>

მალთუსის მიერ რიკარდოს რენტის თეორიის უარყოფასთან მჭიდროდ დაკავშირებული იყო უარყოფა კარგად ცნობილია, როგორც ეხლა ამბობენ ჩვენში, ღირებულების შრომითი თეორიისა. ანთანტენს არ ესმის დავის შინაარსი, და ჩქარობს გადაჭრას იგი რიკარდოს რენტის მოძღვრების უტოპიური შევსებით (ან როგორც ეხლა ჩვენში ამბობენ: შესწორებით): „თუ კარგად გვესმის ეს თეორია, ამბობს იგი, მაშინ ვფიქრობთ, საჭირო იყო დაგვემატებია, რომ... მუშები ქირას აძლევენ (ე. ი. რენტის სახით) ზოგიერთებს დასვენებისათვის, რომლითაც ისინი (ზოგიერთები) სარგებლობენ, და საწარმოო საშუალებათა სარგებლობის უფლებისათვის“.

მუშებად აქ ანთანტენი ჰგულისხმობს აგრეთვე, და უმთავრესადაც-კი, ფერმერ—მესარეწეებს. რასაც იგი ამბობს მათი დამოკიდებულების შესახებ მიწათმფლობელებთან საესებით მართალია. მაგრამ მთელი მისი „შესწორება“ წარმოადგენს იმ მოვლენის უფრო მკვეთრად გამოხატვას, რომელსაც რიკარდოც მშვენივრად იცნობდა. ამასთანავე ეს მკვეთრი გამოხატვა (აღამ სმითი ხშირად უფრო მკვეთრად გამოთქვამდა) არა თუ სწყვეტს ღირებულებისა და რენტის საკითხს, არამედ ამას სრულიად ანთანტენის მხედველობის გარეთ აყენებს. მაგრამ მისთვის ეს საკითხები არც არსებობდა; მას აინტერესებდა

1) წერილში «Considerations sur la baisse progressive du loyer des objets mobiliers et immobiliers», «Producteur». ტ. I გვ. 564.

2) იხ. განსაკუთრებით წერილი «Considerations sur la progrès de l'économie politique», «Producteur» ტომი IV.

მხოლოდ და მხოლოდ მომავალი საზოგადოებრივი ორგანიზაცია; ისტვის წინაშეწოდებული იყო დაერწმუნებოდა მკითხველი იმაში, რომ არ უნდა არსებობდეს საწარმოო საშუალებათა კერძო საკუთრება. ანტანტენი პირდაპირ ამბობს, რომ ასეთი პრაქტიკული საკითხების გარეშე, მთელი მეცნიერული დავა ღირებულების შესახებ უბრალო სიტყვათა თამაში იქნებოდაო. ეს, ასე ვთქვათ, პოლიტიკური ეკომიის სუბიექტური მეთოდია.

უტოპისტები არსად პირდაპირ არ გვირჩევენ ამ „მეთოდს“. მაგრამ მათ რომ დიდი მიდრეკილება ჰქონდათ მისდამი, ეს სხვათა შორის, იმითაც მტკიცდება, რომ ანტანტენი უსაყვედურებდა მალთუსს (!) გადაქარბებულ ობიექტივობას. ამ მწერლის მთავარი ნაკლი თითქოს ობიექტივობა ყოფილიყო! ვინც მალთუსის თხზულებებს იცნობს, მან იცის, რომ „მოსახლეობის კანონის“ ავტორი სწორედ რომ ობიექტივობას (რომელიც, მაგალითად, რიკარდოს ახასიათებდა) იყო მოკლებული. არ ვიცი. წაუკითხავს თუ არა ანტანტენს მალთუსი (ყველა საბუთი გვაფიქრებინებს, რომ რიკარდოს შეხედულებას, მაგალითად, იგი მხოლოდ იმ ამონაწერებით იცნობდა, რომელიც ფრანგ ეკონომისტებს მოჰყავდათ რიკარდოდან), მაგრამ, კიდევ რომ წაეკითხა, საეჭვოა შესძლებდა თუ არა იგი მის სათანადო შეფასებას და იმის დამტკიცებას, რომ სინამდვილე ეწინააღმდეგება მალთუსს. გატაცებულს ფიქრით იმაზე, რაც უნდა იყოს, ანტანტენს არც დრო ჰქონდა და არც სურვილი გულდასმით ჩაკვირებოდა იმას, რაც არის. „თქვენ მართალი ხართ, — მზად იყო იგი ეთქვა ყოველი სიკოფანტისთვის, — თანამედროვე საზოგადოებრივ ცხოვრებაში საქმის ვითარება სწორედ ისეა, როგორც თქვენ აღწერთ, მაგრამ თქვენ მეტის-მეტად ობიექტური ხართ; შეხედეთ საკითხს ჰუმანური თვალსაზრისით და თქვენ დარწმუნდებით, რომ საქირთა ჩვენი საზოგადოებრივი ცხოვრების ხელახალი გარდაქმნა“. უტოპიური დილექტანტიზმი იძულებულია თეორიულ დათმობაზე წავიდეს ყველასთან, ბურჟუაზიული წყობილების ცოტად თუ ბევრად განსწავლულ დამცველთან. რათა მიჩქმალოს თავის ცნობიერებაში წარმოშობილი თავისი უძლურების შეგნება, უტოპისტი თავს იიმედებს იმით, რომ ჰკიცხავს თავის მოწინააღმდეგეებს ობიექტივობისათვის: ვთქვათ, ეუბნება იგი მათ, თქვენ ჩემზე უფრო სწავლული ხართ, მაგრამ სამაგიეროდ მე უფრო კეთილი ვარო. უტოპისტი არ უარჰყოფს ბურჟუაზიის სწავლულ დამცველთა თეორიებს. ის მხოლოდ „შენიშნებს“ და „შესწორებებს“ უკეთებს მათ. სწორედ ასეთს, სრულიად უტოპიურ დამოკიდებულებას

საზოგადოებრივი მეცნიერებისადმი ამჩნევს დაკვირვებულ მკითხველი „სუბიექტურ“ სოცილოგთა თხზულებების ყოველ გვერდზე. ჩვენ მასზე ქვემოთ კიდევ ბევრს ვილაპარაკებთ. მოვიყვანოთ ჯერ ორი თვალსაჩინო მაგალითი. 1871 წელს გამოქვეყნდა განსვენებული ნ. ზობერის დისერტაცია: „Теория ценности и капитала Рикорда в связи с позднейшими дополнениями и разъяснениями“. <sup>(22)</sup> წინასიტყვაობაში ავტორი კეთილ-განწყობილად, მაგრამ მხოლოდ გაკვირვებება ბ. ი. ჟუკოვსკის წერილს: „Смитовское направление и позитивизм в экономической науке“ (ეს გამოქვეყნდა ჯერ კიდევ 1864 წ. „Современник“-ში). ამ სხვათაშორის გაკეთებული შენაშენის შესახებ ბ. მიხაილუვსკი ამბობს: „მე სიამოვნებით ვაკონსტატუვებ, რომ წერილში „О литературной деятельности Ю. Г. Жуковского“ მე სპარაულიანად შევაფასე ჩუნი ეკონომისტის დამსახურება. სწორედ მე აღვნიშნე, რომ ბ. ჟუკოვსკიმ დიდი ხანია გამოთქვა მოსაზრება, რომ აუცილებელია დაბრუნება პოლიტიკური ეკონომიის სათავესთან, სადაც მოიპოება მეცნიერების ძირითადი საკითხების სწორი გადაჭრისათვის ყველა მასალა, რომელიც საესეებით დაამახინჯა თანამედროვე სასკოლო პოლიტიკურმა ეკონომიამო. მაგრამ მე მაშინაც აღვნიშნე, რომ იმ იდეას პირველად აღიარების პატივი, რომელიც (იდეა) აიე ნაყოფიერი აღმოჩნდა კარლ მარქსის ხელში, ეკუთვნის რუსულ ლატერატურაში არა ბ. ჟუკოვსკის, არამედ სხვა მწერალს, ავტორს შემდეგი წერილებისა: „Экономическая деятельность и законодательство“ („Современник“, 1859 წ.) „Капитал и труд“ (1860 წ.), და შენიშვნებისა მალისადმი და სხვ... <sup>(23)</sup> ხეოვანებს მიხედვით განსხვავების გარდა, ამ მწერალსა და ბ. ჟუკოვსკის შორის განსხვავება შესაძლებელია შემდეგნაირად გამოვხატოთ. თუ, მაგალითად, ბ. ჟუკოვსკი ვრცლად და ნამდვილად მეცნიერულად, რამოდენადაც პედანტურადაც-კი, ამტკიცებს რომ შრომა ღირებულებით იზომება და ყოველი ღირებულება შრომით იქმნებაო, დასახელებული წერილების ავტორი-კი არ უშვებს მხედველობიდან საქმის თეორიულ მხარესაც და ხაზს უსვამს უსივრცისად ლოლაკურ-პრაქტიკულ დასკვნას მისგან: რაკი ყოველი ღირებულება შრომით იწარმოება და იზომება, ამიტომ იგი შრომას უნდა ეკუთვნოდესო“. <sup>1)</sup> არაა, საქირო პოლიტიკური ეკონომიის დიდი მცოდნე იყო იმის შესატყობად, რომ „მილის თხზულების შენიშვნათა ავტორმა“ სრულად ვერ გაიგო ღირებულების

<sup>1)</sup> ნ. კ. მიხაილუვსკის თხზულებანი, ტ. II, გამ. 2, ს. პეტერბურგი 1898 წ. გვ. 239-240.



ის თეორია, რომელმაც შემდეგ ეგზომ ბრწყინვალე განვითარება მიიღო მარქსის ხელში. სოციალიზმის ისტორიის ყოველ მკოდნეს ესმის, თუ რაღამ ამ ავტორმა, წინააღმდეგ ბ. მიხაილოვსკის რწმუნებისა, სწორედ „უყურადღებოდ დატოვა საქმის თეორიული მხარე“ და იწყო ფიქრი იმაზე, თუ რა ნორმის მიხედვით უნდა იცვლებოდეს პროდუქტები ერთი-მეორეზე კეთილმოწყობილ საზოგადოებაში. მილის თხზულების შენიშვნათა ავტორი უღებოდა ეკონომიურ საკითხებს უტოპისტის თვალსაზრისით. ეს საესებით ბუნებრივი იყო მის დროს. მაგრამ საკვირველი ის არის, რომ ბ. მიხაილოვსკიმ ვერ შესძლო ხელი აეღო ამ თვალსაზრისზე მესამოცდაათე წლებში (ვერც შემდეგ შესძლო, თორემ ის გაასწორებდა თავის შეცთომას თავის თხზულებათა ახალი გამოცემის დროს), როცა ადვილი იყო უფრო სწორი თვალსაზრისის შეთვისება პოპულიარულ თხზულებათა საშუალებითაც. ბ. მიხაილოვსკიმ ვერ გაიგო ის, თუ რას ამბობდა „შენიშვნათა ავტორი“ ღირებულების შესახებ. ეს იმას გამო მოხდა, რომ „მან მხედველობიდან გაუშვა საქმის თეორიული მხარე“, და იგი გაიტაცა „მისმა ლოდიკურ-პრაქტიკულმა დასკვნამ“, ე. ი. - იმ მოსაზრებამ, რომ „ყოველგვარი ღირებულება უნდა ეკუთვნოდეს შრომას.“ ჩვენ უკვე ვიცით, რომ პრაქტიკული დასკვნით გატაცება ყოველთვის უარყოფითს გავლენას ახდენდა უტოპისტების თეორიულ მსჯელობაზე. ხოლო თუ რამდენად ძველია ის „დასკვნა“, რომელმაც გზა აუბნია ბ. მიხაილოვსკის, ამას ის გარემოება ცხადყოფს, რომ იგი გამოჰყავდათ რიკარდოს ღირებულების თეორიიდან ჯერ კიდევ მეოცე წლების ინგლისელ უტოპისტებს. მაგრამ, როგორც უტოპისტს, ბ. მიხაილოვსკის არ აინტერესებს უტოპიათა ისტორიაც-კი. მეორე მაგალითი. ბ. ვ. ვ.-მა 1882 წელს ასე ეხსნა თავისი წიგნის: „Судьбы капитализма в России“-ს გამოსვლა:

„ეს კრებული შედგენილია სხვადასხვა ჟურნალში მოთავსებული წერილებიდან. კრებულის სახით გამოცემის დროს ჩვენ შივევით მას გარეგანი მთლიანობა, რამოდენადმე სხვაგვარად დავალაგეთ მასალა, გამოუშვით განმეორებანი (არა საესებით; იგი საქმაოდაა ვ. ვ.-ის წიგნში). მათი შინაარსი ძველი დარჩა; ახალი ფაქტები და არგუმენტები მოყვანილია ცოტა და თუ, მიუხედავად ამისა, ჩვენ მისი მეორეჯერ გამოცემა გადავსწყვიტეთ, ამას ჩავდივართ ერთად ერთი მიზნით: რათა მთელი არსენალით მკითხველის მსოფლმხედველობაზე ერთდროული თავდასხმის საშუალებით ვიძულოთ ინტელიგენცია ყურადღება მიაპყროს აღძრულ კითხვას (სურათი: ბ. ვ. ვ. „მთელი არსენალით“ თავს ესხმის მკითხველის მსოფლმხედველობას, და დამ-

ფრთხალი ინტელიგენცია ქედს იხრის, ყურადღებას აქცევს და სხვ.)<sup>1</sup> გამოვიწვიოთ კაპიტალიზმისა და ნაროდნიზმის ჩვენი სწავლულნი და ნაფიცი პუბლიცისტები რუსეთის ეკონომიური განვითარების კანონების — ქვეყნის ცხოვრების ყველა მხარეების საფუძვლის — შესასწავლად. ამ კანონის ცოდნის გარეშე შეუძლებელია სისტემატიური და ნაყოფიერი საზოგადოებრივი მოღვაწეობა, ჩვენში გაბატონებული წარმოდგენა-კი რუსეთის უახლოესი მომავლის განვითარების შესახებ, საექვეო კანონის სახელს იმსახურებდეს (წარმოდგენა კანონის სახელს იმსახურებდეს?) და საექვეო აგრეთვე, რომ პრაქტიკული მსოფლმხედველობისთვის რაიმე მტკიცე საფუძვლის მიცემა შესძლოს (წინასიტყვაობა, გვ. 1).

1893 წელს, იგივე ბ. ვ. ვ., რომელმაც მოასწრო გამხდარიყო „ნაფიცი“, თუმცა საუბედუროდ ჯერ კიდევ არა „სწავლული“ პუბლიცისტი ნაროდნიზმისა, შორსაა იმ აზრისგან, რომ ეკონომიური განვითარების კანონი შეადგენს „ქვეყნის ცხოვრების ყველა მხარის საფუძველს“. ეხლა იგი „მთელი არსენალით“ თავს ესხმის ასეთი „მსოფლმხედველობის“ მქონე ხალხს, ეხლა იგი ფიქრობს, რომ ამ მსოფლმხედველობის მიხედვით ისტორიული პროცესი შედეგის — ადამიანის-ნაცვლად იქცევა მიზეზად, ადამიანი-კი მის მორჩილ იარაღად;<sup>2</sup> 1) ეხლა იგი სოციალურ ურთიერთობას თვლის „ადამიანის სულიერი სამყაროს შედეგად“<sup>2</sup>) და დიდი ექვით უყურებს მოძღვრებას საზოგადოებრივ მოვლენათა კანონზომიერების შესახებ, და უპირდაპირებს მას „ისტორიის პროფესორის ნ. ი. კარევეის ისტორიის შეცნიერულ ფილოსოფიას“ (გულისხმა ყვენით, წარმართთა, და მორჩილ ყვენით, რამეთუ ჩვენთანა არს თვით ბ. პროფესორი!)<sup>3</sup>)

საკვირველი გარდატეხა! რამ გამოიწვია იგი? აი რამ. 1882 წელს, ბ. ვ. ვ. ეძებდა „რუსეთის ეკონომიური განვითარების კანონს“ და წარმოდგენილი ჰქონდა, რომ ეს კანონი მისი საკუთარი, ე. ი. ბ. ვ. ვ.-ის „იდეალების“ მხოლოდ მეცნიერული გამოხატულება იქნებოდა. იგი დარწმუნებულიც-კი იყო, რომ მან ასეთი „კანონი“ იპოვა, სწორედ „კანონი“ რუსული კაპიტალიზმის უსიცოცხლობისა. მაგრამ ამის შემდეგ მას თერთმეტი წელი ტყუილა ხომ არ უცხოვრია? მას უნდა ელიარებია, თუმცა არა სხვის გასაგონად, რომ მკვდრად შობილი კაპიტალიზმი სულ უფრო და უფრო

<sup>1</sup>) Наши направления. С. Петербург. 1893 წ. გვ. 136.

<sup>2</sup>) L. cit., გვ. 9, 13, 140 და მრავალი სხვ.

<sup>3</sup>) იქვე, გვ. 143 და შემდეგ.

ვითარდება. სინამდვილეში-კი კაპიტალიზმის განვითარება „რუსეთის ეკონომიური განვითარების თითქმის უდავო კანონად“ იქცა. და აი, ბ. ვ. ვ. შეეცადა შეებრუნებია თავის „ისტორიის ფილოსოფია“: მან, რომელიც ასე გატაცებით ეძებდა „კანონს“, დაიწყო ლაპარაკი, რომ ასეთი ძებნა დროის უქმად გატარებააო. რუსი უტოპისტი არაა წინააღმდეგი „კანონს“ დაეყრდნოს; მაგრამ ის მყისვე უარპყოფს მას ისე, როგორც პეტრე მოციქულმა იესო ქრისტე უარპყო, თუ-კი „კანონი“ ეწინააღმდეგება იმ „იდეალს“, რომელიც მან უნდა განამტკიცოს არა მარტო შიშის, არამედ სინდისისთვის. თუმცა ბ. ვ. ვ. არც ეხლა ფიქრობს სამუდამოდ ხელი აიღოს „კანონზე“. „ბუნებრივმა მისწრაფებამ შეხედულებათა სისტემატიზაციისკენ უნდა მიიყვანოს რუსი ინტელიგენცია ეკონომიურ ურთიერთობათა ევოლიუციის დამოუკიდებელი სქემის შემუშავებამდე, რომელიც შეფერება ჩვენი ქვეყნის განვითარების მოთხოვნილებებს და პირობებს; და ასეთი მუშაობა, ექვს გარეშეა, შესრულებული იქნება ახლო მომავალში“ („Наши направления,“ გვ. 114). თავისი „დამოუკიდებელი სქემის“ შემუშავების დროს რუსი ინტელიგენცია, ცხადია, იმ საქმით გაერთობა, რომლითაც ერთობოდა ბ. ვ. ვ. „Судьба капитализма“-ში, როცა იგი „კანონს“ ეძებდა. როცა სქემა ამლოჩენილი იქნება— ბ. ვ. ვ. გვეფიცება, რომ ის ამლოჩენილი იქნება სულ ახლო მომავალშიო—ჩვენი ავტორი სწორედ ისე ზემოთ შეურიგდება კანონზომიერებას, როგორც სახარებაში მოხსენებული მამა თავის უძღებ შვილს. ოხუნჯები! თავისთავად ცხადია, რომ მაშინაც კი, როცა ბ. ვ. ვ. ჯერ კიდევ ეძებდა „კანონს“, მას არ ესმოდა, თუ რა აზრი ექნებოდა ამ სიტყვას საზოგადოებრივ მოვლენათა მიმართ. ის „კანონს“ ისე უყურებდა, როგორც მეოცე წლების უტოპისტები. მხოლოდ ამით შეიძლება ავხსნათ ის გარემოება, რომ იგი ფიქრობდა ერთი ქვეყნის—რუსეთის—განვითარების კანონი ამლოჩენია. მაგრამ რად აწერს იგი თავისი აზროვნების მეთოდებს რუს მარქსისტებს? იგი სცდება, თუ-კი ფიქრობს, რომ მარქსისტები საზოგადოებრივ მოვლენათა კანონზომიერების გაგების საქმეში არ წასულან უტოპისტებზე შორს. და რომ იგი ასე ფიქრობს, ამას ნათელპყოფს მათ (მარქსისტების) წინააღმდეგ წამოყენებული ყველა მისი საბუთი. ასე მარტო იგი როდი ფიქრობს; ასე ფიქრობს თვით „პროფესორი ისტორიისა“, ბ. კარევი. ასე ფიქრობს „მარქსიზმის“ ყველა მოწინააღმდეგე. ისინი ჯერ მიაწერენ მარქსისტებს უტოპიურ თვალსაზრისს საზოგადოებრივ მოვლენათა კანონზომიერებაზე და შემდეგ

კი აბათილებენ ამ თვალსაზრისს მეტი თუ ნაკლები საექვო წარმატებით. სწორედ რომ ქარის წისქვილებთან ბრძოლაა!

აქვე ისტორიის სწავლულ „პროფესორზეც.“ აი როგორ გადმოგვცემს იგი სუბიექტურ თვალსაზრისს კაცობრიობის განვითარების ისტორიაზე: „თუ ისტორიის ფილოსოფიაში ჩვენ პროგრესის საკითხი გვაინტერესებს, ამით გარკვეულია მეცნიერების არსებითი შინაარსი, მისი ფაქტები და ამ უკანასკნელთა დაჯგუფება. მაგრამ ფაქტების არც გამოგონება შეიძლება და მათ შორის არც გამოგონილი კავშირის გაბმა (მაშასადამე, არც არჩევაში და არც დაჯგუფებაში არ უნდა იყოს რაიმე თვითნებითი? მაშასადამე, დაჯგუფება სავსებით უნდა შეესაბამებოდეს ობიექტურ სინამდვილეს? აჰა! ყური უგდეთ!), და ისტორიის მსვლელობის სურათი განსაზღვრული თვალსაზრისით ობიექტური იქნება, მისი გადმოცემის სისწორის აზრით. აქ თავს იჩენს სხვა გვარი სუბიექტივიზმი: შემოქმედებითს სინთეზს შეუძლია შექმნას ნორმათა მთელი იდეალური ქვეყანა, ის, რაც უნდა იყოს, ქვეყანა ქეშპარიტისა და სამართლიანის, რომელთანაც შედარებული უნდა იქნეს ნამდვილი ისტორია, ე. ი. მისი მსვლელობის ობიექტური სურათი, დახატული ერთგვარი წესით, კაცობრიობის ცხოვრების არსებითი ცვლილებების თვალსაზრისით. ამ შედარების საფუძველზე წარმოიშობა ისტორიული პროცესის შეფასება, რომელიც, მიუხედავად ამისა, არ უნდა იყოს თვითნებითი. საჭიროა დაეამტკიცოს, რომ დაჯგუფებული ფაქტები, ისე როგორც ისინი ჩვენ მოცემული გვაქვს, მართლაც იმ მნიშვნელობის მქონეა, რასაც ჩვენ მათ მას შემდეგ მივაწერთ, რაც ჩვენ გარკვეულ თვალსაზრისს და შეფასების გარკვეულ საზომს მივიღებთ“.

შჩედრინის „დამსახურებული მოსკოველი პროფესორი“ ობიექტივობით კვებნის დროს ამბობს: ჩემთვის სულერთია, იაროსლავმა დაამარცხა იზიასლავი, თუ იზიასლავმა იაროსლავიო. ბ. კარეევი, რომელმაც შექმნა „ნორმათა მთელი იდეალური ქვეყანა, ის, რაც უნდა იყოს, ქვეყანა ქეშპარიტისა და სამართლიანის“, მოკლებულია ასეთს ობიექტივობას. ვთქვათ, ის თანაუგრძნობს იაროსლავს, თუმცა იგი თავს ნებას არ მისცემს მისი დამარცხება გამარჯვების სახით დაგვიხატოს („ფაქტების გამოგონება შეუძლებელია“), მაგრამ იგი ძვირფას უფლებას იტოვებს დაღვაროს ცრემლი იაროსლავის მწარე ბედის გამო, და არ შეუძლია წყევლა-კრულვა არ გაუზღავენოს იაროსლავის დამმარცხებელს, იზიასლავს. ძნელია ასეთი „სუბიექტივიზმის“ წინააღმდეგ რისამე თქმა. მაგრამ ამაოდ ცდილობს ბ. კარეევი დაგვიხატოს იგი ასეთი უფერული და ამიტომაც უენებელი სახით. დაბა.

ტო იგი ასე, ნიშნავს ვერ გაიგო მისი ქვეშარიტი ბუნება, ჩააღრჩო იგი სანტიმენტალური ფრაზეოლოგიის მორევში. ნამდვილად-კი სუბიექტურ მოაზროვნეთა დამახასიათებელი თვისება ისაა, რომ „ის რაც უნდა იყოს,“ ქვეყანა „ქვეშარიტისა“ და „სამართლიანის“, მათი აზრით, ისტორიული განვითარების ობიექტურ მსვლელობასთან ყოველგვარი კავშირის გარეშეა: აქ— „ის, რაც უნდა იყოს“, იქ— „ნამდვილი“, და ეს ორი სფერო დაშორებულია ერთი-მეორისგან მთელი უფსკრულით, იმ უფსკრულით, რომელიც, დუალისტების აზრით, მატერიალურსა და სულიერ ქვეყანას ერთი-მეორეს აცილებს. სხვათაშორის, მეცხრამეტე საუკუნის საზოგადოებრივი მეცნიერების ამოცანა ის იყო, რათა ხიდი გადებულყო ამ ვითომდაც უფსკრულზე. სანამ ამ ხიდს არ გავდებთ, მანამდე აუცილებლად იძულებული ვიქნებით თვალის ავიარიდოთ სინამდვილეს და მთელი ყურადღება მივაპყროთ იმას „რაც უნდა იყოს“ (როგორც სენ-სიმონისტები იქცევოდნენ), რაც, თავისთავად ცხადია, დააგვიანებს ამ უკანასკნელის განხორციელებას, რადგანაც გაძნელებულია მასზე სწორი თვალსაზრისის შემუშავება. ]

ჩვენ უკვე ვიცით, რომ რესტავრაციის დროის ისტორიკოსები, წინააღმდეგ XVIII საუკუნის განმანათლებლებლისა უფროსი ქვეყნის პოლიტიკურ დაწესებულებებს განიხილავდნენ, როგორც მისი სამოქალაქო ყოფა-ცხოვრების შედეგს. ეს ახალი თვალსაზრისი მაშინ ისე გავრცელდა და გაძლიერდა, რომ იგი პრაქტიკული საკითხების გადაჭრის დროს უცნაურს, დღეს უკვე წარმოუდგენელ უკიდურესობამდე მიდიოდა. მაგალითად, ე. ბ. სეი ამტკიცებდა, რომ პოლიტიკური საკითხები არ უნდა აინტერესებდეს ეკონომისტს, რადგანაც სახალხო მეურნეობა ერთნაირი წარმატებით ვითარდება ერთი-მეორის დიამეტრულად საწინააღმდეგო პოლიტიკური წესწყობილების დროსაც. სენს ამ აზრს სენ-სიმონი ქებოთ იხსენიებს, თუნცა მასში რამოდენადმე უფრო ღრმა შინაარსს სდებს. ზოგის გამოკლებით XIX საუკუნის ყველა უტოპიკი იზიარებს ასეთ თვალსაზრისს „პოლიტიკაზე.“

თეორიულად ეს თვალსაზრისი შემცდარია ორის მხრით. ჯერ ერთი, ამ თვალსაზრისზე ედგომ ხალხს ავიწყდებოდა, რომ საზოგადოებრივ ცხოვრებაში ისე, როგორც ყოველგან, სუდაც ჩვენ საქმე გვაქვს პროცესთან და არა ცალკე მოვლენასთან, შედეგი თავისი მხრით ხდება მიზეზი, მიზეზი იქცევა შედეგად. მოკლედ, ისინი ხელს იღებდნენ სწორედ ურთიერთი ზემოქმედების იმ თვალსაზრისზე, რომლითაც სხვა შემთხვევებში სრულიად უმართებლოდ კმაყოფილდე-

ბოდენ თავის ანალიზის დროს. მეორე — თუ პოლიტიკური ურთიერთობა სოციალურ ურთიერთობათა შედეგს წარმოადგენს, მაშინ გაუგებარია, თუ როგორ შეიძლება ერთი-მეორის სრულიად საწინააღმდეგო შედეგები (დიამეტრულად საწინააღმდეგო ხასიათის პოლიტიკური დაწესებულებანი) გამოწვეულ იქნეს ერთი და იმავე მიზეზით: „სიმდიდრის“ ერთნაირი მდგომარეობით. ცხადია, რომ აქ თვით წარმოდგენა ქვეყნის პოლიტიკურ დაწესებულებებსა და მის ეკონომიურ მდგომარეობას შორის მიზეზობრივ კავშირზე ჯერ კიდევ მეტის-მეტად ბუნდოვანი რჩება. და მართლაც, არაა ძნელი იმის ცხადყოფა, თუ როგორ ბუნდოვანად ესმის იგი ყველა უტოპისტს.

პრაქტიკულად ეს ბუნდოვანება იწვევდა ორნაირ შედეგს. ერთის მხრით, უტოპისტები, ასე ბევრს რომ ლაპარაკობდნენ შრომის ორგანიზაციაზე, მზად იყვნენ საჭირო შემთხვევაში გაემეორებიათ XVIII საუკუნის ძველი დევიზი „*lesser faire, lesser passer.*“<sup>(21)</sup> მაგალითად, სენ-სიმონი, რომელიც XIX საუკუნის უდიდეს ამოცანას მრეწველობის ორგანიზაციაში ხედავდა, აზობდა: „*l'industrie a besoin d'être gouvernée le moins possible*“ (მრეწველობა საჭიროებს რაც შეიძლება ნაკლებ მართველობას!). მეორეს მხრით, უტოპისტები — ზოგიერთთა გამოკლებით, რომელნიც უგვიანეს ხანას ეკუთვნიან — სრულიად გულგრილად უტკერდნენ მიმდინარე პოლიტიკას, ყოველდღიურ პოლიტიკურ საკითხებს.

პოლიტიკური წყობილება შედეგია და არა მიზეზი. შედეგი ყოველთვის შედეგია და არასოდეს არ იქცევა თავისი მხრით მიზეზად. აქიდან თითქმის უშუალოდ გამომდინარეობს დასკვნა: „პოლიტიკა არ გამოდგება საზოგადოებრივ-ეკონომიური „იდეალების“ განხორციელების იარაღად. ამიტომ გასაგებია უტოპისტის ფსიქიოლოგია, რომელიც ზურგს აქცევს პოლიტიკას. მაშ რაზე ამყარებდნენ ისინი საზოგადოებრივი გარდაქმნის გეგმის განხორციელების იმედს? რა ედვა საფუძვლად მათი გეგმების პრაქტიკულად განხორციელების იმედს? ყველაფერი და არაფერიც. ყველაფერი — იმ აზრით, რომ ისინი განურჩევლად ელოდნენ დახმარებას სხვადასხვა, სრულიად ერთი-მეორის საწინააღმდეგო მხრიდან. არაფერი — იმ აზრით, რომ ყველა მათი იმედი სრულიად უსაფუძვლო იყო.

<sup>1)</sup> XVIII საუკუნის განმანათლებლნი სწორედ ამგვარად ეწინააღმდეგებოდნენ თავის თავს, თუმცა მათი წინააღმდეგობა სხვახარით მხილდებოდა. ისინი იტყვიან სახელმწიფოს ჩაურევლობას, მაგრამ მაინც ხან-გამოშვებით კანონმდევლასგან მოითხოვდნენ დაწერილობითს რეგლამენტაციას. არც განმანათლებლებს ბმოდან ნათლად „პოლიტიკის“ (რომელსაც ისინი მიზეზად თვლიდნენ), კავშირი შეურნობასთან (რომელიც მათ შედეგად მიაჩნდათ.)

უტოპისტებს წარმოდგენილი ჰქონდათ თავი უაღრეს პრაქტიკულ ხალხად. მათ ეჯავრებოდათ „დოქტრინერები“ და ყველა მათი მყვირალა პრინციპები უყუყუმიანოდ მსხვერპლად მიჰქონდათ თავისი *idées fixes*-ისთვის. ისინი არ იყვნენ არც ლიბერალები, არც კონსერვატორები, არც მონარქისტები და არც რესპუბლიკანელები. ისინი მზად იყვნენ შეთანხმებოდნენ როგორც ლიბერალებს, ისე კონსერვატორებს, მონარქისტებს, რესპუბლიკანელებს, ოღონდ განეხორციელებიათ თავისი „პრაქტიკული“ და, როგორც მათ ეგონათ, მეტი-მეტად პრაქტიკული გეგმები. ძველი უტოპისტებისგან ყველაზე უფრო შესანიშნავია ამ მხრით ფურიე. იგი, როგორც გოგოლის კოსტანჯოგლო, ცდილობდა ყოველი ნაგავი საქმეში გამოეყენებია. იგი ხან მევახშეებს ხიბლავდა უზომო პროცენტების პერსპექტივით, რომელსაც თითქოს ისინი მიიღებდნენ თავისი კაპიტალებიდან მომავალ საზოგადოებაში; ხან ნესვებისა და ხაჭიკორას მოყვარულთ მიმართავდა და აჯადოვებდა მათ მომავლის შესანიშნავი ნესვით, ხან ლუი ფილიპეს არწმუნებდა, რომ ორლეანის დინასტიის პრინციებს, რომელთაც ეხლა უურადლებას არ აქცევენ ქეშმარიტი პრინციები, მოსვენება არ ექნებათ საქმროებისგან ახალი წესწყობილების დროსო. იგი ყოველ ხავს ეკიდებოდა. მაგრამ სრულიად ამაოდ! არც მევახშეები, არც ნესვის მოყვარულნი, არც „კოროლი—მოქალაქე“, როგორც იტყვიან, ურს არ აპარტყუნებდნენ, არავითარ უურადლებას არ აქცევდნენ ფურიეს, ერთის შეხედვით, სრულიად დამარწმუნებელ დაპირებებს. მისი პრაქტიკულობა აღმოჩნდა წინასწარ განწირული,— უიმედო ძებნა ბედნიერი შემთხვევისა.

ბედნიერ შემთხვევას გულმოდგინეთ ეძებდნენ ჯერ კიდევ XVIII საუკუნის განმანათლებელნი. სწორედ ასეთი ბედნიერი შემთხვევის იმედით ცდილობდნენ ისინი ყოველგვარი საშუალებით დაეკირათ მეგობრული კავშირი მაშინდელ ცოტად თუ ბევრად განათლებულ „კანონმდებლებთან“ და არისტოკრატებთან. ჩვეულებრივად საქმე ასე აქვთ წარმოდგენილი: რაკი აღამიანმა შეიგნო, რომ შეხედულება მართავს ქვეყანასო, მას არავითარი საბუთი არა აქვს უიმედოდ უყუროს მომავალს: *la raison finira pas avoir raison*. მაგრამ ეს ასე არაა. როდის, რა გზით გაიმარჯვებს გონება? განმანათლებელნი ამბობდნენ, რომ საზოგადოებრივ ცხოვრებაში ყველაფერი ბოლოს და ბოლოს „კანონმდებელზეა“ დამოკიდებულიო. ამიტომ იყო, რომ ისინი ცდილობდნენ შეერჩიათ კანონმდებლები. მაგრამ ამავე განმანათლებლებმა ძალიან კარგად იცოდნენ, რომ აღამიანის ხასიათი და შეხედულებები დამოკიდებულია აღზრდაზე და რომ,

საზოგადოდ, აღზრდა არ ამუშავებს „კანონმდებლებში“ განმანათლებელი იდეების შეთვისების უნარს. ამიტომ შეუძლებელია მათ ვერ შეეგნოთ, რომ კანონმდებლები ამ მხრით ნაკლებად საიმედონი იყვენ. მათ ერთი გზა დარჩენოდათ: იმედი ბედნიერ შემთხვევაზე დაემყარებიათ. წარმოიდგინეთ, რომ თქვენ უზარმაზარი ყუთი გაქვთ, რომელშიც არის მრავალი შავი და ორი-სამი თეთრი ბურთი. თქვენ იღებთ თანდათან ბურთებს. ყოველ ცალკე შემთხვევაში თქვენ გაცილებით ნაკლები შანსი გაქვთ ამოიღოთ თეთრი, ვიდრე შავი ბურთი, მაგრამ ოპერაციის მრავალჯერ განმეორების შემდეგ თქვენ ბოლოს თეთრიც ამოგაქვთ. იგივე შეიძლება ითქვას „კანონმდებლებზეც“. ყოველ ცალკე შემთხვევაში გაცილებით უთუოა, რომ კანონმდებელი წინააღმდეგი იქნება „ფილოსოფოსების“, მაგრამ გამოჩნდება ბოლოს „ფილოსოფოსთა“ დამჯერი კანონმდებელიც. ეს უკანასკნელი ყველაფერ იმას გააკეთებს, რასაც გონება მოითხოვს. ასე, სიტყვა-სიტყვით ასე მსჯელობდა ჰელვეციუსი.<sup>1)</sup> სუბიექტურ-იდეალისტური თვალსაზრისი ისტორიაზე („შეხედულებანი მართავენ ქვეყანას“), რომელიც ერთი შეხედვით ასე დიდ ადგილს უთმობდა ადამიანის თავისუფლებას, სინამდვილეში ახს შემთხვევითობის ხათამაშო ნივთად აქცევდა. აი რატომ არის, რომ ეს თვალსაზრისი არსებითად ძალიან უნუგეშოა.

მაგალითად, ჩვენ არ ვიცნობთ არც ერთ თვალსაზრისს, რომელიც XIX საუკუნის დასასრულის უტოპისტების, ე. ი. რუსი ნაროდნიკებისა და სუბიექტური სოციოლოგების თვალსაზრისზე უფრო უნუგეშო იყოს. თითოეულ მათგანს მზად აქვს თემის და მასთან ერთად საზოგადოდ გლეხობის დალუპვისგან გადარჩენის მზამზარეული გეგმა, თითოეულ მათგანს „პროგრესის თავისი ფორმულა“ აქვს. მაგრამ ამაოდ! ცხოვრება თავის გზით მიდის და არაერთარ ყურადღებას არ აქცევს მათ ფორმულებს, რომელთაც სხვა არაფერი რჩებათ, თუ არა განაგრძონ ცხოვრებისგან დამოუკიდებელი თავისი გზა, აბსტრაქციის, ფანტაზიის და ლოლიკურ აგებულის სფეროში. აი, მაგალითად, მოვუსმინოთ სუბიექტური სკოლის აქილესს, ბ. მიხაილოვსკის.

„ევროპაში მუშათა საკითხი არის რევოლუციონური საკითხი, იგი მოითხოვს შრომის პირობების (?) გადახვლას მუშის ხელში, ეხლანდელ მესაკუთრეების ექსპროპრიაციას. მუშათა საკითხი რუსეთში კონსერვატიული საკითხია, რადგან იქ საჭიროა მუშის ხელში

<sup>1)</sup> „Dans un temps plus ou moins long il faut disent les sages, que toutes les possibilités se réalisent pourquoi desespérer du bonheur futur de l'humanité?“ და სხვ.



შრომის პირობების მხოლოდ შენარჩუნება, დღევანდელი მესაკუთრეებისთვის მათი საკუთრების გარანტია. ჩვენში, იქვე პეტერბურგთან, ფაბრიკებით, ქარხნებით, ბალებით და აგარაკებით მოფენილ ადგილში მდებარეობს სოფლები, რომლის მცხოვრებნიც თავის საკუთარ მიწაზე ცხოვრობენ, წვავენ თავის ტყეს, სკამენ თავის პურს, იცმევენ თავისი ცხვრის მატყლიდან თავისი ხელით დამზადებულ „არმიაკსა“ და ქურქს. უზრუნველჰყავით ისინი მტკიცედ ყველაფერი ამით და რუსული მუშათა საკითხიც გადაიჭრება. ამ მიზანს შეიძლება ყველაფერი შეესწიროთ თუ სწორად გაეიგებთ სიტყვა უზრუნველყოფას. გვეტყვიან: შეუძლებელია მუდამ სახნისი და სამ-მინდვროვანი სისტემა, „არმიაკების“ და ქურქის დამზადების პრიმიტიული წესი დაეტოვოთო. შეუძლებელია. ამ სიძნელისგან თავის დასახწვეად არის ორი გზა. ერთი, რომელსაც ამართლებს პრაქტიკული თვალსაზრისი, ძ-ლიან მარტივი და მოხერხებულია: ასწიეთ ტარიფი დაარღვიეთ თემი—და თითქმის საკმარისია—მრეწველობა მსგავსად ინგლისურისა აღმოცენდება როგორც სოკო. მაგრამ იგი ჩაყლაპავს მუშას, საკუთრებას ჩამოართმევს მას. არის მეორე გზაც, რასაკვირველია, გაცილებით ძნელი—მაგრამ საკითხის ადვილად გადაჭრა ჯერ კიდევ არ მოწმობს მის სწორად გადაჭრას. მეორე გზა მდგომარეობს შრომისა და საკუთრების იმ ურთიერთობის განვითარებაში, რომელიც არსებობს ეხლა ჩვენ თვალწინ. მაგრამ მეტის-მეტე ტლანქი და პირვანდელი სახით. გასაგებია, რომ ამ მიზნის მიღწევა შეუძლებელია სახელმწიფოს ფართო ჩარევის გარეშე, რომლის პირველი აქტი უნდა იქნეს თემის კანონმდებლობითი განმტკიცება.<sup>1)</sup>

ამ წუთისოფლად  
ჩვენ გულისყოფას  
ორი აქვს გზა.  
ასწონე ნება  
და ძლიერება—  
შენი ბილიკით  
დაიწყე სვლა.\*)

ჩვენ გვგონია, რომ ჩვენი ავტორის მთელს მსჯელობას ნესვის და ხაჭიკორას სუნი უდის. ძალიან საეკვოა, რომ ყნოსვა გვალატობდეს. რაში ცთებოდა ფურიე ნესვებსა და ხაჭიკორაზე მსჯელობის დროს? იმაში რომ, რომ იგი „სუბიექტურ სოციოლოგიას“

<sup>1)</sup> ნ. მიხაილოვსკის თხზულებანი, ტ. II-ე გამოცემა 2-ე, გვ. 102—103.

<sup>2)</sup> ეს ადგილი თარგმნა მ. პატარაძემ. მთარგმნელის შენიშვნა

მიმართავდა. ობიექტური სოციოლოგი შეეკითხებოდა თავს: არის თუ არა რაიმე ალბათობა იმისა, რომ ჩემ მიერ დახატული სურათი მიიზიდავს ნესვისა და ხაქიქორას მოყვარულთ? იგი შეეკითხებოდა თავს: შესწევთ თუ არა ძალა ნესვისა და ხაქიქორას მოყვარულთ შესცვალონ არსებული საზოგადოებრივი ურთიერთობა და მისი განვითარების მსვლელობა? ყველაზე სწორი იქნება—ვიფიქროთ, რომ იგი ყველა ამ კითხვას უარყოფითად უპასუხებდა და არ დაკარგავდა დროს ნესვის და ხაქიქორას „მოყვარულთან“ ბაასისთვის. მაგრამ ასე მოიქცეოდა ობიექტური სოციოლოგი, ე. ი. ის კაცი, რომელიც მთელ იმედს საზოგადოებრივი განვითარების არსებულ კანონზომიერ მსვლელობაზე ამყარებს. სუბიექტური სოციოლოგი-კი აძევებს კანონზომიერებას „სახურველის“ გულისთვის, ამიტომ მას სხვა გზა არ რჩება, თუ არა შემთხვევითობის იმედი იქონიოს. შესაძლოა იღბლად ჯოხიდანაც გაისროლო—აი ის ერთად ერთი სანუგეშო მოსაზრება, რომელსაც ეყრდნობა კარგი სუბიექტური სოციოლოგი.“

მაგრამ ჯოხს ხომ ორი ბოლო აქვს და არ ვიცით რომლით ისვრის. ჩვენმა ნაროდნიკებმა და, თუ შეიძლება ასე ვთქვათ, სუბიექტივისტებმა მრავალზე—უმრავლესი ასეთი ჯოხი შინჯეს (თემური მიწათმფლობელობის დროს ნ. რჩენი ხარკის აკრეფის მოხერხებულების შესახებ მოსაზრებაც-კი მათთვის ზოგჯერ მაგიურ ჯოხს წარმოადგენდა). დიდ უპრავლეს შემთხვევაში ჯოხი უვარგისი აღმოჩნდა თოფის როლში, და თუ იყო შემთხვევა, როცა ისროდა, ტყვია მაინც თვით ბ. ბ. ნაროდნიკებსა და სუბიექტივისტებს ხვდებოდა. გავიხსენოთ საგლეხო ბანკი. რა იმედებს ამყარებდენ მასზე ისინი თემის განმტკიცების საქმეში? როგორ ზეიმობდენ ბ. ბ. ნაროდნიკები მისი გახსნის დროს, და რა გამოვიდა? ჯოხიდან გასროლილი ტყვია თვით ზეიმის მონაწილეებს მოხვდა: ეხლა თითონ ისინიც აღიარებენ, რომ საგლეხო ბანკი ყოველ შემთხვევაში მეტად სასარგებლო დაწესებულებაა—მხოლოდ არღვევს თემსო; მაგრამ ამ აღიარებით ზეიმის მონაწილენი გამოტყდენ იმაში, რომ ისინი, რამდენიმე დროის განმავლობაში მაინც, უქმად მოლაყბენი იყვნენ.

— მაგრამ ბანკი მხოლოდ იმიტომ არღვევს თემს, რომ წესდება და პრაქტიკა არ შეეფერება ჩვენ იდეას მთლიანად. ჩვენი იდეა რომ მთლიანად განხორციელებულიყო, მაშინ შედეგს სულ სხვას მივიღებდით...

— ჯერ ერთი, სულ სხვა შედეგს ვერ მივიღებდით: ბანკი ყოველ შემთხვევაში ხელს შეუწყობდა ფულადი მეურნეობის განვითარებას, ფულადი მეურნეობა-კი აუცილებლად დაარღვევდა თემს. მეორე,

როცა გვესმის ეს დაუსრულებელი „რომ“, ჩვენ რატომ-ღაც გვგონია, რომ ჩვენი ფანჯრის ახლო ხილის დამტარებელი გაიძახის: აბა კარგი ნესვი, აბა კარგი ნესვი!

უკვე ჩვენი საუკუნის მეოცე წლებში ფრანგი უტოპისტები გამუდმებით აღნიშნავენ მათ მიერ გამოგონილი რეფორმების „კონსერვატიულ“ ხასიათს. სენ-სიმონი აშინებდა პირდაპირ მთავრობასაც და, როგორც ჩვენში იტყვიან, საზოგადოებასაც სახალხო აჯანყებით, რომელიც მაშინ „კონსერვატორების“ ცნობიერებაში უნდა დახატულიყო როგორც საშინელი, მესხიერებაში ჯერ კიდევ წარუშლელი მოძრაობა სანკიულოტებისა. მაგრამ ამ დაფრთხობამ, თავისთავად ცხადია, ვერავითარი შედეგი ვერ მოიტანა და თუ ისტორია რაიმე გაკვეთილს გვაძლევს, ყველაზე უფრო საგულისხმოა ის, რომელიც ამჟღავნებს ყველა თითქოს პრაქტიკული უტოპისტების გეგმების სრულ უპრაქტიკობას.

როცა უტოპისტები თავისი გეგმების კონსერვატიულ ხასიათს აღნიშნავენ და მთავრობას მისი განხორციელებისკენ მოუწოდებდნენ, მათ თავისი აზრის დასამტკიცებლად ჩვეულებრივად მოჰყავდათ თავისი ქვეყნის ისტორიული განვითარების მიმოხილვა ცოტად თუ ბევრად ხანგრძლივი ეპოქის განმავლობაში, მიმოხილვა, საიდანაც ჩანდა, რომ ამა და ამ დროს დაშვებული იყო „შეტომები“, რომლებმაც სრულიად ახალი და არასასურველი სახე მისცეს ყველა საზოგადოებრივ ურთიერთობას. საკმარისი იყო მთავრობას მხოლოდ შეეგნო და გაესწორებია ეს „შეტომები“, რათა დაუცონებლივ დაემკვიდრებია ამ ქვეყნად თითქმის სამოთხე.

მაგალითად, სენ-სიმონი არწმუნებდა ბურბონებს, რომ რევოლიუციამდე საფრანგეთის შინაგანი განვითარების დამახასიათებელი ნიშანი მონარქიის და მრეწველობის კავშირი იყო. ეს კავშირი ორივე მხრისათვის სასარგებლო იყო. რევოლიუციის დროს მთავრობა გაუგებრობის გამო მრეწველთა კანონიერი მოთხოვნილებების წინააღმდეგ წავიდა, მრეწველნიც ახეთიფე ხავალალო გაუგებრობით მონარქიას აღუდგენ. აქიდან გამომდინარეობს შემდგომი დროის მთელი სიდუხჭირე. მაგრამ ეხლა, როცა ბოროტების ფესვი გაშიშვლებულია, საქმე სულ ადვილად გამოსასწორებელია, რადგან ამისთვის საკმარისია მხოლოდ მრეწველები გარკვეული პირობით შეურიგდნენ მთავრობას. სწორედ ეს იქნებოდა ორივე მხრისათვის ყველაზე უფრო გონიერული, კონსერვატიული გამოსავალი უთვალავი სიძნელისაგან. ზედმეტია ლაპარაკი ეხლა იმაზე, რომ არც ბურბონები და არც მრეწველები არ გაპყლიან სენ-სიმონის კეთილ რჩევას.

„იმის მაგიერ, რომ მტკიცედ დავიცვათ ჩვენი საუკუნეებრივი ტრადიციები; იმის მაგიერ, რომ განვაფიქროთ საწარმოო საშუალებათა და დამოუკიდებელ მწარმოებელთა ურთიერთი კავშირის ჩვენ მიერ მემკვიდრეობად მიღებული პრინციპები; იმის მაგიერ, რათა ვისარგებლოთ დასავლეთ-ევროპის მეცნიერების მონაპოვრით და გამოვიყენოთ იგი იმ მრეწველობის ფორმის განსავითარებლად, რომლის საფუძველია გლეხების მიერ საწარმოო იარაღის მფლობელობა; იმის მაგიერ, რომ მისი შრომის ნაყოფიერება გავადიდოთ საწარმოო საშუალებათა მის ხელში თავმოყრით; იმის მაგიერ, რათა ვისარგებლოთ ევროპაში არსებული წარმოების არა ფორმით, არამედ მისი ორგანიზაციით... ყველა ამის მაგიერ ჩვენ დაეადექით სრულიად საწინააღმდეგო გზას. ჩვენ არა თუ ხელი შეუშალეთ წარმოების კაპიტალისტური ფორმის განვითარებას, ნიუხედავად იმისა რომ იგი დამყარებულია გლეხობის ექსპროპრიაციაზე, არამედ პირიქით, ყოველი ღონით შევეცადეთ ხელი შეგვეწყო მთელი ჩვენი სამეურნეო ცხოვრების ძირეული რღვევისთვის, რომელმაც ბოლოს, 1891 წლის შიმშილამდე მიგვიყვანა“<sup>1)</sup>. ასე ნაღვლობს ბ. ნ-ონი<sup>(2)</sup> და ურჩევს „სახოგადობას“ გაასწოროს შეცთომა „მეტად ძნელის“, მაგრამ მაინც არა „გადაუქრელი“ ზმოცანის გარდაწყვეტით: „მოსახლეობის საწარმოო ძალთა ისეთი ფორმით განვითარება, რომ იმით სარგებლობა შესძლოს არა უმნიშვნელო უმცირესობამ, არამედ მთელმა ხალხმა“<sup>(2)</sup>. მთელი საქმე შეცთომის გასწორებააო.

საინტერესოა, რომ ბ. ნ. ნ-ონ-ს ჰგონია თითქოს თითონ სრულიად თავისუფალი იყოს ყოველგვარი უტოპიისგან. იგი წამ და უწუმ იმოწმებს ხალხს, რომელსაც ეკუთვნის უტოპიური სოციალიზმის მეცნიერული კრიტიკა. მთელი საქმე ქვეყნის ეკონომიაა, იმეორებს იგი ამ ხალხთან ერთად წარა-მარა, ყველა სიღუბეპირე აქიდან წარმოსდგება: ამი ჟომ სიღუბეპირის მოსასპობი საშუალება, მას შემდეგ, რაც იგი (სიღუბეპირე) ნაპოვნია უნდა მდგომარეობდეს სწორედ თვით წარმოების პირობების შეცვლაში.“ ამის ნათელსაყოფად იგი კვლავ იმოწმებს უტოპიური სოციალიზმის ერთ-ერთ კრიტიკოსს: „ეს საშუალებანი უნდა იქნეს არა გამოგონილი, არამედ აღმოჩენილი აზრის მეოხებით, წარმოების არსებულ მატერიალურ საშუალებებში.“

<sup>1)</sup> Николай — он. „Очерки нашего пореформенного общественного хозяйства“, С.—Петербург, 1893 г. гл. гл. 322—323.

<sup>2)</sup> იქვე, გვ. 343.

მაგრამ რაში მდგომარეობს „წარმოების რ მატერიალური პირობები, რომელიც ხელს შეუწყობს საზოგადოებას გადაკრას ან ყოველ შემთხვევაში, წამოაყენოს მაინც ის ამოცანა, რომელსაც მას ბ. ნ-ონი შესთავაზებს? ეს საიდუმლოდ რჩება არა მარტო მკითხველებისთვის, არამედ თვით ავტორისათვისაც, რომელმაც თავისი „ამოცანით“ დამარწმუნებლად ცხადჰყო, რომ თავის ისტორიულ შეხედულებებში იგი წმინდა წყლის უტოპისტია, მიუხედავად სრულიად არაუტოპიური მწერლების დამოწმებისა.<sup>1)</sup>

განა შეიძლება ითქვას, რომ ფურიეს გეგმები ეწინააღმდეგებოდა მაშინდელი წარმოების „მატერიალურ პირობებს“? არა, არა თუ ეწინააღმდეგებოდა, არამედ საესებით ემყარებოდა ამ პირობებს ყველა თავის ნაკლითაც-კი. მაგრამ ამან ხელი ვერ შეუშალა ფურიეს უტოპისტობას, რადგანაც (მას შემდეგ, რაც მან თავისი გეგმები აზრის მეშვეობით მისი დროის წარმოების მატერიალურ პირობებს დაამყარა) მან თავისი გეგმების განხორციელება წარმოების მატერიალურ პირობებს ვერ დაუკავშირა და ამიტომ სრულიად უსაფუძვლოდ თავს აბეზრებდა თავისი „დიადი ამოცანით“ ისეთ საზოგადოებრივ ფენებსა და კლასებს, რომელთაც იმავე მატერიალური პირობების გამო არ შეეძლოთ სურვილი ჰქონოდათ მისი გადაკრისათვის ებრძოლათ და არც ამის შესაძლებლობა გააჩნდათ. ბ. ნ-ონი ისევე ცოდვილია ამ მხრით, როგორც ფურიე ან მისთვის საძულველი როდბერტუსი: უფრო-კი იგი სწორედ როდბერტუსს გვაგონებს, რადგა-

---

<sup>1)</sup> შესაბამად ამისა ბ. ნ-ონის პრაქტიკული გეგმებიც წარმოადგენს იმ „მოთხოვნილებათა“ სიტყვა-სიტყვით განმეორებას, რომელსაც დიდი ხანია უკვე და, თავისთავად ცხადია, სრულიად უნაყოფოდ აყენებდნენ ჩვენი უტოპისტ-ნაროდნიკები, მაგალითად, ბ. პრუგავინის სახით. „საზოგადოებრივ-სახელმწიფოებრივი საქმიანობის (როგორც ხედავთ აქ არ არის დაიწყოებული არც სახელმწიფო და არც საზოგადოება) საბოლოო მიზანსა და ამოცანას საფაბრიკო მეურნეობის დარგში უნდა წარმოადგენდეს: ერთის მხრით — შრომის ყველა იარაღის შესყიდვა სახელმწიფოს სასარგებლოდ და მათი გადაცემა ხალხზე დროებითი საიჯარო სარგებლობისთვის; მეორეს მხრით — წარმოების პირობების ისეთი ორგანიზაციის შემოღება (ბ. პრუგავინის სურს თქვას უბრალოდ: „წარმოების“, მაგრამ ყველა რუს მწერალთა ჩვეულებისამებრ ბ. მიხაილოვსკის მეთაურობით, იგი ხმარობს გამოთქმას — „წარმოების პირობები“, მაგრამ არ ესმის მისი მნიშვნელობა), რომელიც დაემყარებოდა ხალხისა და სახელმწიფოს მოთხოვნილებებს და არა ბაზრის, კონკურენციისა და რეალიზაციის ინტერესებს, რასაც ადგილი აქვს კვეყნის ეკონომიურ ძალთა სასაქონლო — კაპიტალისტური ორგანიზაციის დროს. (В. С. Пругавин, Кустарь на выставке“. Москва. 1882 წ. გვ. 15) შეადაროს მკითხველმა ეს ადგილი ჩვენ მიერ ზემოდ ამონაწერს ბ. ნ-ონის წიგნიდან.

ნაც ბ. ნ-ონის მიერ მრავალსაუკუნეებრივი საფუძვლების დამოწმება სწორედ ამ კონსერვატიული მწერლის მოძღვრების ხასიათს შეეფერება. (26)

ბ. ნ-ონი „საზოგადოებას“ აფრთხილებს დასავლეთ ევროპის მაგალითით. ამ გზით ჩვენი უტოპისტები დიდი ხანია ცდილობენ მოგვაჩვენონ თავი დადებით ხალხად, რომელიც არ მისდევს ფანტაზიებს და რომელსაც შეუძლია „ისტორიის“ გაკვეთილებით ისარგებლოს. მაგრამ ეს ხერხიც ძველია. უკვე ფრანგი უტოპისტები ცდილობდნენ დაეშინებიათ და გონს მოეყვანათ თავისი თანამედროვენი ინგლისის მაგალითით, სადაც „მრეწველი ძალიან დიდი მანძილითაა დაცილებულ მუშისგან“, და სადაც ამ უკანასკნელს თავისებური დესპოტიზმის უღელი აწევს. „დანარჩენმა ქვეყნებმა, რომელნიც ინგლისის მსგავსად საძრწველო განვითარების გზაზე დადგენ,—ამბობდა „Producteur“-ი,—უნდა შეიგნონ, რომ საჭიროა ხელი შეუშალონ ასეთი წყობილების აღმოცენებას მათ საკუთარ ნიადაგზე“<sup>1)</sup>. ერთად ერთი ნამდვილი დაბრკოლება სხვა ქვეყნებში ინგლისური წყობილების აღმოცენებისა შესაძლებელია ყოფილიყო „მუშაობისა და მუშების სენსიმიონისტური ორგანიზაცია“<sup>2)</sup> საფრანგეთში მუშათა მოძრაობის განვითარების გამო, კაპიტალიზმის აცილებაზე ოცნებათა მთავარი ასპარეზი ხდება გერმანია, რომელიც თავისი უტოპისტების სახით დიდხანს და ჯიუტად უპირისპირებს თავის თავს „დასავლეთ ევროპას“ (den westlichen Ländern). დასავლეთ ქვეყნებშიო,—ამბობდნენ გერმანელი უტოპისტები, ახალი საზოგადოებრივი ორგანიზაციის იდეის მატარებელი არის მუშათა კლასი, ჩვენში-კი—განათლებული კლასები (რასაც რუსეთში ინტელიგენციას უწოდებენ). სწორედ გერმანელი „ინტელიგენცია“ იყო მათი აზრით მოწოდებული აეცილებია გერმანიისთვის კაპიტალიზმის ფილა<sup>3)</sup>. კაპიტალიზმი ისე

1) ტომი I, გვ. 140.

2) ამ ორგანიზაციის შესახებ იხილეთ 1831—32 წ. წ. „Globe“-ში, სადაც ის დაწვრილებითაა გადმოცემული წინასწარი გარდამავალ რეფორმების თანდირთვითაც-კი.

3) „Unsere National-Oekonomen streben mit allen Kräften Deutschland auf die Stufe der Industrie zu heben, von welcher herab England jetzt die andern Länder noch beherrscht. England ist ihr Ideal. Gewiss: England sieht sich gern schön an; England hat seine Besitzungen in allen Welttheilen es weiss seinen Einfluss aller Orten geltend zu machen, es hat die reichste Handels- und Kriegsstote, es weiss bei allen Handelstraktaten die Gegenkontrahenten immer hinter Licht zu führen, es hat die spekulativsten Kaulleute, die bedeutendsten Kapita-

აფრთხობდა გერმანელ უტოპისტებს, რომ ისინი, მის ასაცდენად, მზად იყვნენ, უკიდურეს შემთხვევაში, შერიგებოდნენ სრულ განუვითარებლობას. კონსტიტუციური წესწყობილების გამარჯვება, მსჯელობდნენ ისინი, ფულის მფლობელი არისტოკრატის ბატონობამდე მიგვიყვანდა. ამიტომ, უმჯობესია თუ კონსტიტუციური წყობილება არ იქნება<sup>1)</sup>. გერმანია ვერ ასცდა კაპიტალიზმს. ეხლა ამ აცდენაზე მსჯელობენ რუსი უტოპისტები. ასე მოგზაურობს უტოპიური იდეები დასავლეთიდან აღმოსავლეთისაკენ და ყოველგან სწორედ იმ კაპიტალიზმის გამარჯვების წინამორბედნი არიან, რომლის წინააღმდეგ ისინი ილაშქრებენ და იბრძვიან. მაგრამ რამდენად ღრმად იჭრება აღმოსავლეთში იგი, იმდენად იცვლება მისი ისტორიული მნიშვნელობა. ფრანგი უტოპისტები თავის დროზე შეუპოვარი, გენიალური ნოვატორები იყვნენ. გერმანელი უტოპისტები—გაცილებით მათზე ნაკლები აღმოჩნდნენ; რუს უტოპისტებს-კი ეხლა შეუძლიანთ მხოლოდ დააფრთხონ დასავლეთის ხალხი თავისი ჩამორჩენილობით.

---

listen, die erfindungsreichsten Köpfe, die prächtigsten Eisenbahnen, die grossartigsten Maschinenanlagen; gewiss England ist, von dieser Seiten betrachtet, ein glückliches Land, aber—es lässt sich auch ein anderer Gesichtspunkt bei der Schätzung Englands gewinnen und unter diesem möchte doch wohl das Glück desselben von seinem Unglück bedeutend überwogen werden. England ist auch das Land, in welchem das Elend auf die höchste Spitze getrieben ist, in welchem jährlich Hunderte notariisch Hunger sterben, in welchem die Arbeiter zu fünfzigtausenden zu arbeiten verweigern, da sie trotz all' ihrer Mühe und Leiden nicht so viel verdienen, dass sie nothdürftig leben können. England ist das Land, in welchem die Wohlthätigkeit durch die Armensteuer zum äusserlichen Gesetz gemacht werden musste. Seht doch ihr, Nationalökonomien, in den Fabriken die wankenden, gebückten und verwachsenen Gestalten, seht die bleichen, abgehärmten schwindsüchtigae Gesichter, seht all' das geistige und das leibliche Elend und ihr wollt Deutschland noch zu einem zweiten England machen? England konnte nur durch Unglück und Jammer zu dem Höhenpunkt der Industrie gelangen, auf dem es jetzt steht, und Deutschland könnte nur durch dieselben Opfer ähnliche Resultate erreichen d. h. erreichen, dass die Reicher noch reicher und die Armen noch ärmer werden.» Triesche Zeitung, 4 Mai 1846, გადაბეჭდილია იმ მიმოხილვის პირველ ტომში, რომელიც მ. გესის რედაქციით გამოდიოდა და რომლის სახელწოდება იყო: Der Gesellschaftsspiegel. Die gesellschaftliche Zustände der civilisierten Welt. I Band. Iserlohn und Elberfeld. 1846.

<sup>1)</sup> «Solte es den constitutionellen gelingen,—ამბობს ბიუხნერი,—die deutschen Regierungen zu stürzen und eine allgemeine Monarchie oder so bekommen wir hier einen Geldaristokratismus wie in Frankreich, und lieber soll es bleiben, wie es jetzt ist». იხ. Georg Büchners Sämmtliche Werke, გამოცემა ჟრანკოვის რედაქციით, გვ. 122.

საინტერესოა, რომ ჯერ კიდევ ფრანგ განმანათლებლებს და-  
ებადათ აზრი კაპიტალიზმის აცილების შესახებ. მაგალითად, ჰოლ-  
ბახი მეტად სწუხს იმის გამო, რომ კონსტიტუციური წყობილების  
გამარჯვებამ ინგლისში გამოიწვია სრული გაბატონება de l'interêt  
sordide des marchands. მას ძალიან აღონებს ის გარემოება, რომ  
ინგლისელები განუწყვეტლივ ახალ ბაზრებს ეძებენ. ბაზრების ასეთი  
გამუდმებითი ძებნა ართმევს მათ საშუალებას ხელი მოჰკიდონ ფი-  
ლოსოფიას. ჰოლბახიც ჰგმობს ინგლისში არსებულ ქონებრივ უთა-  
ნასწორობას. მას, როგორც ჰელვეციუსს, სურს ნიადაგი განუმზა-  
დოს გონებისა და თანასწორობის, და არა ვაქრობის ინტერესების  
გამარჯვებას. მაგრამ არც ჰოლბახს და არც ჰელვეციუსს ჭ საერთოდ  
არც ერთს განმანათლებელთაგანს არ შეეძლო დაეპირისპირებია მა-  
შინდელი სინამდვილისადმი არაფერი, გარდა გონების ქება-დიდება-  
სა და ზნეობრივი ხასიათის დარიგებისა „peuple d'Albion“-ის მი-  
სამართით. ამ მხრით ისინი ისევე უძღურნი იყვენ, როგორც ჩვენი  
თანამედროვე რუსი უტოპისტები.

კიდევ ერთი შენიშვნა და ჩვენ მოვრჩებით უტოპისტებს. „ადამი-  
ანის ბუნებაში“ თვალსაზრისმა XIX საუკუნის პირველ ნახევარ-  
ში გამოიწვია ზიოლოგიური ანალოგიებით ბოროტად სარგებლო-  
ბა, რომელსაც დღემდე ადგილი აქვს დასავლეთის, განსაკუთებით კი  
რუსეთის quasi-სოციოლოგიურ ლიტერატურაში.

თუ მთელი ისტორიული საზოგადოებრივი მოძრაობის გასაღე-  
ბი ადამიანის ბუნებაში უნდა ვეძიოთ და თუ, როგორც სამართლი-  
ანად შენიშნა ჯერ კიდევ სენ-სიმონმა, საზოგადოება ინდივიდუუმ-  
თაგან შესდგება, მაშინ სწორედ ინდივიდუუმის ბუნებამ უნდა მო-  
გვეცეს ისტორიის გასაღები. ინდივიდუუმის ბუნებას სწავლობს ფი-  
ზიოლოგია ამ სიტყვის ფართო ნიშნელობით, ე. ი. მეცნიერება,  
რომელიც ითავსებს ფსიქიურ მოვლენებსაც. აი რატომ იყო, რომ  
ფიზიოლოგია სენ-სიმონისა და მისი მოწაფეების თვალში სოციო-  
ლოგიის საფუძველს წარმოადგენდა, რომელსაც ისინი სოციალურ  
ფიზიკას უწოდებდნენ. ჯერ კიდევ სენ-სიმონის სიცოცხლეში და მის  
მხურვალე მონაწილეობით გამოცემულს „Opinions philosophiques,  
littéraires et industrielles“-ში დაბეჭდილია მეტის-მეტად საინტერესო,  
სამწუხაროდ დაუმთავრებელი წერილი მედიცინის ანონიმური  
დოქტორისა სათაურით „De la physiologie appliquée à l'amélioration  
des institutions sociales (სოციალურ დაწესებულებათა გაუმჯო-  
ბესების საქმეში ფიზიოლოგიის გამოყენების შესახებ). ავტორი მე-  
ცნიერებას საზოგადოების შესახებ განიხილავს, როგორც „ზოგადი



ფიზიოლოგიის“ შემადგენელ ნაწილს, რომელიც,—„სპეციალი ფიზიოლოგიის“ მიერ მიღებული დაკვირვებით და ცდით (ინდივიდუუმებზე) გამდიდრებული,—„მიმართავს უმაღლესი რიგის დასკვნებს“. ინდივიდუუმები მისი აზრით წარმოადგენენ „მხოლოდ საზოგადოებრივი სხეულის ორგანოებს“, რომლის ფუნქციასაც შეისწავლის იგი „მსგავსად იმისა, როგორც სპეციალი ფიზიოლოგია ინდივიდუუმების ფუნქციებს იკვლევს“. ზოგადი ფიზიოლოგია სწავლობს (ავტორი ამბობს გამოხატავს) საზოგადოებრივი არსებობის კანონს, რომელსაც უნდა ეგუებოდეს დაწერილი კანონები. შემდეგში ბურჟუაზიული სოციოლოგები, მაგალითად, სპენსერი, სარგებლობდნენ საზოგადოებრივ ორგანიზმზე მოძღვრებით უაღრესად კონსერვატიულ დასკვნებისთვის. მაგრამ ჩვენ მიერ დასახელებული დოქტორი მედიცინისა პირველ ყოვლისა, რეფორმატორია. „საზოგადოებრივ სხეულს“ ის სწავლობს საზოგადოებრივი გარდაქმნის მიზნით, რადგანაც მხოლოდ „სოციალური ფიზიოლოგია“ და მასთან მჭიდროდ დაკავშირებული „ჭიგიენა“ იძლევა დადებით საფუძვლებს, რომელზეც შესაძლებელია ავაგოთ საზოგადოებრივი ორგანიზაციის ისეთი სისტემა, როგორსაც განათლებული ქვეყნების თანამედროვე მდგომარეობა მოითხოვს. მაგრამ, როგორც ჩანს, სოციალურმა ფიზიოლოგიამ და ჰიგიენამ უმნიშვნელო საზრდო მისცა ავტორის რეფორმატორულ ფანტაზიას, ვინაიდან, ბოლოს და ბოლოს, იგი იძულებული ხდება მიმართოს მედიკებს, ე. ი. ხალხს, რომელსაც საქმე აქვს ინდივიდუალურ ორგანიზმთან და თხოვს მათ მიაწოდონ საზოგადოებას „ჭიგიენური რეცეპტის სახით“ „სოციალური ორგანიზაციის სისტემა“.

ამ თვალსაზრისის „სოციალურ ფიზიკაზე“ შემდეგში ლექავდა ან თუ გნებავთ ანვითარებდა თავის სხვადასხვა თხზულებაში ო. კონტი. აი რას ამბობდა იგი საზოგადოებრივ მეცნიერებაზე ჯერ კიდევ თავის ახალგაზრდობის დროს, როცა იგი სენ-სიმონისტურ „Producteur“-ში თანამშრომლობდა: საზოგადოებრივი მოვლენები, როგორც აღმდინათა მოქმედების ნიადაგზე წარმოშობილი მოვლენები, უქვევლად უნდა მივაკუთნოთ ფიზიოლოგიურ მოვლენათა რიცხვს. მაგრამ, თუმცა სოციალურ ფიზიკას გამოსავალი წერტილი ინდივიდუალურ ფიზიოლოგიაში უნდა ჰქონდეს და მასთან განუწყვეტელ კავშირში უნდა იყოს, იგი მაინც უნდა განვიხილოთ და დავამუშავოთ როგორც ცალკე მეცნიერება იმიტომ, რომ ხალხის სხვადასხვა თაობა პროგრესიულად ახდენს გავლენას ერთი-მეორეზე. წმინდა ფიზიოლოგიური თვალსაზრისით შეუძლებელია ამ გავლენის ჯეროვანი შესწავ-

ლა, რომლის შეფასებასაც სოციალურ ფიზიკაში მთავარი ადგილი უნდა დაეთმოს.<sup>1)</sup>

შეხედეთ, როგორ გამოუვალ წინააღმდეგობათა ქსელში იხლართება ხალხი, რომელიც საზოგადოებას ამ თვალსაზრისით უცქერის.

ჯერ ერთი, რამდენად „სოციალური ფიზიკის“ გამოსავალი წერტილი ინდივიდუალური ფიზიოლოგიაა, იმდენად იგი წმინდა მატერიალისტურ საფუძველზე შენდება: ფიზიოლოგიაში იდეალისტურ თვალსაზრისს ადგილი არა აქვს. მაგრამ იგივე სოციალური ფიზიკის საგანს უმთავრესად უნდა შეადგენდეს იმ პროგრესიული გავლენის შეფასება, რომელსაც ახდენს ერთი თაობა მეორეზე. არსებული თაობა გავლენას ახდენს შემდეგზე და აძლევს მას როგორც იმ ცოდნას, რომელიც მან მიიღო წინა თაობებიდან, აგრეთვე იმასაც, რომელიც თითონ შეიძინა. მაშასადამე „სოციალური ფიზიკა“ ადამიანის გვარის განვითარებას განიხილავს ცოდნის და საზოგადოდ „განათლების“ (Lumieres) განვითარების თვალსაზრისით. ეს უკვე XVIII საუკუნის წმინდა იდეალისტური თვალსაზრისია: შეხედულებანი განაგებენ ქვეყანას. კონტის რჩევის თანახმად ეს იდეალისტური თვალსაზრისი „მკიდროდ რომ შევკაეშიროთ“ ინდივიდუალური ფიზიოლოგიის მატერიალისტურ თვალსაზრისთან, ჩვენ წმინდა წყლის დუალისტები აღმოგჩნდებით და არაა ძნელი შევამჩნიოთ ამ დუალიზმის მავნებელი გავლენა, თუ გნებავთ, თვით კონტის სოციოლოგიურ შეხედულებებზე. ეს კიდევ ცოტაა. აკი ჯერ კიდევ XVIII საუკუნის მოაზროვნენი ამჩნევდენ, რომ ცოდნის განვითარება გარკვეულ კანონზომიერებას ექვემდებარება. კონტი მტკიცედ იცავს ასეთ კანონზომიერებას და პირველ ადგილზე აყენებს ეგრეთწოდებულ სამი ფაზისის კანონს: თეოლოგიურის, მეტაფიზიკურისა და პოზიტურის.

მაგრამ რატომ გაივლის ცოდნის განვითარება სწორედ ამ სამ ფაზისს. ასეთია უკვე ადამიანის გონების ბუნებაო, გვიპასუხებს კონტი: „თავისი ბუნებით (par sa nature) ადამიანის გონება ყოველგან, სადაც-კი ის მოქმედებს, სამს სხვადასხვა თეორიულ მდგომარეობას გაივლის“<sup>2)</sup>. ძალიან კარგი; მაგრამ გონების „ბუნების“ შესწავლისათვის ჩვენ უნდა მივმართოთ ინდივიდუალურ ფიზიოლოგიას, ინდივიდუალური ფიზიოლოგია-კი ვერ გვიხსნის მას საკმაოდ და ჩვენ კვლავ „თაობებს“ მივმართავთ, „თაობები“-კი გაგვაზავნის „ბუნე-

1) «Considération sur les sciences et les savants», Producteur-ის 1-ლ ტომ. გვ. 355—365.

2) იქვე, გვ. 304.

ბასთან“. ამას ეწოდება მეცნიერება, მაგრამ აქ მეცნიერების ნასახიც არა ჩანს: ეს მხოლოდ დახშულ წრეში მოძრაობაა.

ჩვენი ვითომდაც ორიგინალური „სუბიექტური“ სოციოლოგები სავსებით დგანან მე-20-ე წლების ფრანგი უტოპისტების თვალსაზრისზე.

„ჯერ კიდევ ნოჟინის ზეგავლენით—მოგვითხრობს თავის თავზე ბ. მიხაილოვსკი,—და ნაწილობრივ მისი ხელმძღვანელობით მე სურვილი აღმეძრა ბიოლოგიის და სოციოლოგიის საზღვრების და მათი დაახლოების შესაძლებლობის საკითხი შემესწავლა. არ შემიძლია დიდი მნიშვნელობა მივსცე იმ სარგებლობას, რომელიც ნოჟინის იდეების გაცნობამ მომიტანა, მაგრამ მაინც მათში იყო ბევრი შემთხვევითი, ნაწილობრივ იმის გამო, რომ ისინი ნოჟინში ჯერ კიდევ ვითარდებოდნენ, ნაწილობრივ იმიტომ, რომ იგი საკმაოდ არ იცნობდა ბუნებისმეტყველებას. არსებითად ნოჟინისგან მე მივიღე მხოლოდ ბიძგი გარკვეული მიმართულებით, მაგრამ ბიძგი ძლიერი, გარდამწყვეტი და კეთილმყოფელი. თუმცა არ ვფიქრობდი სპეციალურად შემესწავლა ბიოლოგია, მაგრამ მაინც ბევრს ვკითხულობდი ნოჟინის მითითებით და თითქოს მისი ანდერძით. ამ ახალმა მუშაობამ თავისებური და ჩემთვის მნიშვნელოვანი შუქი მოჰფინა იმ მოზრდილს, თუმცა უწესრიგოს, ნაწილობრივ-კი სრულიად უვარგისის ფაქტიურსა და იდეურ მასალას, რომელიც მე მანამდე მოვიმარაგე“<sup>1)</sup>.

ბ. მიხაილოვსკის ნოჟინი გამოყვანილი ჰყავს თავის ნარკვევებში: „В перемежку“ ბუხარცევის სახელით. ბუხარცევი „ოცნებობდა საზოგადოებრივი მეცნიერების რეფორმაზე ბუნებისმეტყველების მეშვეობით და უკვე გამოიმუშავა მისი ვრცელი გეგმა“. თუ როგორი იყო ამ რეფორმატორული საქმიანობის მეთოდი შემდეგიდან ჩანს. ბუხარცევმა გადათარგმნა რუსულ ენაზე ლათინურიდან ზოოლოგიის ვრცელი ტრაქტატი. თარგმანს დაურთო თავისი შენიშვნები, რომელშიც სურდა „თავისი დამოუკიდებელი მუშაობის რეზულტატი“ მოეცა. შენიშვნებს გაუკეთა „სოციოლოგიური“ ხასიათის ახალი შენიშვნები. ბ. მიხაილოვსკი სიამოვნებით აცნობს მკითხველს მეორე სართულის ერთს ასეთ შენიშვნას: „მე საზოგადოდ არ შემიძლია ვანდერ გევენისადმი ჩემს დამატებებში ვრცლად შეეჩერდე თეორიულ მოსაზრებებზე ყველა ამ წმინდა ანატომიური საკითხების გამოყენების შესახებ საზოგადო-

<sup>1)</sup> Литература и жизнь, „Русская Мысль“ 1891 წ. წიგ. გვ. 195.

ებრივ-ეკონომიურ საკითხების გადაჭრის საქმეში. ამიტომ მე მსურს მკითხველის ყურადღება მხოლოდ მივაქციო იმას, რომ მთელს ჩემ ანატომიურსა და ემბრიოლოგიურ თეორიას მთავარ მიზნად აქვს საზოგადოების ფიზიოლოგიის კანონების გამონახვა, და ამიტომ ყველა ჩემი შემდგომი თხზულებები დაემყარება, რასაკვირველია, ჩემ მიერ ამ წიგნში დალაგებულ ჰეცნიერულ მასალას<sup>1)</sup>.

ანატომიურსა და ემბრიოლოგიურ თეორიას „მთავარ მიზნად აქვს საზოგადოების ფიზიოლოგიის კანონების აღმოჩენა“! ეს ძლიერ ცუდად არის ნათქვამი, მაგრამ მიუხედავად ამისა მეტად დამახასიათებელია უტოპისტი სოციოლოგისტვის. ის აშენებს ანატომიურ თეორიას, ემყარება მას და ფიქრობს გამოუწეროს საზოგადოებას მთელი რიგი „ჰიგიენური რეცეპტები“. სწორედ ამ რეცეპტებით ამოიწურება მისი მთელი საზოგადოებრივი „ფიზიოლოგია“. არსებითად, ბუხარცევის საზოგადოებრივი „ფიზიოლოგია“ ფიზიოლოგია—კი არაა, არამედ ჩვენ მიერ უკვე ცნობილი „ჰიგიენა“, ე. ი. არა მეცნიერება იმის შესახებ რაც არის, არამედ იმის შესახებ რაც უნდა ყოფილიყო იმავე ბუხარცევის ანატომიური და „ემბრიოლოგიური თეორიის მიხედვით“.

თუმცა ბუხარცევი გადმოღებულა ნოჟინისგან, იგი მაინც რამოდენადმე ბ. მიხაილოვსკის მხატვრული შემოქმედების პროდუქტს წარმოადგენს (თუ კი მხოლოდ დასახელებული ნარკვევების მიმართ შეიძლება მხატვრულ შემოქმედებაზე ვილაპარაკოთ). ამიტომ მისი ცუდი შენიშვნაც, შესაძლოა, სინამდვილეში არასოდეს არ არსებობდა. ამ შემთხვევაში იგი მით უფრო დამახასიათებელია ბ. მიხაილოვსკისათვის, რომელიც მასზე დიდი პატივისცემით ლაპარაკობს.

„მე მაინც მქონდა შენთხვევები შეეხვედროდი ლიტერატურაში ჩემი მეგობარ-მასწავლებლის იდეების პირდაპირ ანარეკლს“—ო—ამბობს ტიომკინი, რომლის სახელითაც მიდის ლაპარაკი. ბუხარცევი—ნოჟინის იდეებს გამოხატავდა და გამოხატავს ბ. მიხაილოვსკი.

ბ. მიხაილოვსკის აქვს თავისი „ფორმულა პროგრესისა“. ეს ფორმულა შემდეგია: „პროგრესი არის თანდათან მიახლოვება განუყოფელთა მთლიანობასთან, ადამიანის ორგანოებს შორის რაც შეიძლება სრულსა და ყოველმხრივს და ადამიანთა შორის რაც შეიძლება შრომის ნაკლებ განაწილებასთან. უზნეოა, უსამართლო, მავნებელი, არაგონივრული ყველა ის, რაც აბრკოლებს ამ მოძრაობას. ზნეობრივია, სამართლიანი, გონივრული და სასარგებლო ყველაფე-

<sup>1)</sup> Соч. Н. К. Михайловского, т. IV. გამოც. მეორე. გვ. გვ. 265-286.

რი ის, რაც ამცირებს საზოგადოების სხვადასხვაგვარობას და ამით აძლიერებს მისი ცალკე წევრების მრავალგვარობას<sup>1)</sup>.

რა მეცნიერული მნიშვნელობა შეიძლება ჰქონდეს ამ ფორმულას? არკვევს თუ არა იგი საზოგადოების ისტორიულ განვითარებას? გვეუბნება თუ არა იგი, თუ ისტორიის მოძრაობა როგორ წარმოებდა და რატომ სწორედ ასე წარმოებდა და არა სხვაგვარად? სრულიადაც არა, მის „მთავარ მიზანს“ ეს არც წარმოადგენს. იგი მოგვითხრობს არა იმას, თუ როგორ მიდიოდა ისტორია, არამედ იმას თუ როგორ უნდა წასულიყო იგი, რომ ბ. მიხაილოვსკის ქება დაემსახურებია. ეს, „ორგანიული განვითარების კანონების ზუსტი შესწავლის“ ნიადაგზე უტოპისტის მიერ გამოგონილი „ჰიგიენური რეცეპტია“. ეს სწორედ ისაა, რასაც სენ-სიმონისტი მკურნალი ეძებდა.

„...ჩვენ ვთქვით, რომ სოციოლოგიაში მხოლოდ და მხოლოდ ობიექტური მეთოდის გამოყენება (რომ ეს შესაძლებელი ყოფილიყო) იგივე იქნებოდა, რაც არშინების და ფუთების ერთმანეთთან მიმატება. ეს კიდევ იმას არ ნიშნავს, რომ ობიექტური მეთოდი სრულიად უნდა განიღვენოს კვლევის ამ სფეროდან, არამედ იმას, რომ უმაღლესი კონტროლი აქ სუბიექტურ მეთოდს უნდა ეკუთვნოდეს“<sup>2)</sup>.

„კვლევის ეს სფერო“ არის სწორედ სასურველი საზოგადოების „ფიზიოლოგია“, უტოპიის სფერო. ზედმეტია ლაპარაკი, რომ მასში „სუბიექტური მეთოდის“ გამოყენება ძლიერ უადვილებს მუშაობს „მკვლევარს“. მაგრამ ეს გამოყენება ემყარება არა რაიმე „კანონებს“, არამედ „ლამაზი გამოგონების მომხიბვლელობას“. ვინც დაიმორჩილა მან, იგი ვერ აღუდგება ერთსა და იმავე „სფეროში“, ორი მეთოდის—სუბიექტურისა და ობიექტურის-თუმცა სხვადასხვა უფლებით ხმარებას, თუმცა მსგავსი მეთოდოლოგიური დომხალი ნამდვილად რომ ფუთისა და არშინის ერთმანეთთან მიმატებაა.“<sup>3)</sup>

---

<sup>1)</sup> იქვე, გვ. 186—187.

<sup>2)</sup> იქვე, გვ. 185.

<sup>3)</sup> თუმცა გამოთქმები: „ობიექტური მეთოდი“, „სუბიექტური მეთოდი“, წარმოადგენს ყოველ შემთხვევაში უდიდეს ტერმინოლოგიურ დომხალს.

## თავი მეოთხე

### გერმანული იდეალისტური ფილოსოფია

XVIII საუკუნის მატერიალისტები მტკიცედ იყვენ დარწმუნებული, რომ მათ სასიკვდილო ლახვარი ჩასცეს იდეალიზმს. ისინი განიხილავდნენ მას, როგორც მოძველებულსა და სამუდამოდ უკუგდებულ თეორიას. მაგრამ იმავე საუკუნის დასასრულს იწყება რეაქცია მატერიალიზმის წინააღმდეგ. XIX საუკუნის პირველ ნახევარში-კი თვით მატერიალიზმი ისეთ მდგომარეობაში ვარდება, რომ მას ყველა დრომოქმულ, ერთხელ და სამუდამოდ მკედარ სისტემად თვლის. იდეალიზმი ხელ-ახლა ცოცხლდება და ღებულობს ჯერ არ ნახულს, ქეშპარიტად ბრწყინვალე განვითარებას. ამას, რასაკვირველია, თავისი საზოგადოებრივი მიზეზი ჰქონდა, მაგრამ ამაზე აქ არ შევჩერდებით, გავარჩევთ მხოლოდ საკითხს იმის შესახებ, ჰქონდა თუ არა XIX საუკუნის იდეალიზმს რაიმე უპირატესობა წინა ეპოქის მატერიალიზმთან შედარებით,—თუ ჰო, რაში მდგომარეობდა იგი.

ფრანგული მატერიალიზმი ააშკარაებდა გასაოცარა, ეხლა პირდაპირ დაუჯერებელ სისუსტეს ყოველთვის, როცა საჭირო ხდებოდა ისტორიის ან ბუნების მოვლენათა განვითარების ახსნა. ავიღოთ თუ გნებავთ ადამიანის წარმოშობის საკითხი. თუმცა აზრი ამ სახეობის თანდათან განვითარების შესახებ მატერიალისტებს არ მიაჩნდათ წინააღმდეგობის შემცველად, მაგრამ ასეთ „ახსნას“ ისინი ნაკლებ დამრწმუნებლად თვლიდნენ. „Systeme de la nature“-ის ავტორები (იხ. პირველი ნაწილის მეექვსე თავი) ამბობდნენ, რომ თუ ვინმემ გაილაშქრა ასეთი „ახსნის“ წინააღმდეგ, თუ ვინმემ გვითხრა, რომ ბუნება რამდენიმე ზოგადი და უცვლელი კანონის საშუალებით მოქმედობს“ და ამასთანავე აღნიშნა, რომ „ადამიანი, ოთხფეხი, თევზი, მწერი, მცენარე და სხვ... დასაბამიდან არსებობს და მუდამ უცვლელი რჩებიან“, ჩვენ ამის საწინააღმდეგო არაფერი გვექნებაო. ისინი იტყოდნენ მხოლოდ, რომ არც ასეთი შეხედულება ეწინააღმდეგება ჩვენ მიერ გამოთქმულ ქეშპარიტებებსო. „ადამიანს არ შესწევს ძალა ყველაფერი იცოდეს: მას არ ძალუძს თავისი წარმოშო-

ბა გაიგოს—აი ყველაფერი ის, რასაც ბოლოს და ბოლოს „Systeme de la nature“-ის ავტორები ამ მნიშვნელოვან კითხვაზე უპასუხებდნენ.

ჰელვეციუსი თითქოს უფრო ემბრობა აზრს ადამიანის თანდათან განვითარების შესახებ. „მატერია მარადია, მაგრამ მისი ფორმები ცვალებადი“, შენიშნავს იგი და ამით მოგვაგონებს, რომ ადამიანთა ჯიში ეხლაც ჰაეის ზეგავლენით იცვლება.<sup>1)</sup> იგი ცხოველთა ყველა სახესაც საზოგადოდ ცვალებადად თვლის. მაგრამ ამ საღაზრს იგი უცნაური ფორმით გამოთქვამს. გამოდის, რომ ცხოველის და მცენარის სხვადასხვა სახეს შორის „განსხვავების“ მიზეზი ან უკვე მათი ჩანასახის თვისება, ან მათი გარემომცველი წრის, „აღზრდის“ განსხვავებაა.<sup>2)</sup>

ამრიგად, შემკვიდრება გამორიცხავს ცვალებადობას და პირიქით. ცვალებადობის თეორიის მიღების შემდეგ ჩვენ, მაშასადამე, უნდა დაუშვათ, რომ ყოველი ჩანასახიდან შესაფერი გარემოს პირობებში შესაძლებელია მივიღოთ ყოველგვარი ცხოველი ან მცენარე: მუხის ჩანასახიდან, მაგალითად, ხარი ან ყირაფი. თავის თავად ცხადია, რომ ასეთ „ახსნას“ არ შეეძლო გაეშუქებია სახეების წარმოშობის საკითხი და თითონ ჰელვეციუსი არ დაბრუნებია ამ აზრს მას შემდეგ, რაც იგი მან ერთხელ სხვათაშორის გამოთქვა.

სწორედ ასევე ცუდად ხსნიდნენ ფრანგი მატერიალისტები საზოგადოებრივი განვითარების მოვლენებსაც. „კანონმდებლობის“ სხვადასხვა სისტემას ისინი გვიხატავენ მხოლოდ და მხოლოდ როგორც „კანონმდებელთა“ შეგნებული შემოქმედებითი მუშაობის ნაყოფს. სხვადასხვა რელიგიურ სისტემებს—როგორც ნაყოფს მოგვების გაიძვერობისა და სხე...

ფრანგული მატერიალიზმის ეს უძლურება ბუნებისა და ისტორიის განვითარების ახსნის საქმეში იყო მიზეზი მისი ფილოსოფიური შინაარსის სილატაკისა. ბუნების შესახებ მოძღვრებაში ეს შინაარსი ამოიწურებოდა ბრძოლით დუალისტების მიერ მატერიის ცალმხრივად გაგების წინააღმდეგ. ადამიანის შესახებ მოძღვრებაში-კი იგი წარმოადგენდა დაუსრულებელ განმეორებას და ერთგვარ სახეშეცვლას ლოკის შემდეგი დებულებისა: თანდაყოლილი იდეები არ არსებობს. რა გინდ სასარგებლო უნდა იყოს ასეთი განმეორება დრომოკმული ზნეობრივისა და პოლიტიკური თეორიების წინააღმდეგ ბრძოლის დროს,—სერიოზული მეცნიერული მნიშვნელობა მას მხოლოდ იმ შემთხვევაში ექ-

<sup>1)</sup> Le vrai sens du systeme de la nature, à Londres 1774, გვ. 15.

<sup>2)</sup> De l'homme oeuvres, complètes d. Helvetius, 1818, ტ. II, გვ. 120.

ნებოდა, თუ მატერიალისტები შესძლებდნენ თავიანთი აზრის გამოყენებას კაცობრიობის სულიერი განვითარების ახსნის საქმეში. ჩვენ უკვე ზევით აღვნიშნეთ, რომ ამ მიმართულებით აღვილი ჰქონდა ფრანგი მატერიალისტების ზოგს, ერთობ შესანიშნავ ცდას (სახელდობრ ჰელვეციუსის მხრით), მაგრამ იგი მარცხით დამთავრდა (ასეთი ცდა რომ არ დამარცხებულყო, მაშინ ფრანგული მატერიალიზმი განვითარების საკითხებში მეტად ძლიერი აღმოჩნდებოდა) და მატერიალისტები ისტორიის გაგების საკითხში წმინდა იდეალისტურ თვალსაზრისზე დადგნენ: **შეხედულებანი განაგებენ ქვეყანასა.** მხოლოდ დროგამოშვებით, ისიც მეტად იშვიათად, მატერიალიზმი მათს ისტორიული ხასიათის მსჯელობაში თავს იჩენდა შენიშვნების სახით იმის შესახებ, რომ ატომს, რომელიც „კანონმდებლის“ თავში საიდანლაც გაჩნდა და დაარღვია მისი ტვინის ნორმალური მუშაობა, შეუძლია რამდენიმე საუკუნის განმავლობაში შესცვალოს ისტორიის მსვლელობა. ასეთი მატერიალიზმი არსებითად ფატალიზმს წარმოადგენდა და შეუძლებელს ხდიდა მოვლენათა გათვალისწინებას, ე. ი. მოაზროვნე პიროვნებათა შეგნებულ ისტორიულ მოღვაწეობას.

ამიტომ არაა გასაკვირი, რომ ნიჭიერსა და ტალანტით დაჯილდოვებულ ადამიანებს, რომელნიც არ იყვენ ჩაბმული სოციალურ ძალთა იმ ბრძოლაში, სადაც მატერიალიზმი უკიდურესი მემარცხენე პარტიის ბრძოლის იარაღს წარმოადგენდა, ეს მოძღვრება (ე. ი. მატერიალიზმი) ეჩვენებოდათ მშრალ, უსიცოცხლო და მოსაწყენ მოძღვრებად. ასეთი აზრის იყო მასზე, მაგალითად, გოეთე. რომ ასეთ საყვედურს შემდეგში ნიადაგი გამოცლოდა, მატერიალიზმს ხელი უნდა აეღო მშრალს, განყენებულ მსჯელობაზე და ცდილიყო თავისი თვალსაზრისით აეხსნა „ცოცხალი სინამდვილე“, კონკრეტ მოვლენათა რთული და მრავალფეროვანი კომპლექსი. მაგრამ თავისი მაშინდელი სახით მას არ შეეძლო ამ დიდი ამოცანის გადაჭრა. ამ უკანასკნელის შესრულება იკისრა იდეალისტურმა ფილოსოფიამ.

იდეალისტური ფილოსოფიის განვითარების მთავარს და საბოლოო რგოლს წარმოადგენს ჰეგელის. სისტემა, ამიტომ ჩვენ მსჯელობის დროს უმთავრესად ეს უკანასკნელი გვექნება მხედველობაში.

ჰეგელი უწოდებდა მეტაფიზიკურს იმ მოაზროვნეთა თვალსაზრისს, სულერთია, იდეალისტები იყვენ ისინი თუ მატერიალისტები, რომელთაც არ შეეძლოთ მოვლენათა განვითარების პროცესის გა-



გება და უნებლიეთ წარმოდგენილი ჰქონდათ ისინი როგორც უძრავი, განკალკევებული და ერთის მეორედ გარდაქცევის უნარს მოკლებული რამ. ამ თვალსაზრისს დაუპირისპირდა დიალექტიკა, რომელიც მოკლენებს განიხილავს სწორედ მათი განვითარების პროცესში და, მაშასადამე, მათ ურთიერთ კავშირში.

ჰეგელის აზრით დიალექტიკა ყოველი — სიცოცხლის — პრინციპია. ხშირად შეგხვდებათ ადამიანი, რომელიც რაიმე განყენებული აზრის გამოთქმის შემდეგ ადვილად დაგეთანხმებათ, რომ შესაძლებელია იგი სცდებოდეს და მართალი იყოს სრულიად საწინააღმდეგო აზრი. ეს — კეთილალზრდილი ადამიანია, რომელსაც ძვალსა და რბილში გამჯდარი აქვს შეწყნარების გრძნობა: იცხოვრე და სხვასაც მიეც საშუალება იცხოვროსო, ეუბნება იგი თავს. დიალექტიკას არაფერი აქვს საერთო საერო ხალხის სკეპტიკურ შეწყნარებასთან, მაგრამ იგიც ახერხებს ერთმანეთს შეუთანხმოს ერთი-მეორის პირდაპირ საწინააღმდეგო განყენებული დებულებანი. ადამიანი მომაკვდავია, ვამბობთ ჩვენ და ამით სიკვდილს წარმოვიდგენთ როგორც ჩვენს გარეშე არსებულს და ცოცხალი ადამიანის ბუნებისთვის სრულიად უცხო მოვლენას. გამოდის, რომ ადამიანს ორი თვისება აქვს: სიცოცხლის და მოკვდაობის, მაგრამ უახლოესი განხილვით ნათელი ხდება, რომ სიცოცხლე თვით ატარებს სიკვდილის ჩანასახს და რომ საზოგადოდ ყოველი მოვლენა წინააღმდეგობის შემცველია იმ გაგებით, რომ თვით მისი განვითარება იმ ელემენტების წარმოშობაა, რომელიც ადრე თუ გვიან ბოლოს მოუღებს მის არსებობას და გადააქცევს მას თავის საწინააღმდეგო მოვლენად. ყველაფერი მოძრაობს, ყველაფერი იცვლება და არ არსებობს ძალა, რომელსაც შეეძლოს ამ მუდმივი ცვალებადობის შეფერხება, ამ მარადი მოძრაობის შეჩერება, არ არსებობს ძალა, მოვლენათა დიალექტიკას რომ გაუმკლავდეს. გოეთე გვიხატავს დიალექტიკას სულის სახით:

In Lebensfluthen, im Thatensturm  
Wall'ich auf und ab,  
Webe hin und her.  
Geburt und Grab—  
Ein ewiges Meer,  
Ein wechselnd Weben,  
Ein glühend Leben,

So schafflich am sausenden Websthul dor Zeit,  
Und wirke der Götttheit lebendiges Kleid!).

განსაზღვრულ მომენტში მოძრავი სხეული იმყოფება განსაზღვრულ წერტილში და ამავე დროს მის გარეშეც, რადგანაც იგი რომ მხოლოდ ამ წერტილში იმყოფებოდეს, ამ წუთის განმავლობაში მაინც უძრავი გახდებოდა. ყოველი მოძრაობა არის დიალექტიკური პროცესი, აშკარა წინააღმდეგობა და რადგანაც არ მოიპოვება ბუნების არც ერთი მოვლენა, რომლის ახსნის დროს საჭირო არ იყოს საბოლოოდ მოძრაობისადმი აპელაცია,—ამიტომ უნდა დავეთანხმოთ ჰეგელს, რომელიც ამბობდა: დიალექტიკა ყოველი მეცნიერული შემეცნების სულიაო. და ეს მარტო ბუნების შიგნითაც როდი შეეხება. რას ნიშნავს, მაგალითად, ჩვენი აფორიზმი *summa jus summa injuria?* იმას ხომ არა, რომ ყველაზე უფრო სამართლიანად მაშინ ვიქცევით, როცა მოვიხდით ვალს სამართლიანობის წინაშე და თავისას მივუზღავთ აგრეთვე უსამართლობასაც? სრულიადაც არა, ასე მსჯელობს მხოლოდ ბრიყვი. ნამდვილად-კი ეს აფორიზმი იმას ნიშნავს, რომ ყოველი განყენებული სამართალი, როცა ლოდიკურ ბოლომდე მივა უსამართლობად, ე. ი. თავის საკუთარ წინააღმდეგობად იქცევა. შექსპირის „ვენეციელი ვაჟარი“ ამის ბრწყინვალე ილიუსტრაციაა. ჩაუკვირდით ეხლა ეკონომიურ მოვლენებს. როგორია „თავისუფალი შეტოქეობის“ ლოდიკური შედეგი? ყოველი მწარმოებელი ცდილობს დაამარცხოს თავისი კონკურენტები, დარჩეს ბაზრის ერთად-ერთი ბატონი. და, რასაკვირველია, არაა იშვიათი ისეთი შემთხვევა, როცა რომელიმე რომილდი ან ვანდერბილდი ახერხებს ამ მისწრაფების განხორციელებას, მაგრამ ეს გვიჩვენებს, რომ თავისუფალ კონკურენციას მონოპოლიამდე მივყევართ, ე. ი. კონკურენციის უარყოფამდე—თავისი საწინააღმდეგო მოვლენამდე. ან და ჩაუკვირდით, სანამდე მივყევართ ჩვენი ნაზოდნიკული ლიტერატურის მიერ ნაქებს ეგრეთწოდებულ საკუთრების შრომითს პრინციპს.

1) სიცოცხლის ტალღებში, ქვეყნის ქმნის ქარცეცხლში  
ხან ადგვიზნები და ხან ჩიქრები.  
ირგვლივ ვმოძრაობ, ყველგან გავჩნდები  
შობა და საფლავი—  
ზღვა მარადიული,  
ცვალებად მოძრავი,  
სიცოცხლე მზიური.  
ასე ვქმნი ვამთა სვლის დაზგაზე საიდუმლო ქსელს  
და მის გუგუნში ვქსოვ ღვთაების ცოცხალ სამოსელს.  
(„უაუსტი“. დ. ონაშვილის თარგმანი. გვ. 34).

მე მხოლოდ ის შეკუთვნის, რაც ჩემი შრომითაა შექმნილი. ეს საესებით სამართლიანია, მაგრამ არა ნაკლებ სამართლიანია ისიც, რომ მე მოვიხმარ ჩემ მიერ დამზადებულ ნივთს ჩემი სურვილისამებრ: მე ან თითონვე ვსარგებლობ იმით, ანდა ვცვლი მას სხვა, ჩემთვის სასურველ ნივთზე. ბოლოს სწორედ ასევე სამართლიანია ისიც, რომ მე ვსარგებლობ შექმნილი ნივთით ისევე ჩემი სურვილისამებრ — როგორც ეს ჩემთვის უფრო სასიამოვნო, უკეთესი და ხელსაყრელია. ვთქვათ ეხლა, რომ მე გავყიდე ჩემი საკუთარი შრომის პროდუქტი, აღებული ფულით კი დავიქირავე მუშა, ე. ი. ვიყიდე სხვისი სამუშაო ძალა. სხვისი სამუშაო ძალის გამოყენებით მე ვხდები ღირებულების მფლობელი, რომელიც გაცილებით მეტია მის (ე. ი. სამუშაო ძალის) შესაძენად საჭირო ღირებულებაზე. ეს ერთის მხრით საესებით სამართლიანია, რადგანაც ჩვენ უკვე აღვიარეთ, რომ მე შემიძლია შექმნილი ნივთი მოვიხმარო ისე, როგორც ეს ჩემთვის უკეთესი და ხელსაყრელია; მეორეს მხრით კი ეს სრულიად უსამართლოა, რადგანაც მე ვითვისებ შრომას და ამით ვაქარწყლებ იმ პრინციპს, რომელიც საფუძვლად ედგა ჩემს წარმოდგენას სამართლიანობაზე. ჩემი შრომით შექმნილი საკუთრება შემიძენს მე სხვისი შრომით შექმნილ საკუთრებას. *Summum jus summa injuria*. და ასეთი *injuria* თავისთავად წარმოიშობა თითქმის ყოველი შეძლებული შინამრეწველის და მუყაითი გლების მეურნეობაში<sup>1)</sup>.

ამრიგად, ყოველი მოვლენა იმ ძალთა მოქმედებით, რომლებზეც დამოკიდებულია მისი არსებობა, ადრე თუ გვიან, მაგრამ აუცილებლად თავის საკუთარ წინააღმდეგობად გადაიქცევა.

1) ბ. შინაილოვსკისათვის გაუგებარია დიალექტიკის ეს მუდმივი და საყოველთაო ბატონობა: ყველაფერი იცვლება დიალექტიკური განვითარების კანონების გარდა, ამბობს ის ბოროტი სკეპტიციზმით. დიახ, ეს სწორედ ასეა, გიპასუხებთ ჩვენ, და თუ თქვენ ეს გაკვირვებთ და არ ეთანხმებით ამ თვალსაზრისს, — გახსოვდეთ, რომ ამ შემთხვევაში თქვენ უნდა უარყოთ აგრეთვე თანამედროვე ბუნებისმეტყველების ძირითადი თვალსაზრისი. რომ ამაში დარწმუნდეთ, საკმარისია გაიხსენოთ პლინიუსის ის სიტყვები, რომელიც ლაიფლმა თავის შესანიშნავ წიგნს „Principes of Geology“-ის ეპიგრაფად დაურთო: „Amid the revolutions of the globe, the economy of Nature has been uniforme, and her laws are the only the that have resisted the general movement. The rivers, and the rocks, the seas and thina continents have been changed all the parts; but the laws which direct those changes, and the rules to which the are subject, have remained invariably the same“.

ჩვენ უკვე აღვნიშნეთ, რომ გერმანული იდეალისტური ფილოსოფია ყოველ მოვლენას განვითარების თვალსაზრისით იხილავდა და რომ ეს მოვლენათა სწორად დიალექტიკურად განხილვას ნიშნავს. უნდა ითქვას, რომ მეტაფიზიკოსებს თვით განვითარების მოძღვრების დამახინჯებაც ეხერხებათ. ისინი გვარწმუნებენ, რომ არც ბუნებამ და არც ისტორიამ ნახტომები არ იცისო. როცა ისინი რაიმე მოვლენის ან საზოგადოებრივი დაწესებულების წარმოშობაზე ლაპარაკობენ, მათ საქმე წარმოდგენილი აქვთ ასე: ეს მოვლენა ან დაწესებულება ოდესღაც მეტად მცირე, ან სრულიად შეუმჩნეველი იყო და შემდეგ დროთა ვითარებაში თანდათან გაიზარდა. როცა ამავე მოვლენის ან დაწესებულების მოსპობაზეა ლაპარაკი, მაშინ საწინააღმდეგო იგულისხმება—მისი თანდათან შემცირება მანამდე, ვიდრე მოვლენა სრულიად შეუმჩნეველი გახდებოდეს მისი მიკროსკოპული ოდენობის გამო. ამგვარად გაგებული განვითარება სრულიად არაფერს ხსნის; იგი ჰგულისხმობს სწორედ იმ მოვლენათა არსებობას, რომელნიც მან უნდა ახსნას, და მხედველობაში იღებს მხოლოდ მის რაოდენობით ცვლილებებს. ერთ დროს მეტაფიზიკური აზროვნების ბატონობა ბუნებისმეტყველებაში ისე ძლიერი იყო, რომ მრავალ ნატურალისტს ამ განვითარების წარმოდგენა არ შეეძლო სხვაგვარად თუ არა განსახილველი მოვლენის სწორედ ასეთი თანდათან ზრდის ან შემცირების სახით. თუმცა ჯერ კიდევ გარვეის დროიდან აღიარებული იყო, რომ „ყოველი ცოცხალი არსება კვერცხიდან ვითარდება“, მაგრამ ამ შეხედულებას არავითარ გარკვეულ შინაარსს არ უკავშირებდენ; და სპერმატოზოიდების აღმოჩენამ საბაბი მისცა ისეთი თეორიის წარმოშობას, რომლის მიხედვითაც თესლის უჯრედი უკვე შეიცავს მზამზარეულს, სავსებით განვითარებულს, მაგრამ მიკროსკოპითულად მცირე ცხოველს ისე, რომ მთელი მისი „განვითარება“ წარმოადგენს მხოლოდ ზრდას. სავსებით ასე მსჯელობენ ეხლა ბრძენი მოხუცი, მათ შორის მრავალი ცნობილი ევროპიელი ევოლიუციონისტი სოციოლოგიც, მაგ., პოლიტიკურ დაწესებულებათა განვითარებაზე: ისტორია ნახტომებს არ აკეთებს: *ya piano...*

გერმანულმა იდეალისტურმა ფილოსოფიამ გადაჭრით გაილაშქრა განვითარების ასეთი მახინჯი გაგების წინააღმდეგ. ჰეგელი გესლიანად დასცინოდა მას და ურყევად დაამტკიცა, რომ ბუნებაში და ადამიანთა საზოგადოებაში ნახტომში განვითარების ისეთსავე აუცილებელ მომენტს წარმოადგენს, როგორსაც თანდათან რაოდენობითი ცვლილებანი. არსის ცვლილებები—ამბობს იგი—მდგომარეობს არა მარტო იმაში, რომ ერთი რაოდენობა გადადის მეორე-

ში, არამედ იმაშიც, რომ თვისება გადადის რაოდენობაში და პირიქით; ამ უკანასკნელი სახის თითოეული გადასვლა წარმოადგენს თანდათანობის შეწყვეტას (Ein Abbrechen des Altmählichen) და აძლევს მოვლენას ახალს, წინანდელისგან თვისებრივად განსხვავებულ სახეს. მაგალითად, გაცივების დროს წყალი მაგრდება არა თანდათან... არამედ ერთბაშად, — გაყინვის წერტილამდე გაცივების შემდეგ ის რჩება სითხედ, თუკი უძრავ მდგომარეობას ინარჩუნებს და ამის შემდეგ საკმარისია უმნიშვნელო ბიძგი, რომ იგი ერთბაშად გამაგრდეს... ზნეობრივ მოვლენათა სფეროში... ადგილი აქვს ასეთსავე გადასვლას რაოდენობითიდან თვისებრივში, ანდა სხვა სიტყვით, თვისებრივი სხვადასხვაობა იქაც რაოდენობითს სხვადასხვაობას ემყარება. მაგალ, „ცოტათი ნაკლები, ცოტათი მეტი წარმოადგენს იმ საზღვარს, რომლის შემდეგ განუსჯელობა გადაიქცევა სრულიად სხვა მოვლენად — ბოროტმოქმედებად... მაგალითად, სახელმწიფოებს — სხვა დანარჩენი პირობების თანასწორობის დროს — სხვადასხვა თვისებრივი ხასიათი აქვთ მხოლოდ სხვადასხვა ოდენობის გამო. განსაზღვრული კანონები და განსაზღვრული სახელმწიფოებრივი წყობილება ღებულობს სრულიად სხვა მნიშვნელობას ტერიტორიის გაფართოებასა და მოსახლეობის გადიდებასთან ერთად“<sup>1)</sup>.

თანამედროვე ნატურალისტებმა კარგად იციან, თუ რაოდენობის ცვლილებას როგორ ხშირად თვისების ცვლილება ღე მივყევართ. რატომაა, რომ მზის სპექტრის ერთი ნაწილი იწვევს ჩვენში წითელი ფერის შეგრძნებას, მეორე — ლურჯისას და სხვა? ფიზიკა უპასუხებს, აქ მთელი საქმე ეთერის ნაწილების ქანაობის რიცხვშიაო. ცნობილია, რომ ეს რიცხვი იცვლება თითოეული სპექტრალური ფერისათვის და იზრდება წითელი ფერიდან იისფერისაკენ. ეს კიდევ ცოტაა. სპექტრში სითბოს დაძაბულობა იზრდება წითელი ზოლის გარე კიდესთან მიახლოვების მიხედვით და სპექტრიდან გამოსვლის შემდეგ უმაღლეს ხარისხს აღწევს მისგან განსაზღვრულ მანძილზე. გამოდის თითქოს სპექტრში განსაკუთრებული გვარის სხივები იყოს, რომელიც უკვე კი არ ანათებს, არამედ სითბოს იძლევა. ფიზიკა ამბობს, რომ აქაც სხივების თვისებები იცვლება ეთერის ნაწილთა ქანაობის რიცხვის ცვლილებათა გამოა.

მაგრამ ესეც ჯერ კიდევ ცოტაა. მზის სხივები იწვევს გარკვეულ ქიმიურ მოქმედებას, როგორც ამის მაჩვენებელია, მაგალითად,

<sup>1)</sup> Wissenschaft der Logik, 1-ლი გამოცემა, 1-ლი ნაწილი. წიგნი 1-ლი, გვ. გვ. 313—314.

მატერიის გახუნება მზისგან. უფრო მეტი ქიმიური ძალის მქონეა იისფერი და ეგრეთწოდებული ულტრა-იისფერი სხივები, რომელიც უკვე არ იწვევს ჩვენში სინათლის შეგრძნებას. ქიმიური მოქმედების მხრით მზის სხივებს შორის განსხვავება ისევე ეთერის ნაწილთა ქანაობის რაოდენობის სხვადასხვაობით აიხსნება: რაოდენობა გადადის თვისებაში.

ამასვე ამტკიცებს ქიმიცა. ოზონს სხვა თვისება აქვს, ვიდრე ჩვეულებრივ მჟავადას. რითაა გამოწვეული ეს განსხვავება? ოზონის მოლეკული შეიცავს ატომების სხვა რაოდენობას, ვიდრე ჩვეულებრივი მჟავადადის მოლეკული. ავიღოთ ნახშირ-წყალბადის სამი შენაერთი:  $CH_4$  (ქაობის გაზი),  $C_2H_6$  (დიმეტილი) და  $C_3H_8$  (მეტილ-ეთილი). ყველა ეს შედგენილია შემდეგი ფორმულის მიხედვით: ნახშირბადი  $n$  ატომი და წყალბადი  $2n+2$  ატომი. თუ  $n$  უდრის ერთს, მაშინ მიიღება ქაობის გაზი; თუ  $n$  ორს უდრის—დიმეტილი, თუ—სამს—მეტილ-ეთილი. ამ გზით შეიძლება შედგეს მთელი რიგები, რომლის მნიშვნელობის შესახებ თქვენ მოგიტხრობს ყოველი ქიმიკოსი, და მთელი ეს რიგები ერთხმად ამტკიცებს ძველი დიალექტიკოს-იდეალისტების დებულებას: რაოდენობა გადადის თვისებაში.

ეხლა ჩვენ უკვე ვიცით დიალექტიკური აზროვნების მთავარი დამახასიათებელი თვისებები, მაგრამ მკითხველი თავს მაინც დაუქმაცყოფილებლად გრძნობს.—სადღა სახელგანთქმული ტრიადა,—კითხულობს იგი,—ტრიადა, რომელშიაც, როგორც ვიცით, მდგომარეობს ჰეგელის დიალექტიკის მთელი არსი. ბოდიშს ვიხდით, მკითხველო, ჩვენ არაფერს ვამბობდით ტრიადის შესახებ იმ უბრალო მიზეზის გამო, რომ მას ჰეგელისათვის სრულიადაც არა აქვს ის მნიშვნელობა, რასაც მას ის ხალხი მიაწერს, რომელსაც არ ესმის ამ მოაზროვნის ფილოსოფია და რომელსაც შეუსწავლია იგი, მაგალითად, ბ. სპასოვიჩის „სისხლის სამართლის სახელმძღვა-

1) „შე ვოცნებობდი ვეჭილის კარიერაზეო,—მოგვითხრობს ბ. შიხილოვსკი, და გატაცებით, თუმცა სრულიად უწეარაგოდ ვკითხულობდი სხვადასხვა იურიდიულ თხზულებებს. მათ რიცხვში იყო ბ. სპასოვიჩის სისხლის სამართლის სახელმძღვანელო. ამ თხზულებაში მოცემულია სხვადასხვა ფილოსოფიურ სისტემათა მოკლე მიმოხილვა, რამდენადაც მათ დამოკიდებულება აქვთ კრიმინალისტიკასთან. მე განსაკუთრებით განმაცვიფრა ჰეგელის შესანიშნავი ტრიადაჲ, რის შეახებითაც სისჯელი ასე მოხდენილად ხდება უფლებასა და დანაშაულს შორის არსებულ ფინაიდმდგობის შემარჩებელი. ცნობილია ჰეგელის სამწვეროინი ფორმულის და მისი მრავალნაირი გამოყენების შემავტონებელი ძალა... არაა გასაკვირი, რომ მან მე მომხიბლო ბ. სპასოვიჩის სახელმძღვანელოში. არაა გასაკვირი ისიც, რომ შემდეგშივე გამიტაცა ჰეგელმა და სხვა ბევრმა“... („Русская

ნელმოთი“. <sup>1)</sup> წმინდა უბრალოებით აღვსილი, ეს გონება მჩატე ხალხი დარწმუნებულია, რომ გერმანელი იდეალისტის მთელ არგუმენტაციას ტრიადის დამოწმება წარმოადგენდა; რომ მოხუცს რა გინდ თეორიულ სიძნელესთან უნდა ჰქონოდა საქმე, იგი დამზვიდებული ღიმილით ანდობდა სხვებს მასზე თავიანთი საბრალო, „უვიცი“ თავი ეტეხათ, თითონ-კი აშენებდა სილოგიზმს: ყველა მოვლენა ტრიადის თანახმად ხდება; მე საქმე მაქვს მოვლენასთან, მაშასადამე მივმართავ ტრიადას.<sup>1)</sup> ეს, როგორც კარონინის ერთი მომქმედი პირთაგანი ამბობს, სისულელეა და მეტი არაფერი, ან შჩედრინის გამოთქმა თუ უფრო მოგწონთ—არაბუნებრივი ლაყბობაა. ჰეგელის თხზულებათა 18 ტომიდან არც ერთში „ტრიადას“ არსად არა აქვს სახუთის მნიშვნელობა და იმისთვის, ვინც ცოტათი მაინც იცნობს მის (ჰეგელის) ფილოსოფიურ მოძღვრებას, ნათელია, რომ მას არავითარ შემთხვევაში არ შეეძლო ასეთი მნიშვნელობა ჰქონოდა. ჰეგელისხათვის ტრიადას ისეთივე მნიშვნელობა აქვს, როგორც მას ჰქონდა ჯერ კიდევ ფიბტესათვის, რომლის ფილოსოფიაც არსებითად განსხვავდება ჰეგელის ფილოსოფიისგან. აშკარაა, რომ მხოლოდ სრულ უვიცობას შეუძლია ერთი ფილოსოფიური სისტემის მთავარ დამახასიათებელ ნიშნად ჩათვალოს ისეთი თვისება, რომელიც საერთოა, სულ ცოტა, ორი ერთმანეთისგან სრულიად განსხვავებული სისტემისათვის.

ვწუხვართ, რომ „ტრიადა გვაწყვეტინებს ჩვენს დალაგებას, მაგრამ რაკი დავიწყეთ, უმჯობესია დავამთავროო.. ენახოთ ერთი ეს რა ფრინველია.

ყოველი მოვლენა ბოლომდე განვითარების შემდეგ იქცევა თავის წინააღმდეგობად; რადგან ახალი, პირველის საწინააღმდეგო მოვლენაც იქცევა თავისი მხრით თავის წინააღმდეგობად, ამის გამო განვითარების მესამე ფაზა ფორმალურად პირველს წააგავს. ჯერ

---

Мысль“ 1891 წ. წიგ. III, განყ. II, გვ. 188). სამწუხაროა, მეტიად სამწუხაროა, რომ ბ. შიხაილოვსკი არაფერს გვეუბნება იმის შესახებ, თუ რამდენად დააკმაყოფილა მან თავისი ვატაცება ჰეგელით. ყველაფრიდან ჩანს, რომ იგი ამ მიმართულებით შორს არ წასულა.

1) ბ. შიხაილოვსკი გვარწმუნებს, რომ განსვენებული ნ. შიბერი, როცა მასთან კამათის დროს რუსეთში კაპიტალიზმის აუტორიტეტობას ამტკიცებდა, „მიმართაოდა ყოველგვარ არგუმენტს, მაგრამ სრულიად უმნიშვნელო სიმართლების დროს იგი ეფარებოდა განვითარების უტყუარ და უდავო სიმწვერიის დილექტიურ ფორმულას“-ო („Русская Мысль“ 1892, წიგ. მე-VI, განყ. II, გვ. 196). ის გვარწმუნებს აგრეთვე, რომ მარქსის მთელი წინასწარმეტყველობა (როგორც ბ. შიხაილოვსკი ამბობს) კაპიტალიზტური განვითარების დასასრულის შე-

ნუ შევეხებით კითხვას იმის შესახებ, თუ რამდენად შეეფერება სინამდვილეს განვითარების ასეთი მსვლელობა. ვთქვათ, რომ ცდებოდა ის ხალხი, რომელიც ფიქრობდა—სავსებით შეეფერებაო; ყოველ შემთხვევაში აშკარაა, რომ ტრიადა მხოლოდ გამომდინარეობს ჰეგელის ერთ-ერთი დებულებიდან, მაგრამ სრულიადაც არ წარმოადგენს მის ძირითად დებულებას. ეს მეტად არსებითი განსხვავებაა, რადგანაც ტრიადას რომ ძირითადი დებულების მნიშვნელობა ჰქონდეს, მაშინ მას მართლაც ამოეთვარებოდა ის ხალხი, რომელიც მას დიდ როლს ანიჭებს. მაგრამ რადგანაც იგი ასეთ მნიშვნელობით არ გამოდის, ამიტომ იგი მხოლოდ ისეთ ხალხს შეუძლია საფარად იხმაროს, რომელსაც არ ესმის საქმის შინაარსი.

თავისთავად ცხადია, რომ არსებითად საქმის ვითარება ოდნავადაც არ შეიცვლებოდა იმით, რომ დიალექტიკის მომხრეები არ დამყარებოდნენ „ტრიადას“ და უმნიშვნელო საშიშროების დროს საფარად ეხმარათ ის დებულება, რომ ყოველი მოვლენა თავის წინააღმდეგობად იქცევა. მაგრამ ისინი არასოდეს არ ჩადიოდნენ ამას იმიტომ, რომ აღნიშნული დებულება არ ამოსწურავს მათ თვალსაზრისის მოვლენათა განვითარებაზე. გარდა ამისა ისინი ამბობდნენ, მაგალითად, რომ განვითარების პროცესში რაოდენობა გადადის თვისებაში და თვისება რაოდენობაშიო. მაშასადამე, ისინი ანგარიშს უწევდნენ პროცესის როგორც რაოდენობითს, ისე თვისებითს მხარეს; ეს კი ჰგულისხმობს მისი ნამდვილი ფაქტიური მსვლელობის გულდასმითს შესწავლას. ხოლო ეს იმას ნიშნავს, რომ ისინი არ კმაყოფილდებიან განუყნებული დასკვნებით განუყნებული დებულებებიდან. ანდა, უკიდურეს შემთხვევაში, არ უნდა დაკმაყოფილდნენ ასეთი დასკვნებით, თუ კი სურთ ბოლომდე შერჩენ თავიანთ მსოფლმხედველობას.

„თავის თხზულებათა ყოველ გვერდზე ჰეგელი გამუდმებით და დაულალავად აღნიშნავდა, რომ ფილოსოფიას და ემპირიას შორის იგივეობაა, რომ ფილოსოფია არაფერს მოითხოვს ისე დაყენებით, როგორც ემპირიული შეცნობების ღრმად შესწავლას... ფაქტიურ მასალას აზრის გარეშე მხოლოდ შედარებითი მნიშვნელო-

---

სახებ მხოლოდ „ტრიადას“ ეყარებაო. მარქსის შესახებ ჩვენ ლაპარაკი კვებოდ გვექნება, ნ. ზიბერის შესახებ-კი შევნიშნავთ, რომ ჩვენ არა ერთხელ გვექონია საუბარი განსვენებულთან და არ ყოფილა შემთხვევა მას ოდენზე „დიალექტიკური განვითარება“ დემოწმების. იგი თითონ ამბობდა, ჰეგელის მნიშვნელობა უახლესი ეკონომიის განვითარების საქმეში ჩემთვის სრულიად უცნობიაო. რასაკვირველია, გარდაცვლილებს ყველაფერი შეიძლება თავს მოახვიო და ამიტომ ბ. მიხაილოვსკის ჩვენებაც ურყევია.



ბა აქვს, აზრი ფაქტიური მასალის გარეშე—უბრალო ქიმერაა... ფილოსოფია არის ის შეგნება, რასაც აღწევენ ემპირიული მეცნიერებანი თავისი თავის შესახებ. შეუძლებელია იგი სხვა რამ იყოს”.

აი რა დასკვნამდე მივიდა ლასალი ჰეგელის ფილოსოფიის შესწავლის ნიადაგზე მოაზროვნე მკვლევარის ამოცანის შესახებ:!) ფილოსოფოსები იმ მეცნიერებათა სპეციალისტები უნდა იყვნენ, რომელთაც მათ სურთ ხელი შეუწყონ „თვითშეგნების“ მიღწევის საქმეში. ვფიქრობთ, რომ საგნის სპეციალურ შესწავლასა და „ტრიადის“ სადიდებლად უაზრო ლაყბობას შორის ძლიერ დიდი განსხვავებაა. და ნუვინ იტყვის, რომ ლასალი არ იყო „ნამდვილი“ ჰეგელიანელი, რომ იგი ეკუთვნოდა „მემარცხენებს“ და დაუნდობლად ჰკიცხავდა „ნემარჯვენებს“ იმისთვის რომ ისინი გართული იყვნენ განყენებული კონსტრუქციებით. ეს კაცი ხომ პირდაპირ ამბობს. ჩემი შეხედულებანი უშუალოდ ჰეგელისგან ვისესხეო.

თუმცა, შესაძლებელია თქვენ არ მიიღოთ ჩვენება „მოპოვებულ უფლებათა სისტემის“ ავტორისა იმის მსგავსად, როგორც სასამართლოში არ იღებენ ნათესავების ჩვენებას. ჩვენ საწინააღმდეგო არაფერი გვექნება და მოწმედ მოვიხმობთ სრულიად გარეშე ადამიანს — „Очерки гоголевского периода русской литературы“-ის ავტორს.

გთხოვთ ყურადღებას: მოწმე ილაპარაკებს დიდხანს და თავისი ჩვეულებისამებრ ჰკვიანად.

ჩვენ ისევე არა ვართ ჰეგელის მიმდევარი, როგორც დეკარტესი და არისტოტელესი. ჰეგელი ამეამად უკვე წარსულს ეკუთვნის. ჩვენ ეპოქას სულ სხვა ფილოსოფია აქვს და იგი კარგად ამჩნევს ჰეგელის ფილოსოფიის ნაკლს, მაგრამ უნდა აღვიაროთ, რომ ჰეგელის მიერ წამოყენებული პრინციპები მართლაც ძლიერ უახლოვდება ჰეგელიანობას და ჰეგელიანობის ზოგიერთი მხარე ამ მოაზროვნემ ნამდვილად განსაკვიფრებელი სიძლიერით დაგვანახვა. ამ ჰეგელიანობაობაგან ზოგიერთის აღმოჩენა შეადგენს ჰეგელის პირად დამსახურებას; დანარჩენი, მართალია, ეკუთვნის არა მარტო მის სისტემას, არამედ მთელ გერმანულ ფილოსოფიას კანტიანსა და ფიხტეს დროიდან, მაგრამ იგი ჰეგელამდე არავის ისე ნათლად არ ჩამოუყალიბებია და ისე გარკვევით არ გამოუთქვამს, როგორც ეს მის სისტემაშია.

---

1) იხ. მისი System der erworbenen Rechte, zweite Auflage Leipzig. 1880 Vorrede. გვ. გვ. XII—XIII.

„პირველ ყოვლისა აღვნიშნავთ ყოველდღე პროგრესის იმ ცხოველმყოფელ პრინციპს, რომლითაც ასე შევალსაჩინოდ და ბრწყინვალედ განირჩევა საერთოდ გერმანული ფილოსოფია და განსაკუთრებით ჰეგელის სისტემა იმ პირობით და მშვიდარა შეხედულებათაგან, რომელიც გაბატონებული იყო იმ დროის (XIX საუკუნის დასაწყისის) ფრანგსა და ინგლისელ მოაზროვნეებს შორის: „ქეშმარიტება აზროვნების უმაღლესი მიზანია; ეძიეთ ქეშმარიტება, იმიტომ რომ ქეშმარიტებაშია სიკეთე, როგორც უნდა იყოს იგი (ქეშმარიტება) მაინც ყოველ არაქეშმარიტზე უმჯობესია. მოაზროვნის პირველი მოვალეობაა: უკან არ დაიხიოს არავითარი შედეგების წინაშე; ის მზად უნდა იყოს შესწიროს ქეშმარიტებას თავისი ყველაზე უფრო ძვირფასი შეხედულებანი. შეცთომა ყოველგვარი უბედურების წყაროა; ქეშმარიტება უმაღლესი სიკეთე და სხვა სიკეთეთა წყაროა“. ამ მოთხოვნის უდიდესი მნიშვნელობის შესაფასებლად, რომელიც საერთოდ ახასიათებს მთელ გერმანულ ფილოსოფიას კანტის დროიდან და რომელიც განსაკუთრებული სიმტკიცით წამოყენებული იქნა ჰეგელის მიერ, საჭიროა გავიხსენოთ, თუ როგორი საკვირველი და ვიწრო პირობებით ზღუდავდნენ ქეშმარიტებას იმ დროის სხვა სკოლის მოაზროვნეები: ისინი იწყებდნენ ფილოსოფოსობას მხოლოდ იმ მიზნით, რომ „გაემართლებიათ მათთვის ძვირფასი შეხედულებანი“, ე, ი. ეძებდნენ არა ქეშმარიტებას, არამედ მათ მიერ წინასწარ შემუშავებულ შეხედულებათა დასაყრდენს; თითოეული იღებდა ქეშმარიტებიდან მხოლოდ იმას, რაც მას მოსწონდა, ხოლო მისთვის არასასიამოვნო ქეშმარიტებას უარჰყოფდა, რადგან, როგორც თითონ აღიარებდა უცერემონიოდ, სასიამოვნო შეცთომას მიუდგომელ სიმართლეზე მაღლა აყენებდა. მზრუნველობის ასეთ მანერას, რაც მიზნად ისახავდა არა ქეშმარიტების, არამედ წინასწარ შემუშავებულ შეხედულებათა დაცვას, გერმანელმა ფილოსოფოსებმა (განსაკუთრებით ჰეგელმა) უწოდეს „სუბიექტური აზროვნება“ (ღმერთო ჩემო! ჩვენი სუბიექტური მოაზროვნეები ამიტომ ხომ არ უწოდებენ ჰეგელს სქოლასტიკოსს? ავტორი), ფილოსოფოსობა საკუთარი სიამოვნებისათვის და არა ქეშმარიტების ნამდვილი მოთხოვნილებისათვის. ჰეგელმა დაუნდობლად ამხილა ეს უშინაარსო და მავნე გართობა (უსმინეთ! უსმინეთ!). იმ მიზნით, რათა შეუძლებელი გამხდარიყო პირადი სურვილებისა და ცრუმორწმუნეობის სასარგებლოდ ქეშმარიტებისთვის გვერდის ავლა, ჰეგელმა როგორც აუცილებელი წინასწარ გამაფრთხილებელი საშუალება წამოაყენა შესანიშნავი „დიალექტიკური მეთოდი აზროვნებისა“ ამ უკანასკნელის არსი

მდგომარეობს იმაში, რომ მოაზროვნე არ უნდა კმაყოფილდებოდეს არც ერთი დადებითი შედეგით, არამედ უნდა ცდილობდეს აღმოაჩინოს: საგანს, რომელზეც ის აზროვნებს, ხომ არა აქვს ისეთი თვისებები და უნარი, რომელიც იმის საწინააღმდეგოა, რაც პირველი შეხედვით მას ამ საგნად ეჩვენება. ამრიგად, მოაზროვნე იძულებული იყო საგანი ყოველი მხრით განეხილა და კეშმარიტებას მიაღწევდა ის არა სხვა გზით, თუ არა როგორც სხვადასხვა საწინააღმდეგო შეხედულებათა ბრძოლის შედეგს. ამ გზით, საგანზე ძველი ცალმხრივი წარმოდგენის ნაცვლად თანდათან შესაძლებელი გახდა სრული და ყოველმხრივი გამოკვლევა და საგნის ყველა ნამდვილ თვისებებზე ცოცხალი წარმოდგენის შემუშავება. სინამდვილის ახსნა ფილოსოფიური აზროვნების არსებითი მოვალეობა შეიქნა. ამან გამოიწვია განსაკუთრებული ყურადღება სინამდვილესადმი, რაზეც წინად არ ფიქრობდენ და რასაც ასე უცერემონიოდ ამახინჯებდნენ საკუთარი ცალმხრივი წინასწარ შემუშავებულ შეხედულებათა სასარგებლოდ (De te fabula narratur!). ამრიგად, კეშმარიტების წინანდელი თვითნებითი გაგების ადგილი დაიჭირა კეშმარიტების კეთილსინდისიერმა და დაუღალავმა ძიებამ. მაგრამ სინამდვილეში ყველაფერი დამოკიდებულია გარემოებაზე, დროისა და ადგილის პირობებზე, — და ამიტომ ჰეგელმა აღიარა, რომ წინანდელი ზოგადი განყენებული ფრაზები, რომლითაც სიკეთესა და ბოროტებაზე მსჯელობდნენ მათი გამომწვევი გარემოებათა და მიზეზების განუხილველად, არაა დამაკმაყოფილებელი. თითოეულ საგანს, თითოეულ მოვლენას აქვს თავისი საკუთარი მნიშვნელობა და მის შესახებ იმ გარემოებათა მიხედვით უნდა ვიმსჯელოთ, რომელშიაც იგი იმყოფება. ეს წესი შემდეგი ფორმულით გამოითქმებოდა: „განყენებული კეშმარიტება არ არსებობს; კეშმარიტება კონკრეტულია,“ ე. ი. განსაზღვრელი მსჯელობა შეიძლება გამოითქვას მხოლოდ განსაზღვრულ ფაქტზე ყველა იმ გარემოებათა განხილვის შემდეგ, რაზეც ის დამოკიდებულია.“<sup>1)</sup>

<sup>1)</sup> ჩერნიშევსკი: „Очерки гоголевского периода русской литературы.“ СПб 1892, გვ. გვ. 258-259. „Очерки“-ს ავტორი განსაკუთრებულ შინაშენაში მშვენიერად არკვევს, თუ ნამდვილად რას ნიშნავს იმ გარემოებათა ასეთი განხილვა, რომელზეც დამოკიდებულია განსაზღვრული მოვლენა. ჩვენ ამ შინაშენასაც მოვიყვანთ. „მაგალითად: „სიკეთეა თუ ბოროტება წვიმა?“ ეს განყენებული კითხვა; მასზე გარკვეული პასუხის მიცემა შეუძლებელია; წვიმას ხან სარგებლობა მოაქვს, ხან-კი, თუმცა იშვიათად — ზარალი; კითხვა გარკვევით უნდა დაისვას: „მის შემდეგ, რაც პურის თესვა დამთავრდა, ხუთი საათის განმავლობაში ძლიერ წვიმ-

ამრიგად, ერთის მხრით, ჩვენ გვეუბნებიან, რომ ჰეგელის ფილოსოფიას ახასიათებდა სინამდვილის ზედმიწევნით გულდასმითი შესწავლა; მეტად კეთილსინდისიერი განხილვა ყოველი გარკვეული საგნისა, მისი შესწავლა ცოცხალ გარემოში, დროისა და ადგილის ყველა იმ პირობებში, რომელიც მისი არსებობის აუცილებელი პირობა და თანმხლებია. ნ. გ. ჩერნიშევსკის ჩვენება ამ შემთხვევაში სრულიად ეთანხმება ფ. ლასალის ჩვენებას. ხოლო, მეორეს მხრით, ჩვენ გვარწმუნებენ, რომ ეს ფილოსოფია უშინაარსო სქოლასტიკა იყო, რომლის მთელი საიდუმლოება მდკომარეობდა „ტრიადის“ სოფისტურ გამოყენებაში. ამ შემთხვევაში ბ. მიხაილოვსკის ჩვენება სრულიად ეთანხმება ბ. ვ. ვ.-ის და თანამედროვე რუსეთის სხვა მწერალთა მთელი ლეგიონის ჩვენებას. რითი აიხსნება მოწმეების ჩვენებათა ეს სხვადასხვაობა? როგორც გნებავთ ისე ახსენით, მაგრამ გახსოვდეთ, რომ ლასალი და „Очерки гоголевского периода...“-ს ავტორი იცნობდნენ იმ ფილოსოფიას, რომელზეც მსჯელობდნენ, ხოლო ბ. ბ. მიხაილოვსკის, ვ. ვ.-ს და მათ ძმათ უთუოდ თავი არ შეუწუხებიან ჰეგელის თუ გინდ ერთი თხზულების შესწავლითაც-კი.

აღსანიშნავია, რომ დიალექტიკური აზროვნების დახასიათების დროს „Очерки“-ს ავტორს ერთი სიტყვაც არ უთქვამს ტრიადის შესახებ. როგორ მოხდა, რომ მან ვერ შეამჩნია სწორედ ის სპილო, რომელსაც ბ. მიხაილოვსკი და კომპანია ასე დაჟინებით და ზეიმით უჩვენებენ სეირის მოყვარულთ? ვიმეორებთ: გახსოვდეთ, რომ „Очерки гоголевского периода...“-ს ავტორმა იცოდა ჰეგელის ფილოსოფია, ბ. მიხაილოვსკისა და კომპანიას კი არავეითარი წარმოდგენა არა აქვთ მასზე.

იქნებ მკითხველს სურს გაიხსენოს „Очерки гоголевского периода“-ს ავტორის ზოგი სხვა შენიშვნებიც ჰეგელზე? იქნებ მან მიგვითითოს მისი შესანიშნავ წერილზე: „Критика философских предубеждений против общинного землевладения“? ამ წერილში

---

და,—სასარგებლო იყო თუ არა იგი ნათესისათვის?“ მხოლოდ ამ შემთხვევაშია პასუხი ნათელი და აზრიც აქვს მას: „ასეთი წვიმა მეტად სასარგებლოა“.—მაგრამ იმავე ზაფხულს, როცა რთველის დრო დადგა მთელი კვირის განმავლობაში ასხამდა კოკისპირული წვიმა,—სასარგებლო იყო თუ არა ეს ყანისათვის?“ აქაც პასუხი ნათელი და მართებელია: „არა, ეს წვიმა საზარალო იყო“. სწორედ ამგვარად სწყდება ჰეგელის ფილოსოფიაში ყველა საკითხი. „დამღუპველია თუ კეთილმყოფელი ომი?“ საერთოდ შეუძლებელია ამას გადაჭრით ვუპასუხოთ: უნდა ვიცოდეთ, თუ რომელ ომზეა ლაპარაკი, ყველაფერი დამოკიდებულია დროისა და ადგილის გარემოებაზე. ველური ხალხისთვის ომის ზარალი ნაკლებად საგრძნობია, სარგებ-

ლაპარაკია სწორედ ტრიადაზე და ეროის შეხედვით ის წარმოდგენილია გერმანული იდეალიზმის მთავარ დამახასიათებელ ნიშნად. მაგრამ ეს მხოლოდ ერთის შეხედვით. საკუთრების ისტორიის შესახებ ნსჯელობის დროს ავტორი ამტკიცებს, რომ თავისი განვითარების მესამე, უმაღლეს საფეხურზე ის დაუბრუნდება თავის გამოსავალ წერტილს, ე. ი. მიწის და საწარმოო საშუალებათა კერძო საკუთრება ადგილს დაუთმობს საზოგადოებრივ საკუთრებას. ასეთი დაბრუნება, ამბობს იგი, განვითარების ყოველი პროცესის საერთო კანონია. ავტორის არგუმენტაცია ამ შემთხვევაში მართლაც სხვა არაფერია, თუ არა ტრიადის დამოწმება და ესაა მისი არსებითი ნაკლი: ის განყენებული ხასიათისაა; საკუთრების განვითარების განხილვა წარმოებს კონკრეტი ისტორიული პირობების გარეშე; ამიტომ ავტორის საბუთები მოსწრებული და ბრწყინვალეა, მაგრამ დამრწმუნებელი არაა, ისინი მხოლოდ გვანცვიფრებენ, გვაკვირვებენ, მაგრამ ვერ გვარწმუნებენ. მაგრამ „Критика и т. д.“-ის ავტორის არგუმენტაციის ნაკლი განა ჰეგელის ბრალია? როგორ ფიქრობთ, ექნებოდა თუ არა ავტორის არგუმენტაციას განყენებული ხასიათი, მას რომ საგანი განეხილა სწორედ ისე, როგორც ამას ჰეგელი გვირჩევდა, ე. ი. ისე, რომ სინამდვილეს არ გასცილებოდა, ე. ი. ყველა კონკრეტული პირობების, დროისა და ადგილის ყველა გარემოების აწონდაწონვით? ვფიქრობთ, რომ სწორედ მაშინ არ ექნებოდა ადგილი წერილში ჩვენ მიერ აღნიშნულ ნაკლს. მაშ რამ გამოიწვია ეს ნაკლი?—იმ გარემოებამ, რომ „Критика философских предубеждений против общинного землевладения“-ს ავტორმა,—როცა იგი თავისი მოწინააღმდეგეების განყენებულ საბუთებს აბათილებდა,—დაივიწყა ჰეგელის კეთილი რჩევა, უღალატა იმავე მოაზროვნის შეთოდს, რომელსაც თითონ იმოწმებდა. სამწუხაროა, რომ მას, პოლემიკით გატაცებულს, ასეთი შეცთობა მოუვიდა. მაგრამ განა ჰეგელის ბრალია ის, რომ „Критика философ-

ლობა-კი—მეტი. განათლებულ ხალხთათვის ჩვეულებრივად ომს ნაკლები სარგებლობა და მეტი ზარალი მოაქვს. მაგრამ, მაგალითად, 1812 წლის ომი რუსი ხალხისთვის პირდაპირ მხსნელი იყო; მართონის ბრძოლა კაცობრიობის ისტორიაში მეტად კეთილმოყოფელი მოვლენა იყო.—ასეთი აზრი აქსიომისა: „არ არსებობს განყენებული ჰეშმარიტება, ჰეშმარიტება კონკრეტულია“—საგნის ცნება მაშინ არის კონკრეტული, როცა იგი წარმოვადგება ყველა თვისებით და თავისებურებით და იმ გარემოში რომელშიაც იგი იმყოფება და არა ამ გარემოსა და მის ნამდვილ თავისებურებათა გარეშე (როგორც მას განყენებული აზროვნება წარმოიდგენს, რომლის მსჯელობასაც ამიტომ არავითარი აზრი არა აქვს სინამდვილისათვის)“.

სკის პრედუბედენიის პრუთივ ობშიინოგო ზემლევლადენიის“-ს აგ-ტორმა ამ ჴემთხევევაშიც ვერ ჴესძლო მისი მეთოდის გამოყენება? როდის დაიწყეს ჴილოსოფიური სისტემების ჴეფასება არა მისი ჴინაარსის, არამედ იმ ჴეცტომების მიხედვით, რასაც ის ხალხი ჩადის, რომელიც ამ სისტემებს იმორწმებს?

კიდევ ვიმეორებთ, მიუხედავად იმისა, რომ დასახელებული წერილის ავტორი დაჟინებით იმორწმებს ტრიადას, იგი იქაც არ თვლის მას დიალექტიკური მეთოდის დამახასიათებელი ნიშნად; ტრიადა იქაც წარმოადგენს არა საფუძველს, არამედ უდავო შედეგს. დიალექტიკის საფუძველი, მისი მთავარი არსებითი ნიშანი დახასიათებული აქვს მას შემდეგი სიტყვებით: „ფორმათა მარადი ცვლა, განსაზღვრული ჴინაარსით ან მისწრაფებით წარმოშობილი ფორმის მარადი უარყოფა, იმავე მისწრაფების გაძლიერების, იმავე ჴინაარსის უმაღლესად განვითარების გამო...—ვინც ჴეიგნო ეს დიადი, მარადი და საყოველთაო კანონი, ვინც დახელოვნდა მისი გამოყენების საქმეში ყველა მოვლენათა, მიმართ, —ოჰ! რარიგ მშვიდად ჴეუძლია მას“ და სხვ.

„ფორმათა მარადი ცვლა, განსაზღვრული ჴინაარსით წარმოშობილი ფორმის მარადი უარყოფა“...—დიალექტიკოსები ასეთ ცვალებადობას, „ფორმის ასეთ უარყოფას“ უყურებენ მართლაც როგორც დიადს, მარადს და საყოველთაო კანონს. დღეს ამ შეხედულებას არ იზიარებენ სოციალური მეცნიერების მხოლოდ ჴოგ დარგთა წარმომადგენლები, რომელთაც არ ჴესწევთ გამბედაობა თვალი გაუსწორონ ჴეშმარიტებას, რომელნიც ლამობენ დაიცვან მათთვის ძვირფასი შეხედულება თუ გინდ შემცდარი დებულებითაც-კი. სწორედ ამიტომ უნდა ვაფასებდეთ გერმანელი დიდი იდეალისტების ამავს, რომელნიც უკვე მიმდინარე საუკუნის დასაწყისიდან განუწყვეტლივ იმეორებდენ აზრს ფორმათა მარადი ცვალებადობის ჴესახებ, ამ ფორმათა მუდმივი უარჴყოფის ჴესახებ მათი წარმომშობი ჴინაარსის გაძლიერების გამო.

ზემრდ ჩვენ „ჯერ“ განუხილველად დავტოვეთ საკითხი იმის ჴესახებ, მართალია თუ არა გერმანელი დიალექტიკოს-იდეალისტების აზრი, რომ ყოველი მოვლენა თავის საკუთარ წინააღმდეგობად იქცევა. ვფიქრობთ, ეხლა მკითხველი დაგვეთანხმება, რომ შესაძლებელია ეს საკითხი სრულიად არც განვიხილოთ. როცა თქვენ მოვლენათა ჴესწავლის დროს დიალექტიკურ მეთოდს იყენებთ, —აუცილებლად უნდა გახსოვდეთ, რომ ფორმა მუდმივ იცვლება მისი ჴინაარსის უმაღლესი განვითარების გამო. საგნის ყოველმხრივი გან-

ხილვისათვის, ფორმათა უარყოფის ეს პროცესი უნდა შევისწავლოთ მთელი თავისი სისრულით. მაგრამ ახალი ფორმა იქნება თუ არა ძველის საწინააღმდეგო, — ამას დაგვანახვებს სინამდვილე, და ამის წინასწარი ცოდნა სრულიად არაა საჭირო. მართალია, სწორედ კაცობრიობის ისტორიული გამოცდილებების საფუძველზე ყოველი საქმის მკოდნე იურისტი გეტყვის თქვენ, რომ ყოველი იურიდიული ინსტიტუტი ადრე თუ გვიან თავის საკუთარ წინააღმდეგობად იქცევა: ერთხანს იგი ხელს უწყობს განსაზღვრული საზოგადოებრივი მოთხოვნების დაკმაყოფილებას; სწორედ ამ მოთხოვნებთან დაკმაყოფილების გამო ამ ხნის განმავლობაში იგი სასარგებლოა და აუცილებელი. შემდეგ იგი სულ უფრო და უფრო ცუდად აკმაყოფილებს ამ მოთხოვნებებს; ბოლოს იგი იქცევა მათი დაკმაყოფილების დაბრკოლებად. იგი აუცილებელიდან მავნებელი ხდება, რის გამოც იგი ისპობა. აიღეთ რაც გნებავთ: ლიტერატურის ისტორია, ისტორია სახეებისა, და ყოველგან, სადაც განვითარებას აქვს ადგილი, თქვენ ასეთ დიალექტიკას იპოვით. მაგრამ ვინც დიალექტიკური პროცესის ღრმა შესწავლას მოისურვებდა და ამ შესწავლას იმ მოვლენათა წინააღმდეგობის შესახებ მოძღვრების შემოწმებით დაიწყებდა, რომელნიც განვითარების ყოველ განსაზღვრულ პროცესში ერთიმეორის გვერდით იმყოფებიან, იგი საქმეს მაინც არა შესაფერი მხრით მიუღებოდა.

ასეთი შემოწმებისთვის თვალსაზრისის არჩევის დროს ყოველთვის დიდი ადგილი ექნებოდა თვითნებითხ ელემენტს. ამ საკითხს უნდა შევხედოთ ობიექტური მხრით, ე. ი. უნდა გავარკვიოთ, თუ რა არის განსაზღვრული შინაარსის განვითარებით გამოწვეული ფორმათა აუცილებელი ცვლა? ეს იგივე, ნხოლოდ სხვა სიტყვებით გამოთქმული აზრია. მაგრამ შემოწმების დროს უკვე ადგილი არა აქვს თვითნებითხ ელემენტს, რადგანაც მკვლევარის თვალსაზრისი ფორმისა და შინაარსის თვით ზახათით განისაზღვრება.

ენგელსის სიტყვით, ჰეგელის დამსახურება იმაში მდგომარეობს, რომ მან პირველმა ყველა მოვლენას მისი (მოვლენის) განვითარების — მისი წარმოშობისა და გაქრობის თვალსაზრისით შეხედა. „შესაძლებელია ვიდავოთ იმის შესახებ, პირველი იყო თუ არა იგი, რომელიც ასე მოიქცა, ამბობს ბ. მიხაილოვსკი, მაგრამ ყოველ შემთხვევაში არც უკანასკნელი იყო, და განვითარების თანამედროვე თეორიებს — სპენსერის ევოლიუციონიზმს, დარვინიზმს,

განვითარების იდეებს ფსიქოლოგიაში, ფიზიკაში, გეოლოგიაში და სხვ... — არაუფერი აქვთ საერთო ჰეგელიანიზმთან.“<sup>1)</sup>)

თუ თანამედროვე ბუნებისმეტყველება ყოველ ფეხის ნაბიჯზე ადასტურებს ჰეგელის გენიალურ აზრს რაოდენობის თვისებაში გადასვლის შესახებ, განა შეიძლება ითქვას რომ მას არაფერი აქვს საერთო ჰეგელიანიზმთან? მართალია, ჰეგელი არ იყო „უკანასკნელი“ იმათ შორის, ვინც ასეთ გადასვლაზე ლაპარაკობდა, მაგრამ ეს სწორედ იმავე მიზეზით, რომლის გამოც დარვინი არ იყო „უკანასკნელი“ იმ ხალხს შორის, რომელიც სახეობათა ცვალებადობაზე ლაპარაკობდა და ნიუტონი „უკანასკნელი“ ნიუტონისტი. რა გაეწყობა? ასეთია ადამიანის გონების განვითარების მსვლელობა! თუ თქვენ სწორ აზრს გამოთქვამთ, ალბათ არ იქნებით „უკანასკნელი“ მის დამცველთა შორის; თუ სისულელეს იტყვიან, თუმცა ხალხს ძლიერი მიდრეკილება აქვს მისდამი, მაგრამ საეჭვოა, რომ თქვენ მის დამცველთა შორის „უკანასკნელი აღმოჩნდეთ. ასე, მაგალითად, ჩვენი აზრით ძალიან საეჭვოა, რომ ბ. მიხაილოვსკი „უკანასკნელი“ დამცველი აღმოჩნდეს „სოციოლოგიის სუბიექტური მეთოდისა.“ სიმართლე გითხრათ, ჩვენ არავითარი საბაბი არ გვაქვს გონების განვითარების ასეთი მსვლელობა ვინაღვით.

ჩვენ ვთხოვთ ბ. მიხაილოვსკის, რომელსაც ყველაფერზე დაკიდევ ბევრ რამეზე „შეუძლია იდავოს“, — დაარღვიოს შემდეგი ჩვენი დებულება: ყოველგან, სადაც თავს იჩენს განვითარების იდეა, იქნება ეს „ფსიქოლოგიაში, ფიზიკასა და გეოლოგიაში და სხვ.“ მას უეჭველად ბევრი რამ „საერთო აქვს ჰეგელიანიზმთან“, ე. ი. ყოველ ახალ მოძღვრებაში განვითარების შესახებ უეჭველად მეორდება ჰეგელის ზოგი საერთო ხასიათის დებულება. ვამბობთ ზოგი და არა ყველა, იმიტომ რომ ბევრი თანამედროვე ევოლიუციონისტი მოკლებულია სათანადო ფილოსოფიურ განათლებას და „ევოლიუცია“ განყენებულად, ცალმხრივად ესმის. მაგალითი: უკვე ზემოხსენებულნი პირნი, რომელნიც გვარწმუნებენ — არც ისტორიამ და არც ბუნებამ ნახტომები არ იცისო. ასეთი ხალხი ბევრ რასმე მოიგებდა ჰეგელის ლოლიკის შესწავლით. სცადოს ბ. მიხაილოვსკიმ ჩვენი დებულებების დარღვევა, მაგრამ ნუ დაივიწყებს, რომ ჩვენი გაბათილება შეუძლებელია იმ ცოდნით, რომელიც მას ჰეგელის შესახებ ბ. სპასოვიჩის „სისხლის სამართლის“ და ლიუსის „ფილოსოფიის ისტორიის“ სახელმძღვანელოებიდან მიუღია. საჭიროა თავი შეიწუხოთ თვით ჰეგელის შესწავლისათვის.

<sup>1)</sup> Русское Богатство, 1894, № 2; განყ. II. გვ. 150.



როცა ვამბობთ, რომ ევოლიუციონისტების თანამედროვე მოძღვრებას ჰეგელიანიზმთან ყოველთვის ბევრი რამ საერთო აქვს მეთქი, ამით ჩვენ იმის თქმა-კი არ გვინდა, რომ ჩვენი დროის ევოლიუციონისტებმა თავიანთი თვალსაზრისი ჰეგელისგან იხსესხეს. პირიქით. ხშირად მათ მასზე სწორედ ისეთივე შემცდარი წარმოდგენა აქვთ, როგორც ბ. მიხაილოვსკის. და თუ, მიუხედავად ამისა, მათი თეორიები, თუმცა ნაწილობრივ, და სწორედ იქ, სადაც ისინი სისწორეს შეიცავენ, წარმოადგენენ „ჰეგელიანიზმის“ ახალ ილიუსტრაციას — ეს გარემოება მხოლოდ უფრო ნათელჰყოფს გერმანელი იდეალისტის აზროვნების განსაცვიფრებელ სიძლიერეს: ხალხი, რომელსაც არასოდეს არ წაუკითხავს იგი, ფაქტებისა და „სინამდვილის“ სიცხადის ზეგავლენით იძულებული ხდება იმსჯელოს ისე, როგორც ჰეგელი მსჯელობდა. ფილოსოფოსის ამაზე მეტი გამარჯვების წარმოდგენა შეუძლებელია: მას არ სცნობს მკითხველი, მაგრამ სინამდვილე მას ამართლებს.

ჯერ კიდევ ძნელი სათქმელია, თუ როგორი იყო გერმანელი იდეალისტების თვალსაზრისის უშუალო გავლენა გერმანულ ბუნებისმეტყველებაზე აღნიშნული მიმართულებით, თუმცა ექვს გარეშეა, რომ მიმდინარე საუკუნის პირველ ნახევარში გერმანელი ნატურალისტებიც-კი მთელი საუნივერსიტეტო კურსის განმავლობაში ფილოსოფიას სწავლობდნენ და ბიოლოგიურ მეცნიერებათა ისეთი მკოდნენი, როგორიც ჰეკელია, ეხლა პატივისცემით იხსენიებენ ნატურ-ფილოსოფოსების ევოლიუციონურ თეორიებს. მაგრამ ბუნებას ფილოსოფია გერმანული იდეალიზმის სუსტ მხარეს წარმოადგენდა. ის ძლიერი იმ თეორიებით იყო, რომელიც ისტორიული განვითარების ხსვა და ხსვა მხარეს ეხებოდა. ხოლო რაც შეეხება ამ თეორიებს, გაიხსენოს ბ. მიხაილოვსკიმ — თუ-კი ოდესმე იცოდა — რომ სწორედ ჰეგელის სკოლიდან გამოვიდა მოაზროვნეთა და მკვლევართა მთელი ის ბრწყინვალე პლეადა, რომელმაც ახალ საფუძველზე დააყენა რელიგიის, ესთეტიკის, სამართლის, პოლიტიკური ეკონომიის, ისტორიის ფილოსოფიის და სხვ. შესწავლა. ყველა ამ „დისციპლინაში“ განსაზღვრულის, ყველაზე უფრო ნაყოფიერი პერიოდის განმავლობაში არ ყოფილა არც ერთი გამოჩენილი მუშაკი, რომელსაც თავისი განვითარებისა და მეცნიერებაზე ახალი თვალსაზრისის შემუშავების დროს ჰეგელის ფილოსოფიის გავლენა არ განეცადოს. ხომ არ ფიქრობს ბ. მიხაილოვსკი, რომ ამის წინააღმდეგაც „შესაძლებელია დავა“? თუ ჰო, აბა ერთი სკაღოს?

ბ. მიხაილოვსკი სკდილობს მისი მსჯელობა ჰეგელზე „გასაგები იყოს ისეთი ხალხისთვის, რომლისთვისაც უცნობია საიდუმლოება „ეგორი ფედოროვიჩის ფილოსოფიური ყალფაკისა“, როგორც უდიერად ამბობდა ბელინსკი ჰეგელზე მის წინააღმდეგ გალაშქრების დროს“. მას მოჰყავს „ამისათვის“ ორი მაგალითი ენგელსის წიგნიდან „Herrn Eugen Düring's Umwälzung der Wissenschaft“ (საკვირველია, რატომ არა თვით ჰეგელიდან? ასე ეხერხებოდა იმ მწერალს მოქცეულიყო, „რომელიც გასცნობია საიდუმლოებას“ და სხვ.)

„შერიის მარცვალი ხედება ხელსაყრელ პირობებში: ის აღმოცენდება და ამ გზით, როგორც ასეთი—როგორც მარცვალი უარყოფა: მის ნაცვლად წარმოიშობა ღერო, რომელიც მარცვლის უარყოფაა; მცენარე ვითარდება, გამოაქვს ნაყოფი, ე. ი. შერიის ახალი მარცვალი; და როცა ეს მარცვალი დამწიფდება, ღერო კვდება; იგი—მარცვლის უარყოფა თვით უარყოფა. შემდეგ „უარყოფის“ და „უარყოფის უარყოფის“ პროცესი დაუსრულებლივ (sic!) მეორდება. ამ პროცესის საფუძველს წარმოადგენს წინააღმდეგობა: შერიის მარცვალი ერთსა და იმავე დროს მარცვალიცაა და არა-მარცვალიც რადგან იგი ყოველთვის იმყოფება ნამდვილ ან შესაძლებელ განვითარებაში“. ბ. მიხაილოვსკის, რასაკვირველია, ამის წინააღმდეგაც შეუძლია იდავოს. აი როგორ ესმის მას ამ მომხიბვლელი შესაძლებლობის სინამდვილედ გარდაქცევა.

„პირველი საფეხური, ე. ი. საფეხური მარცვლისა არის თეზისი, დებულება; მეორე, ახალი მარცვლების წარმოშობამდე, არის ანტითეზისი—საწინააღმდეგო დებულება; მესამე-არის სინთეზისი ან შერიგება (ბ. მიხაილოვსკიმ განიზრახა პოპულიარულად სწეროს და ამიტომ არ ტოვებს ბერძნულ სიტყვებს აუხსნელად და გადაუთარგმნელად); ყველა ერთად შეადგენს ტრიადას ან ტრიხოტომიას. ასეთია ბედი ყოველი ცოცხალი არსების: ის წარმოიშობა, ვითარდება და იძლევა საწყისს თავისი განმეორებისათვის, რის შემდეგაც კვდება. მკითხველს მყისვე აგონდება ამ პროცესის ცალკე გამოვლენათა უამრავი რიცხვი და ჰეგელის კანონი გამართლებულია მთელი ორგანიული ბუნების მიმართ (ამჟამად ჩვენ ამაზე შორს არ მივდივართ). მაგრამ თუ ჩვენს მაგალითს უფრო ახლო ჩაუყვირდებით, დავინახავთ, რომ ჩვენი განზოგადობა მეტად ზერელე და თვითნებითია. ჩვენ ავიღეთ მარცვალი, ღერო და ისევ მარცვლიან უფრო სწორად რომ ვთქვათ, მარცვალთა განსაზღვრული რაოდენობა. მაგრამ სანამ ნაყოფს გამოიღებდეს მცენარე ხომ ჰყავის. როცა

ჩვენ ვლავარაკობთ შვრიაზე ან სხვა ისეთ პურეულ მცენარეზე, რომელსაც სამეურნეო მნიშვნელობა აქვს, შეგვიძლია მხედველობაში გვქონდეს დათესილი მარცვალი, ბზე და მოწეული მარცვალი, მაგრამ ამ სამი მომენტით მცენარის სიცოცხლის შემოფარგვლის არავითარი საფუძველი არა გვაქვს. მცენარის აყვავების მომენტს თან სდევს ძალთა განსაკუთრებული და თავისებური დაკვირვა და რადგანაც ყვავილი უშუალოდ არ წარმოიშობა მარცვლისაგან, ამიტომ თუ ჰეგელის ტერმინოლოგიას დავიცავთ, მივიღებთ არა ტრიხოტომიას, არამედ, სულ მცირე, ტეტრახოტომიას მაინც, ოთხმაგ გაყოფას: ღერო უარყოფს მარცვალს, ყვავილი უარყოფს ღეროს, ნაყოფი უარყოფს ყვავილს. აყვავების მომენტის გამოტოვებას დიდი მნიშვნელობა აქვს კიდევ აი რა მხრით. ჰეგელის დროს იქნებ დასაშვებია იყო მცენარის სიცოცხლის დასაწყის მომენტად მარცვალის აღიარება, ხოლო მეურნეობის თვალსაზრისით ეს ეხლაც დასაშვებია: სამეურნეო წელი იწყება მარცვლის დათესვის მომენტიდან. მაგრამ მცენარის სიცოცხლე მარცვლიდან როდი იწყება. ჩვენ ეხლა ძალიან კარგად ვიცით, რომ მარცვალი თავისი აგებულებით არის მეტად რთული რამ და თვით წარმოადგენს უჯრედის განვითარების პროდუქტს და რომ გამრავლებისათვის საჭირო უჯრედები სწორედ აყვავების დროს წარმოიშობა. ამრიგად, მცენარის სიცოცხლის შესახებ მოყვანილ მაგალითში სიცოცხლის დასაწყისი პუნქტი აღებულია თვითნებითად და შეტომით და მთელი პროცესი ხელოვნურად და ასევე თვითნებითად არის მოქცეული ტრიხოტომიის ჩარჩოებში<sup>1)</sup>. დასკვნა: „გფიქრობთ, დროა უარვყოფთ ის აზრი, რომ შვრია ჰეგელის მიხედვით იზრდება“.

ყველაფერი მოძრაობს, ყველაფერი იცვლება! ჩვენს დროს, ე. ი. როცა ამ სტრიქონების დამწერი თავის სტუდენტობისას ბუნებისმეტყველებას სწავლობდა, შვრია იზრდებოდა „ჰეგელის მოძღვრების მიხედვით“, ეხლა კი „ჩვენ ძალიან კარგად ვიცით“, რომ ეს სისულელეა; ეხლა „nous avons changé tout cela“. მაგრამ კმარა, ენახოთ, მართლა კარგად „ვიცით“, თუ არა ის, რის შესახებაც „ჩვენ“ ვლავარაკობთ.

ბ. მიხაილოვსკი ენგელსის თხზულებიდან მოყვანილ მაგალითს შვრიის მარცვლის შესახებ სულ სხვანაირად გადმოგვცემს, ვიდრე ის მოთხრობილი აქვს თვით ენგელსს. ენგელსი ამბობს: „მარცვალი, როგორც ასეთი, ისპობა, ის უარყოფა, მის ადგილს იქერს მისგან აღმოცენებული მცენარე, მარცვლის უარყოფა. მაგრამ როგორია ამ

<sup>1)</sup> „Русское Богатство“, ნაჩ. წიგ., განყ. II, გვ. 154-157.

მცენარის სიცოცხლის ნორმალური პერიოდი? ის იზრდება, ჰყვავის, ნაყოფიერდება და ბოლოს ისევ იძლევა შვრიის მარცვალს;<sup>1)</sup> როცა მარცვალი დამწიფდება, ღერო კვდება, უარყოფა თავის მხრით. როგორც ამ უარყოფის შედეგს ჩვენ მივიღებთ ისევ შვრიის მარცვალს, მაგრამ არა ერთს, არამედ ერთი-ათად, ერთი-ოცად და ერთი-ოცდაათად.<sup>2)</sup> ენგელსის მიხედვით მარცლის უარყოფას წარმოადგენს მთელი მცენარე, რომლის სიცოცხლის განვითარებაც, სხვათა შორის, შეიცავს აყვავებასა და განაყოფიერებასაც. ბ. მიხაილოვსკი „უარპყოფს“ მცენარეს და მის მაგივრად ხმარობს სიტყვა ღერო-ს. ღერო, როგორც ვიცით, მცენარის მხოლოდ ნაწილს შეადგენს და, ცხადია, უარყოფა მისი სხვა ნაწილების მიერ, omnis determinatio est negatio. მაგრამ ბ. მიხაილოვსკი სწორედ ამიტომ „უარპყოფს“ ენგელსის გამოთქმას და მას თავისი საკუთარი გამოთქმით ცვლის: ღერო უარპყოფს მარცვალს, გაპკივის ის, ყვავილი უარპყოფს ღეროს, ნაყოფი უარპყოფს ყვავილს; აქ სულ ცოტა, ტეტრაზოტომია მაინცა! — დიახ ბ. მიხაილოვსკი! მაგრამ ყოველივე ეს ამტკიცებს მხოლოდ იმას, რომ ენგელსთან პოლემიკის დროს თქვენ არ იხვეთ, ასე ვთქვათ, თქვენი მოწინააღმდეგის სიტყვების შეცვლის „მომენტის“ წინაშეც კი. ეს ხერხი რამოდენადმე... „სუბიექტურია“.

რაკი შეცვლის „მომენტმა“ თავისი საქმე შეასრულა, საძულველი ტრიადა ხუხულასავით ინგრევა. თქვენ გამოტოვებთ აყვავების მომენტიო, უსაყვედურებს რუსი „სოციოლოგი“ გერმანელ სოციალისტს, — „აყვავების მომენტის გამოტოვებას“-კი დიდი მნიშვნელობა აქვს“-ო. მკითხველმა დაინახა, რომ „აყვავების მომენტი“ გამოტოვებულია არა ენგელსის, არამედ ბ. მიხაილოვსკის მიერ ენგელსის შეხედულების გადმოცემის დროს. მან იცის აგრეთვე, რომ ასეთ „გამოტოვებას“ ლიტერატურაში დიდი, თუმცა სრულიად უარყოფითი მნიშვნელობა ეძლევა. ბ. მიხაილოვსკიმ აქაც ჩვენთვის ცნობილ „მომენტს“ მიმართა. მაგრამ რა გაეწყობა? „ტრიადა“ ასე საძულველია, გამარჯვება ასე სასიამოვნო, ხოლო ხალხი, რომელმაც სრულიად არ იცის ცნობილი „ყალფაკის“ საიდუმლოება, ასე გულუბრყვილო.

<sup>1)</sup> სწორად რომ ვთქვათ, ენგელსი ლაპარაკობს ქერის და არა შვრიის მარცვალზე მაგრამ ამას, რასაკვირველია, არსებითი მნიშვნელობა არა აქვს.

<sup>2)</sup> Herrn Eugen Dühring's Winwätzung der Wissenschaft. 1 გამ., პირველი ნაწილი გვ. 111-112.

ჩვენ უცოდველნი ვართ დაბადებით,  
ჩვენი ნამუსის ერთგულნი მცველნი.  
მაგრამ ხომ არის შეხლა-შემოხლა  
და ჩვენც უნებურ ცოდვებში ვებმით...

ყვავილი არის მცენარის ორგანო და მას, როგორც ასეთს, ისევე არ შეუძლია მცენარის უარყოფა, როგორც ბ. მიხაილოვსკის თავს არ შეუძლია ბ. მიხაილოვსკის უარყოფა. მაგრამ „ნაყოფი“, ე. ი. უფრო სწორად რომ ვთქვათ, განაყოფიერებული კვერცხი, როგორც ახალი სიცოცხლის განვითარების გამოსავალი წერტილი, მართლაც ორგანიზმის უარყოფას წარმოადგენს. ენგელსი მცენარის სიცოცხლის პერიოდს განიხილავს კვერცხიდან მცენარის განვითარების დაწყების მომენტიდან მცენარის მიერ განაყოფიერებული კვერცხის ხელახლა წარმოშობამდე. ბ. მიხაილოვსკი მკოდნის კილოთი შენიშნავს: „მცენარის სიცოცხლე მარცვლიდან როდი იწყებაო, ჩვენ ეხლა ძალიან კარგად ვიცითო“ და სხვ.—მოკლედ რომ ვთქვათ, ჩვენ ეხლა ვიცით, რომ კვერცხი ნაყოფიერდება აკვავების დროს. ენგელსმა ეს ბ. მიხაილოვსკიზე ნაკლებად არ იცის. მაგრამ რისი მაჩვენებელია ეს? თუ ბ. მიხაილოვსკი ინებებს, მარცვალს ჩვენ განაყოფიერებული კვერცხით შევცვლით. მაგრამ ეს ვერ შესცვლის მცენარის სიცოცხლის საფეხურებს, ვერ უარყოფს „ტრიადას“. შერია მაინც ჰეგელის მიხედვით განაგრძობს ზრდას.

მართლაც, ერთი წუთით დაუშვათ, რომ „აკვავების მომენტი“ აქარწყლებს ჰეგელიანელთა ყველა მოსაზრებას. რას გვიჩვენებს ბ. მიხაილოვსკი, როგორ მოვექცეთ უყვავილო მცენარეებს? ნუთუ იგი მათზეც ტრიალის კანონებს გაავრცელებს? მაგრამ ეს მიუღებელია, რადგანაც ამ შემთხვევაში ტრიადას ქვეშევრდომთა მეტად დიდი რიცხვი ეყოლება.

მაგრამ ჩვენ ასეთი კითხვით მხოლოდ იმიტომ მივმართავთ ბ. მიხაილოვსკის, რომ მისი აზრი გავიგოთ. ჩვენ-კი იმ აზრზე ვრჩებით, რომ ტრიადას „ყვავილითაც“ ვერ მოიცილებ. და განა მარტო ჩვენ ვფიქრობთ ასე? აი მაგალითად, რას ამბობს სპეციალისტი ბოტანიკოსი ფ. ვან-ტიგემი: „ყოველი მცენარის სხეული,—რა ფორმაც უნდა ჰქონდეს მას (მცენარეს) და ამ ფორმის გამო რა ჯგუფსაც უნდა ეკუთვნოდეს იგი,—წარმოსდგება სხვა სხეულისგან, რომელიც მასზე წინ არსებობდა და რომელსაც ის გამოეყო. იგი თავის მხრით რამდენიმე ხნის შემდეგ თავის მასიდან გამოჰყოფს განსაზღვრულ ნაწილებს, რომელიც ახალი სხეულის გამოსავალ წერტილად, ჩანასახად იქცევა და სხვ... ერთი სიტყვით, როგორც მისი დაბადება, ისე

მისი ხელახალი წარმოშობაც ხდება დისოციაციის გზით<sup>1)</sup>. დახვთ! პატივცემული მეცნიერი, ინსტიტუტის წევრი, პროფესორია ბუნე-ბისმეტყველების ისტორიის მუზეუმში, მსჯელობს-კი როგორც ქემ-მარიტი ჰეგელიანელი: იგი ამბობს, დისოციაციით იწყება და ისევ მას უბრუნდებაო. და არც ერთი სიტყვა „აყვავების მომენტზე“. ჩვენც კარგად გვესმის, რომ ეს მეტად არასასიამოვნო იქნება ბ. მიხაილოვსკისათვის; მაგრამ რა გაეწყობა, ქეშმარიტება, როგორც ვიცით პლატონზე მალლა დგას.

კიდევ ერთხელ დაუშვათ, რომ „აყვავების მომენტი“ ტრიალდას აქარწყლებს. მაშინ „ჰეგელის ტერმინალოგია რომ დაეიცვათ, მივი-ლებთ არა ტრიხოტომიას, არამედ, სულ მცირე, ტეტრახოტომიას მაინც, ოთხმაგ გაყოფას“. „ჰეგელის ტერმინოლოგია“ ჩვენ მოგვა-გონებს მის „ენციკლოპედიას“. ჩვენ გადავშლით მის პირველ ნაწილს, საიდანაც ვტყობილობთ, რომ არის ბევრი შემთხვევა, როცა ტრი-ხოტომია გადადის ტეტრახოტომიაში და რომ საზოგადოდ ტრიხო-ტომია მხოლოდ სულის სფეროში ბატონობს. <sup>2)</sup> გამოდის, რომ შე-რია როგორც ამაში ვან-ტიგემი გვარწმუნებს, ჰეგელის მიხედვით იზრდება, ხოლო ჰეგელი-კი შერიის შესახებ ბ. მიხაილოვსკისებუ-რად მსჯელობს, როგორც ამას მოწმობ „Encyclopädie der philoso- phischen Wissenschaften im Grundriss“. სწორედ სასწაულია!

ბ. მიხაილოვსკის მიერ ენგელსისგან „უვიცთა“ გასანათლებლად ნასესხები მეორე მაგალითი შეეხება რუსოს მოძღვრებას.

„რუსოს მიხედვით, ბუნებრივ მდგომარეობისა და ველურობის დროს ადამიანები თანასწორნი იყვენ, როგორც ცხოველები. მაგრამ ადამიანს ახასიათებს განვითარების უნარი და ეს განვითარება დაი-წყო უთანასწორობის წარმოშობასთან ერთად, და მერმე-კი ცივი-ლიზაციის ყოველი შემდეგი ნაბიჯი წინააღმდეგობითი იყო. ერთის შეხედვით ეს იყო ნაბიჯი ინდივიდის განვითარებისაკენ, ნამდვილად-კი იგი ადამიანთა გვარის დაქვეითებას იწვევდა... მეტალურგია და მიწათმოქმედება—აი საქმიანობის ორი დარგი, რომლის შემოღებამ მთელი რევოლუცია გამოიწვია. მგოსნის თვალსაზრისით ოქრომ და ვერცხლმა, ფილოსოფოსის თვალსაზრისით-კი რკინამ და პურმა ადა-მიანთა გვარი ცივილიზაციის გზაზე დააყენეს და კიდევ დალუპეს იგი“. უთანასწორობა თანდათან ვითარდება და როცა თავის აპო-

<sup>1)</sup>Traité de Botanique par Ph. Yon-Tieghen, 2-me édition, première partie. Paris. 1891. p. 24.

<sup>2)</sup> Encyclopädie, Erster Theil, §, 230 Zusatz.

გეას აღწევს, აღმოსავლეთის დესპოტიებში კვლავ საყოველთაო არარაობის საყოველთაო თანასწორობად იქცევა, ე. ი. უბრუნდება თავის გამოსავალ წერტილს, მერმე-კი შემდეგს პროცესს იმავე წესით სოციალური ხელშეკრულობის თანასწორობამდე მივყუაროთ“.

ასე გადმოგვცემს ბ. მიხაილოვსკი ენგელსის მიერ მოყვანილ მაგალითს. როგორც ეს თავისთავად ცხადია, ბ. მიხაილოვსკის ამ შემთხვევაშიაც შეუძლია იდავოს.

„შეიძლებოდა ცოტა რამ შეგვენიშნა ენგელსის დალაგების შესახებ, მაგრამ ჩვენთვის მნიშვნელობა აქვს ვიცოდეთ, თუ რას აფასებს ენგელსი რუსოს ტრაქტატში (*Discours sur l'origine et les fondements de l'inégalité parmi les hommes*). ის არ ეხება საკითხს იმის შესახებ, სწორად ესმის თუ არა რუსოს ისტორიის მსვლელობა, მას აინტერესებს მხოლოდ ის, რომ რუსო „დიალექტიკურად აზროვნებს“: წინააღმდეგობას ხედავს თვით პროგრესის შინაარსში და ისე აწყობს თავის დალაგებას, რომ შესაძლებელია მას მიუყენოთ ჰეგელის ფორმულა უარყოფისა და უარყოფის უარყოფისა. და მართლაც ეს შესაძლებელია, თუმცა რუსო არც-კი იცნობდა ჰეგელის დიალექტიკის ფორმულას.“

ენგელსზე ეს თავდასხმა მხოლოდ პირველს საავენპოსტო თავდასხმას წარმოადგენს „ჰეგელიანიზმზე“. შემდეგ იერიში იწყება sur toute la ligne.

„რუსო არ იცნობდა ჰეგელს, მაგრამ აზროვნებდა დიალექტიკურად ისე, როგორც ჰეგელი. რატომ სწორედ რუსო და არა ვოლტერი, არა სხვა ვინმე? იმიტომ რომ აღ-მნიანი ბუნებრივად დიალექტიკურად აზროვნებს. მაგრამ მაინც აღებულია რუსო, რომელიც განირჩევიდა თავის თანამედროვეთაგან არა მარტო თავისი ნიჭით,— ამ მხრით მას ბევრი არ ჩამოუვარდებოდა,—არამედ თავისი გონების წყობით და მსოფლმხედველობის ხასიათით. ასეთი არაჩვეულებრივი მოვლენა, რასაკვირველია, არ უნდა ყოფილიყო აღებული საყოველთაო წესის შესამოწმებლად. რუსო საინტერესო და ყურადღების ღირსია, პირველ ყოვლისა იმიტომ, რომ მან პირველმა საკმაო მკვეთრად დაგვანახვა ცივილიზაციის წინააღმდეგობითი ხასიათი, წინააღმდეგობა-კი დიალექტიკური პროცესის აუცილებელ პირობას წარმოადგენს. თუმცა საჭიროა აღვნიშნოთ, რომ რუსოს მიერ შემჩნეულ წინააღმდეგობას არაფერი აქვს საერთო წინააღმდეგობასთან, ამ სიტყვის ჰეგელიანური მნიშვნელობით. ჰეგელიანური წინააღმდეგობა იმაში მდგომარეობს, რომ ყოველი საგანი განუწყვეტილად მოძრაობის, ცვალებადობის პროცესში ყოფნის დროს

(სწორედ თანმიმდევრობითი სამსაფეხურიანი გზით) ყოველ განსაზღვრულ მომენტში არის „ის“ და ამავე დროს „არა-ის“. თუ მხედველობაში არ მივიღებთ განვითარების სავალდებულო სამ საფეხურს,— მაშინ აქ წინააღმდეგობა წარმოგვიდგება ცვალებადობის, მოძრაობის და განვითარების როგორც უბრალო სარჩული ცვლილებათა პროცესზე რუსოც ლაპარაკობს, მაგრამ წინააღმდეგობას იგი თვით ცვლილებათა ფაქტში როდი ხედავს. მისი მსჯელობის მნიშვნელოვანი ნაწილიდან, როგორც Discours l'inégalité-ში, ისე მის სხვა თხზულებებში, შეიძლება ასეთი დასკვნა გავაკეთოთ: გონებრივ პროგრესს თან ახლდა ზნეობრივი რეგრესი. ცხადია, დიალექტიკური აზროვნება აქ არაფერ შუაშია: აქ „უარყოფის უარყოფა“ კი არაა, არამედ მხოლოდ აღნიშნულია სიკეთის და ბოროტების ერთდროული არსებობა მოვლენადა განსაზღვრულ ჯგუფში, და აქ დიალექტიკურ პროცესთან მთელი მსგავსება ხიტყვა „წინააღმდეგობას“ ემყარება. მაგრამ ეს საქმის მხოლოდ ერთი მხარეა. რუსოს მსჯელობაში ენგელსი ამის გარდა ხედავს აშკარა ტრიხოტომიას: პირველყოფილ თანასწორობას სცვლის მისი უარყოფა—უთანასწორობა, შემდეგ მყარდება უარყოფის უარყოფა—აღმოსავლეთის დესპოტიკებში ხანის, სულთანის, შაჰის უფლების წინაშე ყველასი თანასწორობა. „უთანასწორობის ეს უკანასკნელი საფეხური სწორედ ის უკიდურესი წერტილია, რომელიც განვითარების წრეს ასრულებს და რომელსაც ისევ გამოსავალ წერტილთან მივყევართ“. მაგრამ ისტორია ამაზე არ ჩერდება, ანვითარებს ახალ უთანასწორობათ და სხვ... ბრჭყალებში ჩასმული სიტყვები რუსოს ეკუთვნის, და სწორედ მათ აქვთ ენგელსისათვის განსაკუთრებული მნიშვნელობა, როგორც იმის აშკარა საბუთს, რომ რუსო ჰეგელისებურად აზროვნებდა<sup>1)</sup>.

რუსო „აშკარად განირჩეოდა თავის თანამედროვეთაგან“. ეს მართალია. რით განირჩეოდა? იმით, რომ ის დიალექტიკურად აზროვნებდა მაშინ, როცა თითქმის ყველა მისი თანამედროვე მეტაფიზიკოსი იყო. მისი შეხედულება უთანასწორობის წარმოშობაზე სწორედ დიალექტიკური შეხედულებაა, თუმცა ბ. მიხაილოვსკი ამას უარპყოფს.

ბ. მიხაილოვსკის სიტყვით, რუსომ მხოლოდ მიგვიტოთა იმაზე, რომ ცივილიზაციის ისტორიაში გონებრივ პროგრესს თან სდევდა

---

<sup>1)</sup> ყველა ეს ამონაწერი ამოღებულია „Русское Богатство“-დან, რომლის სათანადო ადგილებზე ჩვენ ზემოდაც მიუთითებდით.



ზნეობრივი რეგრესი. არა, რუსომ მარტო ამაზე ოდი მიგვითითა. მისი აზრით გონებრივი პროგრესი ზნეობრივი რეგრესის მიზეზს წარმოადგენდა. ამაში დარწმუნება რუსოს თხზულებათა წაუკითხავდაც შეიძლებოდა: საკმარისი იყო ამის წინ მოყვანილი ამონაწერის მიხედვით იმის გახსენება, თუ რა მნიშვნელობას აძლევდა ის ლითონისა და მიწის დამუშავებას, რამაც მოახდინა უდიდესი რევოლიუცია და მოსაო პირველყოფილი თანასწორობა. მაგრამ ვისაც თვით რუსო წაუკითხავს, მას, რასაკვირველია, არ დავიწყებია შემდეგი ადგილი მის „Discours sur l'origine de l'inégalité-დან „il me reste à considérer rapprocher les differents hasards qui ont pu reflectionner la raison humaine en détérioiva l'espèce, rendre un être mechant en le rendant sociable“... (მე დამრჩენია შევაფასო და თავი მოუყარო სხვადასხვა შემთხვევებს, რომელთაც შესძლეს ადამიანთა გვარის გარყვნასთან ერთად მისი გონების განვითარება, ამ ცხოველის გაბოროტებასთან ერთად მის საზოგადოებრივად გადაქცევა.“)...

ეს ადგილი განსაკუთრებით შესანიშნავი იმით არის, რომ ის მშვენივრად აშუქებს რუსოს შეხედულებას ადამიანთა გვარის განვითარების უნარზე. ამ თავისებურების შესახებ საკმაოდ ბევრს ლაპააკობდნენ მისი „თანამედროვენიც“. მაგრამ მათ ეს უნარი წარმოდგენილი ჰქონდათ ფარული ძალის სახით, რომელიც თითონ იწვევს გონების წინსვლას. რუსოს აზრით, ამ უნარს „არასოდეს არ შეეძლო თავის თავად განვითარება“. თავისი განვითარებისათვის ის ყოველთვის საჭიროებდა გარეშე ძალის ბიძგს. ეს ერთ-ერთი მეტად მნიშვნელოვანი თავისებურებაა დიალექტიკური თვალსაზრისისა გონებრივ განვითარებაზე მეტაფიზიკურ თვალსაზრისთან შედარებით. ჩვენ ამის შესახებ შემდეგშიც მოგვიხდება ლაპარაკი. ამჟამად-კი ჩვენთვის მნიშვნელობა აქვს იმას, რომ მოყვანილი ადგილი ზედმიწევნით ნათლად გამოხატავს რუსოს შეხედულებას ზნეობრივ რეგრესსა და გონებრივ პროგრესს შორის მიზეზობრივი კავშირის შესახებ<sup>1)</sup>. ეს კი მეტად მნიშვნელოვანია ამ მწერლის შეხედულების გამოსარკვევად ცივილიზაციის მსვლელობაზე. ბ. მიხაილოვსკის მიხედვით გამოდის, თითქოს რუსომ მხოლოდ მიგვითითა „წინააღმდეგობაზე“ და ამის

---

1) იმათთვის, ვისაც ეკვი შეაქვს, ჩვენ ერთი ამონაწერიც გვაქვს: „J'ai assigné ce premier degré de la decadence des moeurs au premier moment de la culture des lettres dans tous les pays du monde“ Lettre à M. l'abbé Raynal, Oeuvres de Rousseau, Paris 1820. t. IV, p.43.

გამო იქნებ კეთილშობილი ცრემლიც-კი დაღვარა. ნამდვილად-კი რუსოს ეს წინააღმდეგობა ცივილიზაციის ისტორიული განვითარების ძირითად მამოძრავებელ ძალად მიაჩნდა. სამოქალაქო საზოგადოების დამაარსებელი და მაშასადამე, პირველყოფილი თანასწორობის მესაფლავეც იყო ადამიანი, რომელმაც შემოთარგლა მიწის განსაზღვრული ნაკვეთი და განაცხადა: „ეს მე მეკუთვნის“ო, სხვანაირად რომ ვთქვათ, სამოქალაქო საზოგადოების დაარსებას საფუძვლად უდევს საკუთრება, რომელიც ადამიანებს შორის ამდენ დავას და მათ გაუმაძღრობას იწვევს და რომელიც ასე რყენის მათ ზნეობას. მაგრამ საკუთრების წარმოშობა „ტეხნიკისა და ცოდნის“ განსაზღვრულ განვითარებას გულისხმობდა (de l'industrie et des lumières). ამრიგად, პირველყოფილი ურთიერთობა სწორედ ამ განვითარების წყალობით მოისპო; მაგრამ იმ დროს, როდესაც ამ განვითარებამ კერძო საკუთრება სრულ გამარჯვებამდე მიიყვანა, ადამიანთა პირველყოფილი ურთიერთობა თავის მხრით ისეთ მდგომარეობაში იმყოფებოდა, რომ მისი შემდეგი არსებობა შეუძლებელი შეიქნა<sup>1)</sup> რუსოზე რომ იმის მიხედვით ვიმსჯელებთ, თუ როგორ გადმოგვცენს მის მიერ აღნიშნულ „წინააღმდეგობას“ ბ. მიხაილოვსკი, შესაძლოა ვიფიქროთ, რომ სახელგანთქმული ენეველი მხოლოდ საცოდავი „სუბიექტური სოციოლოგი“ იყო, რომელსაც უკეთეს შემთხვევაში შეიძლო გამოეგონებია უალრესად ზნეობრივი „ფორმულა პროგრესისა“ კაცობრიობის ყოველგვარი სენისგან განსაკურნავად. ნამდვილად-კი, რუსოს ყველაზე უფრო სწორედ ასეთი „ფორმულები“ სძულდა და ყოველთვის აბათილებდა მათ, როცა ამის შემთხვევა მიეცემოდა.

სამოქალაქო საზოგადოება იმ პირველყოფილ ურთიერთობათა ნანგრევებზე აღმოცენდა, რომელიც უნარმოკლებული აღმოჩნდა შემდეგი განვითარებისათვის. ეს ურთიერთობანი თავის წიაღში ატარებდნენ თავის საკუთარი უარყოფის ჩანასახს. ამ დებულების დამტკიცებისას, რუსომ თითქოს წინასწარ მოგვცა ჰეგელის აზრის ილიუსტრაცია: ყოველი მოვლენა თითონ სპობს თავის თავს, იქცევა თავის წინააღმდეგობად. რუსოს მსჯელობა დესპოტიზმზე შეიძლება ამ დებულების ახალ ილიუსტრაციად ჩაითვალოს.

თითონ განსაჯეთ, თუ ჰეგელისა და რუსოს რა დიდ ცოდნას იჩენს ბ. მიხაილოვსკი, როცა ამბობს: „აშკარაა, რომ დიალექტიკური აზროვნება აქ არაფერ შუაშია“-ო, და როცა გულუბრყვილოდ ფიქრობს რომ ენგელსმა თვითნებითად მიაკუთვნა რუსო დიალექტი-

<sup>1)</sup> იხ. „Discours sur l'inégalité“-ს მეორე ნაწილის დასაწყისი.

კოსებს მხოლოდ იმის გამო, რომ იგი ხმარობს შემდეგ გამოთქმებს: „წინააღმდეგობა“ „წრე“, „გამოსავალ წერტილთან დაბრუნება“ და სხვ.

მაგრამ რატომ რუსოს იმოწმებს ენგელსი და არა სხვას? „რატომ სწორედ რუსო და არა ვოლტერი ან სხვა ვინმე? იმიტომ რომ, ბუნებრივად ხომ ყველა ადამიანი დიალექტიკურად აზროვნებს“...

სცდებით, ბ. მიხაილოვსკი, ყველა დიალექტიკურად როდი აზროვნებს: თქვენ პირველს ენგელსი არასოდეს დიალექტიკოსად არ ჩაგთვლიდა. მისთვის საკმარისი იქნებოდა წაეკითხა თქვენი წერილი „Карл Маркс перед судом Г. Ю. Жуковскогo“, რომ თქვენ საბოლოოდ გაუსწორებელ მეტაფიზიკოსად ჩათვალეთ.

დიალექტიკური აზროვნების შესახებ ენგელსი ამბობს: „ადამიანი დიალექტიკურად აზროვნებდა დიდი ხნით იმაზე ადრე, სანამ გაიგებდა, თუ რა არის დიალექტიკა, იმის მსგავსად, როგორც ის პროზით იმაზე უფრო ადრე ლაპარაკობდა, სანამ სიტყვა პროზა წარმოიშობოდა. უარყოფის კანონი, რომელიც ხორციელდება შეუგნებლად ბუნებაში, ისტორიაში და სანამ იგი შეუცნობელია, ჩვენს აზროვნებაშიც, პირველად გარკვეულად გამოთქვა ჰეგელმა.“<sup>1)</sup> როგორც მკითხველი ხედავს, აქ ლაპარაკია შეუგნებელ დიალექტიკურ აზროვნებაზე. როცა ჩვენ ვამბობთ: „უცილდურესობანი ერთმანეთს ხვდებიან“, ამით ჩვენდა შეუმჩნეველად დიალექტიკურ შეხედულებას გამოვთქვამთ საგანზე; როცა ვმოძრაობთ, ჩვენთვის ასევე შეუმჩნეველად, ჩვენ დიალექტიკას ვანხორციელებთ. (ჩვენ ზემოდ უკვე ვთქვივთ, რომ მოძრაობა განხორციელებული წინააღმდეგობაა მეთქი). მაგრამ სისტემატიური აზროვნების სფეროში მეტაფიზიკისაგან ჩვენ ჯერ კიდევ ვერ გვიცავს ვერც მოძრაობა, ვერც დიალექტიკური აფორიზმები. პირიქით. აზროვნების ისტორია მოწმობს, რომ დიდი ხნის განმავლობაში მეტაფიზიკა სულ უფრო და უფრო ძლიერდებოდა— და აუცილებლადაც უნდა გაძლიერებულიყო პირველყოფილი გულუბრყვილო დიალექტიკის ნაცვლად: „ბუნების ცალკე ელემენტებად დანაწილება, ბუნების სხვადასხვა მოვლენის და საგნების განსაზღვრულ კლასებად განჯგუფება, ორგანიული სხეულების შინაგან თვისებათა გამოკვლევა მათი ორგანიული აგებულების მრავალსახეობასთან დაკავშირებით,—ყოველივე ეს იმ კოლოსალურ მიღწევათა საფუძველს წარმოადგენდა, რომლითაც აღინიშნა ბუნების-მეტყველება უკანასკნელ ოთხ საუკუნეში. მაგრამ ამ მიზეზმა ჩვენ ამავე

<sup>1)</sup> Herrn Eugen Dühring's Umwälzung etc. Zw. Aufl. S. 134.

დროს შეგვაჩვია ჩვენ ბუნების მოვლენები და საგნები განვიხილოთ ერთი მეორისაგან განცალკევებულად, მათი დიადი მთლიანი კავშირის გარეშე და ისიც არა მოძრაობაში, არამედ უძრავ მდგომარეობაში, არა როგორც არსებითად ცვალებადი, არამედ როგორც მარად უცვლელი, არა როგორც ცოცხალი, არამედ როგორც მკვდარი. და კვლევის სწორედ ამ მეთოდმა, რომელიც ბუნებისმეტყველებიდან ფილოსოფიაში ბეკონმა და ლოკმა გადაიტანეს, გამოიწვია უკანასკნელ საუკუნეებისათვის დამახასიათებელი ცალმხრივობა—მეტაფიზიკური აზროვნება.

ასე ამბობს ენგელსი, რომლისგან ჩვენ ეტყობილობთ იმასაც, რომ „თუმცა დიალექტიკას ახალ ფილოსოფიაშიც ჰყავდა ბრწყინვალე წარმომადგენლები (დეკარტე და სპინოზა), მაგრამ, განსაკუთრებით ინგლისური ფილოსოფიის ზეგავლენით, ის სულ უფრო და უფრო იხრებოდა აზროვნების მეტაფიზიკური მეთოდისკენ, რომელმაც თითქმის სრულიად დაიპყრო XVIII საუკუნის ფრანგების აზროვნება, ყოველ შემთხვევაში, მათ სპეციალურ ფილოსოფიურ შრომებში. თუმცა ამ დარგის გარეშე იმათ ჩვენ დაგვიტოვეს დიალექტიკის შესანიშნავი ნიმუშები: გავიხსენოთ მხოლოდ დიდროს „რამოს ძმის შვილი“ და რუსოს თხზულება: „აღამიანთა შორის უთანასწორობის წარმოშობაზე“<sup>1)</sup>.

ვფიქრობთ, რომ ნათელია, თუ რატომ რუსოზე ლაპარაკობს ენგელსი და არა ვოლტერზე ან სხვა ჯინმეზე. ჩვენ არ გავკადნიერდებით ვიფიქროთ, რომ ბ. მიხაილოვსკის არ წაეკითხოს ენგელსის სწორედ ის წიგნი, რომლიდანაც მას ციტატა და „მაგალითები“ მოჰყავს. და თუ მაინც ბ. მიხაილოვსკი ენგელსს თავს აბეზრებს თავისი შენიშვნით „სხვა ვინმე“-ს შესახებ,—დაგვრჩენია მხოლოდ ვიფიქროთ, რომ ჩვენი ავტორი აქაც მიმართავს შეცვლის, თავისი მოწინააღმდეგის სიტყვების მიზანშეწონილი დამახინჯების ჩვენთვის უკვე ცნობილ „მომენტს“. ასეთი „მომენტის“ გამოყენება მას შეეძლო მით უფრო ხელსაყრელად ჩაეთვალა, რომ ენგელსის წიგნი არ არის რუსულ ენაზე თარგმნილი და ამიტომ არც გერმანული ენის არ მკოდნე მკითხველთათვის არსებობს. აქაც ახალი ცდუნებაა, და კვლავ „ჩვენ უნებლიეთ ვცოდავთ“.

ღმერთებო, ნუ-თუ, თქვენ ეს გახარებთ<sup>2)</sup>,

ოღეს ჩვენი პატიოსნება ყირაზე დგება.

<sup>1)</sup> იქვე გვ. 4—6.

<sup>2)</sup> დე, ნუ გავგვიცხავს ჩვენი მკითხველი ციტატისათვის „Прокрасвал Еле-на“-დან. დიდი ხანი არაა, რაც ჩვენ გადავიკითხეთ ბ. მიხაილოვსკის წერილი „Мирноиизм и ошеретки Офицераха“ და მისი ძლიერი შთაბეჭდილების ქვეშ ვიმყოფებით.

მაგრამ დაეანებოთ თავი ბ. მიხაილოვსკის და დაუბრუნდეთ გერმანელ იდეალისტებს an und für sich.

ჩვენ აღვნიშნეთ, რომ ბუნების ფილოსოფია მათი ნააზრების სუსტი მხარე იყო მეთქი. გერმანელი იდეალისტების მთავარი დამსახურება ისტორიის ფილოსოფიის სხვადასხვა დარგში უნდა ვეძებოთ. ეხლა ჩვენ დაუშობტებთ, რომ იმ დროს სხვაგვარად არც შეიძლებოდა ყოფილიყო. ფილოსოფია, რომელიც თავის თავს მეცნიერებათა მეცნიერებას უწოდებდა, ყოველთვის „საერო შინაარსის“ დიდ ელემენტს შეიცავდა, ე. ი. ყოველთვის არკვევდა მრავალ საკუთრივ მეცნიერულ საკითხს. მაგრამ სხვადასხვა დროს მისი „საერო შინაარსი“ სხვადასხვა იყო. მაგალითად, (აქ დავემყაოდილებით ახალი ფილოსოფიის ისტორიის მაგალითებით) XVII საუკუნის ფილოსოფოსები უმთავრესად მათემატიკისა და ბუნებისმეტყველებას საკითხებს სწავლობდნენ. XVIII საუკუნის ფილოსოფიამ თავისი მიზნებისათვის წინა ეპოქის ბუნებისმეტყველების აღმოჩენებითა და თეორიებით ისარგებლა. მის წარმომადგენელთაგან-კი ბუნებისმეტყველების საკითხებს მარტო კანტი თუ ამუშავებდა. საფრანგეთში-კი მაშინ პირველ რიგზე საზოგადოებრივი საკითხები წამოიჭრა. აიკევ საკითხები უმთავრესად, თუმცა სხვა მხრით, XIX საუკუნის ფილოსოფოსების ყურადღებასაც იპყრობდა. მაგალითად, შელინგი პირდაპირ ამბობდა ერთი ისტორიული საკითხის გადაჭრას ტრანსცენდენტალი ფილოსოფიის უმნიშვნელოვანეს ამოცანად ვთვლიო. თუ რა საკითხი იყო ეს,—ამას ჩვენ მალე გავიგებთ.

თუ ყველაფერი მოძრაობს, ყველაფერი იცვლება; თუ ყოველი მოვლენა თავის თავს უარპყოფს; თუ არ არის ისეთი სასარგებლო დაწესებულება, რომელიც ბოლოს მავნებელი არ შეიქნეს და თავის საკუთარ წინააღმდეგობად არ გადაიქცეს, ცხადია, რომ უაზრობა იქნებოდა „იდეალური კანონმდებლობა“ გვეძებნა, რომ შეუძლებელია ისეთი საზოგადოებრივი წყობილების გამოგონება, რომელიც საუკეთესო იქნებოდა ყველა საუკუნისა და ხალხისათვის: ყველაფერი კარგია თავის ადგილზე და თავის დროზე. დიალექტიკური აზროვნება უარპყოფდა ყოველგვარ უტოპიას.

მას მით უფრო უნდა უარეყო იგი, რომ „ადამიანის ბუნებამ“ ამ თითქოს ნუღმივმა კრიტერიუმმა, რომლითაც, როგორც ჩვენ დავინახეთ, განუწყვტლივ სარგებლობდნენ XVIII საუკუნის განმანათლებელნიც და XIX საუკუნის პირველი ნახევრის უტოპისტ-სოციალისტებიც, ყველა მოვლენის ბედი გაიზიარა: იგი თვით იქნა აღიარებულ ცვალებადად.

ამასთან ერთად გაჰქრა ის გულუბრყვილო—იდეალისტური თვალსაზრისი ისტორიაზე, რომელსაც ერთნაირად იცავდნენ როგორც განმანათლებლნი ისე უტოპისტებიც, და რომელიც გამოიხატება შემდეგი სიტყვებით: გონება, აზრი განაგებს ქვეყანას. რასაკვირველია, გონება მართავს ქვეყანას, ამბობდა ჰეგელი, მაგრამ იმავე გაგებით, როგორითაც ის ცის მნათობთა მოძრაობას მართავსო, ე. ი. კანონზომიერების. მნათობთა მოძრაობა კანონზომიერია, მაგრამ, მათ, ცხადია, არა აქვთ არავითარი წარმოდგენა ამ კანონზომიერებაზე. იგივე ითქმის კაცობრიობის ისტორიულ მოძრაობაზე. მას, ყოველ ექვს გარეშეა, თავისი კანონები აქვს. მაგრამ ეს იმას არ ნიშნავს, თითქოს ადამიანს იგი შეგნებული ჰქონდეს, და რომ ამრიგად, ადამიანის გონება, ცოდნა, „ფილოსოფია“ წარმოადგენდეს ისტორიული მოძრაობის მთავარ ფაქტორებს. მაინერვას ჰოტი მხოლოდ ღამით იწყებს ფრენას. როცა ფილოსოფია ნაცრისფერ ფონზე თავის ნაცრისფერი სახეების ხატვას იწყებს, როცა ადამიანები თავის საზოგადოებრივ წყობილებაზე ფიქრს იწყებენ, შეიძლება გადაჰქრით ითქვას, რომ ამ წყობილებამ თავისი დრო მოსკამა და ემზადება ადგილი დაუთმოს ახალ წყობილებას, რომლის ქეშმარიტი ხასიათი ხალხისთვის მხოლოდ მას შემდეგ ხდება ნათელი, რაც იგი თავის ისტორიულ როლს შეასრულებს: მინერვას ჰოტი კვლავ მხოლოდ ღამით გამოფრინდება. ზედმეტია ლაპარაკი იმაზე, რომ ამ ბრძენი ფრინველის მოგზაურობა ჰაერში ძლიერ სასარგებლოა. იგი პირდაპირ აუცილებელიცაა. მაგრამ ის სრულეობით არაფერს ხსნის. იგი თვით საჭიროებს ახსნას და უთუოდ შესაძლებელიც არის აიხსნას, რადგან მას თავისი კანონზომიერება ახასიათებს.

მინერვას ჰოტის ფრენის კანონზომიერების აღიარება საფუძვლად დაედო ახალ თვალსაზრისს კაცობრიობის გონებრივი განვითარების ისტორიაზე. ყველა დროის, ყველა ხალხის და ყველა მიმართულების მეტაფიზიკოსები მას შემდეგ, რაც ისინი განსაზღვრულ ფილოსოფიურ სისტემას შეითვისებდნენ, მას ერთხელ და სამუდამოდ ქეშმარიტ სისტემად თვლიდნენ, დანარჩენს კი—აბსოლუტურად ყალბად. მათ იცოდნენ მხოლოდ განყენებული წინააღმდეგობა განყენებულ წარმოდგენათა შორის: ქეშმარიტება, შეცთომა. ამიტომ აზროვნების ისტორია მათ წარმოედგინათ მხოლოდ როგორც ნაწილობრივ სამწუხარო, ნაწილობრივ-კი სასაცილო შეცთომების ქაოტიური გროვა, რომელთა ველური თამაში გრძელდებოდა იმ საინტერო დრომდე, სანამ ბოლოს არ შეიქმნებოდა ქეშმარიტი ფილო-

სოფიური სისტემა. ასე უყურებდა თავისი მეცნიერების ისტორიას ჯერ კიდევ ე. ბ. სეი, ეს მეტაფიზიკოსთა მეტაფიზიკოსი. ის არ გვირჩევდა მის შესწავლას, რადგან იქ იგი შეცთომების მეტს არაფერს ხედავდა. დიალექტიკოს-იდეალისტები საქმეს სულ სხვანაირად უყურებდნენ. ფილოსოფია თავისი დროის გონებრივი გამოხატულებაა, ამბობდნენ ისინი, თითოეული ფილოსოფია ქეშმარიტია მხოლოდ თავისი დროისთვის.

მაგრამ თუ გონება განაგებს ქვეყანას, მოვლენათა მხოლოდ კანონზომიერების აზრით, თუ ადამიანთა, ასე ვთქვათ, საზოგადოებრივ მშენებლობას და მათ ისტორიულ მოძრაობას ხელმძღვანელობს არა იდეები, ცოდნა, „განათლება“, მაშინ სადღაა ადამიანის თავისუფლება? სად არის ის სფერო, სადაც ადამიანი თავისუფლად „სჯის და ირჩევს“, არ ინუგეშებს თავს ბალღივით უნაყოფო გართობით, არ წარმოადგენს სათამაშო ნივთს მისთვის უცხოს, თუმცა, შესაძლოა, არა ბრმა ძალის ხელში?

ძველი, მაგრამ მარად ახალი საკითხი თავისუფლებისა და აუცილებლობის შესახებ წამოიჭრებოდა ხოლმე XIX საუკუნის იდეალისტების წინაშე ისე, როგორც წინა საუკუნის მეტაფიზიკოსებისა და საერთოდ ყველა ფილოსოფოსების წინაშე, რომელნიც არსის და აზროვნების ურთიერთი დამოკიდებულების საკითხს აყენებდნენ: ის, როგორც სფინქსი, ეუბნებოდა ყოველ ასეთ მოაზროვნეს: აზომიცან, თორემ ვშთანთქამ შენს სისტემას!

თავისუფლებისა და აუცილებლობის საკითხი სწორედ ის საკითხი იყო, რომლის გადაჭრასაც ისტორიის მიმართ შელინგი ტრანსცენდენტალი ფილოსოფიის უფუდიდეს ამოცანად თვლიდა. გადაჭრა თუ არა იგი ამ ფილოსოფიამ? როგორ გადაჭრა მან იგი?

ალსანიშნავია, რომ როგორც შელინგისა ისე ჰეგელისათვისაც, ეს საკითხი სიძნელეს წარმოადგენდა ისტორიის მიმართ. წმინდა ანთროპოლოგიური თვალსაზრისით იგი შეიძლებოდა უკვე გადაჭრილად ჩათვლილიყო.

აქ საჭიროა განმარტება, რასაც ჩვენ ეხლავე შეუდგებით და ეთხოვთ მკითხველს ყურადღებით მოეპყროს მას საგნის დიდი მნიშვნელობის გამო.

მაგნიტის ისარი ჩრდილოეთისკენ იხრება. ეს ხდება ერთგვარი მატერიის მოქმედებით, რომელიც თვით ექვემდებარება განსაზღვრულ კანონებს: მატერიალური ქვეყნის კანონებს. მაგრამ ისრისთვის ამ მატერიის მოძრაობა შეუმჩნეველია. მას ამ მოძრაობაზე არავითარი წარმოდგენა არა აქვს. მას ჰგონია, რომ ის იხრება ჩრდილოეთისაკენ სრულიად დამოუკიდებლად რაიმე გარეშე მიზეზისგან, მხოლოდ

იმიტომ, რომ მას სიამოვნებას იქით მიბრუნება. მატერიალური აუცილებლობა მას წარმოუდგება როგორც მისი საკუთარი ხულის თავისუფალი მოქმედება.

ამ მაგალითით ლეიბნიცს სურდა ნათელყო თავისი თვალსაზრისი ნების თავისუფლებაზე. მსგავსი მაგალითით ხსნის თავის სრულიად ასეთსავე თვალსაზრისის სპინოზაც.

რაიმე გარეგანმა მიზეზმა გამოიწვია ქვის ერთგვარი სიძლიერის მოძრაობა. მოძრაობა, რასაკვირველია, მას შემდეგაც გრძელდება, რაც მიზეზმა უკვე შესწყვიტა მოქმედება. მოძრაობის ეს გაგრძელება აუცილებელია მატერიალური ქვეყნის კანონების მიხედვით. მაგრამ წარმოვიდგინოთ, რომ ქვა აზროვნებს, რომ მას შეგნებული აქვს თავისი მოძრაობა, რომელიც მას სიამოვნებას ჰგვრის, მაგრამ არ იცის მისი მიზეზი, არ იცის ისიც, აქვს თუ არა ამ მოძრაობას საზოგადოდ რაიმე გარეშე მიზეზი. როგორ წარმოუდგება ქვას ამ შემთხვევაში თავისი საკუთარი მოძრაობა? უეჭველია, როგორც მისი საკუთარი სურვილის, მისი თავისუფალი არჩევის შედეგი; ის ეტყვის თავის თავს: მე ვმოძრაობ, რადგანაც მსურს ვიმოძრაო. „ასეთია ადამიანის თავისუფლება, რომლითაც ასე ამაყობს იგი. მისი არსი ის არის, რომ ადამიანს შეგნებული აქვს თავისი მისწრაფება, მაგრამ არ იცნობს გარეშე მიზეზებს, რომელიც ამ მისწრაფებას იწვევს. მაგალითად, ბავშს წარმოდგენილი აქვს, რომ მას თავისუფლად სურს ის რძე, რომელიც მის საზრდოს შეადგენს“...

ბევრს თანამედროვე მკითხველსაც ასეთი ახსნა „უხეშ მატერიალისტურ ახსნად“ მოეჩვენება და გაოცდება, თუ როგორ შეეძლო ლეიბნიცს—წმინდა წყლის იდეალისტს—ასეთი ახსნა მოეცა. ამასთანავე ისინი გვეტყვიან, რომ საზოგადოდ შედარება არაა დასაბუთება და რომ უფრო ნაკლებად საბუთიანია ადამიანის ფანტასტიური შედარება მაგნიტის ისარსა ან ქვასთან. ამაზე ჩვენ შევნიშნავთ, რომ შედარება დაკარგავს ფანტასტიურ ხასიათს, მოვიგონებთ თუ არა იმ მოვლენებს, რომელსაც ადგილი აქვს ადამიანის თავში. ჯერ კიდევ XVIII საუკუნის მატერიალისტები აღნიშავდნენ იმ გარემოებას, რომ ყოველ ნებითს მოძრაობას ტვინში შეესაბამება ტვინის ფიბრების განსაზღვრული მოძრაობა. ის, რაც მაგნიტის ისარის ან ქვის მიმართ ფანტაზიას წარმოადგენს, უდავო ფაქტა ხდება ტვინის მიმართ: აუცილებლობის გარდაუვალი კანონების მიხედვით ტვინში მატერიის მოძრაობას შეესაბამება ის, რასაც აზრის თავისუფალი მოქმედება ეწოდება. ხოლო, რაც შეეხება, პირველის მიხედვით, სრულიად გასაგებ გაოცებას იდეალისტი ლეიბნიცის მა-



ტერიალასტური მსჯელობის გამო, უნდა გვახსოვდეს, რომ—როგორც ჩვენ უკვე აღვნიშნეთ—ყველა თანმიმდევარი იდეალისტები მონისტები იყვნენ, ე. ი. მათს მსოფლმხედველობაში სრულიად არ ჰქონდა ადგილი იმ გაუვალ უფსკრულს, რომელიც ჰყოფს სულსა და მატერიას ერთი მეორისგან თანახმად დუალისტების შეხედულებისა. დუალისტის აზრით, მატერიის განსაზღვრული აგრეგატი მხოლოდ იმ შემთხვევაში შეიძენს აზროვნების უნარს, თუ მასში დაისადგურებს სულის ნაწილაკი: დუალისტის თვალში მატერია და სულ ერთმანეთთან სრულიად არაფრის საერთოს მქონე დამოუკიდებელი სუბსტანციებია. ლეიბნიცის შედარება მას არაბუნებრივად მოეჩვენება იმ უბრალო მიზეზის გამო, რომ მაგნიტის ისარს არავითარი სული არ გააჩნია. მაგრამ წარმოიდგინეთ, რომ თქვენ საქმე გაქვთ ადამიანთან, რომელიც ასე მსჯელობს: ისარი მართლაც რაღაც სავსებით მატერიალური რამ არის. მაგრამ რა არის თვით მატერია? მე ვფიქრობ, რომ მისი არსებობა დამოკიდებულია სულზე არა იმ მნიშვნელობით, თითქოს იგი შექმნილი იყო სულის მიერ, არამედ იმ აზრით, რომ ის იგივე სულია, მაგრამ სხვა სახით მყოფი. ეს სახე არ შეესაბამება მის ქეშმარიტ ბუნებას, ის ეწინააღმდეგება კიდევ მას (ე. ი. მის ბუნებას). მაგრამ ეს ხელს არ უშლის მას სულის არსებობის სახე იყოს, რადგანაც თავისი ბუნებით სული თავის საკუთარ წინააღმდეგობად უნდა გადაიქცეს.—თქვენ ეს მსჯელობაც გაგაკვირვებთ. მაგრამ, ყოველ შემთხვევაში, დაგვეთანხმებით, რომ ადამიანი, რომელსაც იგი დამარწმუნებლად მიაჩნია, ადამიანი, რომელიც მატერიაში მხოლოდ „სულის სხვა-ყოფას“ ხედავს, არ გაცდება იმ ახსნით, რომელიც მატერიას სულის ფუნქციებს აწერს ან ამ უკანასკნელს მქიდრო დამოკიდებულებაში აყენებს მატერიის კანონებთან. ასეთ ადამიანს შეუძლია ასე თუ ისე მიიღოს ფსიქიურ მოვლენათა მატერიალასტური ახსნა და იმავე დროს მისცეს მას წმინდა იდეალასტური შინაარსი. ასე იქცეოდნენ გერმანელი იდეალისტები.

ადამიანის ფსიქიური ფუნქცია ემორჩილება მატერიალური აუცილებლობის კანონს. მაგრამ ეს ოდნავადაც არ სპობს ადამიანის თავისუფლებას. თვით მატერიალური აუცილებლობის კანონი სხვა არა არის რა, თუ არა სულის მოქმედების კანონი. თავისუფლება ჰგულისხმობს აუცილებლობას, აუცილებლობა მთლიანად გადადის თავისუფლებაში, ამიტომ სინამდვილეში ადამიანის თავისუფლება გაცილებით უფრო ფართოა, ვიდრე დუალისტებს ჰგონიათ, რომელნიც ცდილობენ გამიჯნონ თავისუფალი მოქმედება აუცილებ-

ბელისაგან და ამით სწყვეტენ თავისუფლების სამეფოდან მთელს იმ—მათი აზრითაც—კი—ძლიერ ფართო სფეროს, რომელსაც ისინი აუცილებლობას აკუთვნებენ.

ასე მსჯელობდნენ დიალექტიკოს-იდეალისტები. როგორც ხედავს მკითხველი, ისინი მტკიცედ ეჭიდებოდნენ ლეიბნიცის „მაგნიტის ისარს“. მხოლოდ ეს ისარი მათს ხელში სრულიად გარდაიქმნებოდა, ასე ვთქვათ, გასულიერდებოდა ხოლმე.

მაგრამ ისრის ეს გარდაქმნა კიდევ ვერ სძლევა იმ დაბრკოლებებს, რომელიც თავისუფლებისა და აუცილებლობის საკითხებთან იყო დაკავშირებული. ვთქვათ: ცალკე ადამიანი სავსებით თავისუფალია, მიუხედავად იმისა, რომ იგი აუცილებლობის კანონს ემორჩილება, კიდევ მეტი, სწორედ ამ დამორჩილების წყალობით. მაგრამ საზოგადოებაში და, მაშასადამე, ისტორიაში ჩვენ საქმე გვაქვს არა ინდივიდუუმთან, არამედ ინდივიდუუმთა მთელ მასასთან. იბადება კითხვა, ირლევება თუ არა თითოეულის თავისუფლება დანარჩენთა თავისუფლებით? მე მიზნად დავისახე, მაგალითად, საზოგადოებრივ ურთიერთობაში სამართლიანობისა და ჭეშმარიტების განხორციელება. ამ მიზნის ამორჩევაში მე სრულიად თავისუფალი ვარ. და არა ნაკლები თავისუფალი იქნება ჩემი ის მოქმედება, რომლის მეშვეობით მე მიზნის განხორციელებას შევეცდები. მაგრამ ჩემი თანამოქალაქენი ხელს მიშლიან ამ მიზნის განხორციელებაში. ისინი ისევე თავისუფლად აღუდგენ ჩემს მიზანს, როგორც თავისუფლად ავირჩიე მე იგი. და ამდენადვე თავისუფალია ჩემს წინააღმდეგ მიმართული მათი მოქმედება. როგორ დავსძლევ მე მათ მიერ შექმნილ დაბრკოლებებს? ცხადია მე მათ დაუწყებ დავას, დარწმუნებას და შესაძლებელია მუდარას ან დამუქრებას. მაგრამ ვინ იცის მოიტანს თუ არა ეს რაიმე შედეგს? ფრანგი განმანათლებლები ამბობდნენ: *la raison finira par avoir raison*. მაგრამ, რომ ჩემმა გონებამ გაიმარჯვოს, საჭიროა ჩემმა თანამოქალაქეებმაც აღიარონ იგი თავიანთ გონებად. მაგრამ რა საბუთი მაქვს ამის იმედი მქონდეს? რამდენადაც მათი მოქმედება თავისუფალია—იგი კი სავსებით თავისუფალია—რამდენადაც ჩემთვის უცნობი გზით მატერიალური აუცილებლობა თავისუფლებაში გადავიდა—ის-კი, როგორც ნაგულისხმევი იყო, მთლიანად გადავიდა მასში—იმდენად ჩემ თანამოქალაქეთა მოქმედების წინასწარი გათვალისწინება შეუძლებელი ხდება. მე შემძლო ამ მოქმედების გათვალისწინების იმედი მქონოდა მხოლოდ იმ პირობით, უკეთუ მე მას ისეთ მოვლენად მივიჩნევიდი, როგორცაა ჩემთვის გარეშე ქვეყნის სხვა ყველა მოვლენა წარმოადგენს, ე. ი.

როგორც იმ გარკვეულ მიზეზთა აუცილებელ შედეგს, რომელიც ჩემთვის უკვე ცნობილია ან შეიძლება ცნობილი გახდეს. სხვანაირად რომ ვთქვათ, ჩემი თავისუფლება არ იქნებოდა მხოლოდ ლიტონი სიტყვა, თუ მის შეგნებასთან ერთად მე შევესძლებდი იმ მიზეზების შეცნობასაც, რომელიც ჩემი თანამოქალაქეების თავისუფალ მოქმედებას იწვევს, ე. ი. თუ მე შევესძლებდი ისინი მათი აუცილებლობის თვალსაზრისით განმეხილა. ჩემი მოქმედების შესახებ ჩემ თანამოქალაქეებს სწორედ იგივე შეუძლიანთ თქვან. მაგრამ ეს რას ნიშნავს? ეს იმას ნიშნავს, რომ ყოველი განსაზღვრული პირის თავისუფალი (შეგნებული) ისტორიული მოქმედების შესაძლებლობა ნულს უდრის იმ შემთხვევაში, თუ ადამიანის თავისუფალ მოქმედებას საფუძვლად არ უდევს მომქმედის გონებისათვის მისაწვდომი აუცილებლობა.

ჩვენ დავინახეთ, რომ ფრანგული მეტაფიზიკური მატერიალიზმი არსებითად ფატალიზმამდე მიდიოდა. მართლაც, თუ მთელი ხალხის ბედი დამოკიდებულია ერთს შემთხვევით ატომზე, ჩვენ დავგრჩენია მხოლოდ გულზე ხელი დავიკრიფოთ, იმიტომ რომ ჩვენ. სრულებით არა გვაქვს და არც ოდესმე გვექნება შესაძლებლობა გავითვალისწინოთ ან თავიდან ავიცილინოთ ცალკე ატომის ასეთი მოქმედება.

ებლა ჩვენ ვხედავთ, რომ იდეალიზმსაც ასეთსავე ფატალიზმამდე შეუძლია მიგვიყვანოს. თუ ჩემს თანამოქალაქეთა მოქმედებაში არ არის არაფერი აუცილებელი ან თუ მათი შეცნობა აუცილებლობის თვალსაზრისით შეუძლებელია, მაშინ მე დამრჩენია უცალო კეთილი განგების ნებას: ჩემს მეტად გონივრულ გეგმებს, უკეთილშობილეს სურვილებს არარად აქცევს მილიონთა სრულიად გაუთვალისწინებელი მოქმედება. მაშინ, ლუკრეციის თქმით: ყველაფერიდან შესაძლებელია ყველაფერი წარმოსდგეს.

და საინტერესოა, რომ რაც უფრო ხაზს გაუსვამდა იდეალიზმი თავისუფლების საკითხს თეორიაში, მით უფრო იძულებული გახდებოდა არარად ექცია იგი პრაქტიკის სფეროში, სადაც ის ვერ შესძლებდა თავისუფლების მთელი სიძლიერით შეიარაღებული შემთხვევითობის დაძლევას.

ეს ძალიან კარგად ესმოდა დიალექტიკოს-იდეალისტებს. მათს პრაქტიკულ ფილოსოფიაში აუცილებლობა წარმოადგენს თავისუფლების უტყუარს, ერთად ერთს საიმედო საწინდარს. ზნეობრივ მოვალეობასაც-კი არ ძალუძს დამანშვიდოს ჩემ მოქმედებათა შედეგის შესახებ,—ამბობდა შელინგი, თუ კი ეს შედეგი დამოკიდებუ-

ლია თავისუფლებაზე. „თავისუფლება თვით უნდა შეიცავდეს აუცილებლობას“.

მაგრამ არსებითად, როგორ აუცილებლობაზე შეიძლება ამ შემთხვევაში ლაპარაკი? საეჭვოა ოდნავ მანუგეშოს იმ აზრის დაუსრულებელმა განმეორებამ, რომ განსაზღვრული ნებითი მოძრაობანი აუცილებლად შეესაბამებიან ტვინის ნივთიერების განსაზღვრულ მოძრაობას. ასეთ განყენებულ დებულებათა საფუძველზე შეუძლებელია რაიმე პრაქტიკული გეგმების დამყარება, სხვა გზა-კი ამ მხრით არ მრჩება, რადგანაც ჩემი თანამოქალაქის თავი მინის სკა არაა და არც მისი ტვინის ფიბრები ფუტკრებია. მე ვერ შევსძლებდი მათი მოძრაობის დაკვირვებას იმ შემთხვევაშიაც, რომ ჩე მტკიცედ მცოდნოდა—ჩვენ-კი ჯერ ამას მოკლებული ვართ—რომ ამა თუ იმ ნერვიული ბოჭკოს ამა თუ იმ მოძრაობას მოჰყვება ესა თუ ის განზრახვა ჩემი თანამოქალაქის ფსიქიკაში, მაშასადამე, ადამიანთა მოქმედების აუცილებლობის შესწავლას სხვა მხრით უნდა მივუდგეთ.

ეს მით უფრო საჭიროა, რომ მინერვას კოტი, როგორც ვიცით, ლამით იწყებს ფრენას, ე. ი. საზოგადოებრივი ურთიერთობანი არ წარმოადგენენ ადამიანთა შეგნებულ მოქმედების ნაყოფს. ადამიანები შეგნებულად ისახავენ თავის კერძო, პირად მიზნებს. თითოეული მათგანი, მაგალითად, შეგნებულად მიისწრაფის გაადიდოს თავისი ქონება, ხოლო მათ მოქმედებათა ჯამი იძლევა განსაზღვრულ საზოგადოებრივ რეზულტატს, რომელიც, შესაძლოა, მათ არც კი სურდათ და უთუოდ გათვალისწინებულაც არ ჰქონდათ. რომელი შეძლებული მოქალაქენი ყიდულობდნენ ლარიბ მიწათმფლობელთაგან მიწას. რასაკვირველია, თითოეულმა მათგანმა იცოდა, რომ ასეთი შესყიდვით რომელიმე იულიუსი ან ტულიუსი უმიწაწყლო პროლეტარი გახდებოდა. მაგრამ რომელ მათგანს შეეძლო გაეთვალისწინებია, რომ ლატიფუნდიები დალუპავდა რესპუბლიკას და მასთან ერთად იტალიასაც? ვინ იცოდა თუ ისტორიულად რა შედეგი მოჰყვებოდა მიწის ასეთს შესყიდვას? არავინ არ იცოდა, არავის არ შეეძლო. მიუხედავად ამისა ამას თავისი შედეგი მოჰყვა: ლატიფუნდიების წყალობით დაიღუპა რესპუბლიკა და იტალიაც.

ცალკე ადამიანთა თავისუფალ შეგნებულ მოქმედებათაგან აუცილებლად გამომდინარეობს მათთვის მოულოდნელი და გაუთვალისწინებელი შედეგი, რომელიც მთელ საზოგადოებაზე ე. ი. იმავე ადამიანთა ყველა ურთიერთობაზე გავლენას ახდენს. ამრიგად თავისუფლების სფეროდან ჩვენ გადავდივართ აუცილებლობის სფეროში.

თუ კი ადამიანთა მიერ გაუთვალისწინებელი მათ ინდივიდუალურ მოქმედებათა საზოგადოებრივი შედეგი საზოგადოებრივი წყობილების შეცვლას იწვევს (რაც ყოველთვის ხდება, თუმცა არა ერთი და იმავე სისწრაფით), მაშინ ადამიანის წინაშე ახალი ინდივიდუალური მიზნები ისახება. მათი თავისუფალი შეგნებული მოქმედება აუცილებლად ახალ სახეს მიიღებს. აუცილებლობის ხფეროდან ჩვენ კვლავ თავისუფლების ხფეროში გადავდივართ.

ყოველი აუცილებელი პროცესი კანონზომიერი პროცესია. ადამიანთა მიერ გაუთვალისწინებელი, მაგრამ მათ მოქმედებათა შედეგად მიღებული საზოგადოებრივ ურთიერთობათა ცვლილება წარმოებს ცხადად განსაზღვრული კანონების მიხედვით. თეორიულმა ფილოსოფიამ უნდა აღმოაჩინოს ისინი.

ის ცვლილებები, რომელიც საზოგადოებრივ ურთიერთობას შეაქვს ადამიანთა მიზნებსა და თავისუფალ მოქმედებაში, ცხადია აგრეთვე. სხვა სიტყვით: აუცილებლობის გადასვლაც თავისუფლებაში განსაზღვრული კანონების მიხედვით წარმოებს, რომელიც შეიძლება და კიდევ აღმოჩენილი უნდა იქნეს თეორიული ფილოსოფიის მიერ.

როცა თეორიული ფილოსოფია ამ ამოცანას გადაქრის, იგი პრაქტიკულ ფილოსოფიას სრულიად ახალს, ურყევ საფუძველზე დააყენებს. როცა ჩემთვის ცნობილია საზოგადოებრივ-ისტორიული მოძრაობის კანონები, მე შემიძლია მასზე გავლენა მოვახდინო ჩემი მიზნების მიხედვით ისე, რომ შიში არ მქონდეს არც შემთხვევითი ატომის მოქმედების და არც იმ აზრის, რომ ჩემი თანამემამულენი, როგორც თავისუფალი ნებით დაჯილდოებული არსებანი, ყოველ წამს მიმზადებენ მრავალს შეტად საკვირველ სიურპრიზს. თავისთავად ცხადია, მე არ მეცოდინება ყოველი ჩემი თანამემამულის განზრახვა, განსაკუთრებით კი თუ იგი „ინტელიგენტთა კლასს“ ეკუთვნის, მაგრამ მე დაახლოებით მეცოდინება საზოგადოებრივ ძალთა მიმართულება და საკმარისია დავეყრდნო მათს თანაბარ მოქმედს ჩემი მიზნების მისაღწევად.

ამგვარად, თუ მე, მაგალითად, იმ სასიხარულო აზრამდე მივალ, რომ რუსეთში, წინააღმდეგ დანარჩენი ქვეყნებისა, გაიმარჯვებს თემური წყობილება, ამას მოვახერხებ მხოლოდ იმდენად, რამდენადაც მე შევძლებ სახელოვან „როსების“ მოქმედება აეხსნა როგორც კანონზომიერი მოქმედება, განვიხილო აუცილებლობის და არა თავისუფლების თვალსაზრისით. „მსოფლიო ისტორია, ამბობს ჰეგელი, არის თავისუფლების შეგნების პროგრესი, პროგრესი, რომელიც უნდა გავიგოთ, როგორც აუცილებლობა.“

შემდეგ. რაგინდ კარგად არ უნდა შევისწავლოთ „ადამიანის ბუნება,“ ჩვენ მაინც მოკლებული ვიქნებით შესაძლებლობას გავიგოთ ის საზოგადოებრივი რეზულტატი, რომელიც ცალკე ადამიანთა მოქმედებას მოჰყვება, ვთქვათ, ჩვენ ძველი სკოლის ეკონომისტებთან ერთად აღვიარეთ, რომ გამდიდრებისაკენ მისწრაფება ადამიანის ბუნების მთავარი დამახასიათებელი ნიშანია. შევძლებთ თუ არა გავითვალისწინოთ ის ფორმები, რომელსაც მიიღებს ეს მისწრაფება? გარკვეულს, ჩვენთვის ცნობილ საზოგადოებრივ ურთიერთობათა პირობებში — ჰო. მაგრამ ეს გარკვეული, ჩვენთვის ცნობილი ურთიერთობანი თითონვე შეიცვლებიან „ადამიანის ბუნების“, გამდიდრებისკენ მიმართული მოქალაქეთა მოქმედების ზეგავლენით. რა მხრით შეიცვლებიან ეს ურთიერთობანი? ეს ჩვენ ისევე არ გვეცოდინება, როგორც ის ახალი მიმართულება, რომელსაც გამდიდრებისკენ მისწრაფება მიიღებს ახალ, შეცვლილ საზოგადოებრივ ურთიერთობათა დროს. სწორედ ასეთსავე მდგომარეობაში ჩავარდებით, თუ გერმანელ კათედერ სოციალისტებთან ერთად დავიწყებთ მტკიცებას, რომ ადამიანის ბუნება არ ამოიწურება მხოლოდ მისწრაფებით სიმდიდრისაკენ, რომ მას „საზოგადოებრივი გრძნობაც“ (Gemeinsinn) გააჩნია. ეს ძველი სიმღერაა ახალ ჰანგზე. რათა თავი დავაღწიოთ ამ ცოტად თუ ბევრად მეცნიერულ ტერმინოლოგიაში გახვეულ გაურკვეველობას, ადამიანის ბუნების შესწავლის მაგიერ უნდა დავიწყოთ საზოგადოებრივ ურთიერთობათა ბუნების შესწავლა, უნდა გავიგოთ ეს ურთიერთობა როგორც კანონზომიერი, აუცილებელი პროცესი. ეს-კი დაგვაბრუნებს შემდეგ კითხვასთან: რაზეა დამოკიდებული და რით განისაზღვრება საზოგადოებრივ ურთიერთობათა ბუნება.

ჩვენ დავინახეთ, რომ ვერც წარსული საუკუნის მატერიალისტებმა და ვერც უტოპისტ-სოციალისტებმა ვერ მოგვეცეს ამ კითხვის დამაკმაყოფილებელი პასუხი. შესძლეს თუ არა მისი გადაჭრა დიალექტიკოს-იდეალისტებმა?

ვერა, ვერც მათ შესძლეს, და სწორედ იმიტომ, რომ ისინი იდეალისტები იყვნენ. რათა მათი თვალსაზრისი ნათელი გახდეს, მოვიგონოთ ზემოხსენებული დავა კონსტიტუციისა და ზნე-ჩვეულების ურთიერთობის შესახებ: კონსტიტუციაა ზნე-ჩვეულებაზე დამოკიდებული თუ ზნე-ჩვეულება კონსტიტუციაზე. ჰეგელი ამ დავის გამო სამართლიანად შენიშნავდა, რომ კითხვა სრულიად შემცდარად არის დასმულიო, რადგანაც სინამდვილეში, თუმცა ზნე-ჩვეულება უქველად ახდენს გავლენას კონსტიტუციაზე და კონსტიტუცია ზნე-ჩვეულებაზე, მაგრამ ერთიც და მეორეც წარმოადგენს „მესამე“-ს, რალაც განსაკუთრებული

ძალის შედეგს, რომელიც წარმოშობს როგორც კონსტიტუციას, ისე ზნე-ჩვეულებასაც. მაგრამ რა არის, ჰეგელის აზრით, ეს განსაკუთრებული ძალა, ეს საბოლოო საფუძველი, რომელსაც როგორც ადამიანთა, ისე საზოგადოებრივ ურთიერთობათა ბუნება ემყარება? ეს ძალა არის „ცნება“ ან—რაც იგივეა—„იდეა“, რომლის გახორციელებას განსზღვრული ხალხის ისტორია წარმოადგენს. ყოველი ხალხი ახორციელებს თავის განსაკუთრებულ იდეას, ხოლო ყოველი განსაკუთრებული იდეა, ყოველი ცალკე ხალხის იდეა წარმოადგენს აბსოლიუტური იდეის განვითარების საფეხურს. ამრიგად, ისტორია თითქოს პრაქტიკულ ლოლიკას წარმოადგენს: განსაზღვრული ისტორიული ეპოქის ახსნა ნიშნავს იმის ცხადყოფას, თუ აბსოლიუტური იდეის ლოლიკური განვითარების რომელ საფეხურს შეესაბამება იგი. მაგრამ რაა თვით ეს „აბსოლიუტური იდეა“? სხვა არაფერი, თუ არა ჩვენი საკუთარი ლოლიკური პროცესის განპიროვნება. აი რას ამბობს მასზე ის ადამიანი, რომელმაც საფუძვლიანად განვლო იდეალიზმის სკოლა და რომელიც მთელი თავისი არსებით გატაცებული იყო იმით, მაგრამ რომელმაც ადრე შეამჩნია ამ ფილოსოფიური მიმართულების ძირითადი ნაკლი:

„როცა მე ნამდვილი ვაშლის, მსხლის, მარწყვის და ნუშის გაცნობის საფუძველზე შევიმუშავებ წარმოდგენას: ნაყოფი; როცა ამის შემდეგ მე წინ მივდივარ და წარმოვიდგენ, რომ ჩემი... განყენებული წარმოდგენა „ნაყოფი“ არსებობს ჩემს გარედ და კიდევ მეტი, ვაშლის, მსხლის და სხვ. ქეშმარიტ არსს შეადგენს, მაშინ მე, სპეკულიატური ფილოსოფიის ენით რომ ვთქვათ—„ნაყოფს“ მსხლის ვაშლის ნუშის და სხვ. სუბსტანციად ვაცხადებ. მე ვამბობ: მსხლისათვის არაა არსებითი ის გარემოება, რომ იგი მსხლის სახით გვევლინება, ვაშლისათვის არაა არსებითი ვაშლად ყოფნა. არსებითია მათში... ჩემ მიერ მათგანვე განყენებული წარმოდგენა: „ნაყოფი.“ მე ვაცხადებ ვაშლს, მსხალს და სხვ. *modus-ი* „ნაყოფი-ს“ არსებობის უბრალო სახედ. ჩემი ბოლოვადი, გარე გრძნობებზე დამყარებული განსჯა ანსხვავებს, რასაკვირველია, ვაშლს მსხლისაგან და მსხალს ნუშისაგან, მაგრამ ჩემი სპეკულიატური გონება ამ გასხვავებას აცხადებს უმნიშვნელოდ, არა არსებითად, ის იმასვე ხედავს ვაშლში რასაც მსხალში და მსხალში კი იმასვე, რასაც ნუშში: „ნაყოფს.“ ნამდვილ ნაყოფს იგი განიხილავს მხოლოდ, როგორც ნაყოფს-მოჩვენებას, რომლის არსს, ქეიმარიტს რაობას, „სუბსტანციას „ნაყოფი“ წარმოადგენს.

„ცხადია, რომ ამ გზით ვერ შეიძენ დიდ ცოდნას. მინერალოგი, რომელიც მხოლოდ იმის განმეორებას შესძლებდა, რომ ყველა მინერალი არსებითად მინერალია, მინერალოგი მხოლოდ თავის საკუთარ წარმო-

დგენაში იქნებოდა და... ამიტომ სპეკულიატური ფილოსოფია, რომელ-საც სხვა და სხვა ნამდვილი ნაყოფისგან ერთი მთლიანი განყენებული „ნაყოფი“ გამოჰყავს, რომ რაიმე დადებითს შინაარსამდე მივიდეს, უნდა შეეცადოს ამა თუ იმ გზით კვლავ გადავიდეს „ნაყოფი“-დან, „სუბსტანციიდან“ სხვა და სხვა ნამდვილ ცოდვილ ნაყოფებზე: ვაშლზე, მსხალზე, ნუშზე და სხვ. მაგრამ განყენებული წარმოდგენის—„ნაყოფის-ს“ იძულება, რომ მან ნამდვილი ნაყოფები მოგვეცეს ისევე ძნელია, როგორც ადვილია ამ წარმოდგენის შექმნა სხვადასხვა ნამდვილ ნაყოფების გაცნობის ნიადაგზე. მაგრამ აბსტრაქციაზე ხელის აულებლად შეუძლებელია მივალწიოთ იმას, რაც პირდაპირ მის წინააღმდეგობას წარმოადგენს. ამიტომ სპეკულიატური ფილოსოფოსი იღებს ხელს მასზე, მაგრამ იგი ამას თავისებური სპეკულიატური, მისტიური წესით სჩადის. ის მხოლოდ მოჩვენებით სცილდება აბსტრაქციას. იგი ასე მსჯელობს:

„თუ ვაშლი, მსხალი, ნუში, მარწყვი ნამდვილად სხვა არაფერია, თუ არა „სუბსტანცია“, „ნაყოფი“, — კითხვა ისმება, რატომ შევლინება ნაყოფი ხან ვაშლის, ხან მსხლისა და ხან ნუშის სახით; საიდან წარმოსდგება მრავალნაირობის ეს მოჩვენება, რომელიც ძლიერ ეწინააღმდეგება მთლიანობის „სუბსტანციის“, „ნაყოფის“ ჩემ სპეკულიატურ წარმოდგენას?

„ეს ასე იმიტომ ხდება, — გვეუბნება სპეკულიატური ფილოსოფოსი, — რომ „ნაყოფი“ არის არა მკედარი, განურჩეველი, უძრავი, არამედ ცოცხალი, მოძრავი არსი, რომელიც თავისი შინაგანი ძალით ვითარდება. რეალურ ცოდვილ ნაყოფთა მრავალნაირობას მნიშვნელობა აქვს არა მარტო ჩემი ბოლოვადი განსჯისათვის, არამედ თვით „ნაყოფი“-სთვისაც, სპეკულიატური გონებისთვის. სხვადასხვა ცოდვილი ნაყოფი წარმოადგენს მთლიანი „ნაყოფი“-ს არსებობის სხვადასხვა გამოვლენას... ერთ შემთხვევაში „ნაყოფი“ გამოივლინება ვაშლის სახით, მეორე შემთხვევაში — კი მსხლის სახით... იგი სახიერდება ვაშლში, მსხალში, ნუშში; ამ ნაყოფს შორის არსებული განსხვავება მხოლოდ „ნაყოფის“ თვითგანსხვავებაა, და სწორედ აპიტომ სხვადასხვანაყოფი წარმოადგენს „ნაყოფის“ არსებობის პროცესის სხვადასხვა წევრს...

ყველაფერი ეს გესლიანად, მაგრამ იმავე დროს აუცილებლად სამართლიანადაა ნათქვამი. იდეალიზმი ჩვენ საკუთარ აზროვნებითს პროცესს აბსოლიუტური იდეის სახით აპიროვნებდა და ყველა მოვლენის გადაქრას ამ იდეაში ხელადა; ამის გამო იგი ჩიხში ემწყედოდა, რომლისგან თავის დაღწევა შესაძლებელი გახდებოდა მხოლოდ იმ შემთხვევაში, თუ იგი იდეაზე ხელს აიღებდა, ე. ი. თუ გამოემშვიდო-



ბებოდა იდეალიზმს. მაგალითად: არკვევს თუ არა რამოდენადმე მაინც მაგნეტიზმის ბუნებას შელინგის შემდეგი სიტყვები: „მაგნეტიზმი არის საერთო აქტი გასულიერებისა, იგი არის შთანერგვა მთლიანობისა სიმრავლეში, ცნებისა განსხვავებაში? სუბიექტურის ობიექტურში სწორედ ის შთანერგვა, რომელიც იდეის სახით... არის თვითშეგნება. აქ გვევლინება არსის სახით“? ცხადია, ეს სიტყვები სრულად არაფერს ხსნის. ამდენადვე არა დამაკმაყოფილებელია მსგავსი ახსნა ისტორიის სფეროშიც. რა იყო საბერძნეთის დაცემის მიზეზი? ის, რომ იდეას, რომელიც წარმოადგენდა საბერძნეთის არსებობის პრინციპს, მისი სულის ცენტრს (მშვენიერების იდეა) შეეძლო მსოფლიო სულის განვითარების მხოლოდ არა ხანგრძლივი ფაზა ყოფილიყო. ასეთი პასუხი მხოლოდ კითხვის განმეორებაა პოზიტიური, მედიდური, ყოველგვარ ორიგინალობას მოკლებული ფორმით, ჰეგელი, — რომელსაც ეკუთვნის ზემომოყვანილი ახსნა საბერძნეთის დაცემისა, თითქოს თითონაც გრძნობს ამას და ცდილობს შეაგოს იდეალისტური ახსნა ძველი საბერძნეთის ეკონომიური სინამდვილის დამოწმებით: „ლაკედემონი, უმთავრესად, ქონებრივი უთანასწორობის გამო დაეცაო — ამბობს იგი. ასე იქცევა ის არა მარტო იქ, სადაც საქმე საბერძნეთს ეხება. შეიძლება ითქვას, რომ ჰეგელი ამ წესს არ ლალატობს არც ისტორიის ფილოსოფიაში: ჯერ რამდენიმე გაურკვეველი მითითება აბსოლუტური იდეის თვისებებზე, შემდეგ კი — უფრო ვრცელი და, რასაკვირველია, უფრო დამარწმუნებელი მითითება იმ ხალხის ხასიათსა და ქონებრივ ურთიერთობათა განვითარებაზე, რომლის შესახებაც ლაპარაკია. არსებითად ამგვარ ახსნაში სრულიად არაფერია იდეალისტური. და ჰეგელი, რომელიც აჰობდა იდეალიზმი მატერიალიზმის კეშმარიტებას წარმოადგენსო, — ამგვარი ახსნით სწორედ იდეალიზმის სილატაკეს ამოწმებდა და თითქოს ფარულად სცნობდა, რომ ნამდვილად-კი საწინააღმდეგოს აქვს ადგილი: მატერიალიზმი წარმოადგენს იდეალიზმის კეშმარიტებასო.

თუმცა, მატერიალიზმი, რომელსაც აქ ჰეგელი უახლოვდებოდა, იყო სრულიად განუვითარებელი, ჩანასახის ფორმით, რომელიც მაშინვე იდეალიზმში გადადიოდა, როგორც-კი საჭირო გახდებოდა იმის გამორკვევა, თუ საიდან ჩნდება ესა თუ ის ქონებრივი ურთიერთობა. მართალია, ჰეგელს აქაც ხშირად სავსებით მატერიალისტური შეხედულებების გამოთქმა უხდებოდა. მაგრამ, საერთოდ, ქონებრივ ურთიერთობას განიხილავს ის, როგორც სამართლებლივ ცნებათა განხორციელებას, რომელნიც თავიანთი შინაგანი ძალით ვითარდებიან.

ამრიგად, რა გავიგეთ ჩვენ დიალექტიკოს იდეალისტებზე?

მათ ხელი აიღეს ადამიანის ბუნების თვალსაზრისზე და ამით თავი დააღწიეს უტოპიურ შეხედულებას საზოგადოებრივ მოვლენებზე; დაიწყეს საზოგადოებრივი ცხოვრების განხილვა როგორც აუცილებელი პროცესის, რომელსაც თავისი საკუთარი კანონი აქვს. მაგრამ ჩვენი ლოლიკური აზროვნების (ე. ი. ადამიანის ბუნების ერთ-ერთი მხარის) განპიროვნების არაპირდაპირი გზით ისინი კვლავ იმავე არადამაკმაყოფილებელ თვალსაზრისს დაუბრუნდნენ და ამიტომ მათთვის გაუგებარი ღარჩა საზოგადოებრივ ურთიერთობათა კეშმარტი ბუნება.

ეხლა კვლავ მცირე უკანდახევა ჩვენი შინაური, რუსული სიბრძნის სფეროში.

ბ. მიხაილოვსკის გაუგონია ბ. ფილიპოვისაგან, რომელსაც თავისი მხრით ამერიკელ ფრეზერისგან სმენია, რომ ჰეგელის მთელი ფილოსოფია „გალვანურ მისტიციზმს“ წარმოადგენსო. ის, რაც ჩვენ უკვე ვთქვით იმ ამოცანებზე, რომელსაც გერმანული იდეალისტური ფილოსოფია ისახავდა, მკითხველისათვის ცხადჰყოფს, თუ რამდენად ყალბია ფრეზერის შეხედულება. ბ. ბ. ფილიპოვი და მიხაილოვსკი თითონვე გრძნობენ, რომ მათმა ამერიკელმა გადააქარბა: „საკმარისია“ მოვიგონოთ მემკვიდრეობითი მსვლელობა და გავლენა (ჰეგელზე) წინა დროის მეტაფიზიკისა, დაწყებული ძველთაგან, ჰერაკლიტესგან... ამბობს ბ. მიხაილოვსკი, თუმცა იქვე დასძენს: „მიუხედავად ამისა ფრეზერის შენიშვნები მეტის-მეტად საინტერესოა და უეჭველია ისინი ნაწილობრივ კეშმარტებას შეიცავენ“. უნდა გამოვტყდეთ, თუმცა შეუძლებელია არ აღვიაროთ... დიდი ხანია მას შემდეგ, რაც შჩედრინმა ეს „ფორმულა“ სასაცილოდ აიგდო. მაშ როგორ უნდა მოიქცეს მისი ყოფილი თანამშრომელი — ბ. მიხაილოვსკი, რომელმაც იკისრა განუმარტოს „უვიცთ“ ის ფილოსოფოსი, რომელსაც იგი მხოლოდ სხვისი ნაამბობით იცნობს? უნებლიეთ მოგიხდება იმეორე მცოდნის კილოთი არაუარის მთქმელი ფრაზები...

მაგრამ გავიხსენოთ გერმანული იდეალიზმის განვითარების „მემკვიდრეობითი მსვლელობა“. „გალვანიზმის ცდები შთაბეჭდილებას ახდენს ევროპის ყველა მოაზროვნეზე, მათ შორის ახალგაზრდა გერმანელ ფილოსოფოს ჰეგელზეც, ამბობს ბ. მიხაილოვსკი. — ჰეგელი ჰქმნის კოლოსალურ მეტაფიზიკურ სისტემას, რომელიც მთელს ქვეყანას ეღება“... აქ საქმის ვითარება ისეა გადმოცემული თითქოს ჰეგელი უშუალოდ ფიზიკოსებისაგან გაიმსჭვალა „გალვანიური მისტიციზმით“. მაგრამ ჰეგელის სისტემა ხომ შელინგის შეხედულებათა შემდგომს

განვითარებას წარმოადგენს; ცხადია, რომ გალვანიზმს გავლენა ჯერ ამ უკანასკნელზე უნდა მოეხდინა. მან კიდევაც მოახდინაო— გვამშვიდებს ბ. მიხაილოვსკი, ბ. ფილიპოვი ან ფრეზერი: „შელინგმა და განსაკუთრებით, ზოგიერთმა ექიმებმა, მისმა ყოფილმა მოწაფეებმა, მოძღვრება პოლიარობის შესახებ უკიდურესობამდე მიიყვანეს“. ძალიან კარგი, მაგრამ შელინგის წინამორბედი, როგორც ვიცით, ფიხტე იყო. როგორი გავლენა მოახდინა მასზე გალვანიზმმა? ამის შესახებ არაფერს ამბობს ბ. მიხაილოვსკი: ალბად იგი ფიქრობს, არავითარი გავლენა არ მოუხდენიაო. იგი სავსებით მართალია თუ ასე ფიქრობს. რომ ამაში დავრწმუნდეთ საქმარისია წავიკითხოთ ფიხტეს ერთ-ერთი აღრიხდელი ფილოსოფიური თხზულება: „Grundlage der gesamten Wissenschaftslehre“, Leipzig, 1794. ამ თხზულებაში ვერც ერთი მიკროსკოპი ვერ აღმოაჩინეს მასზე „გალვანიზმის“ გავლენას. მიუხედავად ამისა, იქაც არის იგივე ცნობილი „ტრიადა“, რომელიც ბ. მიხაილოვსკის, აზრით ჰეგელის ფილოსოფიის მთავარს დამახასიათებელ ნიშანს წარმოადგენს და რომლის გენეალოგიასაც ფრეზერი—დაახლოებითი სისწორით— „გალვანიზა და ვოლტის ცდებისგან“ იწყებს... უნდა გამოვტყდეთ, რომ ყველაფერი ეს ძლიერ უცნაურია, თუმცა შეუძლებელია არ აღვიაროთ, რომ მაინც ჰეგელი... და სხვ... და სხვ...

მკითხველმა ჯკვე იცის, თუ როგორ უყურებდა შელინგი მაგნეტიზმს. გერმანული იდეალიზმის ნაკლი სრულებითაც იმაში არ მდგომარეობდა, რომ, მას საფუძვლად ედვა თითქოს გადაჭარბებული, უაზრო, მისტიური გატაცება იმ დროის საბუნებისმეტყველო აღმოჩენებით, არამედ, პირიქით, სწორედ იმაში—რომ იგი ცდილობდა ბუნებისა და ისტორიის მოვლენათა ახსნას მის მიერვე განპიროვნებული აზროვნების პროცესის მეოხებით.

დასასრულ, სასიხარულო ამბავი! ბ. მიხაილოვსკიმ აღმოაჩინა, რომ „მეტაფიზიკა და კაპიტალიზმი მჭიდრო ურთი-ერთ კავშირში იმყოფებიან; რომ, ეკონომიური მატერიალიზმის ენით რომ ვთქვათ, მეტაფიზიკა არის წარმოების კაპიტალისტური ფორმის „ზედნაშენის“ აუცილებელი შემადგენელი ნაწილი, თუმცა ამავე დროს კაპიტალი ნთქამს, იგუებს, ცდასა და დაკვირვებაზე დამყარებულის და მეტაფიზიკისადმი მტრულად განწყობილი მეცნიერების ტენზიკაში გამოყენებას“. ბ. მიხაილოვსკი აღგვითქვამს „ამ საინტერესო წინააღმდეგობაზე“ მოგვითხროს ოდესმე, სხვა დროს. ჰეშმარიტად „საინტერესო“ იქნება, ბ. მიხაილოვსკის გამოკვლევა! როგორ არ გაგიკვირდებათ, იმან, რასაც იგი მეტაფიზიკას

უწოდებს, ბრწყინვალე განვითარება ჰპოვა ძველ საბერძნეთში და XVIII საუკუნის და XIX საუკუნის პირველ ნახევრის გერმანიაში. დღემდე ფიქრობდენ, რომ ძველი საბერძნეთი სრულიად არ ყოფილა კაპიტალისტური ქვეყანა, აღნიშნული დროის გერმანიაში-კი კაპიტალიზმმა მხოლოდ დაიწყო განვითარება. ბ. მიხაილოვსკის გამოკვლევა დაგვანახებს, რომ ეს „სუბიექტური სოციალოგიის“ თვალსაზრისით სრულიად არაა მართალი, რომ სწორედ ძველი საბერძნეთი და ფიხტე-ჰეგელის დროის გერმანია წარმოადგენდა კაპიტალიზმის კლასიკურ ქვეყნებს. თქვენ ეხლა ხედავთ, თუ რატომ არის „ეს ასე მნიშვნელოვანი.“ სასურველია ჩვენმა ავტორმა დააჩქაროს თავისი შესანიშნავი აღმოჩენის გამოქვეყნება. ჩემო თვალის სინათლე, ნუ გრცხვენია იმღერე!

---

## თავი მესამე

### თანამედროვე მატერიალიზმი

იდეალისტური თვალსაზრისის უძღვრებამ ბუნებისა და საზოგადოებრივ მოვლენათა ახსნის საქმეში აიძულა შოაზროვნე ხალხი (რასაკვირველია, არა ეკლექტიკოსები და დუალისტები) დაბრუნებოდა მატერიალისტურ თვალსაზრისს. მაგრამ ახალი მატერიალიზმი ვერ იქნებოდა XVIII საუკუნის ფრანგ მატერიალისტთა მოძღვრების უბრალო განმეორება. იგი აღსდგა იდეალიზმის ყველა მონაპოვრით გამდიდრებული. უდიდეს მონაპოვარს წარმოადგენდა დიალექტიკური მეთოდი ე. ი. მოვლენის განხილვა მისი განვითარების, მისი აღმოცენებისა და გაქრობის თვალსაზრისით. ამ ახალი მიმართულების გენიალური წარმომადგენელი იყო კარლ მარქსი.

პირველი არ იყო მარქსი, რომელმაც იდეალიზმის წინააღმდეგ გაილაშქრა. აჯანყების დროშა ლიუდვიგ ფოიერბახმა (2<sup>ბ</sup>) აღმართა. შემდეგ, ფოიერბახზე ცოტათი გვიან, ლიტერატურულ სცენაზე ძმები ბაუერები (3<sup>ა</sup>) გამოვიდნენ, რომელთა შეხედულებანი განსაკუთრებული ყურადღების ღირსია თანამედროვე რუსი მკითხველების მხრით.

ბაუერების თვალსაზრისი წარმოადგენდა რეაქციას ჰეგელის იდეალიზმის წინააღმდეგ. მაგრამ მიუხედავად ამისა თვით ის გამსკვალული იყო მეტად ზერელე, ცალწრივი და ეკლექტიკური იდეალიზმით.

ჩვენ დავინახეთ, რომ უდიდესმა გერმანელმა იდეალისტებმა ვერ შესძლეს საზოგადოებრივ ურთიერთობათა ქეშმარიტი ბუნების გაგება, მათი რეალური საფუძვლის გამოხატვა. საზოგადოებრივ განვითარებაში მათ კანონზომიერი, აუცილებელი პროცესი დაინახეს და ამ მხრით ისინი სავსებით მართალნი იყვნენ. მაგრამ, როცა ლაპარაკი ისტორიული განვითარების მთავარ მამოძრავებელზე ჩამოვარდებოდა, ისინი აბსოლიუტურ იდეას მიმართავდნენ, რომლის თვისებებს უნდა მოეცა ამ პროცესის საბოლოო და ულრმესი ახსნა. სწორედ ეს იყო იდეალიზმის სუსტი მხარე, რომლის წინააღმდეგ, პირველ

ყოვლისა, წარმოებდა ფილოსოფიური რევოლიუცია: ჰეგელის სკოლის უკიდურესი მემარცხენე ფრთა საბოლოოდ აღუდგა „აბსოლიუტურ იდეას.“

აბსოლიუტური იდეა არსებობს (რასაკვირველია, თუ-კი არსებობს) დროისა და სივრცის გარეშე და, ყოველ შემთხვევაში, თითოეული ცალკე ადამიანის თავის გარეშე. კაცობრიობა თავისი ისტორიული განვითარების დროს გაივლის იდეის ლოლიკურ განვითარების საფეხურებს და ამით ემორჩილება მისთვის უცხოა და გარე მდგომ ძალას. როცა ახალგაზრდა ჰეგელიანელები აბსოლიუტური იდეის წინააღმდეგ ილაშქრებდნენ, ისინი ამას, პირველ ყოვლისა, ადამიანის თვითმოქმედებისა და ადამიანის ბოლოვადი გონების სახელით ჩადიოდნენ.

„სპეკულიატიური ფილოსოფიაო,—სწერდა ედგარ ბაური, ძლიერ ცდება, როცა გონება რალაც განყენებულ, აბსოლიუტურ ძალად მიაჩნია... გონება არ არის ობიექტური, განყენებული ძალა, რომლის მიმართ ადამიანი სუბიექტურს, შემთხვევით გარდამავალ რასმე წარმოადგენდეს; სრულებით არა, გაბატონებული ძალა არის სწორედ ადამიანი, მისი თვითცნობიერება, გონება-კი მხოლოდ ამ თვითცნობიერების ძალააო. მაშასადამე, არ არსებობს არავითარი აბსოლიუტური გონება, არის მხოლოდ თვითცნობიერების განვითარებასთან ერთად მარად ცვალებადი გონება: საბოლოო სახით იგი არ არსებობს, არამედ მუდმივ იცვლება“<sup>1)</sup>.

ამრიგად, არ არის აბსოლიუტური იდეა—განყენებული გონება, არის მხოლოდ ადამიანთა თვითცნობიერება, ბოლოვადი, მარად ცვალებადი ადამიანის გონება. ეს სავესებით მართალია; ამის წინააღმდეგ არაფერი ექნება თვით ბ. ზიხაილოვსკისაც-კი, რომელსაც როგორც ვიცით ჩვეულებად აქვს, იდავოს ყველაფერზე ცოტად თუ ბევრად საექვო წარმატებით. მაგრამ საკვირველია! რაც უფრო მკვეთრად გამოვთქვამთ ამ მართალ აზრს, მით უფრო უხერხული ხდება ჩვენი მდგომარეობა. ძველი გერმანელი იდეალისტები ყოველი პროცესის კანონზომიერებას ბუნებასა და ისტორიაში აბსოლიუტური იდეით ხსნიდნენ. მაგრამ რითი უნდა ავხსნათ ეს კანონზომიერება მას შემდეგ, რაც მისი მატარებელი—აბსოლიუტური იდეა—განადგურებულია. ვთქვათ, რომ ბუნების შესახებ დამაკმაყოფილებელი პასუხი შესაძლოა რამდენიმე სიტყვით: ჩვენ მას მატერიის თვისებებით ვხსნიით.

<sup>1)</sup> Der Streit der Kritik mit Kirche und Staat. Von Edgar Bauer. Bern 1884 83. 184.

მაგრამ ისტორიის მიმართ საქმე ასე მარტივად როდია: ისტორიაში გაბატონებული ძალა ადამიანის თვითცნობიერებაა, ადამიანის მხარედ ცვალებადი, ბოლოვადი გონება. აქვს თუ არა რაიმე კანონზომიერება ამ გონების განვითარებას? ედგარ ბაუერი, რასაკვირველია, დადებითად უპასუხებდა, რადგანაც მისთვის, როგორც დავინახეთ, ადამიანი, მაშასადამე, მისი გონებაც სრულებით არ იყო რალაც შემთხვევითი. მაგრამ თქვენ რომ იმავე ბაუერისათვის თხოვნით მიგემართნათ ანემარტა მას ადამიანის გონების განვითარების კანონზომიერება, ე. ი. თქვენ რომ გეკითხნათ მისთვის, მაგალითად, თუ სხვადასხვა ეპოქაში გონება რატომ სხვადასხვაგვარად ვითარდებოდა, არსებითად მისგან თქვენ ვერავითარ პასუხს ვერ მიიღებდით. ის გეტყობდათ, რომ „მხარედ ცვალებადი გონება ჰქმნის საზოგადოებრივ ფორმებს,“ რომ „მსოფლიო ისტორიის მამოძრავებელი ძალა ისტორიული გონებაა“, და რომ, ამის გამო, ყოველი განსაზღვრული საზოგადოებრივი წყობილება ჰკარგავს არსებობის აზრს, გადადგამს თუ არა გონება წინ ახალ ნაბიჯს თავის განვითარების გზაზე<sup>1)</sup>. მაგრამ ყველა ეს და ამისი მსგავსი საბუთები იქნებოდა არა პასუხი კითხვაზე, არამედ უშედეგო ტრიალი იმ კითხვის გარშემო, თუ რატომ ვითარდება ადამიანის გონება და რატომ მისი განვითარების გზა სწორედ ასეთია და არა სხვაგვარი. თუ კი ე. ბაუერს იძულებულს გახდილით სწორედ ამ კითხვისთვის გაეწია ანგარიში, იგი მყისვე ბოლოვადი, მხარედ ცვალებადი ადამიანის გონების თვისებების უშინაარსო დამოწმებას მიმართავდა, მსგავსად იმისა, როგორც ძველი იდეალისტები აბსოლუტურ იდეას იმოწმებდნენ.

გონების აღიარება მსოფლიო ისტორიის მამოძრავებელ ძალად და მისი განვითარების ახსნა რალაც განსაკუთრებული, მისივე დამახასიათებელი, შინაგანი თვისებებით, მოასწავებს მის გარდაქცევას აბსოლუტურ არსებად ანდა სწორედ იმ აბსოლუტური იდეის გაცოცხლებას ახალი სახით, რომელიც ეს-ეს იყო სამუდამოდ დასამარებულად გამოაცხადეს. ამ გაცოცხლებული აბსოლუტური იდეის მთავარ ნაკლს ის გარემოება წარმოადგენდა, რომ იგი სრულიად მშვიდად ეგუებოდა ნამდვილ აბსოლუტურ დუალიზმს, ან უფრო სწორედ, აუცილებლად ჰგულისხმობდა მას. რაკი ბუნების პროცესები ბოლოვადი, მხარედ ცვალებადი ადამიანის გონებით არ განისაზღვრება, ამის გამო ჩვენ ორ ძალასთან გვაქვს საქმე: ბუნებაში—მატერიას-

<sup>1)</sup> L. c. S. 185.

თან, ისტორიაში—აღაპიანის გონებასთან, და არ არის ხიდი, რომელიც შეაერთებდა მატერიის მოძრაობას გონების განვითარებასთან, აუცილებლობის სამეფოს თავისუფლების სამეფოსთან. ამიტომ ვთქვით ჩვენ, რომ ბაუერის თვალსაზრისი მეტად ზერელე, ცალმხრივი და ეკლექტიური იდეალიზმით იყო გამსჭვალული-მეთქი.

შეხედულებანი მართავენ ქვეყანასო—ამბობდენ ფრანგი განმანათლებელნი. ამასვე იმეორებდენ, როგორც ვხედავთ, ძმები ბაუერებიც, რომელნიც ჰეგელის იდეალიზმს აღუდგენ. მაგრამ თუ კი ქვეყანას შეხედულება მართავეს, მაშინ ისტორიის მთავარ მამოძრავებელს წარმოადგენს ის ხალხი, რომლის აზრი აკრიტიკებს ძველსა და ჰქმნის ახალ შეხედულებას. ძმები ბაუერები მართლაც ასე ჰფიქრობდენ. ისტორიული პროცესის არსი, მათი აზრით, წარმოადგენდა შეხედულებათა არსებული მარაგის და ამ უკანასკნელის მიერ განსაზღვრული საზოგადოებრივი ცხოვრების ფორმის „კრიტიკული სულით“ გადამუშავებას. ბაუერების ეს შეხედულება მთლიანად გადმოიტანა რუსულ ლიტერატურაში „ისტორიული წერილები“-ს ავტორმა, რომელიც, სხვათა შორის, ლაპარაკობდა უკვე არა კრიტიკულ „სულზე“, არამედ კრიტიკულ „აზრზე“, იმის გამო, რომ სულზე ლაპარაკი აკრძალა „Современник“-მა.

მას შემდეგ, რაც „კრიტიკულად მოაზროვნე“ ადამიანი თავს ისტორიის არქიტექტორად, დემიურგად წარმოიდგენს, იგი თავის თავს და თავის მსგავსთ აცხადებს ადამიანთა გვარის განსაკუთრებულ უმაღლეს სახესხვაობად. ამ უმაღლეს სახესხვაობას უპირისპირდება კრიტიკულ აზრს მოკლებული მასა, რომელსაც შეუძლია მხოლოდ თიხის როლი შეასრულოს „კრიტიკულად მოაზროვნე“ პიროვნებათა შემომქმედ ხელში, — „გმირებს“ უპირისპირდება „ბრბო“. რა რიგ დიდი სიყვარული უნდა ჰქონდეს გმირს ბრბოსი, რა რიგ აღსავეს უნდა იყოს იგი მისი საუკუნეებრივი გაჭირვებისა და განუწყვეტელი წამებისადმი თანაგრძნობით, მაინც მას არ შეუძლია ბრბოს ზევიდან არ დაჰყურებდეს, არ შეუძლია არ შეიგნოს, რომ ყველაფერი არის ის—გმირი, მაშინ როცა ბრბო ყოველგვარ შემოქმედებითს ელემენტს მოკლებული მასაა, ნულების რაღაც წარმოდგენელი რაოდენობის მსგავსი, რომელიც კეთილმყოფელ მნიშვნელობას მხოლოდ მაშინ ღებულობს, როცა მას კეთილი, მოწყალე, „კრიტიკულად მოაზროვნე“ ერთეული ხელმძღვანელობს. ძმათა ბაუერების ეკლექტიური იდეალიზმი იყო მეორმოცე წლების „კრიტიკულად მოაზროვნე“ გერმანელი „ინტელიგენციის“ საშინელი, შეიძლება ითქვას, საზიზღარი თვითგანდიდების საფუძველი, ამჟამად-კი იგი



მათი რუსი მიმდევრების საშუალებით, რუსეთის ინტელიგენციის იმავე ნაკლს ჰბადებს. ამ თვითგანდიდების დაუძინებელი მტერი და მხილებელი იყო შარქსი, რომლის მოძღვრების განხილვაზე ჩვენ ეხლა გადავდივართ.

მარქსი ამბობდა, რომ „კრიტიკულად მოაზროვნე“ პიროვნებათა „მასისადმი“ დაპირისპირება არის მხოლოდ კარიკატურა ჰეგელის თვალსაზრისისა ისტორიაზე და მეტი არაფერი—თვალსაზრისის, რომელიც თავისი მხრით, წარმოადგენდა მხოლოდ სპეკულიატიურ დანასკეს ძველი მოძღვრებისა სულის და მატერიის წურთი-ერთ წინააღმდეგობის შესახებ. „ჰეგელის აზრითაც, ისტორიის აბსოლიუტური სული“<sup>1)</sup> ეპყრობა მასას როგორც მასალას, თითონ-კი თავის ნამდვილ გამოხატულებას მხოლოდ ფილოსოფიაში ჰპოულობს. თუმცა, ფილოსოფოსი არის მხოლოდ ორგანო, რომლის მეშვეობით ისტორიის შემომქმედი—აბსოლიუტური სული—მიდის თვითშეგნებამდე, მოძრაობის დასრულების შემდეგ. ამ თვითშეგნებით—რომელიც მოძრაობის დასრულების შემდეგ ჩნდება—განისაზღვრება ფილოსოფოსის მონაწილეობა ისტორიაში, რადგანაც ნამდვილ ისტორიულ მოძრაობას აბსოლიუტური სული შეუგნებლად იწვევს<sup>2)</sup>. ამრიგად, ფილოსოფოსი post-festum მოდის. ჰეგელი ორმაგ ულოლიკობას ჩადის: ჯერ ერთი, იმით, რომ იგი—რომლის მოძღვრებით აბსოლიუტური სული მხოლოდ ფილოსოფიაში აღწევს თვითცნობიერებას და, მაშასადამე, არსებობასაც—არ სცნობს აბსოლიუტურ სულად ნამდვილ ფილოსოფოსს, ინდივიდუუმს; მეორე, იმით, რომ აბსოლიუტური სული მხოლოდ მოჩვენებით ჰქმნის ისტორიას. მართლაც, რადგანაც აბსოლიუტური სული მხოლოდ ფილოსოფოსის სახით და მხოლოდ post-festum სცნობს თავს შემომქმედ სულად, ამიტომ მის მიერ ისტორიის ფაბრიკაცია არსებობს მხოლოდ ფილოსოფოსის ცნობიერებაში, აზრში, ე. ი. მხოლოდ სპეკულიატიურ წარმოდგენაში. ბ. ბრუნო ბაუერი თავიდან იცილებს ჰეგელის ულოლიკობას<sup>3)</sup>. ჯერ ერთი, იგი კრიტიკას აცხადებს აბსოლიუტურ სულად, თავის თავს-კი კრიტიკად. მსგავსად იმისა, როგორც კრიტიკის ელემენტი იდევნება მასიდან, მასის ელემენტი იდევნება კრიტიკიდან. ამიტომ კრიტიკა ხე-

1) ან აბსოლიუტური იდეა გ. პ.

2) მკითხველს ახსოვს ალბად ჰეგელის ზემოდ მოყვანილი გამოთქმა: მინერვას კოტი საღამომობით იწვებს ფრენას. გ. პ.

3) ბრუნო ბაუერი ზემო მოხსენებული ედგარ ბაუერის უფროსი ძმა, ავტორი თავის დროზე შესანიშნავ „Kritik der evangelischen Geschichte der Synoptiker“-ის.

დავს თავის თავს განხორციელებულს არა მასაში, არამედ ერთ მუჟა ჩჩეულეზში, ბ. ბაუერსა და მის მოწაფეებში. შემდეგ, ბ. ბაუერი თავიდან იცილებს ჰეგელის მეორე ულოლიკობას: იგი უკვე აღარ კმაყოფილდება ჰეგელის სულის როლით, რომელიც ისტორიას მხოლოდ ფანტაზიაში და post-festum ჰქმნის: იგი შეგნებულად ასრულებს მსოფლიო სულის როლს, წინააღმდეგ კაცობრიობის დანარჩენი მასისა. იგი უკვე აწმყოში დგება მასთან დრამატიულ ურთიერთობაში, ის თხზავს და ჰქმნის ისტორიას მომწიფებული განსჯით, წინასწარი მოფიქრებული მიზნით. ერთ მხარეზე დვას მასა, ისტორიის ეს მატერიალური, პასიური, არაგანსულიერებული და არაისტორიული ელემენტი; მეორე მხარეზე—სული, კრიტიკა, ბ. ბრუნო და კომპ. აქტიური ელემენტის სახით, რომლისგანაც გამოდის ყოველი ისტორიული მოქმედება. საზოგადოებრივი გარდაქმნის აქტი საბოლოოდ კრიტიკული კრიტიკის ტვინის მუშაობაა<sup>1)</sup>).

ეს სტრიქონები საოცარ ილიუზიას ჰქმნის: გგონია, რომ ის დაწერილია არა ორმოცდაათი წლის, არამედ სულ რაღაც ერთი თვის წინეთ და მიმართულია არა გერმანელი მემარცხენე ჰეგელიანელების, არამედ რუსი „სუბიექტური სოციოლოგების“ წინააღმდეგ. ილიუზია უფრო ძლიერდება ენგელსის წერილიდან შემდეგი ადგილის წაკითხვისას:

„დამოუკიდებელი და სრულქმნილი კრიტიკა, ცხადია, არ უნდა სცნობდეს ისტორიას ისე, როგორც იგი ნამდვილად მიმდინარეობდა, რადგან ეს მოასწავებდა სწორედ ამ ბრძოლი მასის ცნობას თავისი სრული მასიურობით მაშინ, როცა საქმე სწორედ მასის ამ მასიურობისგან განთავისუფლებას შეეხება. ამიტომ ისტორია თავისუფლდება მისი მასიურობისგან და კრიტიკა, რომელიც თავისუფლად ეპყრობა თავის საგანს, უყვირის ისტორიას: შენ ამა და ამ გზით უნდა წასულიყავიო. კრიტიკის კანონებს უკუბრუნებითი მოქმედების ძალა აქვს: მისი დეკრეტების შემდეგ წარსული ისტორია სულ სხვა სახეს ღებულობს, ვიდრე მას ამ დეკრეტებამდე ჰქონდა. ამის გამო ეგრეთწოდებული ნამდვილი მასიური ისტორია საგრძნობად განსხვავდება კრიტიკული ისტორიიდან“<sup>2)</sup>).

1) Die heilige Familie oder Kritik der Kritischen Kritik. Gegen Bruno Bauer und Konsorten. Von F. Engels und K. Marx. Frankfurt auf Main. 1845 ss. 126—128. ეს წიგნი წარმოადგენს მარქსისა და ენგელსის წერილების კრებულს, რომელიც მიმართული იყო „კრიტიკული კრიტიკის“ სხვადასხვა შეხედულების წინააღმდეგ. მოყვანილი ციტატა ამოღებულია მარქსის წერილიდან ბრ. ბაუერის წინააღმდეგ. წინა თავში მოყვანილი ადგილიც მარქსს ეკუთვნის.

2) იხ. იქვე გვ. 6.

ვისზეა ლაპარაკი ამ ამონაწერში? მეორმოცე წლების გერმანელ მწერლებზე, თუ ჩვენი დროის ზოგ სოციალოგებზე, რომელნიც აპლომბით მსჯელობენ, თითქოს ისტორიულ მოვლენათა მსველელობა კატოლიკს წარმოდგენილი ჰქონდეს ერთი სახით, პროტესტანტს—მეორეთი, მონარქისტს—მესამეთი, რესპუბლიკანელს—მეოთხეთი, დამიტომ ყოველ რიგიან სუბიექტურ ადამიანს არა თუ შეუძლია, არა მდ ვალდებულიც არის გამოიგონოს თავისთვის, თავისი სულიერი საჭიროებისთვის ისეთი ისტორია, რომელიც საესებით შეეფერება საუკეთესო იდეალს? ნუთუ ენგელსმა გაითვალისწინა ეს რუსული სისულელე. სრულიადაც არა! ენგელსი, რასაკვირველია, სრულიადაც არ ჰფიქრობდა მასზე, და თუ მაინც ნახევარი საუკუნის შემდეგ ჩვენი სუბიექტური მოაზროვნეები საესებით იმსახურებენ ამ ირონიას—ეს იმ უბრალო გარემოებით აიხსნება, რომ ჩვენს სუბიექტურ ლაყბობაში სრულიად არაფერია ორიგინალური: ის სხვა არა არის რა, თუ არა ულაზათო „სუბდალური“ სურათი სწორედ იმ ჰეგელიანიზმის კარიკატურისა, რომლის წინააღმდეგ იგი ასე ვაგლახად იბრძვის.

„კრიტიკული კრიტიკის“ თვალსაზრისით, ყველა დიდი ისტორიული შეჯახება საბოლოოდ იდეათა შეჯახებას წარმოადგენს. მარქსი შენიშნავს, რომ იდეებს „თავს ლაფი ესხმოდა“ ყოველთვის, როცა ისინი არ ეხამებოდნენ იმ საზოგადოებრივი ფენის რეალურ, ეკონომიურ ინტერესს, რომელიც წარმოადგენდა ამა თუ იმ დროს ისტორიული პროგრესის მატარებელს. მხოლოდ ამ ინტერესების ნათლად წარმოდგენა მოგვცემს გასაღებს ისტორიული განვითარების ნამდვილი მსველელობის გასაგებად.

ჩვენ უკვე ვიცით, რომ ფრანგი განმანათლებელი უყურადღებოდ არ სტოვებდნენ ინტერესებს, რომ ისინი ხშირად მიმართავდნენ მას განსაზღვრული საზოგადოების არსებული მდგომარეობის ასახსნელად. მაგრამ ინტერესების გარდამწყვეტ მნიშვნელობაზე მათი ეს თვალსაზრისი წარმოდგენდა მხოლოდ სახეცვლილებას ფორმულისა: შეხედულებანი მართავენ ქვეყანას—გამოდიოდა, რომ თვით ინტერესები საბოლოოდ შეხედულებაზეა დამოკიდებული და იცვლება ამ უკანასკნელის ცვლილებასთან ერთად. ინტერესების მნიშვნელობის ახეთი ახსნა-გაგება მოასწავებს იდეალიზმის გამარჯვებას ისტორიულ მოვლენათა ახსნის საქმეში. იგი უფრო შორს მიდის, ვიდრე გერმანული დიალექტიკური იდეალიზმი, რომლის მიხედვით ადამიანთა ახალი მატერიალური ინტერესები თავს იჩენს ყოველთვის, როცა აბსოლიუტურ იდეას დასკირდება გადასდგას ახალი ნაბიჯი წინ თავისი ლო-

ლიკური განვითარების გზაზე. მარქსს მატერიალური ინტერესების მნიშვნელობა სრულიად სხვაგვარად ესმის.

ჩვეულებრივს რუს მკითხველს მარქსის ისტორიული თეორია შიანია რაღაც საზიზლარ პასკვილად ადამიანთა გვარის მიმართ. თუ არ ვცდებით გ. ი. უსპენსკის „Разорение“-ში არის მოხუცი ქალი, რომელიც სიკვდილის წინ ბოღვის დროს იმეორებს მთელი თავისი ცხოვრების საზიზლარ წესს: „ჯიბე გაისქელე, ჯიბე!“ რუსი ინტელიგენცია გულუბრყვილოდ ჰფიქრობს, თითქოს მარქსი ამ საზიზლარ წესს მთელ კაცობრიობას აწერდეს; თითქოს იგი ამტკიცებდეს, რომ რასაც უნდა აკეთებდნენ ადამიანთა გვარის შვილები, ისინი ყოველთვის მხოლოდ და მხოლოდ და შეგნებულად თავიანთ ჯიბეს „ისქელე-ბენ“. უანგარო რუსი ინტელიგენტისათვის ასეთი თვალსაზრისი ისევე „არასიმპატიურია“, როგორც დარვინის თეორია რომელიმე ტიტულიარული „სოვეტნიცისათვის“, რომელიც ჰფიქრობს, რომ ამ თეორიის მთელი აზრი იმ აღმაშფოთებელ დებულებაში მდგომარეობს, რომ იგი—საპატიო „სოვეტნიცა“ მხოლოდ თავსაფრით მორთულ მაიმუნს წარმოადგენს. ნამდვილად კი არც მარქსს და არც დარვინს აზრად არ მოსდის ვისმე ცილი დასწამოს.

მარქსის ისტორიული თვალსაზრისის გასაგებად საჭიროა გავიხსენოთ, თუ რა დასკვნამდე მივიდა ფილოსოფია და საზოგადოებრივ-ისტორიული მეცნიერება იმ ხანებში, რომელიც უშუალოდ წინ უძღვოდა მის მოვლინებას. როგორც ვიცით, რესტავრაციის დროის ფრანგი ისტორიკოსები დარწმუნდნენ, რომ „სამოქალაქო ყოფა-ცხოვრება“—„ქონებრივი ურთიერთობა“ შეადგენს მთელი საზოგადოებრივი წყობილების საფუძველს. ჩვენ ვიცით აგრეთვე, რომ ამავე დასკვნამდე მივიდა, ჰეგელის სახით, გერმანული იდეალისტური ფილოსოფიაც,—მივიდა თავისი ნების, თავისი ბუნების წინააღმდეგ, იდეალისტური თვალსაზრისის უძღურების გამო ისტორიის ახსნის საქმეში. მარქსი, რომელმაც შეითვისა თავისი დროის მეცნიერული ცოდნისა და ფილოსოფიური აზროვნების ყველა შედეგი, სავსებით ეთანხმება ფრანგ ისტორიკოსებს და ჰეგელს აღნიშნულ დასკვნებში, მე დავრწმუნდიო—ამბობს იგი—რომ „იურიდიული ურთიერთობანი და სახელმწიფო ფორმები ვერ აიხსნება ვერც თავისი საკუთარი ბუნებით, ვერც ეგრეთწოდებული ადამიანის სულის საერთო განვითარებით, არამედ მას თავისი ფესვები ცხოვრების მატერიალურ ურთიერთობაში აქვს, რასაც ჰეგელმა, მსგავსად ინგლისელებისა და XVIII საუკუნის ფრანგებისა, „სამოქალაქო საზოგადოება“ უწოდა, სა-

მოქალაქო საზოგადოების ანატომია-კი მის ეკონომიაში უნდა ვეძიოთ“.

მაგრამ რაზეა დამოკიდებული განსაზღვრული საზოგადოების ეკონომია? ვერც ფრანგმა ისტორიკოსებმა, ვერც უტოპისტ-სოციალისტებმა, ვერც ჰეგელმა ვერ უპასუხეს ამ კითხვას ოდნავ მაინც დამაკმაყოფილებლად. ისინი—პირდაპირ თუ არაპირდაპირ—ყოველთვის ადამიანის ბუნებას მიმართავდნენ. მარქსის უდიდესი მეცნიერული დამსახურება ის არის, რომ მან საკითხს დიამეტრულად საწინააღმდეგო მხრით მიუღდგა, რომ მან თვით ადამიანის ბუნებას შეხედა როგორც ისტორიული მოძრაობის მარად ცვალებად რეზულტატს, რომლის მიზეზი ადამიანის ბუნების გარეთ იმყოფება. რომ იარსებოს, ადამიანმა ხელი უნდა შეუწყოს თავის ორგანიზმს იმით, რომ მიითვისოს შიხი გარემომცველი ბუნებიდან მისთვის აუცილებელი ნივთიერება. ეს მითვისება ჰგულისხმობს ადამიანის განსაზღვრულ მოქმედებას ამ გარე ბუნებაზე. მაგრამ „როცა ადამიანი გარე ბუნებაზე მოქმედებს, იგი იცვლის თავის საკუთარ ბუნებას.“ ამ რამდენიმე სიტყვით გამოთქმულია მარქსის მთელი ისტორიული თეორიის არსი, თუმცა, რასაკვირველია, ის თავის-თავად აღებული არ იძლევა მასზე სათანადო წარმოდგენას და საჭიროებს ახსნას.

ფრანკლინმა ადამიანს „იარაღის მკეთებელი ცხოველი“ უწოდა. იარაღების გამოყენება და წარმოება მართლაც ადამიანის დამახასიათებელ თვისებას შეადგენს. დარვინი არ სცნობს იმ აზრს, რომლის მიხედვით თითქოს მხოლოდ ადამიანს შეეძლოს იარაღების გამოყენება. მას მრავალი მაგალითი მოჰყავს იმის ნათელსაყოფად, რომ მათი გამოყენება ჩანასახის ფორმით მრავალ ძუძუ-მწოფარ ცხოველს ახასიათებს. და იგი, თავის-თავად ცხადია, სრულიად მართალია თავისი თვალსაზრისით, ე. ი. იმ მხრით, რომ „ადამიანის ბუნებაში“ არაა არც ერთი ისეთი ნიშანი, რაც ცხოველთა ამა თუ იმ სახეს არ გააჩნდეს, და რომ ამიტომ სრულიად არავეთარა საფუძველი არა გვაქვს ადამიანი რაღაც განსაკუთრებულ არსებად ჩავთვალოთ და იგი განსაკუთრებულ „სამეფოს“ მივაკუთვნოთ. მაგრამ ამასთანავე უნდა გვახსოვდეს, რომ რაოდენობითი განსხვავებანი გადადიან თვისებრივში. ის, რაც ცხოველთა ერთ სახეს ჩანასახის ფორმით აქვს, შესაძლებელია ცხოველთა მეორე სახის განმასხვავებელ ნიშნად იქცეს. ეს განსაკუთრებით იარაღების გამოყენების შესახებ უნდა ითქვას. სპილო ტოტს სტებს და ბუზებს იგერიებს. ეს საინტერესო და საგულისხმოა. მაგრამ სახე „სპილო“-ს განვითარების ისტორიაში ბუზებთან ბრძოლის დროს ტოტის გამოყენება, ალბად, არავეთარ არსებით როლს არ ასრულებდა. სპილო იმიტომ კი არ იქცა

სპილოდ, რომ მისი ცოტად თუ ბევრად სპილოსმსგავსი წინაპრები ტოტებს ხმარობდნენ. სულ სხვა ითქმის ადამიანზე<sup>1)</sup>. ავსტრალიელი ველურის მთელი არსებობა დამოკიდებულია მის ბუმერანგზე ისე, როგორც თანამედროვე ინგლისის არსებობა დამოკიდებულია მის მანქანებზე. წაართვით ავსტრალიელს მისი ბუმერანგი, გადააქციეთ იგი მიწათმომქმედად და ის აუცილებლად შესცვლის მთელ თავის ცხოვრებას, ყველა თავის ჩვეულებას, მთელ თავის აზრთა წყობას, მთელ თავის „ბუნებას“.

ჩვენ ვთქვით: გარდააქციეთ იგი მიწათმომქმედად მეთქი. მიწათმომქმედების მაგალითზე ნათლად სჩანს, რომ ბუნებაზე ადამიანის წარმოებითი ზემოქმედების პოპულაციის არა მარტო შრომის იარაღებს ჰგულისხმობს შრომის იარაღები შეადგენს წარმოებისათვის აუცილებელ საშუალებას ათა მხოლოდ ნაწილს. აი რატომ არის უფრო სწორი ვილაპარაკოთ არა შრომის იარაღების განვითარებაზე, არამედ საწარმოო ძალთა განვითარებაზე, თუმცა, სრულიად უეჭვოა, რომ ამ განვითარებაში ყველაზე დიდ როლს ასრულებს ან, უკიდურეს შემთხვევაში, დღემდე ასრულებდა (მთავარ ქიმიურ წარმოებათა განვითარებამდე) სწორედ შრომის იარაღები.

შრომის იარაღების სახით ადამიანი თითქოს ახალ ორგანოებს იძენს, რომელიც მის ანატომიურ აგებულებას სცვლის. მას შემდეგ, რაც მან მათი ხმარება შესძლო, იგი თავისი განვითარების ისტორიას სრულიად ახალ სახეს აძლევს: წინედ ეს ისტორია, როგორც სხვა ყველა დანარჩენი ცხოველისათვის, მის ბუნებრივ ორგანოთაცვლილებაში მდგომარეობდა, ეხლა-კი იგი პირველ ყოვლისა მისი საწარმოო ძალთა ზრდისა, მის ხელოვნურ ორგანოთა გაუმჯობესების ისტორია ხდება.

ადამიანი—იარაღის მკეთებელი ცხოველი, ამავე დროს საზოგადოებრივი ცხოველიც არის; იგი იმ წინაპრებისგან წარმოიშვა, რომლებიც მრავალი თაობის განმავლობაში ცოტად თუ ბევრად მოზრდილ ჯოგებად ცხოვრობდნენ. აქ ჩვენთვის არაა დიდად მნიშვნელოვანი, თუ რატომ იწყეს ცხოვრება ჩვენმა წინაპრებმა ჯოგებად, ამის გამოკვლევა ზოოლოგების საქმეა,—მაგრამ ისტორიის ფილოსოფიის თვალსაზრისით დიდად მნიშვნელოვანია აღვნიშნოთ, რომ მას შემდეგ, რაც ადამიანის ხელოვნურმა ორგანოებმა მისი არსებო-

<sup>1)</sup> «So thoroughly is the use of tools the exclusive attribute of man that the discovery of a single artificially shopped flint in the drift or cave-brcccia is deemed proof enough that man has been there». Prehistoric Man, by Danie, Wilson, vol. 1 p. 151—152. London. 1876.

ბისათვის გარდამწყვეტი როლის ასრულება იწყეს, თვით საზოგადოებრივმა ცხოვრებამ იწყო ცვლა საწარმოო ძალთა განვითარების მიხედვით.

„მრავალნაირი ურთიერთობა, რომელშიც ებმებიან ადამიანები პროდუქტის წარმოების დროს, არ განისაზღვრება მათი დამოკიდებულებით ბუნებასთან. წარმოება შესაძლოა მწარმოებლების მოქმედებათა მხოლოდ ერთგვარი შეერთებისა და შეხამების დროს. რომ აწარმოონ, ადამიანები შედიან განსაზღვრულ კავშირსა და ურთიერთობაში და მხოლოდ ამ საზოგადოებრივი კავშირისა და ურთიერთობის მეშვეობით და ფარგალში წარმოიშობა ადამიანთა ის ზემოქმედება ბუნებაზე, რომელიც აუცილებელია წარმოებისათვის“<sup>1)</sup>.

ამრიგად, ხელოვნური ორგანოები, შრომის იარაღები წარმოადგენს არა იმდენად ინდივიდუალურის, რამდენად საზოგადოებრივი ადამიანის ორგანოებს. ამის გამოა, რომ მათი ყოველი არსებითი ცვლილება იწვევს საზოგადოებრივი წესწყობილების ცვლილებასაც.

„საწარმოო საშუალებათა ხასიათის მიხედვით იცვლება მწარმოებელთა საზოგადოებრივი ურთიერთობა, იცვლება მათი ერთად მუშაობის ურთიერთობა და მათი მონაწილეობა წარმოების მთელს მსვლელობაში. ახალი სამხედრო იარაღის—ცეცხლ-მსროლელი იარაღის—გამოგონებით შეიცვალა არმიის მთელი შინაგანი ორგანიზაცია ისე, როგორც ყველა ის ურთიერთი დამოკიდებულება, რომელიც იყო არმიის შემადგენელ პირებს შორის და რომლის წყალობით იგი ერთ ორგანიზაციულ მთლიანობას წარმოადგენს; ბოლოს, შეიცვალა აგრეთვე მთელი არმიების ურთიერთობაც. მწარმოებელთა საზოგადოებრივი ურთიერთი დამოკიდებულება, წარმოების საზოგადოებრივი ურთიერთობა, მაშასადამე, იცვლება წარმოების მატერიალურ საშუალებათა, ე. ი. საწარმოო ძალთა ცვლილებასა და განვითარებასთან ერთად. ყველა საწარმოო ურთიერთობა ჰქმნის იმას, რასაც ეწოდება საზოგადოებრივი ურთიერთობანი—საზოგადოება, და ამასთანავე საზოგადოება, რომელიც იმყოფება თავისი განვითარების გარკვეულ ისტორიულ საფეხურზე—განსაზღვრული ხასიათის საზოგადოება. საწარმოო ურთიერთობათა ასეთ თავისებურ ერთობლივობას წარმოადგენს ანტიური, ფეოდალური და თანამედროვე ბურჟუაზიული საზოგადოება, და ამ საზოგადოებრივ ორგანიზაციათა თითოეული სახე თავის მხრით შეესაბამება კაცობრიობის ისტორიის განვითარების განსაზღვრულ საფეხურს“<sup>2)</sup>.

<sup>1)</sup> Marx: «Lohnarbeit und Kapital.»

<sup>2)</sup> იქვე.

არ არის საჭირო აღენიშნოთ, რომ საწარმოო ურთიერთობათა არანაკლებ თავსებურ ერთობლივობას წარმოადგენს კაცობრიობის განვითარების უფრო აღრინდელი საფეხურებიც. ზედმეტია აგრეთვე განმეორება იმის, რომ ამ უფრო აღრინდელ საფეხურებზეც საწარმოო ძალთა მდგომარეობას გარდამწყვეტი გავლენა ჰქონდა ადამიანთა საზოგადოებრივ ურთიერთობაზე.

აქ საჭიროა გავარჩიოთ ჩვენს წინააღმდეგ წამოყენებული და ერთის შეხედვით საკმაოდ დამარწმუნებელი ზოგი საბუთი.

პირველი.

არავინ არ უარჰყოფს შრომის იარაღების დიდ მნიშვნელობას, საწარმოო ძალთა უდიდეს როლს კაცობრიობის ისტორიულ განვითარებაში—ეუბნებიან ხშირად მარქსისტებს—მაგრამ იარაღებს ხომ ადამიანი იგონებს და იყენებს. თქვენ თითონვე აღიარებთ, რომ მათი ხმარება ჰგულისხმობს გონებრივი განვითარების შედარებით მაღალ საფეხურს. ყოველი ახალი ნაბიჯი შრომის იარაღის გაუმჯობესებისაკენ მოითხოვს ადამიანის გონების ახალ მუშაობას. გონების მუშაობა შიზეზია, საწარმოო ძალთა განვითარება-კი—შედევრი. მაშასადამე, ისტორიული პროგრესის მთავარი მამოძრავებელი გონებაა; მაშასადამე, მართალი ყოფილა ის ხალხი, რომელიც ამტკიცებდა, რომ ქვეყანას მართავს „შეხედულებები, ე. ი. ადამიანის გონებაო“.

ეს მეტის-მეტად ბუნებრივი, მაგრამ მაინც უსაფუძვლო შენიშვნაა.

უდავოა, რომ შრომის იარაღების ხმარება ჰგულისხმობს ცხოველი-ადამიანის გონების მაღალ განვითარებას. მაგრამ ვნახოთ, როგორ ხსნის ამ განვითარებას თანამედროვე ბუნებისმეტყველება.

„ადამიანი ვერასოდეს ვერ მიაღწევდა გაბატონებულ მდგომარეობას ქვეყნად ხელების—მისი ნების სრულიად მორჩილი ამ იარაღების—ხმარების გარეშე“—ამბობს დარვინი. ეს აზრი არაა ახალი; იგი ჯერ კიდევ ჰელვეციუსმა გამოთქვა. მაგრამ ჰელვეციუსმა, რომელმაც ვერ შესძლო მტკიცედ დამდგარიყო განვითარების თვალსაზრისზე, ვერ მისცა თავის საკუთარ აზრს ოდნავად მაინც დასაჯერებელი ხასიათი. დარვინმა ამ აზრის დასამტკიცებლად მოიმარჯვა საბუთების მთელი არსენალი; მათ თუმცა მხოლოდ ჰიპოტეტიური ხასიათი აქვთ, მაგრამ ისინი ყველა ერთად საკმაოდ დამარწმუნებელია. რას ამბობს დარვინი? როგორ გაუჩნდა quasi-ადამიანს დღევანდელი, სრულიად ადამიანური ხელები, რასაც ასე დიდი გავლენა ჰქონდა მისი „გო-

1) La Descendance de l'homme etc. Paris. 1881, p. 51.



ნების“ წარმატებაზე? უთუოდ ისინი შეიქმნენ გეოგრაფიული წრის ზოგი თავისებურების გამო, რომელმაც სასარგებლო გახადა შრომის ფიზიოლოგიური განაწილება წინასა და უკანა კიდურებს შორის. „გონების“ წარმატება ამ განაწილების შორეული შედეგია, მაგრამ იგი თავისი მხრით (ისევე ხელსაყრელი გარეშე პირობების დროს) შეიქნა ადამიანის ხელოვნური ორგანოების წარმოშობის, იარაღების გამოყენების უახლოესი მიზეზი. ამ ახალმა ხელოვნურმა ორგანოებმა ადამიანის გონების განვითარებას ახალი სამსახური გაუწია, „გონების“ განვითარებამ-კი თავის მხრით კვლავ გავლენა მოახდინა ორგანოებზე. აქ ჩვენს წინ გრძელი პროცესია, სადაც მიზეზი და შედეგი განუწყვეტლივ ერთი-მეორეს სცვლის. მაგრამ ამ პროცესის უბრალო ურთიერთი ზემოქმედების თვალსაზრისით განხილვა დიდი შეცდომა იქნებოდა. რომ ადამიანმა ისარგებლოს თავისი „გონების“, მიღწევებით თავის ხელოვნურ ორგანოთა გასაუმჯობესებლად ე. ი. ბუნებაზე თავისი ბატონობის გახადიდებლად, ამისათვის იგი განსაზღვრულ გეოგრაფიულ წრეში უნდა იმყოფებოდეს, რომელიც ნი-აწვდის მას: 1) გაუმჯობესებისათვის აუცილებელ მასალას, 2) საგნებს, რომლის დამუშავება გაუმჯობესებულ იარაღებს მოითხოვს. იქ, სადაც ლითონი არ მოიპოვებოდა, საზოგადოებრივი ადამიანი საკუთარი გონების მეშვეობით ვერას გზით ვერ გასცილდებოდა „თლილი ქვის პერიოდს“ სწორედ ისე, როგორც მომთაბარე მესაქონლეობაზე და მიწათმოქმედებაზე გადასასვლელად საჭირო იყო განსაზღვრული ფლორა და ფაუნა, ურომლისოდაც „ადამიანის გონება ვერ განვითარდებოდა“. მაგრამ ესეც ცოტაა. პირველყოფილ საზოგადოებათა გონებრივი განვითარება მით უფრო სწრაფად უნდა წასულიყო, რაც უფრო ფართოვდებოდა მათი საურთიერთო კავშირი, ეს კავშირი კი, რასაკვირველია, მით უფრო ფართო იყო, რაც უფრო მრავალფეროვანი იყო მათი საბინადრო ადგილების გეოგრაფიული პირობები, ე. ი. რაც უფრო მეტი სხვადასხვაობა ახასიათებდა სხვადასხვა ადგილზე დამზადებულ პროდუქტებს<sup>1)</sup>. ბოლოს, ყველასათვის ცნობილია, თუ რა მნიშვნელობა აქვს ამ მხრით ბუნებრივ სამიმო-

---

<sup>1)</sup> ფონ-მარციუსის ცნობილ წიგნში ბრაზილიის პირველყოფილი მცხოვრებლების შესახებ შეიძლება ვიპოვოთ რამდენიმე საინტერესო მაგალითი, რომელიც ცხადყოფს, თუ რა დიდი მნიშვნელობა აქვთ ადგილის მეტის მეტს, ერთის შეხედვით, სრულიად უმნიშვნელო თავისებურებათ მათ ბინადართა შორის კავშირის განვითარების საქმეში.

სვლო გზებს. ჯერ კიდევ ჰეგელი ამბობდა, რომ მთები სთიშავს ადამიანებს, მდინარეები და ზღვა აახლოებს მათო<sup>1)</sup>.

არა ნაკლებ გარდამწყვეტ გავლენას ახდენს გეოგრაფიული წრე უფრო მსხვილი საზოგადოების, სახელმწიფოს ბედზე, რომელიც პირველყოფილი საგვარეულო ორგანიზაციების ნანგრევებზე აღმოცენდა. ნიადაგის არა აბსოლიუტური ნაყოფიერება, არამედ მისი სხვადასხვაობა, მის ბუნებრივ ნაწარმოებთა მრავალგვარობა შეადგენს შრომის საზოგადოებრივი განაწილების ბუნებრივ საფუძველსა და აიძულებს ადამიანს, მისი გარემომცველი ბუნებრივი პირობების მრავალფეროვანების გამო, გაამრავალფეროვანოს თავისი საკუთარი მოთხოვნილებანი, უნარი, წარმოების წესები და საშუალებანი. ბუნების განსაზღვრულ ძალაზე საზოგადოებრივი კონტროლის დაწესების აუცილებლობას ფართო მასშტაბით მისი ექსპლოატაციისათვის, გაერთიანებული ძალებით ადამიანისადმი მის დასამორჩილებლად გარდამწყვეტი მნიშვნელობა აქვს მრეწველობის ისტორიაში. ასეთი იყო წყლის მოწესრიგების მნიშვნელობა ეგვიპტეში, ლომბარდიაში, პოლანდიაში, სპარსეთსა და ინდოეთში, სადაც ხელოვნური არხებით მორწყვა აძლევს ნიადაგს არა მარტო აუცილებელ წყალს, არაქედ

---

1) თუმცა, ზღვის შესახებ უნდა აღვნიშნოთ, რომ იგი ყოველთვის არ აახლოებს ადამიანთ. რატკელი (Ahtropo-Geographie, Stuttgart 1882 s. 92) სამართლიანად შენიშნავს, რომ განვითარების განსაზღვრულს, დაბალ საფეხურზე ზღვა წარმოადგენს აბსოლიუტურ საზღვარს, ე. ი. შეუძლებელს ხდის რაიმე საურთიერთო კავშირს ხალხებს შორისო. თავისი მხრით, ურთიერთობანი, რომელთა შესაძლებლობა თავდაპირველად მხოლოდ-და-მხოლოდ გეოგრაფიული წრის თვისებებით განისაზღვრება, თავიანთ დალს ასეაუმენ პირველყოფილი ტომების ფიზიონომიას კუნძულის მცხოვრებნი ძლიერ განსხვავდებიან კონტინენტის მცხოვრებთაგან. Die Bevölkerungen der Inseln sind in einigen Fällen völlig andere als die des nächstgelegenen Festlandes oder der nächsten grösseren Insel; aber auch wo sie ursprünglich derselben Rasse oder Völkergruppe angehören, sind sie immer weit von derselben verschieden; und zwar, kann man hinzusetzen, in der Regel weiter als die entsprechenden festländischen Abzweigungen dieser Rasse oder Gruppe untereinander (Ratzel, I. c. s. 96.). (კუნძულების მცხოვრებნი ზოგ შემთხვევაში ძლიერ განსხვავდებიან უახლოესი მატერიკისა ან დიდი კუნძულების მოსახლეებისაგან; თუმცა, მაშინაც, როცა კუნძულის და კონტინენტის მოსახლეობა თავდაპირველად ერთსა და იმავე რასას ანდა ხალხთა ერთსა და იმავე ჯგუფს ეკუთვნიან, მაინც ძლიერ განსხვავდებიან ერთი-მეორისაგან; უფრო სწორედ, ჩვეულებრივად ისინი სულ სხვა რასებ წარმოადგენენ ურთი-ერთის მიმართ, ვიდრე ამ რასისა თუ ჯგუფის შესაფერისი კონტინენტალური განშტოებანი). აქ მეორდება იგივე კანონი, რასაც ადგილი აქვს ცხოველთა სახეების და სახესხვაობათა წარმოშობის დროს.

მინერალურ სასუქსაც. არაბების დროს ესპანეთისა და სიცილიის სამრეწველო აყვავების საიდუმლოება იმარხება მათ კანალიზაციაში<sup>1)</sup>.

ამრიგად, მხოლოდ გეოგრაფიული წრის ზოგი განსაკუთრებული თვისებების წყალობით ჩვენმა ანთროპომორფულმა წინაპრებმა შესძლეს გონებრივი განვითარების იმ სიმაღლის მიღწევა, რაც აუცილებელი იყო მათ გარდასაკცევად toolmaking animals-ად. და სწორედ ასევე იმავე გეოგრაფიული წრის მხოლოდ ზოგ თავისებურებას შეეძლო მოეცა „იარაღის კეთების“ ამ ახალი უნარის გამოყენებისა და მისი თანდათან გაუმჯობესების საშუალება. საწარმოო ძალთა განვითარების ისტორიულ პროცესში „იარაღის კეთების“ უნარი უნდა განვიხილოთ, პირველ ყოვლისა, როგორც მულმივი სიდიდე, ამ უნარის გამოყენებისათვის გარემომცველი პირობები-კი—როგორც მარად ცვალებადი სიდიდე<sup>2)</sup>.

სხვადასხვა საზოგადოების მიერ მიღწეულ რეზულტატებს (კულტურული განვითარების საფეხურებს) შორის განსხვავება აიხსნება სწორედ იმით, რომ სხვადასხვა ტომებს გარემომცველი პირობები ხელს უშლიდა ერთი და იმავე ზომით გამოეყენებიათ „გამოგონების“ უნარი. არსებობს ანთროპოლოგების სკოლა, რომელიც აღნიშნული რეზულტატების სხვადასხვაობას რასების სხვადასხვა თვისებას უკავშირებს. მაგრამ ამ სკოლის თვალსაზრისი ვერ უძლებს კრიტიკას: იგი წარმოადგენს ისტორიულ მოვლენათა ახსნის ძველი ხერხის მხო-

1) Marx, Das Kapital, dritte Auflage, 38. 524—526. სხოლიოში (გვ. 526) მარქსი უმატებს: „სახელმწიფო ხელისუფლების ერთ ბუნებრივ საფუძველთაგანს ინდოეთის საურთიერთო კავშირს მოკლებულ მცირე საწარმოო ორგანიზმებზე წარმოადგენდა წყლის გადიდების მოწესრიგება. ინდოეთის მაჰმადიანმა მულობელებმა ეს უკეთ გაიგეს, ვიდრე მათმა ინგლისელმა მემკვიდრეებმა“. ტექსტში მოყვანილი მარქსის ახრი შევადაროთ უახლესი გამოკვლევის შედეგს: „Unter dem, was die lebende Natur dem Menschen an Geben bietet, ist nicht der Reichtum an Stoffen, sondern der an Kräften, oder besser gesagt, Kräfteanregungen am höchsten zu schätzen“. Ratzel, L. cit. S. 343 (იმთ შორის, რასაც ცოცხალი ბუნება მუქთად აწვდის ადამიანს, ყველაზე უფრო უნდა ვაფასებდეთ არა -მატერიალურ დოვლათს, არამედ ენერჯიის წყაროს ანდა, უფრო სწორედ, იმას, რაც ჩვენ ძალთა დაძაბულობას იწვევს).

2) ჩვენ უნდა ვერიდოთ, —ამბობს ლახარ გაიგერი—რომ აზროვნებას მეტისმეტად დიდი მონაწილეობა არ მივაწეროთ იარაღის წარმოშობის საქმეში. პირველი, მეტის-მეტად მნიშვნელოვანი იარაღების აღმოჩენა მოხდა, რასაკვირველია, შემთხვევით ისე, როგორც უახლოესი დროის მრავალი დიდი აღმოჩენა. ისინი, რასაკვირველია, უფრო მოპოებულნი იყვენ, ვიდრე გამოგონილნი. ამ დასკვნამდე მე მივედი განსაკუთრებით იმ გარემოების გამო, რომ იარაღების სახელწოდება არასოდეს არ იწარმოება იმ მუშაობის სახელწოდებიდან, რომლითაც იგი დამზადე-

ლოდ ახალ ვარიაციას, რომელიც „ადამიანის ბუნებას“ მიმარჯავდა (აქ კი—რასის თვისებებს), და თავისი მეცნიერული სიღრმით არ წასულა მოლიერის იმ დოქტორზე უფრო შორს, რომელმაც ღრმა-განფიქრებით წარმოსთქვა: ოპიუმი აძინებს, რადგანაც მას ასეთი თვისება აქვს (რასა ჩამორჩა, რადგანაც მას ასეთი თვისება ახასიათებდა).

გარე ბუნებაზე მოქმედებით ადამიანი იცვლის თავის საკუთარ ბუნებას. ის ანვითარებს ყველა თავის უნარს და მათ შორის „იარაღის კეთების“ უნარსაც. მაგრამ ყოველ განსაზღვრულ დროს ამ უნარის ხარისხი დამოკიდებულია საწარმოო ძალთა განვითარების უკვე მიღწეულ დონეზე.

მაგრამ მას შემდეგ, რაც შრომის იარაღი წარმოების საგანი ხდება, თვით შესაძლებლობა ისე, როგორც მის დამზადებაში დახელოვნების ესა თუ ის ხარისხი, სავსებით დამოკიდებულია შრომის იმ იარაღებზე, რომლითაც იგი კეთდება. ეს ყველასათვის ცხადია ყოველი განმარტების გარეშეც. მაგრამ აი რა შეიძლება, მაგალითად, პირველი შეხედვით სრულიად გაუგებრად მოგვეჩვენოს: პლუტარქი მოგვითხრობს არქიმედის გამოგონებათა შესახებ რომაელების მიერ სირაკუზის სამხედრო გარემოცვის დროს და საკვიროდ თვლის ბოდიში მოჰხადოს გამომგონს: ფილოსოფოსს არ შეჰტერის, რასაკვირველია, ასეთი საქმისთვის ხელის მოკიდება, ფიქრობს იგი, მაგრამ

---

ბუღია, რომ მას (ე. ი. სახელწოდებას) არასოდეს არა აქვს გენეტიური ხასიათი არამედ დაკავშირებულია მათ გამოყენებასთან. მაგალითად, გერმანულ ენაში Schere (მაკრატელი), Säge (ხერხი), Hacke (წერაქვი) ისეთი საგნებია, რომელიც სკრის (scheeren), ხერხავს (sägen), აპობს (hacken). ენის ამ კანონს მით უფრო მეტი ყურადღება უნდა მიექცეს, რომ ისეთი საგნების სახელი, რომელნიც იარაღებს არ წარმოადგენენ, იწარმოება გენეტიურად, პასიურად იმ მასალის ან იმ მუშაობის სახელწოდებიდან, რომლიდანაც ან რომლის წყალობითაც იგინი იქმნებიან. მაგალითად, ტიკი, როგორც ღვინის ჩასასხამი ჭურჭელი, სხვადასხვა ენაზე თავდაპირველად ნიშნავდა ცხოველისაგან გამძვრალ ტყავს. გერმანულ Schlauch-ს შესაბამება ინგლისური S:ough—გველის ტყავი; ბერძნული ascos-ი ერთსა და იმავე დროს ჭურჭელსა და მხეცის ტყავსაც ნიშნავს. აქ, მაშასადამე, ენა სრულიად აშკარად გვიჩვენებს, თუ როგორ და რისგან არის დამზადებული ჭურჭელი, რასაც ტიკი ეწოდება. მაგრამ ამისი თქმა შეუძლებელია იარაღებზე; ისინიც—თუ ენას დავემყარებით—თავდაპირველად არ მზადდებოდენ; მაგალითად, პირველი დანა შესაძლებელია შემთხვევით ნაპოვნი წვეტიანი ქვა ყოფილიყო.“ I. Geiger. Die Urgeschichte der Menschheit im Lichte der Sprache. Mit besonderer Beziehung auf die Entstehung des Werkzeugs, s. s. 36—37. კრებულში: Zur Entwicklungsgeschichte der Menschheit. Stuttgart, 1878.

არქიმედს ამართლებს ის უმწეო მდგომარეობა, რომელშიც მისი სამშობლო იმყოფებოდაო. მაგრამ ვის მოუვა ეხლა აზრად ეძებოს ედი-სონის დანაშაულის შემამსუბუქებელი გარემოება? ეხლა ჩვენ სრულიად არ ვთვლით სასირცხოოდ მექანიკური აღმოჩენებისათვის ადამიანის მიერ თავის უნარის გამოყენებას. პირიქით. ბერძნები-კი (თუ გნებავთ, რომაელებიც), როგორც ვხედავთ, სულ სხვა აზრის იყვენ. სწორედ ამის გამო მექანიკური აღმოჩენებისა და გამოგონების საქმე გაცილებით უფრო ნელა უნდა წასულიყო—და კიდევაც ასე ხდებოდა—ვიდრე ჩვენ ეპოქაში. აქ თითქოს იმ დასკვნას ვლებულობთ, რომ შეხედულებანი მართავენ ქვეყანას. მაგრამ როგორ გაუჩნდა ბერძნებს ასეთი საკვირველი „შეხედულება“? მისი წარმოშობის ახსნა შეუძლებელია ადამიანის „გონების“ თვისებებით. დაგვრჩენია გავიხსენოთ მათი საზოგადოებრივი ურთიერთობანი. როგორც ვიცით, საბერძნეთისა და რომის საზოგადოება მონათმფლობელობას ემყარებოდა. ასეთ საზოგადოებაში მთელი ფიზიკური შრომა, წარმოების მთელი საქმე მონებს ეკისრება. თავისუფალი მოქალაქე შეუტრატებად თვლის ასეთ შრომას თავისთვის, და ამიტომაც ასეთ პირობებში ბუნებრივად წარმოიშობა ზიზღი უმნიშვნელოვანეს გამოგონებათა მიმართაც-კი, რომელნიც ეხებიან საწარმოო პროცესებს და, სხვათა შორის, მექანიკურ გამოგონებათა მიმართ. აი რატომ იყო, რომ პლუტარქი სულ სხვაგვარად უყურებდა არქიმედს, ვიდრე ჩვენ დღეს ედისონს ვუყურებთ<sup>1)</sup>. მაგრამ რატომ დამყარდა საბერძნეთში მონობა? იმიტომ ხომ არა, რომ ბერძნები თავიანთი „გონების“ ზოგი შეცთომების გამო მონურ წყობილებას საუკეთესოდ თვლიდნენ. სრულებითაც არა. იყო დრო, როცა ბერძნები მონობას არ იცნობდნენ და მაშინ ისინი სრულიადაც არ თვლიდნენ ბუნებრივად და აუცილებლად მონათმფლობელურ საზოგადოებრივ წესწყობილებას. მერე გაჩნდა საბერძნეთში მონობა და სულ უფრო და უფრო მნიშვნელო-

<sup>1)</sup> „დამარსებელნი (ამ მექანიკის)... იყვენ ველოქსი და არხიტი, რომლებმაც გეომეტრიას მრავალფეროვანი და საინტერესო შინაარსი მისცეს და უარჩყვეს ამ მეცნიერების გრაფიკული წესით გამოუსახველი და განყენებული პრობლემები მისი (ე. ი. ამ მეცნიერების) უშუალოდ შესახების და ტექნიკურად მეტად მნიშვნელოვანი გამოყენებისათვის... და როცა პლატონმა უსაყვედურა მათ, რომ თქვენ აქარწყლებთ გეომეტრიის სიდიადეს, რომელიც თქვენს ხელში სცილდება უსხვეულო და განყენებულს და მიმართავს გრძობითს საგნებს, რომელიც უხეშ ხელოსნურ დამუშავებას მოითხოვსო, მაშინ მათემატიკიდან განდევნილი მექანიკა მოსცილდა მას; იგი დიდხანს ფილოსოფიის მხრით არ სარგებლობდა არავითარი ყურადღებით და სამხედრო ხელოვნების ერთ-ერთ დანართ მეცნიერებად იქცა. Plutarchi VITA MARCELLI, edit. Teubneriana C. Sintenis. Lipsiae. 1883, Cap. XIV, pp. 135-6.

როგორც მკითხველი ხედავს, პლუტარქის ეს აზრი მაშინდელ დროში არც ისე ახალი იყო.

ვან ფაქტად იქცა ბერძენთა ცხოვრებაში. მაშინ შეიცვალა ბერძენ მოქალაქეთა თვალსაზრისი მასზე, და იწყეს მისი დაცვა როგორც ბუნებრივისა და აუცილებელი დაწესებულების. მაგრამ რატომ გაჩნდა და განვითარდა საბერძენეთში მონობა? უთუოდ იმავე მიზეზის გამო, რომლის მიხედვითაც წარმოიშვა და განვითარდა იგი სხვა ქვეყნებშიც მათი საზოგადოებრივი განვითარების განსაზღვრულ საფეხურზე. ეს მიზეზი-კი ცნობილია: საწარმოო ძალთა მდგომარეობა. მართლაც, რომ ტყვედ წამოყვანილი მტრის მონად გარდაქცევა უფრო ხელსაყრელი გახდეს, ვიდრე მისი შექმა, საჭიროა, რომ მონის იძულებითმა შრომამ მისცეს საზრდო არა მარტო მას, არამედ, ნაწილობრივ მაინც, მის პატრონსაც, ე. ი. საჭიროა, დამპყრობელის საწარმოო ძალთა განვითარების განსაზღვრული ხარისხი. სწორედ ამ კარებით შემოვიდა მონობა ისტორიაში. მონური შრომა ძალიან ნაკლებად უწყობს ხელს საწარმოო ძალთა განვითარებას; იმის დროს იგი მეტის-მეტად ნელა ვითარდება, მაგრამ მაინც ვითარდება, და ბოლოს დგება ისეთი მომენტი, როცა მონის შრომის ექსპლოატაცია უფრო ნაკლებად ხელსაყრელია, ვიდრე ექსპლოატაცია თავისუფალი შრომისა. ამ მომენტიდან მონობა უქმდება ან თანდათან ჰქრება. მას აცილებს ისტორიის კარებამდე სწორედ საწარმოო ძალთა ის განვითარება, რომელმაც შემოიყვანა იგი ისტორიაში<sup>1)</sup>. ამრიგად, ვუბრუნდებით პლუტარქს და ვხედავთ, რომ მისი შეხედულება არქიმედის გამოგონებაზე გამოწვეული იყო მისი დროის საწარმოო ძალთა მდგომარეობით. და რადგანაც ასეთ შეხედულებას უეჭველად დიდი გავლენა აქვს გამოგონებათა და აღმოჩენების შემდეგ მსვლელობაზე, ამიტომ ჩვენ მით უფრო მეტი საფუძველი გვაქვს ვთქვათ, რომ ყოველი ხალხის სა-

1) ცნობილია, რომ დიდი ხნის განმავლობაში რუს გლეხებს თითონვე შეეძლოთ ჰყოლოდათ და ხშირად ჰყვებოდნენ კიდეც ყმები. ყმის მდგომარეობა შეუძლებელია სასიამოვნო ყოფილიყო გლეხისათვის. მაგრამ რუსეთის საწარმოო ძალთა მაშინდელი მდგომარეობის პირობებში, არც ერთი გლეხი არ ჩათვლიდა ამ მდგომარეობას არანორმალურად. საკმაო თანხის დაგროვების შემდეგ იგი სწორედ ისევე დააპირებდა ყმების ყიდვას, როგორც მონობისგან განთავისუფლებული რომელიმე მიისწრაფოდა მონებზე. სპარტაკის ხელმძღვანელობით აჯანყებული მონები ებრძოდნენ არა მონობას, არამედ თავიანთ ბატონებს; მათ რომ თავისუფლდებოდნენ, ხელსაყრელ პირობებში, თითონვე სრულიად დამუშავებული სინდისით მონათმფლობელები გახდებოდნენ. უნებლიეთ მაგონდება ამ დროს, თავისებური მნიშვნელობით, რასაკვირველია, შელინგის სიტყვები: თავისუფლება აუცილებელი უნდა იყოს. ისტორია გვასწავლის, რომ თავისუფლების ყოველგვარი სახე მხოლოდ იქ ჩნდება, სადაც იგი ეკონომიურად აუცილებელია.

წარმოა ძალთა შემდეგი განვითარება მისი ისტორიის განსაზღვრულ პერიოდში დამოკიდებულია ამ პერიოდის საწარმოო ძალთა მდგომარეობაზე.

თავისთავად ცხადია, რომ ყოველგან, სადაც ადგილი აქვს აღმოჩენასა და გამოგონებას, ჩვენ საქმე გვაქვს „გონებასთანაც“. შეუძლებელია აღმოჩენებს ადგილი ჰქონოდათ გონების გარეშე ისე, როგორც ეს შეუძლებელი იყო დედა-მიწაზე ადამიანის წარმოშობამდე. მოძღვრება, რომელსაც ჩვენ ეხლა ვალაგებთ, სრულიად არ უშვებს მხედველობიდან გონების მნიშვნელობას. ის მხოლოდ ცდილობს ახსნას, თუ ყოველ განსაზღვრულ დროს გონება რატომ ასე მოქმედებდა, და არა ხსვავარად. იგი გონების მიღწევებს კი არ უარჰყოფს, არამედ ცდილობს გამოუნახოს მას საკმაო მიზეზი.

ამავე მოძღვრების წინააღმდეგ ამ უკანასკნელ ხანებში დიდი ხალისით მოჰყავთ მეორე საბუთიც, რომლის დალაგებას ბ. კარევეს მივანდობთ:

„ღროთა განმავლობაშიო,—ამბობს ეს მწერალი (მას შემდეგ, რაც მან დიდი ვაი-ვაგლახით დაალაგა ენგელსის ისტორიული ფილოსოფია)—ენგელსმა შეაგსო თავისი თვალსაზრისი ახალი მოსაზრებით, რომელმაც არსებითი ცვლილება შეიტანა მასში. თუ წინედ რგი ისტორიის მატერიალური გაგების საფუძველად მხოლოდ საზოგადოების ეკონომიური სტრუქტურის გამოკვლევას აღიარებდა,—მან ბოლო ხანებში ასეთივე მნიშვნელობა საოჯახო წყობილების გამოკვლევასაც მიაკუთვნა. ეს გამოიწვია ახალმა შეხედულებამ საქორწინო და საოჯახო ურთიერთობათა პირველყოფილ ფორმებზე, რამაც იძულება ენგელსი მხედველობაში მიეღო არა მარტო პროდუქტთა წარმოების პროცესი, არამედ ადამიანთა თაობის ხელახლად წარმოშობის პროცესიც. ამ შემთხვევაში გავლენა მოახდინა მასზე განსაკუთრებით მორგანის „Ancient Society“-მ<sup>1)</sup>, და სხვ...“

ამრიგად, თუ წინედ ენგელსი „ისტორიის მატერიალური (?) გაგების საფუძველად საზოგადოების ეკონომიური სტრუქტურის გამოკვლევას თვლიდა, შემდეგ, „მან თანაბარი მნიშვნელობა აღიარა“ და სხვ. და, არსებითად, ხელი აიღო „ეკონომიურ“ მატერიალისტობაზე. ბ. კარევეი ამ ამბავს პირუთვნელი ისტორიკოსის კილოთი მოგვითხრობს, ხოლო ბ. მიხაილოვსკი ამის გამო „სიხარულით ცას წვდება“, მაგრამ ისინი, არსებითად, ერთსა და იმავეს ლაპარაკობენ და იმეორებენ იმას, რაც მათზე უფრო ადრე გერმანელმა მეტის-მეტად ზე-

<sup>1)</sup> იხ. „Экономический материализм в истории“. „Вестн. Евр“. აგვისტო, 1894 წ. გვ. 601.

რელე მწერალმა ვეიზენგრიუნმა თავის წიგნში: „Entwicklungsgesetze der Menschheit“ გამოთქვა.

სრულიად ბუნებრივია, რომ ისეთი შესანიშნავი ადამიანი, როგორც იყო ენგელსი, რამდენიმე ათეული წლის განმავლობაში ყურადღებით აკვირდებოდა თავისი დროის მეცნიერულ მოძრაობას და არსებითად „ავსებდა“ თავის შეხედულებას კაცობრიობის ისტორიაზე. მაგრამ არის შევსებაც და შევსებაც, როგორც არის „fagot et fagut,“ ამ შემთხვევაში მთელი საკითხი ის არის, შეიცვალა თუ არა ენგელსის თვალსაზრისი ასეთი „შევსების“ გამო. მართლა იძულებული გახდა თუ არა იგი ეცნო „წარმოების“ განვითარებასთან ერთად მეორე, თითქოს პირველის „თანაბარის“ ფაქტორის მოქმედებაც? ამის პასუხი არ გაუძნელდება მას, ვისაც სურს ოდნავი ყურადღებით და სერიოზულად ჩაუკვირდეს მას.

სპილო ხანდახან ბუზებს ტოტით იგერებსო, ამბობს დარვინი. ამის გამო ჩვენ შევნიშნეთ, რომ მიუხედავად ამისა, ტოტი არ თამაშობს არავითარ არსებითს როლს სპილოს ცხოვრებაში და სპილო იმიტომ კი არ გახდა სპილო, რომ ტოტს ხმარობდა. მაგრამ სპილო მრავლდება. მამალ სპილოს განსაზღვრული დამოკიდებულება აქვს დედალ სპილოსთან. და ორივე თავის მხრით განსაზღვრულ დამოკიდებულებაში არიან შეილებთან. ცხადია, რომ „ტოტს“ არ შეუქმნია ეს დამოკიდებულება: იგი შექმნა ამ სახეობის ცხოვრების საერთო პირობებმა, სადაც „ტოტის“ მნიშვნელობა ისე უსასრულოდ მცირეა, რომ შეიძლება იგი სრულიად შეუცთომლად ნულს გაეუთანებროდ. მაგრამ წარმოიდგინეთ, რომ სპილოს ცხოვრებაში ტოტი სულ უფრო და უფრო დიდ მნიშვნელობას იძენს იმ მხრით, რომ იგი თან და თან აძლიერებს თავის გავლენას იმ საერთო პირობებზე, რომელზეც დამოკიდებულია სპილოს ყველა ჩვეულება და ბოლოს მთელი მისი არსებობაც. წარმოიდგინეთ, რომ ტოტმა ბოლოს გარდამწყვეტი გავლენა მოიპოვა ამ პირობების შექმნის საქმეში, — მაშინ უნდა აღვიაროთ, რომ იმით განისაზღვრება საბოლოოდ მამალი სპილოს დედალი სპილოსადმი და ორივესი შეილები-სადმი დამოკიდებულება. ამ შემთხვევაში უნდა აღვიაროთ, რომ იყო დრო, როცა სპილოს „ოჯახური“ ურთიერთობა ვითარდებოდა დამოუკიდებელივ (ე. ი. ტოტის გავლენის გარეშე), მაგრამ შემდეგ დადგა ისეთი დრო, როცა მათი განსაზღვრა იწყო „ტოტმა“. არის რაიმე უცნაური ასეთ აღიარებაში? სრულიად არაფერი, გარდა იმ უცნაური ჰიპოტეზისა, რომლის თანახმად ტოტი ასე მოულოდნელად იძენს გარდამწყვეტ მნიშვნელობას სპილოს ცხოვრებაში. ჩვენ



თითონვე ძალიან კარგად ვიცით, რომ სპილოს მიმართ ეს ჰიპოტეზა შეუძლებელია უცნაურად არ მოგვეჩვენოს; მაგრამ კაცობრიობის ისტორიის მიმართ — საქმე სულ სხვაგვარადაა.

ადამიანი თანდათან გამოეყო ცხოველთა სამეფოს. იყო დრო, როცა ადამიანის მსგავსი ჩვენი წინაპრების ცხოვრებაში იარაღები ისეთსავე უმნიშვნელო როლს ასრულებდა, როგორსაც ასრულებს ტოტი სპილოს ცხოვრებაში. ამ მეტად გრძელი დროის განმავლობაში ადამიანის მსგავსის ორივე სქესის ურთიერთი დამოკიდებულება და აგრეთვე მათი დამოკიდებულება თავიანთი შვილებისადმი განისაზღვრებოდა ამ სახეობის არსებობის საერთო პირობებით, რომელსაც არავითარი კავშირი არ ჰქონდა შრომის იარაღებთან. რაზე იყო მაშინ დამოკიდებული ჩვენი წინაპრების „ოჯახური“ ურთიერთობა? ეს ნატურალისტებმა უნდა ახსნან. იგი ისტორიკოსის კვლევის საგანი არაა. მაგრამ აი იარაღები იძენს თანდათან დიდ მნიშვნელობას ადამიანის ცხოვრებაში, საწარმოო ძალები სულ უფრო და უფრო ვითარდება და დგება ბოლოს ისეთი მომენტიც, როცა ისინი იძენენ გარდამწყვეტ გავლენას საზოგადოებრივს, ე. ი. სხვათა შორის, ოჯახურ ურთიერთობათა წყობაზეც. აქ უკვე ისტორიკოსის საქმე იწყება: მან უნდა ახსნას, როგორ და რატომ იცვლებოდა ჩვენი წინაპრების ოჯახური ურთიერთობა საწარმოო ძალთა განვითარებასთან ერთად, როგორ ვითარდებოდა ოჯახი ეკონომიურ ურთიერთობათა ზეგავლენით. მაგრამ აშკარაა, თუ იგი ასეთ ახსნას იკისრებს, პირველყოფილი ოჯახის შესწავლის დროს მან ანგარიში უნდა გაუწიოს არა მარტო ეკონომიას: ადამიანები აკი მრავლდებოდენ მანამდეც, სანამ იარაღები ადამიანის ცხოვრებაში გარდამწყვეტ მნიშვნელობას მოიპოვებდა; ამ ხანამდე აკი არსებობდა ერთგვარი ოჯახური ურთიერთობა, რომელიც ისაზღვრებოდა homo sapiens-ის სახეობის არსებობის საერთო პირობებით. არსებითად რა უნდა გააკეთოს აქ ისტორიკოსმა? ჯერ ერთი — მან ამ სახეობის ფორმულიარული ცხრილისთვის უნდა მიმართოს ნატურალისტს, რომელიც ანდობს მას ადამიანის განვითარების შემდეგს შესწავლას. მეორე, მას მოუხდება ამ ცხრილის შევსება „საკუთარი საშუალებით“. სხვა სიტყვებით, მან უნდა აილოს „ოჯახი“ იმ სახით, როგორითაც იგი, ვთქვათ, ადამიანის განვითარების ზოოლოგიურ პერიოდში შეიქმნა, და შემდეგ უნდა ცხადჰყოს, თუ რა ცვლილებები განიცადა მან ისტორიული პერიოდის განმავლობაში საწარმოო ძალთა განვითარების ზეგავლენით, ეკონომიურ ურთიერთობათა ცვლილებით. აი სწორედ მხოლოდ ამას ამბობს ენგელსი. და ჩვენ ვკითხულობთ: როცა იგი ამას ამ-

ბობს, სცელის თუ არა ოდნავად მაინც თავია „თავდაპირველ“ შეხედულებას საწარმოო ძალთა მნიშვნელობაზე კაცობრიობის ისტორიაში? აღიარებს თუ არა იგი ამ ფაქტორის მოქმედებასთან ერთად, სხვა რომელიმე, მისი „თანაბარმნიშვნელობის“ ფაქტორის მოქმედებას? ვფიქრობთ, რომ არაფერს არ სცელის, არაფერს ასეთს არ აღიარებს. თუ ეს ასეა, მაშ რად მსჯელობენ მისი თვალსაზრისის შეცვლაზე ბ. ბ. ვეიზენგრიუნი და კარევეი, რად ზეიმობს ბ. მიხაილოვსკი?—თავიანთი გონების სიმჩატის გამო.

მაგრამ დაუშვებელია ოჯახის ისტორიის ახსნა ეკონომიურ ურთიერთობათა ისტორიით, თუ გინდ იმ პერიოდის განმავლობაშიც, რომელსაც თქვენ ისტორიულ პერიოდს უწოდებთ,—ეროვნად გაჰკვივან ჩვენი მოწინააღმდეგენი. დასაშვებია თუ არა ასეთი ახსნა, ეს კიდევ სადაოა, ვიტყვი ბ. მიხაილოვსკის სიტყვებით. და ჩვენც უარს არ ვამბობთ თქვენთან დავაზე, მაგრამ მხოლოდ ერთი პირობით, ბატონებო: დავის დროს მოიქეციტ სერიოზულად, გულდასმით ჩაუფიქრდით ჩვენი სიტყვების მნიშვნელობას, ნუ მოგვაწეროთ თქვენს მიერვე შეთხზულ აზრს და ნუ აჩქარდებით აღმოგვიჩინოთ ისეთი წინააღმდეგობა, რომელიც არც ჩვენ გვაქვს და არც ჩვენ მასწავლებლებს ჰქონიათ. თანახმა ხართ? კეთილი! ვიდავოთ.

შეუძლებელია ოჯახის ისტორიის ახსნა ეკონომიურ ურთიერთობათა ისტორიით, ამბობთ თქვენ: ასეთი ახსნა ვიწროა, ცალმხრივი და არამეცნიერულიო. ჩვენ ვამტკიცებთ წინააღმდეგს და დასამოწმებლად მივმართავთ სპეციალისტ მკვლევარებს.

თქვენ, რასაკვირველია, იცნობთ ჟირო-ტელონის წიგნს: *Les origines de la famille?* ჩვენ ვშლით ამ თქვენთვის ცნობილ წიგნს და იქ, მაგალ., ასეთ ადგილს ვპოულობთ:

„მიზეზი, რომელმაც პირველყოფილ ტომში (ჟირო-ტელონი ამბობს „ურდოში“: *de la horde*) განცალკევებული ოჯახური ჯგუფების წარმოშობა გამოიწვია, როგორც ჩანს, ამ ტომის სიმდიდრის ზრდასთანაა დაკავშირებული. რომელიმე პურეული მცენარის აღმოჩენას ან მის შემოღებას ხმარებაში, ცხოველის რომელიმე ახალი სახის მოშინაურებას შეეძლო პირველყოფილი საზოგადოების ძირეული ცვლილების საკმაო მიზეზი ყოფილიყო. ცივილიზაციის ყველა დიდი წარმატება ყოველთვის დაკავშირებული იყო მოსახლეობის ეკონომიური ყოფა-ცხოვრების ღრმა ცვლილებებთან“ (გ. 138<sup>1</sup>).

ქვემოთ:

<sup>1</sup>) ეს ციტატა მოგვყავს 1874 წლის ფრანგული გამოცემიდან.

როგორც ჩანს, მდებრობითი ნათესაობის სისტემიდან მამრ-ბითს ნათესაობის სისტემაზე გადასლა აღინიშნა იურიდიული ხასიათის შეხლა-შემოხლთ საკუთრების უფლების საფუძველზე“ (გვ. 141).

უფრო ქვევით: „ოჯახის ორგანიზაცია, სადაც მამის უფლება სქარბობს, მე მგონია, ყოველგან გამოწვეული იყო იმდენადვე მარტივი, რამდენადაც სტიქიური ძალით... საკუთრების უფლების მოქმედებით“ (გვ. 146).

თქვენ იცით, რასაკვირველია, თუ რა მნიშვნელობას აწერს მაკ-ლენანი პირველყოფილი ოჯახის ისტორიაში მდებრობითი სქესის ბავშების დახოცვას? როგორც ვიცით, ენგელსი ძალიან უარყოფითად უყურებდა მაკ-ლენანის გამოკვლევებს: მაგრამ ამ შემთხვევაში მით უფრო საინტერესოა ჩვენთვის გავეცნოთ მაკ-ლენანის თვალსაზრისს იმ მიზეზის შესახებ, რომელმაც გამოიწვია ბავშების ხოცვა, რამაც თითქოს ასეთი გარდამწყვეტი გავლენა იქონია ოჯახის ისტორიაზე.

„ტენნიკის სუსტი განვითარების დროს მტრებით გარემოცული თემისთვის, რომელიც ძლივს-ძლივობით ახერხებს თავისი არსებობის შენარჩუნებას, ვაჟები წარმოადგენენ ძლიერების წყაროს როგორც თავდაცვის, ისე საზრდოს მოპოების მხრით, ქალიშვილები-კი—სისუსტის წყაროს“<sup>1)</sup>.

რამ გამოიწვია, მაკ-ლენანის აზრით, პირველყოფილი თემების მიერ მდებრობითი სქესის ბავშების დახოცვა? საარსებო საშუალებათა ნაკლებობამ, საწარმოო ძალთა სისუსტემ, რადგან ამ თემებს რომ საკმაო საზრდო ჰქონოდათ,—უთუოდ, თავიანთი ქალიშვილების დახოცვას არ მიმართავდენ იმ შიშის გამო, თითქოს ოდესღაც მტრები თავს დაგვესხმიან, მოჰკლავენ მათ ან ტყვეთ წაიყვანენო.

ვიმეორებთ, ენგელსი არ იზიარებს მაკ-ლენანის თვალსაზრისს ოჯახის ისტორიაზე, და ჩვენც იგი სრულიად არადაამკმაყოფილებლად მიგვაჩნია; მაგრამ აქ ჩვენთვის საინტერესოა ის, რომ მაკ-ლენანიც იმავე ცოდვას იღენს, რასაც ენგელსს უსაყვედურებენ: ისიც საოჯახო ურთიერთობათა ისტორიის ახსნას საწარმოო ძალთა მდგომარეობაში ეძებს.

საკვიროა თუ არა განვავრძოთ ციტატების ამოწერა, დავიმოწმოთ ლიპერტი, მორგანი? ჩვენ არ ვსცნობთ ამას საკვიროდ: ვისაც წაუკითხავს ეს ავტორები იცის, რომ ამ მხრით ისინი ისეთივე ცოდვილნი არიან, როგორიც მაკ-ლენანი ანდა ენგელსი. ამ შემთხვევაში, როგორც

<sup>1)</sup> Studies in ancient history,—primitive marriage, By. John Ferg. MacLennan, 83, 75.

ვიცი, სრულიად უცოდველი არც სპენსერია, რომლის სოციოლოგიურ შეხედულებას, თუმცა, არაფერი აქვს საერთო „ეკონომიურ მატერიალიზმთან.“

შეუძლიანთ ეს უკანასკნელი გარემოება გამოიყენონ პოლემიკური მიზნისთვის და გვითხრან: აი, ხედავთ! მაშასადამე, შესაძლებელია მარქსსა და ენგელსს ეთანხმებოდე რაიმე ცალკე საკითხში და იმავე დროს არ იზიარებდე მათ ზოგად ისტორიულ თეორიას! რასაკვირველია, შესაძლებელია. მთელი საკითხი ის არის, ვის მხარეზე იქნება ლოლიკა.

განვაგრძოთ.

ოჯახის განვითარების მიზეზი საკუთრების უფლების განვითარებააო—ამბობს ჟირო-ტელონი, და ამასთანავე უმატებს, რომ საზოგადოდ ცივილიზაციის ყოველი წარმატება დაკავშირებულია ეკონომიური ყოფა-ცხოვრების ცვლილებებთანო. მკითხველმა ალბად თითონაც შენიშნა, რომ ჟირო-ტელონის ტერმინოლოგია სავსებით სწორი არაა: იგი „საკუთრების უფლებას“ და „ეკონომიურ ყოფა ცხოვრებას“ თითქმის ერთი და იმავე მნიშვნელობით ხმარობს. მაგრამ „უფლება“ სხვა ცნებაა და „ეკონომია“ კიდევ სხვა, საჭიროა ეს ორი ცნება ერთი-მეორიდან განვასხვაოთ. საიდან გაჩნდა საკუთრების ესა თუ ის უფლება? იქნებ იგი განსაზღვრული საზოგადოების ეკონომიის ზეგავლენით წარმოიშვა (სამოქალაქო სამართალი ყოველთვის ეკონომიურ ურთიერთობათა გამოხატულებაო—ამბობს ლასალი), ანდა შეიძლება იგი სრულიად სხვა მიზეზმა წარმოშვა. აქ საჭიროა განვაგრძოთ ანალიზი და არა შევსწყვიტოთ იგი სწორედ იმ მომენტში, როცა ის განსაკუთრებით ღრმა, მეტისმეტად საინტერესოა ხდება.

ჩვენ უკვე დავინახეთ, რომ რესტავრაციის დროის ფრანგმა ისტორიკოსებმა ვერ ჰპოვეს საკუთრების უფლების წარმოშობის საკითხის დამაკმაყოფილებელი პასუხი. ბ. კარეევი თავის წერილში: „Экономический материализм в истории“ ეხება გერმანულს სამართლის ისტორიულ სკოლას. არ იქნება უადგილო ჩვენც გავიხსენოთ ამ სკოლის თვალსაზრისი.

აი რას ამბობს ამ სკოლაზე ჩვენი პროფესორი: „როცა მიმდინარე საუკუნის დასაწყისში გერმანიაში ეგრეთწოდებული „სამართლის ისტორიული სკოლა“ წარმოიშვა, რომელმაც იწყო სამართლის განხილვა არა როგორც იურიდიულ ნორმათა უძრავი სისტემა, — როგორც ის წარმოდგენილი ჰქონდათ ძველ იურისტებს, — არამედ როგორც მოძრავი, ცვალებადი და განვითარებაში მყოფი მოვლენა, მაშინ გამოაშქარავედა ამ სკოლის ძლიერი ტენდენცია დაეპირდა-

პირებია ისტორიული, როგორც ერთად ერთი სწორი თვალსაზრისი სამართალზე ყველა ამ დარგში შესაძლებელი თვალსაზრისისთვის. ისტორიულ შეხედულებას არასოდეს არ მიაჩნდა შესაძლებლად ისეთი მეცნიერული კვშიარიტებების არსებობა, რომელიც მისაღები იქნებოდა ყველა დროისთვის, ე. ი. იმის არსებობა, რასაც ახალი მეცნიერების ენაზე ზოგადი კანონები ეწოდება, და თითქმის პირდაპირ უარყოფდა ამ კანონებს და მასთან ერთად სამართლის ზოგად თეორიასაც იმ იდეის სასარგებლოდ, რომ სამართალი ადგილობრივ პირობებზეა დამოკიდებული. ეს დამოკიდებულება, რასაკვირველია ყოველგან და ყოველთვის არსებობს, მაგრამ არ უარყოფს ყველა ხალხისთვის საერთო პრინციპებს<sup>(1)</sup>).

ამ რამდენსამე სტრიქონში არის ძალიან ბევრი...—ასე ვთქვით, უსწორობა, რომლის გამო პროტესტს განაცხადებდნენ ისტორიული სკოლის მიმდევრები და წარმომადგენლები. მაგალითად, ისინი იტყოდნენ: როცა ბ. კარეევი ჩვენ იმის უარყოფას გვაწერს რასაც მეცნიერების ენაზე ზოგადი კანონის სახელი ეწოდება—“იგი ან განზრახ ამახინჯებს ჩვენ შეხედულებას, ან და „ისტორიოსოფისათვის“ სრულიად სამარცხეინოდ ვერ ერკვევა ცნებებში, როცა იგი ერთი-მეორეში ურევს იმ „კანონებს“, რომელნიც სამართლის ისტორიის სფეროს ეკუთვნიან და იმათ, რომელნიც ადამიანთა საზოგადოების ისტორიულ განვითარებას განსაზღვრავენ. ამ უკანასკნელი სახის კანონების არსებობის უარყოფა არასოდეს არ უფიქრია ისტორიულ სკოლას, იგი სწორედ ასეთი კანონების აღმოჩენას ლაშობდა, თუმცა მისი შრომა წარმატებით არ დასრულებულა. მაგრამ ამისი მიზეზი მეტის მეტად საგულისხმოა, და რომ ბ. კარეევს თავი შეეწუხებინა ამ მიზეზის გასაგებად, —ვინ იცის? შესაძლებელია, ბოლოს, მისთვისაც ნათელი გამხდარიყო „ისტორიული პროცესის არსი“.

XVIII საუკუნეში იყო მიდრეკილება სამართლის ისტორია „კანონმდებლის“ მოქმედებით აეხსნათ. ისტორიული სკოლა დაუნდობლად შეებრძოლა ამ მიდრეკილებას. ჯერ კიდევ 1814 წელს ხაფინიშ<sup>(21)</sup> ასე გამოთქვა ახალი თვალსაზრისი: „მთელი ეს თვალსაზრისი აი რაში მდგომარეობს: ყოველი სამართალი წარმოიშობა იმისგან, რასაც ჩვეულებრივი, მაგრამ არა საესეებით სწორი გამოთქმით ადათებრივი სამართალი ეწოდება, ე. ი. პირველად იგი წარმოიშობა ხალხის ადათით და რწმენით, შემდეგ—კი უკვე იურისპრუდენცი-

<sup>1)</sup> «Вестник Европы»—ივლისი 1894 წ. გვ. 12

ით. ამრიგად, იგი ყოველგან შინაგანი, უხილავად მომქმედი . ძალით იქმნება და არა კანონმდებლის თვითნებობით“ <sup>1)</sup>

შემდეგ სავინიმ ეს თვალსაზრისი განავითარა თავის შესანიშნავ თხზულებაში: „System des heutigen römischen Rechts“. დადებითი სამართალიო, ამბობს იგი აქ,--ცხოვრობს ხალხის საერთო ცნობიერებაში, და ამიტომ, შეგვიძლია მას ხალხური სამართალიც ვუწოდოთ... მაგრამ არავითარ შემთხვევაში ეს ისე არ უნდა გავიგოთ, თითქოს სამართალი შექმნილი იყოს თვითნებითად ხალხის თითოეული ცალკე წევრების მიერ... დადებითი სამართალი იქმნება ხალხის სულით, რომელიც ცალკე წევრებში ცხოვრობს და მოქმედებს, და ამიტომ იგი (დადებითი სამართალი) შემთხვევითი მოვლენა როდია, იგი აუცილებლობის გამო ცალკე წევრების (ცნობიერებაში ერთსა და იმავე სამართალს წარმოადგენს. <sup>2)</sup>

„თუ სახელმწიფოს წარმოშობის მიზეზის გაგებას განვიზრახავთ, განაგრძობს სავინი,--საქიროა ამისათვის ისე მოვიქცეთ, როგორც საზოგადოდ სამართლის წარმოშობის ახსნის დროს ვიქცევით, ე. ი. ავხსნათ იგი მალალი აუცილებლობით, პლასტიური ძალის შინაგანი მოქმედებით; და ჩვენ ვამბობთ ამას არა მარტო საზოგადოდ სახელმწიფოს არსებობის შესახებ, არამედ იმ განსაკუთრებულ სახეზეც, რომელსაც ყოველი ხალხის სახელმწიფო ღებულობს“ <sup>3)</sup>

სამართალი ისეთივე „უხილავი გზით“ წარმოიშობა, როგორც თაც ენა, და ცხოვრობს ხალხის საერთო ცნობიერებაში არა „განყენებული წესების სახით, არამედ როგორც იურიდიული ინსტიტუტების ორგანიული მთლიანობის ცოცხალი წარმოდგენა. ასე რომ, როცა საქიროა, განყენებული წესი ერთგვარი ხელოვნური პროცესის მეშვეობით (durch einen Künstlichen Prozess) გამოეყოფა თავისი ლოლიკური ფორმით ამ საერთო წარმოდგენას“. <sup>4)</sup>

აქ ისტორიული სკოლის პრაქტიკული მისწრაფებანი სრულიად არ გვაინტერესებს; რაც შეეხება მის თეორიას,--უკვე ჩვენ

---

<sup>1)</sup> Vom Beruf unserer Zeit für Gesetzgebung und Rechtswissenschaft. Von D. Fridrich Carl von Savigny. Dritte Auflage. Heidelberg. 1840 (პირველი გამოცემა 1814 წ.) გვ. 14.

<sup>2)</sup> Erster Band, გვ. გვ. 14—15. (ბერლინის გამოცემა 1840 წ.)

<sup>3)</sup> Ibidem, გვ. 22

<sup>4)</sup> ibid, გვ. 16

მიერ მოყვანილი საეინის სიტყვებიდან შეგვიძლია დავასკვნათ, რომ იგი (თეორია) წარმოადგენდა:

1. რეაქციას XVIII საუკუნეში იმ გავრცელებული შეხედულებების წინააღმდეგ, რომლის მიხედვით სამართალი ცალკე პირთა („კანონმდებელთა“) თვითნებობით იქმნება; სამართლის ისტორიის მეცნიერული ახსნის, ამ ისტორიის, როგორც აუცილებელის და ამიტომ კანონზომიერი პროცესის, გაგების ცდას.

2. ამ პროცესის ახსნის ცდას წმინდა იდეალისტური თვალსაზრისით: „ხალხის სული“, „ხალხის ცნობიერება“ ის საბოლოო ინსტანცია იყო, რომელსაც სამართლის ისტორიული სკოლა მიმართავდა.

ამ სკოლის თვალსაზრისის იდეალისტურ ხასიათს პუხტა<sup>(32)</sup> უფრო მკვეთრად გამოთქვამს.

პირველყოფილი სამართალი, როგორც პუხტას, ისე საეინის აზრით, არის ადათებრივი სამართალი. მაგრამ როგორ წარმოიშობა ეს უკანასკნელი? ხშირად გამოთქვამენ აზრს, თითქოს იგი საყოველღეო პრაქტიკით (L'usage) იქმნებოდეს, მაგრამ ეს კერძო შემთხვევაა მატერიალისტური თვალსაზრისისა ხალხის წარმოდგენათა წარმოშობაზე. „მართალია სწორედ საწინააღმდეგო თვალსაზრისი. საყოველღეო პრაქტიკა მხოლოდ უკანასკნელი მომენტი, იმით მხოლოდ გამოიხატება და განხორციელდება უკვე წარმოშობილი სამართალი, რომელიც ამა თუ იმ ხალხის წევრთა შეხედულებაში ცხოვრობს. ჩვეულება გავლენას ახდენს შეხედულებაზე მხოლოდ იმ მხრით, რომ იგი ამ გავლენის გამო უფრო შეგნებული და უფრო მტკიცე ხდება.“<sup>1)</sup>

ამრიგად, ხალხის შეხედულება ამა თუ იმ სამართლებლივ ინსტიტუტზე იქმნება საყოველღეო პრაქტიკისგან დამოუკიდებლად, „ჩვეულებაზე“ უფრო ადრე. მაგრამ საიდან ჩნდება ეს შეხედულება? იგი გამოდის ხალხის სულის სიღრმიდან. ამა თუ იმ ხალხის სამართლებლივი წარმოდგენის განსაზღვრული ხასიათი დამოკიდებულია ამ ხალხის სულის თავისებურებაზე. ეს ახსნა ძლიერ ბუნდოვანია, ისე ბუნდოვანი, რომ მასში არაა მეცნიერული ახსნის ნასახიცი. პუხტა თი-

---

<sup>1)</sup> Cursus der Institutionen. Erster Band. Leipzig, 1841 გვ. 31. სხოლიო-ში პუხტა მკაცრად ილაშქრებს ეკლექტიკოსების წინააღმდეგ, როზელნიც ლაშობენ შეარიგონ ერთი-მეორის საწინააღმდეგო თვალსაზრისი სამართლის წარმოშობაზე, და ისეთი გამოთქმებით ილაშქრებს, რომ უნებლიეთ დაეკითხები თავს: ხომ არ გაუთვალისწინებია მას ბ. კარეევის მოვლენება? მაგრამ, მეორეს მხრით, უნდა აღვნიშნოთ ისიც, რომ პუხტას დროს გერმანიაში საკმაოდ ბევრი ეკლექტიკოსი იყო: სხვაზე რა მოგახსენოთ, მაგრამ ასეთი კჟუის ხალხი-კი ყოველგან და ყოველთვის უზვად არის.

თონაც გრძნობს, რომ აქ საქმე სავსებით რიგზე არ არის, და ცდილობს გამოასწოროს იგი შემდეგი მსჯელობით: „სამართალი უხილავი გზით წარმოიშობა. ვის შეეძლო ეკისრა იმ გზების შესწავლა, რომელსაც ამ შეხედულების წარმოშობამდე, ჩასახვამდე, მის ზრდამდე, გაფუჭქენამდე, გამოჩენამდე მივყევართ? ისინი, ვინც ამას კისრულობდა, უმეტეს შემთხვევაში მცდარ წარმოდგენებს ემყარებოდნენ“<sup>1)</sup>)

„უმეტეს შემთხვევაშიო...“ მაშასადამე ყოფილან ისეთი მკვლევარიც, რომელნიც სწორ წარმოდგენებს ემყარებოდნენ. რა დასკვნამდე მივიდნენ ისინი ხალხის სამართლებლივ შეხედულებათა გენეზისის შესახებ? უნდა ვიფიქროთ, რომ ეს პუბტასათვის საიდუმლოდ დარჩა, რადგანაც იგი ხალხის სულის თვისებების უშინაარსო დამოწმების იქით ერთი ნაბიჯითაც ვერ მიდის წინ.

არაფერს არკვევს არც ჩვენ მიერ სავინის ზემომოყვანილი შენიშვნა იმის შესახებ, რომ სამართალი ხალხის საერთო ცნობიერებაში ცხოვრობს არა განყენებული წესების სახით, არამედ როგორც სამართლებლივ ინსტიტუტთა ორგანიული მთლიანობის ცოცხალი წარმოდგენა: და არაა ძნელი იმის გაგება, თუ რამ გამოიწვია სავინის ასეთი რამოდენადმე ბუნდოვანი გამოთქმა. თუ ჩვენ დაუშვებთ, რომ სამართალი ხალხის ცნობიერებაში „განყენებული წესების სახით“ არსებობს, ამით ჩვენ, ჯერ ერთი, შევეჯახებით იურისტების „საერთო ცნობიერებას“, რომელთაც ძალიან კარგად ესმით, თუ რა ძნელად ითვისებს ხალხი ამ განყენებულ წესებს. მეორე, სამართლის წარმოშობის ჩვენი თეორია მეტისმეტად უცნაურ სახეს მიიღებს. იგი შემდეგ დასკვნამდე მიგვიყვანდა: განსაზღვრული ხალხის წევრები, სანამ ისინი ერთი-მეორესთან რაიმე პრაქტიკულ ურთიერთობაში შევიდოდნენ, სანამ ცხოვრების რაიმე პრაქტიკულ გამოცდილებას მიიღებდნენ, იმუშაებენ გარკვეულ ცნებებს და ამ ცნებებით მომარაგებული, როგორც მგზავრი პაქსიმადით, შედიან საყოველღეო პრაქტიკის სფეროში, გამოდიან ისტორიულ გზაზე. ამას, რასაკვირველია, არავენ არ დაიჯერებს, და აი ხავინი იცილებს თავიდან „განყენებულ წესებს“: სამართალი ხალხის ცნობიერებაში არის არა გარკვეული ცნებების სახით, იგი წარმოდგენს არა შზამზარეული კრისტალების კოლექციას, არამედ ცოტად თუ ბევრად გაქვითილ ხსნარს, რომლისგანაც, „როცა ეს საჭირო იქნება“, ე. ი. საყოველღეო პრაქტიკასთან შეჯახების დროს, დაილექება

<sup>1)</sup> ibid გვ. 28



საქირო იურიდიული კრისტალები. ასეთი მეთოდი არაა მოკლებული ერთგვარ გონებამახვილობას, მაგრამ ცხადია, რომ იგი ოდნავადაც არ გვაახლოებს მოვლენათა შეცნეირულ გაგებასთან.

ავილოთ მაგალითი.

რინკის სიტყვით, ესკიმოსებს თითქმის არცა აქვთ წესიერი საკუთრება, მაგრამ რამდენადაც მასზე ლაპარაკი შეიძლება, იგი არჩევს მის სამ სახეს:

1. რამდენიმე ოჯახის კავშირის საკუთრება, მაგალითად, საზამთრო საცხოვრებელი ბინა...

2. ერთი ან, სულ ბევრი, სამი მონათესავე ოჯახის საკუთრება, მაგალითად, საზაფხულო კარავი და ყველაფერი ის, რაც საოჯახო მეურნეობისათვის არის საჭირო: სანათი, კასრი, ხის ქურკლეულობა, ქვის ქილა და სხვ.; ნავი ან უმიაკი, რომლითაც გადააქვთ ყველა ჩამოთვლილი საგანი, მარხილი ძაღლებითურთ..., ბოლოს, საზამთრო სურსათის მარაგი.

3. ცალკე პირთა კერძო საკუთრება... ტანსამოსი, საქურველი და იარაღი, ანდა ყველაფერი ის, რასაც ადამიანი თითონ პირადად მოიხმარს. ამ ნივთებს რალაც საიდუმლო კავშირსაც-კი მიაწერენ მათ მესაკუთრებთან, რაც სულისა და სხეულის კავშირს გვაგონებს. ამ ნივთების ვისმეზე გაცემა არ არის დაშვებული ადათით<sup>1)</sup>.

საკუთრების ამ სამი სახის წარმოშობა წარმოვიდგინოთ სამართლის ძველი ისტორიული სკოლის თვალსაზრისით.

ვინაიდან, პუხტას სიტყვებით, შეხედულება წინ უსწრებს საყოველღეო პრაქტიკას და ჩვეულების საფუძველზე არ აღმოცენდება, ამიტომ უნდა ვიფიქროთ, რომ საქმის ვითარება შემდეგნაირად იყო: სანამ ესკიმოსები საზამთრო ბინებში დაიწყებდნენ ცხოვრებას და თითქმის სანამ მის გაშენებას შეუდგებოდნენ, ისინი დარწმუნდნენ: რაკი ჩვენ საზამთრო ბინები გვექნება, იგი რამდენიმე ოჯახის კავშირს უნდა ეკუთვნოდესო; სწორედ ასე დარწმუნდნენ ჩვენი ველურები იმაში, რომ რაკი ჩვენ საზაფხულო კარავი, კასრი, ხის ქურკლეულობა, ნავი, ქილა, მარხილი და სხვ... გვექნება, — ისინი ერთის ან, სულ ბევრი, სამი მონათესავე ოჯახის საკუთრებას უნდა შეადგენდესო; ბოლოს, არ ნაკლებ დარწმუნდნენ ისინი იმაში, რომ ტანსამოსი, საქურველი და იარაღი პირად საკუთრებას უნდა შეადგენდეს და რომ ამ ნივთების ვისმეზე გაცემა არაა დასაშვები. დაეუმატებთ, რომ ალბად, ყველა ეს „შეხედულება“ არ-

<sup>1)</sup> Tales and Traditions of the Eskimo by Dr. Henri Rink, pp. 9 and 30.

სებობდა არა განყენებული წესების სახით, არამედ როგორც ცოცხალი წარმოდგენა სამართლებლივი ინსტიტუტების ორგანიული მთლიანობისა, და რომ სამართლებლივ ცნებათა ამ ხსნარიდან იღე-ქებოდა შემდეგ, „როცა ეს სიჭირო იყო“, ე. ი. საზამთრო საცხოვრე-ბელ ბინებსა, საზაფხულო კარავსა, კასრებსა, ქვის ქილებსა და სხვა ასეთთან შეჯახების დროს, — ესკიმოსთა ადათებრივი სამართლის ნორმები ცოტად თუ ბევრად „ლოლიკური ფორმით“. ხოლო ხსენებული სამართლებლივი ხსნარის თვისება განისაზღვრებოდა ესკიმოსთა სულის საიდუმლო თვისებებით.

ეს სრულებით არ არის მეცნიერული ახსნა, არამედ უბრალო Redensarten, როგორც გერმანელები იტყვიან.

იდეალიზმის ის სახე, რომელსაც სამართლის ისტორიული სკოლის მომხრეები იცავდნენ, საზოგადოებრივ მოვლენათა ახსნის საქმეში უფრო სუსტი აღმოჩნდა, ვიდრე შელინგისა და ჰეგელის გაცილებით ღრმა იდეალიზმი.

როგორ გამოვიდა მეცნიერება იმ ჩიხიდან, რომელშიც იდეალიზმი მოექცა? მოუსმინოთ თანამედროვე შედარებითი სამართლისმეტყვე-ლების უშესანიშნავეს წარმომადგენელთაგანს, — ბ. მ. კოვალევსკის.

ბ. კოვალევსკი აღნიშნავს, რომ პირველყოფილი ტომების სა-ზოგადოებრივი ყოფა-ცხოვრება კომუნიზმის დაღს ატარებსო (ყური უგდეთ ბ. ვ. ვ.! ესეც პროფესორია!), და შემდეგ განაგრძობს:

„თუ ვიკითხავთ ასეთი წყობილების ნამდვილ მიზეზს, თუ მოვი-სურვებთ იმის გაგებას, თუ რა აიძულებდა ჩვენს პირველყოფილ წინაპრებს და დღესაც აიძულებს თანამედროვე ველურებს დაიცვან მეტი თუ ნაკლები სისრულით კომუნისტური წყობილება, საჭირო გახდება განსაკუთრებით პირველყოფილი წარმოების წესის შეს-წავლა, რადგანაც დოვლათის განაწილება და მოხმარება მისი წარ-მოების წესით უნდა განისაზღვრებოდეს. ამის შესახებ-კი აი რას ამბობს ეთნოგრაფია: ხალხი, რომელიც მონადირეობას ან მეთე-ვზეობას მისდევს, საზრდოს მოპოების დროს ეწყობა მოზრდილ ჯგუფებად (er hordes)... ავსტრალიაში კენგურუზე ნადირობა რამ-დენიმე ათეული, ხან კი ასეული პირისაგან შემდგარი შეიარაღებუ-ლი ჯგუფებით წარმოებს. სწორედ ასე წარმოებს ირემზე ნადირობა ჩრდილოეთ ქვეყნებში. ყოველ ექვს გარეშეა, რომ ცალკე ადამიანს არ ძალუძს განმარტოებულად შეინარჩუნოს თავისი არსებობა. იგი საჭიროებს დახმარებასა და ხელის შეწყობას. და მისი ძალა ასოც-იაციის მეშვეობით ათეულდება... ამრიგად, საზოგადოებრივი განვი-თარების პირველ საფეხურებზე ჩვენ ვხედავთ საზოგადოებრივ წარ-

მოებას და, როგორც ამ უკანასკნელის აუცილებელს ბუნებრივ შედეგს, საზოგადოებრივ მოხმარებას. ეთნოგრაფია უხვად გვაწვდის ამის დამამტკიცებელ ფაქტებს<sup>1)</sup>

ბ. კოვალევსკის მოჰყავს ლერმინის იდეალისტური თეორია, რომლის მიხედვით კერძო საკუთრება პიროვნების თვითშეგნების შედეგია, და განაგრძობს:

„არა, ეს ასე არ არის. ამის გამო არ მიდის პირველყოფილი ადამიანი თლილი ქვის ან ტყავის პირადი მითვისების აზრამდე, რომელთაგან — ერთი მის იარაღს წარმოადგენს, მეორე-კი მის ტანს ჰუარავს. იგი ამ აზრამდე იმის გამო მიდის, რომ ამ ნივთების წარმოებისთვის თავის ინდივიდუალურ ძალღონეს ხარჯავს. კაჟი, რომელიც ველურს ნაჯახის მაგიერობს უწევს, გათლილია მისი საკუთარი ხელით. ნადირობის დროს, რასაც იგი მრავალ თავის ამხანაგებთან ერთად ეწევა, მან უკანასკნელმა სტყორცნა ისარი ცხოველს და ამიტომ ამ ცხოველის ტყავი მისი საკუთრება ხდება. ველურთა ადათებრივ სამართალს ამ მხრით მეტის-მეტი სიზუსტე ახასიათებს. იგი მზრუნველობით ითვალისწინებს, მაგალითად, იმ შემთხვევას, როცა ნადირი მოკლულია ორი მონადირეს მიერ ერთად: ამ შემთხვევაში ტყავი ეკუთვნის იმ მონადირეს, რომლის ისარი ცხოველს უფრო ახლო ჩაერქო გულთან. იგი ითვალისწინებს აგრეთვე იმ შემთხვევასაც, როცა უკვე დაკოდილი ცხოველი მოჰკლა შემთხვევით შემხვედრმა მონადირემ. მაშასადამე, ინდივიდუალური შრომის გამოყენება ლოლიკურად წარმოშობს ინდივიდუალურ მისაკუთრებას. ჩვენ შეგვიძლია ეს მოვლენა ვიპოვოთ მთელი ისტორიის მანძილზე ის. ვინც ხეხილი დარგო, მისი მესაკუთრე ხდება... მხედარი, რომელმაც ნადავლი ჩაიგდო ხელში, მისი ერთადერთი მესაკუთრეა, ისე რომ მის ოჯახს არავითარი უფლება არა აქვს მის ნაშოვარზე. სწორედ ასე, არც ქურუმის ოჯახს შეუძლია მოსთხოვოს მას იმ მსხვერპლის ნაწილი, რომელსაც მორწმუნენი სწირავენ და რომელიც მის პირად განკარგულებაში გადადის. ყველაფერ ამას ცხადად ამტკიცებს ინდოეთის კანონები, სამხრეთ სლავიანების, დონის ყაზახების ანდა ძველი ირლანდიელების ადათებრივი სამართალი. და აუცილებელია სწორედ არ შევცდეთ ქეშმარიტი პრინციპის შესახებ ასეთი მი-

---

1) M. Kovalevsky. Tableau des origines et de l'évolution de la famille et de la propriété. Stockholm. 1890, გვ. გვ. 52—53. განსვენებული ნ. ზიბერის წიგნი: „Очерки первобытной экономической культуры“ მკითხველი ჰპოებს მრავალს, შეუდარებელი სიცხადით იმის დამამტკიცებელ ფაქტებს, რომ მითვისების წესს წარმოების წესი განსაზღვრავს.

თვისებისა, რომელიც წარმოადგენს განსაზღვრული საგნის მოპოვებისათვის პირადი ძალ-ღონის გამოყენების შედეგს. მართლაც, როდესაც პირად ძალ-ღონეს ემატება მის ახლობელთა დახმარება... მოპოებული ნივთები უკვე აღარ იქცევა კერძო საკუთრებად. <sup>1)</sup>

ზემოთქმულის შემდეგ ცხადია, რომ პირადი მისაკუთრების საგნებად ყველაზე უფრო ადრე იქცევა: საქურველი, ტანსამოსი, საზრდო, სამკაული და სხვა... „ცხოველთა მოშინაურების უკვე პირველ დღიდანვე—ძალდი, კატა, ცხენი, მუშა-საქონელი შეადგენენ პირადისა და საოჯახო მისაკუთრების მთავარ ფონდს.“<sup>2)</sup> მაგრამ, თუ რა გავლენას ახდენს წარმოების ორგანიზაცია მითვისების მეთოდებზე, ამას გვიჩვენებს, მაგალითად, შემდეგი ფაქტი: ესკიმოსები ვეშაპზე ნადირობის დროს მოზრდილ ჯგუფებად ეწყობიან და დიდ ნავეებს ხმარობენ; ამ მიზნისთვის დანიშნული ნაღვი საზოგადოებრივ საკუთრებას წარმოადგენს; პატარა ნავეები-კი, რომლითაც საოჯახო საკუთრების ნივთები გადააქვთ, ცალკე ოჯახს ან, „სულ ბევრი, სამ მონათესავე ოჯახს ეკუთვნის“.

მიწათმოქმედებაზე გადასვლასთან ერთად მიწაც მითვისების ობიექტად იქცევა. მიწის საკუთრების სუბიექტები ხდებიან სისხლით მონათესავე მეტად თუ ნაკლებად სხვილი კავშირები. ეს, რასაკვირველია, საზოგადოებრივი მითვისების ერთ-ერთი სახეა. როგორ უნდა ავხსნათ მისი წარმოშობა? „ჩვენ ვფიქრობთო—ამბობს ბ. კოვალევსკი, რომ ამის მიზეზი იგივე საზოგადოებრივი წარმოებაა, რომელმაც ოდესღაც მოძრავი ქონების უმეტესი ნაწილის მითვისება გამოიწვია“<sup>3)</sup>.

მეტია ლაპარაკი იმაზე, რომ წარმოიშობა თუ არა კერძო საკუთრება, იგი ვერ ურიგდება საზოგადოებრივი მითვისების უფრო ძველ წესს. იქ, სადაც საწარმოო ძალთა სწრაფი განვითარება სულ უფრო და უფრო ფართო არეს აძლევს „ერთპიროვნულ მოქმედებას“, საზოგადოებრივი საკუთრება საკმაო სწრაფად ჰქრება ან განადრძობს არსებობას, ასე ვთქვათ, რუდიმენტური ინსტიტუტის სახით. ქვემოთ ჩვენ დავინახავთ, რომ პირველყოფილი საზოგადოებრივი საკუთრების რღვევის ეს პროცესი სხვადასხვა დროს და სხვადასხვა ადგილას, თვით ბუნებრივის, შატერიადური აუცილებლობის გამო, ერთი-მეორისაგან ძლიერ განსხვავებული უნდა ყოფილიყო. ეხლა ჩვენ, ალენიშნავთ მხოლოდ თანამედროვე სამართლის

<sup>1)</sup> ibid.. გვ. 95.

<sup>2)</sup> ibid.. გვ. 57.

<sup>3)</sup> ibidem, გვ. 93.

მეცნიერების იმ ზოგად დასკვნას, რომ სამართლებლივი წარმოდგენა-  
ნი—შეხედულებანი, როგორც პუბტა იტყოდა,—ყოველგან წარმოე-  
ბის წესით განისაზღვრებიან.

შელინგმა ოდესღაც სთქვა, მაგნეტიზმის მოვლენა უნდა გავი-  
გოთ, როგორც შთანერგვა „სუბიექტურისა“ „ობიექტურში“-ო. სამ-  
მართლის ისტორიისათვის იდეალისტური ახსნის გამონახვის ყველა  
ცდა წარმადგენს მხოლოდ იდეალისტური ნატურ-ფილოსოფიისადმი  
უბრალო დანართს—„Seitenstück“-ს. ყველა ეს იგივე, ხანდა-  
ხან ბრწყინვალე, გონებამახვილი, მაგრამ ყოველთვის თვითნებითი,  
ყოველთვის უსათუძელო მსჯელობაა დამოუკიდებელსა და თვითმო-  
ვითარე სულზე.

შეუძლებელია იურიდიული შეხედულება საყოველღეო პრაქ-  
ტიკაზე აღრე წარმოშობილიყო თუ გინდ შემდეგი ერთი გარემოების  
გამო: იგი რომ მისგან არ აღმოცენებულყო, მაშინ ის უშიზეზო  
მოვლენა იქნებოდა. ესკიმოსი იცავს ტანსამოსის, საქურველის და შრო-  
მის იარაღების პირად მისაკუთრებას იმ უბრალო მიზეზის გამო,  
რომ ასეთი მისაკუთრება უფრო მოხერხებულია და იგი თვით ნივთთა  
თვისებებითაა ნაკარნახევი. რათა დახელოვნდეს თავისი იარაღის,  
შვილდის ან ბუმერანგის ხმარებაში პირველყოფილი მონადირე  
უნდა შეეგუოს მას, კარგად შეისწავლოს მისი ყველა ინდივიდუა-  
ლური თავისებურება და შეძლებისდაგვარად შეუფარდოს იგი თა-  
ვის საკუთარ ინდივიდუალურ თავისებურებას.<sup>1)</sup> კერძო საკუთრება  
აქ სრულიად ბუნებრივია, გაცილებით უფრო ბუნებრივი, ვიდრე მი-  
საკუთრების სხვა რომელიმე სახე, და ამიტომ ველური „დარწმუ-  
ნებულია“ მის უპირატესობაში: იგი, როგორც ვიცით, შრომის  
ინდივიდუალურ იარაღებს რალაც საიდუმლო კავშირსაც კი მია-

---

<sup>1)</sup> ცნობილია, რომ მონადირეს და მის იარაღს შორის უახლოესი კავშირი  
არსებობს ყველა პირველყოფილი ტომში. Der Jäger darf sich keiner frem-  
den Waffen bedienen,“ ამბობს მარციუსი ბრაზილიის პირველყოფილ  
ბინადართა შესახებ და იქვე არკვევს თუ საიდან დაებადათ ამ ველურებს ასეთი  
„შეხედულება“: „Besonders behaupten diejenigen Wilden, die mit dem Blasrohr  
schiessen, dass dieses Goschosse durch den Gebrauch eines Fremden verdorben  
werde, und geben es nicht aus ihren Händen“—Von dem Rechtszustande unter  
den Ureinwohnern Brasiliens. München 1832. გვ. 50.

Die Führung dieser Waffen (შვილდი და ისარი) erfordert eine grosse Ge-  
schicklichkeit und beständige Uebung. Wo sie bei wilden Völkern im Gebrauche  
sind, berichten uns die Reisenden, dass schon die Knaben sich mit Kinder  
geräthen im Schiessen üben. Oscar Peschel, Völkerkunde, Leipzig 1875 გვერ-  
დი 190.

წერს მის მესაკუთრესთან. მაგრამ მისი შეხედულება აღმოცენდა საყოველღეო პრაქტიკის ნიადაგზე და არა მასზე წინ; იგი წარმოშვა არა მისი „სულის“ თვისებებმა, არამედ იმ ნივთების თვისებებმა, რომელთაც მას საკმე აქვს, და წარმოების იმ წესების ხასიათმა, რომელნიც მისთვის აუცილებელნი არიან მის საწარმოო ძალთა არსებული მდგომარეობის დროს.

თუ რამდენად უსწრებს წინ საყოველღეო პრაქტიკა იურიდიულ „შეხედულებებს“ წარმოშობას, გვიჩვენებს პირველყოფილ სამართალში მრავლად არსებული სიმბოლიური მოქმედებანი. წარმოების წესი შეიცვალა, მასთან ერთად შეიცვალა ადამიანთა ურთიერთობაც საწარმოო პროცესში, შეიცვალა საყოველღეო პრაქტიკა, „შეხედულებამ“ კი შეინარჩუნა თავისი წინანდელი სახე. იგი ეწინააღმდეგება ახალ პრაქტიკას, და აი წარმოიშობა ფიქცია, სიმბოლიური ნიშნები, მოქმედებანი, რომელთა ერთად ერთ მიზანს წარმოადგენს ამ წინააღმდეგობის ფორმალური დაძლევა. ბოლოს, დროთა განმავლობაში ეს წინააღმდეგობა ისპობა არსებითადაც: ახალი ეკონომიური პრაქტიკის საფუძველზე მუშავდება ახალი სამართლებლივი შეხედულება.

არ არის საკმარისი აღვიაროთ ამა თუ იმ საგნის კერძო საკუთრების გაჩენა განსაზღვრულ საზოგადოებაში იმისათვის, რათა ამ ინსტიტუტის ხასიათი გამოირკვეს. კერძო საკუთრებას ყოველთვის განსაზღვრული ფარგლები აქვს, რომელიც სავსებით საზოგადოების ეკონომიაზეა დამოკიდებული. „ველური ყოველთვის მისთვის უშუალოდ სასაზღვრო ნივთებს ითვისებს. გადამეტ დოვლათს, მისი საკუთარი ძალღონით მოპოებულიც, რომ იყოს იგი, მაინც ჩვეულებრივად სრულიად მუქტად უთმობს სხვას: ოჯახის, კლანის ან ტომის წევრებს“-ო, ამბობს ბ. კოვალევსკი. სრულიად ამასვე იმეორებს რინკი ესკიმოსების შესახებ. საიდან წარმოიშობა ასეთი წესები ველურ ხალხებში? ბ. კოვალევსკის სიტყვით ამის მიზეზია ის გარემოება, რომ ველურებში არაა გავრცელებული ზედმეტი დოვლათის შენახვა<sup>1)</sup>. ეს არასავსებით ნათელი გამოთქმა იმიტომ არის განსაკუთრებით უვარგისი, რომ მას ძლიერ ბოროტად იყენებდნენ ვულგარული ეკონომისტები. მიუხედავად ამისა ცხადია, თუ რა მნიშვნელობით ხმარობს მას ბ. კოვალევსკი. „შენახვა“ მართლაც არ არის გავრცელებული პირველყოფილ ხალხებში იმ უბრალო მიზეზის გამო, რომ მათთვის მოუხერხებელია ანდა, უფრო სწორედ, შეუძლებელია იგი. მოკლული

<sup>1)</sup> L. c. p. 56.

ნადირის ხორცი შესაძლებელია შენახული იქნეს მხოლოდ ცოტა ხნით: იგი ფუქდება და სრულიად უვარგისი ხდება მოხმარებისათვის. მისი გაყიდვა რომ შესაძლებელი ყოფილიყო, მაშინ, რასაკვირველია, ადვილი იქნებოდა აღებული ფულის „შენახვა“, მაგრამ ეკონომიური განვითარების ამ საფეხურზე ფული ჯერ კიდევ არ არსებობს. მაშასადამე, თვით პირველყოფილი საზოგადოების ეკონომია ზღუდავს „მომქირნეობის“ განვითარებას. გარდა ამისა, ვთქვათ, მე დღეს შემთხვევით დიდი ცხოველი მოგვკალი და მისი ხორცი სხვებს გაუყავი, ხვალ-კი (ნადირობა ყოველთვის როდი გაგიზაროთლებს), ვთქვათ, ხელცარიელი დაებრუნდი და თავის ნანადირევს მიყოფენ ჩემი გვარის სხვა წევრები. ამრიგად, განაწილების ჩვეულება წარმოადგენს რალაც ურთიერთი დაზღვევის მაგვარ მოვლენას, რომლის გარეშეც მონადირე ტომების არსებობა სრულიად შეუძლებელი იქნებოდა. ბოლოს, უნდა გვახსოვდეს, რომ ასეთ ტომებში კერძო საკუთრება მხოლოდ ჩანასახის ფორმით არსებობს, სკარბობს კი საზოგადოებრივი საკუთრება; ამ საფუძველზე წარმოშობილი ადათი და ჩვეულება, თავის მხრით, ზღუდავს პირადი მესაკუთრის თვითნებობას. შეხედულება აქაც თან მისდევს ეკონომიას.

ხალხის იურიდიულ შეხედულებათა კავშირს მის ეკონომიურ ყოფა-ცხოვრებასთან კარგად ხსნის ის მაგალითი, რომელიც ძალიან ხშირად მოჰყავდა თავის თხზულებებში როდბერტუსს. ცნობილია, რომ ძველი რომაელი მწერლები ენერგიულად ილაშქრებდნენ მეფაზმეობის წინააღმდეგ. კატონ-ცენზორი ფიქრობდა, რომ მეფაზე ორჯერ უარესია ქურდზეო (ნამდვილად ასე ამბობდა მოხუცი: სწორედ ორჯერ), ამ მხრით წარმართ მწერლებს სავსებით ეთანხმებოდნენ ქრისტიანული ეკლესიის მამები. მაგრამ საკვირველია!—პირველნიც და მეორენიც ფულადი კაპიტალის პროცენტის წინააღმდეგ ილაშქრებდნენ. ნატურით სესხს და მისგან მიღებულ სარგებელს-კი გაცილებით ნაკლებ ბოროტებად თვლიდნენ. რით აიხსნება ეს განსხვავება? სწორედ იმით, რომ ფულადი, სავაჭრო კაპიტალი საშინლად ანადგურებდა მაშინდელ საზოგადოებას და სწორედ იგი „ლუპავდა ოტალიას.“ სამართლებრივი „შეხედულება“ აქაც სრულიად ეთანხმებოდა ეკონომიას.

„სამართალი აუცილებლობის ან, უფრო სწორედ, მოთხოვნის წმინდა ნაყოფია—ამბობს პოსტი,—სრულიად ამაო შრომა იქნებოდა მასში რაიმე იდეალური საფუძველი გვეძებნა—“ო.<sup>1)</sup> ჩვენ ვიტყვით,

<sup>1)</sup> Der Ursprung des Rechts. Prolegomena zu einer allgemeinen vergleichenden Rechtswissenschaft von Dr. Alb. Herm. Post. Oldenburg, 1876.

რომ ეს სრულიად ეთანხმება უახლოესი დროის სამართლის მეცნიერებას, რომ ჩვენი მეცნიერი არ ააშკარავებდეს ცნებების საკმაოდ საგრძნობსა და თავის შედეგის მიხედვით ძლიერ მავნებელ არეგ-დარეგას.

საზოგადოდ, ყოველი სოციალური კავშირი მიისწრაფის სამართლის ისეთი სისტემა გამოიმუშავოს, რომელიც ყველაზე უკეთ დააკმაყოფილებს მის მოთხოვნილებებს და ყველაზე უფრო სასარგებლო იქნება მისთვის განსაზღვრულ დროს. ის გარემოება, რომ იურიდიულ დაწესებულებათა ესა თუ ის სისტემა სასარგებლოა თუ მავნებელი საზოგადოებისთვის, არავითარ შემთხვევაში არაა დამოკიდებული რაიმე ან ვისიმე „იდეის თვისებებზე“: იგი, როგორც დავინახეთ, დამოკიდებულია წარმოების წესზე და ადამიანთა შორის იმ ურთიერთობაზე, რომელსაც ჰქმნის წარმოების ეს წესი. ამ აზრით სამართალს არა აქვს და არც შეიძლება ჰქონდეს იდეალური საფუძველი, რადგანაც იგი (ე. ი. საფუძველი) ყოველთვის რეალურია. მაგრამ ყოველი არსებული სამართლის სისტემის რეალური საფუძველი არ უარჰყოფს საზოგადოების წევრთა იდეალურ დამოკიდებულებას მისდამი. აღებული მთლიანად, საზოგადოება მხოლოდ მოიგებს ასეთი დამოკიდებულებით. პირიქით, გარდამავალი ეპოქების დროს, როცა საზოგადოებაში არსებული სამართლის სისტემა უკვე არაკმაყოფილებს მის (ე. ი. საზოგ.) მოთხოვნილებებს, რომელიც საწარმოო ძალთა შემდგომმა განვითარებამ წარმოშვა, მოსახლეობის მოწინავე ნაწილს შეუძლია და მან უნდა მიმართოს კიდევ დროის უფრო შესაფერის, დაწესებულებათა ახალი სისტემის იდეალიზაციას. საფრანგეთის ლიტერატურა სავსეა მომავალი, ახალი წყობილების ასეთი იდეალიზაციის მაგალითებით.

„მოთხოვნილებიდან“ სამართლის წარმოშობის ფაქტი უარჰყოფს სამართლის „იდეალურ“ საფუძველს მხოლოდ იმ ადამიანთა წარმოდგენაში, რომელნიც ჩვეულებრივ არიან მოთხოვნილებანი უხეში მატერიის სფეროს მიაკუთვნონ და დაუპირისპირონ იგი „წმინდას“, ყოველგვარ მოთხოვნილებას მოკლებულ „სულს.“ ნამდვილად-კი „იდეალური“ მხოლოდ ისაა, რაც სასარგებლოა ადამიანისთვის, და ყოველი საზოგადოება თავისი „იდეალების“ გამოიმუშავების დროს ხელმძღვანელობს თავისი მოთხოვნილებით. ამ უდავო-საერთო წესის მოჩვენებითი გამონაკლისები აიხსნება იმით, რომ საზოგადოების განვითარების გამო, მისი იდეალები ხშირად უკან რჩება მის ახალ მოთხოვნილებებს.<sup>1)</sup>

<sup>1)</sup> პოსტი სწორედ იმ ხალხს ეკუთვნის, რომელიც ჯერ კიდევ ვერ განთავისუფლებულა იდეალიზმისაგან. მაგალ., მისი აზრით, სავარაუდო კავშირი შეესა-



იმის შეგნება, რომ საზოგადოებრივი ურთიერთობანი საწარმოო ძალთა მდგომარეობაზეა დამოკიდებული, სულ უფრო და უფრო იკრება თანამედროვე საზოგადოებრივ მეცნიერებაში, მიუხედავად მრავალი მეცნიერის აუცილებელი ეკლექტიზმისა და მათი იდეალისტური კრუმორწმუნეობისა. «მსგავსად იმისა, როგორც შედარებითმა ანატომიამ მეცნიერული ქეშმარიტების ხასიათი მისცა ლათინურ ანდაზას: „ბრჭყალებით ვიცნობ ლომს“-ო, ასევე ხალხთმეტყველებას შეუძლია ამა თუ იმ ხალხის შეიარაღების მიხედვით ზედმიწევნითი სიზუსტით დაასკვნას მისი ცივილიზაციის ხარისხის შესახებ“-ო, ამბობს ჩვენ მიერ უკვე დამოწმებული ოსკერ ჰეშელი<sup>1)</sup>. „საზრდოს მოპოების წესებთან მჭიდროდაა დაკავშირებული საზოგადოების დიფერენცია-ცია. ყოველგან, სადაც ადამიანი ადამიანს უკავშირდება, ჩნდება ხელისუფლება. საზოგადოებრივი კავშირი ყველაზე უფრო სუსტია ბრაზილიის მონადირე მომთაბარე ურდოებში... მეჯოგე ტომები უმეტეს ნაწილად პატრიარქალურ ხელისუფალთა ბატონობის ქვეშ იმყოფებიან, რადგანაც ჯოგები ჩვეულებრივად ერთ ბატონს ეკუთვნის, რომელსაც ემსახურებიან მისი თანამეტომენი, ანდა წინედ დამოუკიდებელი, და შემდეგ-კი გაღარიბებული ჯოგის-მფლობელები. მეჯოგეობას უმთავრესად, თუმცა არა განსაკუთრებით, ხალხთა დიდი გადასახლებ-გადმოსახლება ახასიათებს, როგორც ძველი ქვეყნის ჩრდილოეთში, ისე სამხრეთ აფრიკაში; პირიქით, ამერიკის ისტორიამ იცის მხოლოდ შემთხვევითი თავდასხმანი ველურ მონადირე ტომებისა კულტურული ხალხის ჯეჯილზე, რომელიც მიმხიდველი იყო ამ ტომებისთვის. მრავალ ხალხს, რომელნიც თავიანთ ძველ საცხოვრებელ ადგილებს

---

ბამება მონადირე და მომთაბარე ხალხის ყოფა-ცხოვრებას; მიწათმოქმედებისა და მასთან დაკავშირებული ბინადარი ცხოვრების დამკვიდრებასთან ერთად საგვარეულო კავშირი ადგილს უთმობს „Gaugenossenschaft“-ს. ვფიქრობთ, ცხადი უნდა იყოს, რომ ეს კაცი საზოგადოებრივ ურთიერთობათა ისტორიის ახსნას მხოლოდ საწარმოო ძალთა განვითარებაში ვძებნ. ცალკე შემთხვევებში პოსტი თითქმის სრულიად არ დალატობს ამ გზას. მაგრამ ეს არ უშლის მას ხელს „im Menschen schaffend ewigen Geist,“ მიიჩნიოს სამართლის ისტორიის ძირითად მიზეზად. ეს ადამიანი თითქოს განგებ იმისთვისაა გაჩენილი, რომ ბ. კარევის გული გაახაროს.

1) L, C, გვ. 139. როცა ჩვენ ეს ამონაწერი მოგვყავდა, წარმოგვიდგა, თითქოს ბ. მიხაილოვსკი წამოიწია თავისი ადგილიდან და წამოიძახა: „მე შემოძლია ამის წინააღმდეგ ვიდავო: შესაძლებელია ჩინელების შეიარაღება ინგლისური თოფებით. განა დასაშვებია, რომ მათი ცივილიზაციის ხარისხის შესახებ ამ თოფების მიხედვით ვიმსჯელოთ.“ კეთილი, ბ. მიხაილოვსკი: სრულიად არ არის ლოლიკური ინგლისური თოფების მიხედვით ჩინეთის ცივილიზაციის შესახებ დავასკვნათ; მათი მიხედვით სწორედ ინგლისური ცივილიზაციის შესახებ უნდა ვიმსჯელოთ.

სტოვებდენ, შეეძლოთ დიდი და ხანგრძლივი ლაშქრობა ეწარმოებიათ მხოლოდ თავიანთი ჯოგების თანხლებით, რომელიც მათ აუცილებელ საზრდოს შეადგენდა მოგზაურობის დროს. გარდა ამისა, მომთაბარე მეჯოგეობა თვით მოითხოვს საძოვრების გამოცვლას. ბინადარ ცხოვრებასა და მიწათმოქმედებაზე გადასვლისთანავე თავს იჩენს მონის შრომით სარგებლობის სურვილი... მონობა ადრე თუ გვიან ტირანიას გამოიწვევს, რადგანაც ის, ვისაც ყველაზე მეტი მონა ჰყავს, შესძლებს მათი მეშვეობით დაიმორჩილოს უფრო სუსტნი... თავისუფალ ადამიანებად და მონებად დაყოფა საზოგადოების წოდებრივი დანაწილების დასაწყისია.“<sup>1)</sup>

პეშელს ბევრი ასეთი მოსაზრება მოჰყავს. ზოგი მათგანი სრულიად მართალია და ძლიერ საგულისხმოც; ზოგის წინააღმდეგ ბ. მიხაილოვსკის გარდა სხვასაც „შეუძლია იდავოს“, მაგრამ აქ ჩვენთვის საინტერესოა არა წვრილმანები, არამედ პეშელის აზრის ზოგადი მიმართულება. ეს ზოგადი მიმართულება-კი სრულიად ეთანხმება იმას, რასაც, როგორც ჩვენ შევნიშნეთ, ბ. კოვალევსკი იცავდა: წარმოების წესში, საწარმოო ძალთა მდგომარეობაში ეძებს იგი სამართლის ისტორიის და მთელი საზოგადოებრივი წყობილების ახსნასაც-კი.

ეს კი სწორედ ის არის, რისკენაც უკვე დიდი ხანია მოუწოდებდა მარქსი საზოგადოებრივი მეცნიერების ხალხს. და სწორედ ამაშია უმთავრესად, თუმცა არა სავსებით (მკითხველი ქვემოთ დინახავს, თუ რატომ ვამბობთ ჩვენ: არა სავსებით), „Zur Kritik der politischen Oekonomie-ის“ იმ შესანიშნავი წინასიტყვაობის აზრი, რომელსაც ასეთი ცუდი ბედი ეწვია რუსეთში, რომელიც ასე საშინლად და საოცრად ცუდად გაიგო რუსი მწერლების უმეტესობამ, რომლებმაც იგი დედანში ან ნაწყვეტებით წაიკითხეს.

„თავისი სიცოცხლის საზოგადოებრივი წარმოების დროს ადამიანები ეჯახებიან განსაზღვრულს, აუცილებელს, მათი ნებისგან დამოუკიდებელ ურთიერთობას—საწარმოო ურთიერთობას, რომელიც შეესაბამება მათ მატერიალურ საწარმოო ძალთა განვითარების განსაზღვრულ დონეს. ამ საწარმოო ურთიერთობათა ჯამი შეადგენს საზოგადოების ეკონომიურ სტრუქტურას, რეალურ საფუძველს, რომელზეც აღიმართება იურიდიული და პოლიტიკური ზედნაშენი“.

<sup>1)</sup> L. c. გვ. გვ. 252-253.

ჰეგელი ამბობს შელინგზე, რომ ამ ფილოსოფოსის სისტემის ძირითადი დებულებები განუვითარებელი რჩება და აბსოლუტური სული უეცრად ჩნდება, ვითარცა დამბახის ხმა (wie aus der Pistole geschossen). როცა საშუალო რუს ინტელიგენტს ეუბნებიან, რომ მარქსი „ყველაფერს ეკონომიური საფუძვლით ხსნის“-ო (ზოგი მარტივად გამოთქვამს: „ეკონომიური“) იგი იბნევა, თითქოს მის ყურთან ვისმე უეცრად დამბახა გაესროლოს: „რატომ სწორედ ეკონომიურით“-ო,—ჰკითხულობს იგი ნაღვლიანად და გაკვირვებით. „თქმა არ უნდა, მნიშვნელოვანია ეკონომიურიც (განსაკუთრებით ღარიბი გლეხებისა და მუშებისთვის). მაგრამ გონებრივიც ხომ არა ნაკლებ მნიშვნელოვანია (განსაკუთრებით ჩვენთვის, ინტელიგენციისთვის)“. წინა დალაგებამ უთუოდ დაარწმუნა მკითხველი, რომ საშუალო რუსი ინტელიგენტის გაცემა ამ შემთხვევაში იმისგან წარმოსდგება, რომ იგი, ინტელიგენტი, ყოველთვის რამოდენადმე უზრუნველი იყო „გონებრივის“, მისთვის „განსაკუთრებით მნიშვნელოვანის“ შესახებ. როცა მარქსი ამბობდა, „სამოქალაქო საზოგადოების ანატომია მის ეკონომიაში უნდა ვეძიოთ“-ო, მას სრულიად აზრად არ მოსვლია დაეფრთხო მეცნიერები თოფის მოულოდნელი გასროლით: იგი მხოლოდ გადაქრილსა და სწორ პასუხს აძლევდა იმ „წყვეულ კითხვებს“, რომელიც მთელი საუკუნის განმავლობაში სტანჯავდა მოაზროვნე ხალხს.

ფრანგი მატერიალისტები ბოლომდე ანვითარებდნენ თავიანთ სენსუალისტურ თვალსაზრისს და იმ დასკვნამდე მიდიოდნენ, რომ ადამიანი ყველა თავისი აზრით, გრძნობით და მისწრაფებით გარემომცველი საზოგადოებრივი წრის ნაყოფს წარმოადგენს. ადამიანის შესწავლის საქმეში მატერიალისტური თვალსაზრისის უკეთ გამოყენებისთვის საჭირო იყო შემდეგი საკითხის გადაჭრა: რა განსაზღვრავს საზოგადოებრივი წრის აგებულებას და როგორია მისი განვითარების კანონები. ფრანგმა მატერიალისტებმა ვერ შესძლეს ამ კითხვაზე პასუხის გაცემა და ამის გამო იძულებულნი გახდნენ თავის თვალსაზრისისთვის ელალატნათ და დაბრუნებოდნენ ძველს, მათ მიერ ეგზომ დაუნდობლად უკუგდებულს, იდეალისტურ თვალსაზრისს: ისინი ამბობდნენ, წრეს ადამიანთა „შეხედულება“ ჰქმნის. რესტავრაციის დროის ფრანგი ისტორიკოსები არ დაკმაყოფილდნენ ასეთი ზერელე პასუხით და მიზნად დაისახეს საზოგადოებრივი წრის ანალიზი. ანალიზის შედეგად მიიღეს მეცნიერებისთვის ის მეტის-მეტად მნიშვნელოვანი დასკვნა, რომ პოლიტიკური კონსტიტუციების ფესვები ხოციალურ ურთიერთობაში მარბია,

სოციალური ურთიერთობანი კი საკუთრების მდგომარეობით განისაზღვრებიან. ამ დასკვნასთან ერთად მეცნიერების წინაშე წამოიჭრა ახალი კითხვა, რომლის გარდაწყვეტის გარეშე მეცნიერება ერთი ნაბიჯსაც ვერ წასდგამდა წინ: რაზეა დამოკიდებული საკუთრების მდგომარეობა? რესტავრაციის დროის ფრანგმა ისტორიკოსებმა ვერ გადაჭრეს ეს საკითხი და იძულებულნი გახდნენ ამ საკითხის გადაჭრის სიძნელისგან თავის დასაღწევად მიემართათ უშინაარსო მოსაზრებებისთვის ადამიანის ბუნების თვისებებზე. მათმა თანამედროვე გერმანელმა დიდმა იდეალისტებმა—შელინგმა და ჰეგელმა ძალიან კარგად იცოდნენ, რომ ადამიანის ბუნების თვალსაზრისი არ იყო დამაკმაყოფილებელი: ჰეგელი მწარედ დასცინოდა ამ თვალსაზრისს. მათ ესმოდათ, რომ ისტორიული მოძრაობის გასაღები ადამიანის ბუნების გარე იმყოფება. ეს მათი დიდი დამსახურება იყო, მაგრამ ეს დამსახურება მეცნიერებისთვის რომ ნაყოფიერი გამხდარიყო, საჭირო იყო იმის ჩვენება, თუ სახელდობრ სად უნდა გვეძებნა ეს გასაღები. ისინი მას ხულის თვისებებში, აბსოლუტურ იდეის განვითარების ლოლიკურ კანონებში ეძებდნენ. ეს იყო დიდი იდეალისტების ძირითადი შეცდომა, რომელიც შემოვლილი გზით მათ ადამიანის ბუნების თვალსაზრისთან აბრუნებდა, რადგანაც აბსოლუტური იდეა—როგორც ჩვენ უკვე დავინახეთ—სხვა არა არის რა, თუ არა ჩვენი აზროვნების ლოლიკური პროცესის განპიროვნება. მარქსის გენიალური აღმოჩენა ასწორებს იდეალიზმის ამ ძირითად შეცდომას და ამით სასიკვდილო ლახვარს სცემს იდეალიზმს: საკუთრების მდგომარეობა და მასთან სოციალური წრის ყველა თვისება (წინა თავში, იდეალისტური ფილოსოფიის გადმოცემისას, ჩვენ დავინახეთ, რომ ჰეგელიც იძულებული იყო ეცნო „საკუთრების მდგომარეობის“ გარდამწყვეტი მნიშვნელობა), განისაზღვრება არა აბსოლუტური სულის თვისებებით და არც ადამიანის ბუნებით, არამედ იმ ურთიერთი დამოკიდებულებით, რომელიც აუცილებლად წარმოიშობა ადამიანთა შორის მათი სიცოცხლის წარმოების საზოგადოებრივ პროცესში“, ე. ი. არსებობისათვის ბრძოლის დროს. მარქსს ხშირად აღარებენ დარვინს,—შედარება, რომელიც ლიმილის ჰევრის ბ. ბ. მიხაილოვსკის, კარევეს და მათ ძმათ. ქვემოთ ჩვენ ვიტყვით, თუ რა აზრით უნდა გავიგოთ ეს შედარება, თუმცა ბევრ ჩვენ მკითხველს უთუოდ ეს უჩვენოდაც კარგად ესმის. ეხლა-კი თავს ნებას მივსცემთ,—ვფიქრობთ ეს არ გამოიწვევს ჩვენი სუბიექტურ მოაზროვნეთა განრისხებას,—მოვიყვანოთ სხვა შედარება.

კოპერნიკამდე ასტრონომია გვასწავლიდა, რომ მიწა უძრავი ცენტრია, რომლის ირგვლივ ნზე და ცის სხვა მნათობნი ტრიალებენო. ამ თვალსაზრისით შეუძლებელი იყო მსოფლიო მექანიკის შრავალი მოვლენის ახსნა. გენიალურმა პოლონელმა მათ ახსნას სულ საწინააღმდეგო მხრით მიუდგა: მან დაუშვა, რომ მზე კი არ ტრიალებს მიწის ირგვლივ, არამედ, პირიქით, მიწა ბრუნავს მზის გარშემო; ამით მონახული იქნა სწორი თვალსაზრისი და ბევრი ისეთი რამ, რაც კოპერნიკამდე ბურუსით იყო მოცული, ნათელი გახდა.—მარქსამდე, საზოგადოებრივი მეცნიერების ხალხი ადამიანის ბუნების ცნებიდან გამოდიოდა; ამის გამო შეუძლებელი ხდებოდა ადამიანის განვითარების უმნიშვნელოვანესი საკითხების გადაჭრა. მარქსის მოძღვრებამ სრულიად შეაბრუნა საქმის ვითარება: როცა თავისი არსებობის შესანარჩუნებლად ადამიანი ზემოქმედებს გარე ბუნებაზე, იგი სცვლის თავის საკუთარ ბუნებასო—ამბობს მარქსი. მაშასადამე, ისტორიული განვითარების მეცნიერულ ახსნის საქმე საწინააღმდეგო მხრიდან უნდა დავიწყოთ: უნდა გამოვარკვიოთ, თუ როგორ მიმდინარეობს ადამიანის წარმოებითი ზემოქმედების ეს პროცესი გარე ბუნებაზე. თავისი უდიდესი მეცნიერული მნიშვნელობის მიხედვით, ეს აღმოჩენა თამამად შეიძლება გვერდზე დაუყენოთ კოპერნიკისა და საზოგადოდ უდიდეს, ჯნაყოფიერეს მეცნიერულ აღმოჩენებს.

არსებითად, საზოგადოებრივი მეცნიერება მარქსამდე გაცილებით უფრო მოკლებული იყო მტკიცე საფუძველს, ვიდრე ასტრონომია კოპერნიკამდე. მეცნიერების ყველა იმ დარგს, რომელიც სწავლობს ადამიანთა საზოგადოებას, ფრანგები უწოდებდნენ და დღესაც უწოდებენ „sciences morales et politiques“ განსასხვავებლად „sciences“-ის, ე. ი. „მეცნიერების“-გან, ამ სიტყვის ნამდვილი მნიშვნელობით, რომელსაც აღიარებდნენ და დღესაც აღიარებენ ერთადერთ ზუსტ მეცნიერებად. უნდა გამოვტყდეთ, რომ მარქსამდე მართლაც საზოგადოებრივი მეცნიერება არ იყო და არც შეიძლება ყოფილიყო ზუსტი მეცნიერება. სანამ მეცნიერნი მიმართავდნენ ადამიანის ბუნებას, როგორც უზენაეს ინსტანციას, ისინი აუცილებლობის გამო იძულებულნი იყვნენ საზოგადოებრივი ურთიერთობანი ადამიანთა შეხედულებებით, მათი შეგნებული მოქმედებით აეხსნათ; მაგრამ ადამიანს თავისი შეგნებული მოქმედება აუცილებლად წარმოუდგება, როგორც თავისუფალი მოქმედება. თავისუფალი მოქმედება-კი გამორიცხავს წარმოდგენას აუცილებლობაზე, ე. ი. კანონზომიერებაზე; კანონზომიერება-კი მოვლენათა ყოველი მეცნიერული ახსნის აუცილებელი საფუძველია. წარმოდგენა თავისუფლებაზე ჩრდილავ-

და წარმოდგენას აუცილებლობაზე და ამ გზით ხელს უშლიდა შეცნობების განვითარებას. ეს აბერაცია დღემდე განსაცვიფრებელი სიცხადით მოსჩანს რუს „სუბიექტურ“ მწერალთა „სოციოლოგიურ“ შრომებში.

მაგრამ ჩვენ უკვე ვიცით: თავისუფლება აუცილებლობას უნდა წარმოადგენდეს. თავისუფლების წარმოდგენამ დაჩრდილა აუცილებლობის წარმოდგენა და თითონ უნუგეშო და უაღრესად ბუნდოვანი გახდა. კარებიდან განდევნილი აუცილებლობა ფანჯრიდან შემოიქრებოდა ხოლმე. მკვლევარნი, რომელნიც თავისუფლების წარმოდგენას ემყარებოდნენ წამდაუწუმ ეჯახებოდნენ აუცალებლობას და ბოლოს და ბოლოს რწმუნდებოდნენ მის უძლეობასა და გარდაუვალობაში. მათდა საუბედუროდ ცხადი ხდებოდა, რომ თავისუფლება მარადი და საბრალო მოხარკეა და უძლეური სათამაშო ნივთი ბრმა აუცილებლობის ხელში. მართლაც თანაგრძნობის ღირსია ის სასოწარკვეთილება, რომელშიც ვარდებოდნენ დროგამოშვებით ზედმიწევნით ნათელი, კეთილშობილი და იდეალისტურად განწყობილი მოაზროვნენი. „უკვე რამდენიმე დღეა ყოველ წამს ვიღებ კალამს ხელში, მაგრამ არ შემოძლია ერთი სიტყვაც დავსწერო—ამბობს გიორგი ბიუხნერი. მე ვსწავლობდი რევოლიუციის ისტორიას და თავს ვგრძნობდი განადგურებულად ისტორიის საშინელი ფატალიზმით. მე ვხედავ ადამიანის ბუნებაში საზიზღარ საშუალობას, ადამიანთა ურთიერთობაში-კი დაუძლეველ ძალას, რომელიც საზოგადოდ ყველას ეკუთვნის და კეჰოდ-კი არავის. ცალკე პიროვნება ქაფია ტალღის ზედაპირზე, დიდება—მხოლოდ შემთხვევა, გენიოსის ძალა—მხოლოდ ტიკინას კომედია, სასაცილო სურვილი იმ რკინის კანონის წინააღმდეგ ბრძოლისა, რომელიც უკეთეს შემთხვევაში შეიძლება მხოლოდ გავიგოთ, მაგრამ რომლის ჩვენი ნებისადმი დამორჩილება ყოველად შეუძლებელია.“<sup>1)</sup> შეიძლება ითქვას, რომ ამ სრულიად კანონიერი სასოწარკვეთილებისგან თავის დასაღწევად საკმარისი იყო დროებით მაინც ძველი თვალსაზრისის მიტოვება და (და თავისუფლების განთავისუფლებისა სწორედ იმ აუცილებლობის დახმარებით, რომელიც მას აბუჩად იგდებდა. საკირო იყო ერთხელ კიდევ გადასინჯვა დიალექტიკოს-იდეალისტების მიერ წამოყენებული საკითხისა: ხომ არ

<sup>1)</sup> საცოლესთან მიწერილი წერილი 1833 წ. შენიშვნა ბ. მიხაილოვსკის საყურადღებოდ. ეს ის ბიუხნერი კი არ არის, რომელიც ქადაგებდა მატერიალიზმს „ზოგად-ფილოსოფიური გაგებით“; ეს მისი ადრე გარდაცლილი ძმა, შესანიშნავი ტრაგედიის: „დანტონის სიკვდილი“-ს ავტორი.

გამომდინარეობს თავისუფლება აუცილებლობიდან, ხომ არ შეადგენს ეს უკანასკნელი ადამიანის თავისუფლების ერთად ერთ მტკიცე საფუძველს, ერთად ერთ საიმედო გარანტიას, მის აუცილებელ პირობას?

ჩვენ დავინახავთ, თუ სანამდე მიიყვანა მარქსი საკითხის ასეთ-მა დაყენებამ. მაგრამ ჯერ შევეცდებით მისი ისტორიული თვალსაზრისი ისე გამოვარკვიოთ, რომ მის შესახებ ადგილი არ ექნეს არავითარ გაუგებრობას.

საწარმოო ძალთა განსაზღვრული მდგომარეობის საფუძველზე მყარდებიან შესაფერი საწარმოო ურთიერთობანი, რომელნიც თავიანთ იდეალურ გამოხატულებას ჰპოულობენ ადამიანთა იურიდიულ ცნებებში და ცოტად თუ ბევრად „განყენებულ წესებში,“ უწერ ადათებში და დაწერილ კანონებში. ამის დამტკიცება უკვე აღარ გვეჭირდება: ამას, როგორც დავინახეთ, ჩვენს მაგიერ ასაბუთებს თანამედროვე სამართლის მეცნიერება (გაიხსენოს მკითხველმა, თუ რას ამბობს ამის შესახებ ბ. კოვალევსკი). მაგრამ ზედმეტი არ იქნება საქმეს მეორე მხრითაც შევხედოთ: სახელდობრ, აი რა მხრით. მას შემდეგ რაც ჩვენ უკვე გამოვარკვიეთ, თუ რა გზით ჰქმნის წარმოების ურთიერთობა ადამიანთა იურიდიულ ცნებებს, ჩვენ უკვე აღარ გავაკვირვებთ მარქსის შემდეგი სიტყვები: „ადამიანთა შეგნება კი არ განსაზღვრავს მათ ყოფას (ე. ი. მათი საზოგადოებრივი არსებობის ფორმებს), არამედ პირიქით, მათი საზოგადოებრივი ყოფა განსაზღვრავს მათ შეგნებას“. ეხლა ჩვენ უკვე ვიცით, შეგნების ერთი სფეროს მიმართ მაინც, რომ ეს მართლაც ასეა და ისიც—თუ რატომ არის ასე. საჭიროა მხოლოდ განოვარკვიოთ, ეს ყოველთვის ასეა თუ არა; თუ ჰო, რა მიზეზით? მივმართოთ ისევ იურიდიულ ცნებებს.

„თავის განვითარების განსაზღვრულ საფეხურზე საზოგადოების საწარმოო ძალები ეჯახებიან ამ საზოგადოებაში არსებულ საწარმოო ურთიერთობებს, ანდა, იგივე იურიდიული ენით რ. ი. გავოთქვათ, საკუთრების ურთიერთობებს, რომლის ფარგალში ისინი მანამდე ვითარდებოდნენ. საწარმოო ძალთა განვითარების ხელის შემწყობი ფორმის ნაცვლად ეს ურთიერთობანი იქცევიან მათ შემბოჰველად. მაშინ დგება სოციალურ გადატრიალებათა ეპოქა“.

მოდრავი და უძრავი ქონების საზოგადოებრივი საკუთრება იმიტომ წარმოიშობა, რომ იგი შეეფერება პირველყოფილი წარმოების პროცესს, კიდევ მეტი, აუცილებელია მისთვის. იგი ხელს უწყობს პირველყოფილი საზოგადოების არსებობასა და მის საწარმოო

ძალთა შემდგომ განვითარებას: ამის გამოა, რომ მისი წევრები იცავენ მას და თვლიან ბუნებრივად და აუცილებლად. მაგრამ აი, ხაკუთრების ამ ურთიერთობათა წყალობით და მათ შიგნით, საწარმოო ძალები იმდენად განვითარდა, რომ უფრო ფართო გასაქანი მიეცა ინდივიდუალურ ძალონის გამოყენებას. ეხლა საზოგადოებრივი საკუთრება ზოგ შემთხვევაში მავნებელი ხდება საზოგადოებისთვის, იგი აბრკოლებს მის საწარმოო ძალთა შემდგომ განვითარებას და ამიტომაც ადვილს უთმობს პირად მისაკუთრებას: ხდება საზოგადოების სამართლებლივ დაწესებულებათა ცოტად თუ ბევრად სწრაფი გადატრიალება. ამ გადატრიალებას აუცილებლად თან წოჰყვება ადამიანთა იურიდიული ცნებების სწრაფი შეცვლა: ხალხი, რომელიც მანამდე ჰფიქრობდა, რომ კარგია მხოლოდ საზოგადოებრივი საკუთრება, ეხლა ჰფიქრობს, ზოგ შემთხვევაში პირადი მისაკუთრება უკეთესიაო. თუმცა ჩვენი გამოთქმა არ არის სწორი, ჩვენ ვხატავთ ორ ცალკე პროცესად იწას, რაც სრულიად განუყოფელია, რაც მხოლოდ ერთისა და იმავე პროცესის ორ წხარეს წარმოადგენს: საწარმოო ძალთა განვითარების გამო უნდა შეცვლილიყვენ ადამიანთა ფაქტიური ურთიერთობანი წარმოების პროცესში, ეს ახალი ფაქტიური ურთიერთობანი-კი გამოიხატენ ახალი სამართლებლივი ცნებებით.

ბ. კარეევი გვარწმუნებს, მატერიალიზმში ისევე ცალმხრივია ისტორიის ახსნაში, როგორც იდეალიზმშიო ერთიც და მეორეც, მისი აზრით, სრული მეცნიერული ქეშმარიტების განვითარების მხოლოდ „მომენტებს წარმოადგენს“. „პირველისა და მეორე მომენტის შემდეგ უნდა დადგეს მესამე მომენტი: თეზისისა და ანტითეზისის ცალმხრივობა მოიხსნება სინთეზით, როგორც სრული ქეშმარიტების ფორმით.<sup>1)</sup> ეს მეტად საინტერესო სინთეზი იქნება. „თუ რაში მდგომარეობს ეს სინთეზი, მე ჯერ ამაზე არას ვიტყვი“. სამწუხაროა! მაგრამ საბედნიეროდ ჩვენი „ისტორიოსოფი“ მაინცა და მაინც მკაცრად არ იცავს მის მიერვე თავისთვის გამომუშავებულ გაჩუმების მცნებას. იგი დაუყოვნებლივ გვაძლევს საშუალებას გავიგოთ, თუ როგორი იქნება და საიდან აღმოცენდება ის სრული მეცნიერული ქეშმარიტება, რომელსაც გაიგებს ბოლოს, რამდენიმე ხნის შემდეგ განათლებული კაცობრიობა, და რომელიც ჯერ მხოლოდ ბ. კარეევისათვისაა ცნობილი. ის აღმოცენდება შემდეგი მოსაზრებიდან: „რადგან ყოველი ადამიანის პიროვნება სხეულისა და სულისგან შე-

<sup>1)</sup> „Вестник Европы“. ივლისი 1874 წ. გვ. 6.



სდგება, ამიტომ იგი ორგვარ სიცოცხლეს ეწევა—ფიზიკურსა და ფსიქიურს; იგი არ წარმოგვიდგება არც როგორც მარტოოდენ სხეული თავისი მატერიალური მოთხოვნილებებით, არც როგორც მარტოოდენ სული მისი ინტელექტუალური და მორალური მოთხოვნილებებით. ადამიანის სხეულსაც და სულსაც თავისი მოთხოვნილებები აქვს, რომელიც საჭიროებს თავის დაკმაყოფილებას და აყენებს ცალკე პიროვნებას სხვადასხვა ურთიერთობაში გარე ქვეყანასთან, ე. ი. ბუნებასა და სხვა ადამიანებთან, ე. ი. საზოგადოებასთან, და ეს ურთიერთობა ჩვეულებრივად ორგვარია.<sup>1)</sup>

რომ ადამიანი სულისა და სხეულიდან შესდგება, ეს სამართლიანი „სინთეზია“, მაგრამ არც თუ ისე ახალი. თუ კი ბ. პროფესორი იცნობს უახლესი ფილოსოფიის ისტორიას, მან უნდა იცოდეს, რომ სწორედ ეს სინთეზი მას (ე. ი. უახლეს ფილოსოფიას) მთელ საუკუნეთა განმავლობაში მოსვენებას არ აძლევდა, მაგრამ მას მაინც ვერაფერი მოუხერხა. თუ იგი ფიქრობს, რომ ეს სინთეზი გაუშუქებს მას „ისტორიული პროცესის რაობას“, —მაშინ თვით ბ. ვ. ვ-ც უნდა დაგვეთანხმოს, რომ მის „პროფესორს“ კარგი საქმე არ სჭირს, და რომ ბ. კარევი ვერ ეღირსება „ისტორიოსოფიის“ „სპინოზად“ გახდომას.

საწარმოო ძალთა განვითარებით, რომელიც იწვევს ადამიანთა ურთიერთობის ცვლილებას წარმოების საზოგადოებრივ პროცესში, იცვლება საკუთრების ყველა ურთიერთობა. მაგრამ აკი ჯერ კიდევ გიზო გვასწავლიდა, რომ საკუთრების ურთიერთობაში მარხია პოლიტიკური კონსტიტუციის ფესვებო. ამას საცხებით ადასტურებს უახლოესი დროის მეცნაერება. საგვარეულო კავშირი ადვილს უთმობს ტერიტორიალურს სწორედ საკუთრების ურთიერთობათა ცვლილების გამო. მეტად თუ ნაკლებად მსხვილი ტერიტორიალური კავშირები ერთდებიან სახელმწიფოდ წოდებულ ორგანიზმებად, ისევ საკუთრების ურთიერთობათა ცვლილების ან საზოგადოებრივ საწარმოო პროცესის ახალ მოთხოვნილებათა წარმოშობის გამო. ეს, მაგალითად, შესანიშნავადაა გამოჩვენებული აღმოსავლეთის მსხელ სახელმწიფოთა მიმართ.<sup>2)</sup> ასევე კარ-

1) იქვე, გვ. 7.

2) იხ. განხილული ლ. მენიკოვის წიგნი „დიდი ისტორიული მდინარეების შესახებ“. ამ წიგნში ავტორმა არსებითად უამრავი იმ დასკვნებს, რომელიც მიიღეს უფრო ავტორიტეტულმა სპეციალისტ-ისტორიკოსებმა, მაგალითად, ლენოროშანმა. დასახელებული წიგნის წინასიტყვაობაში ელიზე რეკლიუ ამბობს, რომ მენიკოვის თვალსაზრისი მეცნიერების ისტორიაში ეპოქას შექმნის. ეს არ არის მართალი ამ აზრით, რომ ეს შეხედულება ახალი ირია: სრულიად გარკვეულად მას ჯერ კიდევ უკველი გამოთქვამდა, მაგრამ უეჭვოა, რომ მეცნიერება ბევრს მოგებს, თუ ამ თვალსაზრისს ბოლომდე დაიცავს.

გად არის ეს გამორკვეული ანტიური სახელმწიფოების შესახება(1) და საზოგადოდ ძნელი არაა ამის ცხადყოფა ყოველი სახელმწიფოს მიმართ, რომლის წარმოშობის შესახებ ჩვენ საკმაო ცნობა მოგვეპოება. საჭიროა მხოლოდ განგებ ან შეუგნებლად არ შევზღუდოთ მარქსის თეალსაზრისი. ჩვენ ამით აი რისი თქმა გვინდა.

საწარმოო ძალთა არსებული მდგომარეობით განისაზღვრება ამა თუ იმ საზოგადოების შინაგანი ურთიერთობა. მაგრამ მისი საგარეო ურთიერთობა სხვა საზოგადოებებთან საწარმოო ძალთა ხომ ამავე მდგომარეობით განისაზღვრება. ამ საგარეო ურთიერთობათა საფუძველზე საზოგადოებას დაებადება ახალი მოთხოვნილებები, რომლის დასაკმაყოფილებლად წარმოიშობა ახალი ორგანოები. ზერელე შეხედვით, ცალკე საზოგადოებათა ურთიერთი დამოკიდებულება წარმოგვიდგება „პოლიტიკურ მოქმედებათა“ სახით, რომელთაც ეკონომიასთან უშუალო კავშირი არა აქვთ. სინამდვილეში-კი საზოგადოებათა ურთიერთობის საფუძველს წარმოადგენს სწორედ ეკონომია, რომელიც განსაზღვრავს სატომთაშორისო და საერთაშორისო ურთიერთობის როგორც ნამდვილ (და არა მარტო გარეგან) საბაბს, ისე მის შედეგსაც. საწარმოო ძალთა განვითარების ყოველ საფეხურს შეესაბამება შეიარაღების თავისი სისტემა, თავისი სამხედრო ტაქტიკა, თავისი დიპლომატია, თავისი საერთაშორისო სამართალი. მართალია, შესაძლოა აღინიშნოს მრავალი შემთხვევა, როცა საერთაშორისო შეჯახებას არა აქვს პირდაპირი კავშირი ეკონომიასთან. და მარქსის არც ერთს მიმდევართაგანს აზრადაც არ მოუვა უარპყოს ასეთ შემთხვევათა არსებობა. ისინი მხოლოდ შემდეგს ამბობენ: ნუ შეჩერდებით მოვლენათა ზედაპირზე, შეიქერით უფრო ღრმად, შეეკითხეთ თავს, რა საფუძველზე აღმოცენდა ეს საერთაშორისო სამართალი? რამ შექმნა ასეთ საერთაშორისო შეჯახებათა შესაძლებლობა? და თქვენ ბოლოს მაინც ეკონომიასთან მიხვალთ. მართალია, ცალკე შემთხვევების განხილვა ძნელდება იმით, რომ ხშირად ერთმანეთს ბრძოლაში ებმიან ისეთი საზოგადოებანი, რომელნიც ეკონომიური განვითარების სხვადასხვა საფეხურზე ღვანან.

მაგრამ აქ სიტყვას გვაწყვეტინებს პრინციპილურ მოწინააღმდეგეთა გუნდი. „კარგი, — გაპკივიან ისინი, — ვთქვათ პოლიტიკურ ურთიერთობათა მიზეზი ეკონომიაა. მაგრამ რაკი მოცემულია პოლიტიკური ურთიერთობანი, ისინი — როგორიც უნდა იყოს მათი წარმოშობა — თავისი მხრით ზემოქმედებენ ეკონომიაზე. მაშასადამე, აქ ადგილი აქვს ურთიერთ ზემოქმედებას და მეტს არაფერს“ — ო.

1) იხ. შორგანის წიგნი: „Ancient Society“ და ენგელსის წიგნი: „ოჯახის, კერძო საკუთრებისა და სახელმწიფოს წარმოშობა“.

ეს საბუთი ჩვენ მიერ მოგონილი როდია. თუ როგორ აფასებენ მას „ეკონომიური მატერიალიზმის“ მოწინააღმდეგენი, ამას ნათელ-ჰყოფს შემდეგი „ნამდვილი ამბავი“.

მარქსს თავის „კაპიტალ“-ში მოჰყავს ფაქტები, როელიც მოწმობს, რომ ინგლისის არისტოკრატია სარგებლობდა თავის პოლიტიკური ძალა-უფლებით თავის საქმეების მოსაგვარებლად მიწათმფლობელობის სფეროში. დოკტორმა პაულ ბარტმა, ავტორმა „კრიტიკული ცდის“ სათაურით: „Die Geschichtsphilosophie Hegels und der Hegelianer“, ხელი ჩასქიდა ამას, რომ მარქსისთვის წინააღმდეგობა ესაყვედურებია: მაშასადამე, თქვენც თითონვე აღიარებთ, რომ აქ არსებობს ურთიერთი ზემოქმედებაო. იმის დასამტკიცებლად-კი, რომ აქ მართლაც ადგილი აქვს ზემოქმედებას, ჩვენმა დოკტორმა დაიმოწმა შტერნეგის წიგნი, იმ მწერლის წიგნი, რომელსაც დიდი ღვაწლი მიუძღვის გერმანიის ეკონომიური ისტორიის კვლევა-ძიების საქმეში. ბ. კარევეი ფიქრობს, რომ „ფურცლები, რომელიც ბარტმა თავის წიგნში ეკონომიური მატერიალიზმის კრიტიკას მიუძღვნა, შეიძლება დავასახელოთ იმის ნიმუშად, თუ როგორ უნდა გადაიქრეს საკითხი ეკონომიური ფაქტორის როლის შესახებ ისტორიაში“-ო. თავისთავად ცხადია, რომ მან შემთხვევა არ გაუშვა ეცნობებია მკითხველისთვის ბარტის მოსაზრება და ავტორიტეტული განცხადება ინამა-შტერნეგისა, „რომელიც აყალიბებს კიდევ იმ ზოგად დებულებას, რომ პოლიტიკასა და მეურნეობას შორის ურთიერთი ზემოქმედება ყველა ქვეყნისა და სახელმწიფოს განვითარების ძირითად ნიშანს წარმოადგენს“-ო. საქირაო ოდნავად მაინც გავერკვეთ ამ დომხალში.

ჯერ ვნახოთ, რას ამბობს სახელდობრ ინამა-შტერნეგი? კაროლიხგთა პერიოდის გერმანეთის ეკონომიური ისტორიის შესახებ იგი შემდეგს შენიშნავს: „პოლიტიკასა და მეურნეობას შორის ურთიერთი ზემოქმედება, რომელიც ყველა ხალხისა და სახელმწიფოს განვითარების ძირითად ნიშანს შეადგენს, ყველაზე უფრო ნათლად აქ შეგვიძლია დავინახოთ. პოლიტიკური როლი, რომელიც წილად ხედება ამა თუ იმ ხალხს, გარდამწყვეტ გავლენას ახდენს მის ძალთა შემდგომ განვითარებაზე, მის სოციალურ დაწესებულებათა წყობასა და შემუშავებაზე. სწორედ ასე, ხალხის შინაგანი ძალა და მისი განვითარების ბუნებრივი კანონები განსაზღვრავენ მისი პოლიტიკური საქმიანობის სიძლიერესა და სახეს. სავსებით ამგვარად, კაროლიხგთა პოლიტიკურმა სისტემამ არა ნაკლები გავლენა იქონია სოციალურ წყობილებაზე, სამეურნეო ურთიერთობაზე, რომელშიც მაშინ ცხოვრობდა ხალხი, ვიდრე ხალხის სტიქიურმა ძალამ—მისმა სამეურნეო

ცხოვრებამ—ამ პოლიტიკური სისტემის მიმართულებაზე, რომელმაც მას თავისებური დაღი დაასვა.“<sup>1)</sup> ეს არის და ეს. ეს ცოტაა, მაგრამ სრულიად საკმაოდ მიაჩნიათ მარქსის გასაბათილებლად.

ებლა გავიხსენოთ, რას ამბობს მარქსი ეკონომიის დამოკიდებულების შესახებ სამართალსა და პოლიტიკასთან.

„სამართლებლივი და პოლიტიკური დაწესებულებანი აღმოცენდებიან ადამიანთა ფაქტიურ ურთიერთობის საფუძველზე წარმოების საზოგადოებრივ პროცესში. განსაზღვრულ დრომდე ეს დაწესებულებანი ზედს უწყობენ ხალხის საწარმოო ძალთა შემდგომ განვითარებას, მისი ეკონომიური ცხოვრების აყვავებას.“ ეს მარქსის ნამდვილი სიტყვებია; და ჩვენ ვეკითხებით ყოველ კეთილსინდისიერ ადამიანს, განა ეს სიტყვები შეიცავს პოლიტიკურ ურთიერთობათა მნიშვნელობის უარყოფას ეკონომიის განვითარებისთვის, განა აბათილებს მარქსს ის ხალხი, რომელიც მას ამ მნიშვნელობას მოაგონებს? განა ცხადი არაა, რომ ასეთი უარყოფის ნასახიცი-კი არ არის მარქსის მსჯელობაში და რომ დასახელებული ხალხი ვერაფერსაც ვერ აბათილებს? იმდენად ცხადია, რომ საჭიროა ვიკითხოთ არა ის, გაბათილებულია თუ არა მარქსი, არამედ ის, თუ რატომ გაიგეს ასე ცუდად მარქსი? ამ კითხვაზე-კი შეგვიძლია ვუპასუხოთ მხოლოდ ფრანგული ანდაზით: „la plus belle fille du monde ne peut donner que ce qu'elle a. მარქსის კრიტიკოსები შეთვისების და გაგების იმაზე მეტ უნარს ვერ გამოიჩინენ, რომლითაც ისინი კეთილმყოფელმა ბუნებამ დააჯილდოვა“<sup>2)</sup>.

პოლიტიკასა და ეკონომიას შორის ურთიერთი ზემოქმედება არსებობს. ეს სწორედ ისევე უეჭვოა, როგორც ის გარემოება, რომ ბ. კარევეს არ ესმის მარქსი: მაგრამ ურთიერთი ზემოქმედების არსებობა განა გვიკრძალავს ჩვენ განვაგრძოთ საზოგადოებრივი ცხოვრების ანალიზი?

<sup>1)</sup> Deutsche Wirtschaftsgeschichte bis zum Schluss der Karolingenperiode I Band. Leipzig 1889. გვ. გვ. 223—224.

<sup>2)</sup> მარქსი ამბობს: ყოველი კლასობრივი ბრძოლა არის ბრძოლა პოლიტიკური. მაშასადამეო, ასკენის ბარტი, პოლიტიკა, თქვენის აზრით, სრულიად არავითარ გავლენას არ ახდენს ეკონომიაზე, მაშინ როცა თქვენ თითონვე შოგუვავთ ფაქტები. რომელიც ნათელპყოფს და სხვ.. ყოჩაღ! გაპყვირის ბ. კარევეი, აი, ნიმუში იმისა, თუ როგორ უნდა ედავო მარქსს! ბ. კარევეის „ნიმუში“ საზოგადოდ აზრის საკვირველ ძალას იჩენს, „რუსოლო—ამბობს ნიმუში—ისეთ საზოგადოებაში სცხოვრობდა, სადაც წოდებრივი უთანასწორობა და პრივილეგიები უკიდურესობამდე იყო განვითარებული, სადაც ყველი ემორჩილებოდა ყოვლის შემდეგ დესპოტიზმს; და მაინც ძველებისგან ნახესებმა სახელმწიფოს რაციონალურად მოწყობის მეთოდმა,—რომლითაც პობესი და ლოკიც სარგებლობდა,

არა. ასე რომ გვეფიქრა, ეს თითქმის იგივე იქნებოდა, რომ წარმოგვედგინა, თითქოს ბ. კარევის უვიცობა ხელს შეგვიშლიდეს სწორ „ისტორიოსოფიულ“ ცნებათა შემუშავების საქმეში.

პოლიტიკური დაწესებულებანი გავლენას ახდენენ სამეურნეო ცხოვრებაზე. ისინი ან ხელს უწყობენ მის განვითარებას, ან აბრკოლებენ მას. პირველი შემთხვევა სრულებით ბუნებრივია მარქსის თეალსაზრისით, რადგან განსაზღვრული პოლიტიკური სისტემა სწორედ იმიტომ იქმნება (შეუგნებლად თუ შეგნებულად—ეს ამ შემთხვევაში ჩვენთვის სულერთია), რათა ხელი შეუწყოს საწარმოო ძალთა შემდგომ განვითარებას. მეორე შემთხვევა ოდნავადაც არ ეწინააღმდეგება ამ თეალსაზრისს, რადგან ისტორიული გამოცდილებები გვიჩვენებს, რომ მას შემდეგ, რაც არსებული პოლიტიკური სისტემა აღარ შეესაბამება საწარმოო ძალთა მდგომარეობას და იქცევა მისი შემდგომი განვითარების დაბრკოლებად, იგი თანდათან იხრწნება და ბოლოს ისრბა. ეს შემთხვევა არა თუ ეწინააღმდეგება მარქსის მოძღვრებას, არამედ შესანიშნავად ასაბუთებს მას, რადგანაც სწორედ ის გვიჩვენებს, თუ როგორი აზრით უნდა გავიგოთ ეკონომიის ბატონობა პოლიტიკაზე, თუ როგორ უსწრებს წინ საწარმოო ძალთა განვითარება ხალხის პოლიტიკურ განვითარებას.

ეკონომიური ევოლიუცია იწვევს იურიდიულ გადატრიალებას. ამის გაგება ძალიან ძნელია მეტაფიზიკოსისთვის, რომელიც (მართალია, ურთიერთ ზემოქმედებაზე ლაპარაკობს) ჩვეულია მოვლენები ერთი მეორის შემდეგ და ერთი მეორის დამოუკიდებლად განიხილოს. პირიქით, ამას სულ ადვილად გაიგებს ის ადამიანი, რომელსაც დიალექტიკური აზროვნების უნნიშვნელო უნარი მაინც გააჩნია. მან იცის, რომ რაოდენობითი ცვლილებანი თანდათან გროვდებიან

---

მზიყვანა რუსო ისეთი საზოგადოების იდეალის შექმნამდე, რომელიც დამყარებულია საყოველთაო თანასწორობასა და ხალხის თვითმპყრობელობაზე. ეს იდეალი სავსებით ეწინააღმდეგებოდა საფრანგეთში არსებულ წყობილებას. რუსოს თორი პრაქტიკული კონვენტა განახორციელო: მაშასადამე, ფილოსოფიამ გავლენა იქონია პოლიტიკაზე, ამ უკანასკნელის მეშვეობით-კი ეკონომიაზე (L. C. B. 58).

როგორ მოგწონთ ეს ბრწყინვალე არგუმენტაცია, რომლის სასარგებლოდ დარიბი ეწვეული რესპუბლიკანელის შეილი არისტოკრატიული საზოგადოების პროდუქტი აღმოჩნდა? ჩვენ არ შეუდგებით ბ. ბარტის მოსაზრებათა გაბათილებას, რადგან ეს ჩვენი საბუთების განმეორებას მოასწავებდა. მაგრამ როგორ მოვიქცეთ ბ. კარევის, რომელიც დასტურს აძლევს ბ. ბარტს? ეპ, ბ. ვ. ვ., ცუდიოთქვენი „ისტორიის პროფესორი“, ღმერთს გვეფიცებით, ცუდიო სრულიდ უანგაროდ გირჩევთ გამოხატოთ ახალი „პროფესორი“.

და ბოლოს იწვევენ თვისებითს ცვლილებებს, და ისიც იცის, რომ თვისებათა ეს ცვლილებანი წარმოადგენენ ნახტომის, თანდათანობის შეწყვეტის მომენტებს.

აქ უკვე ჩვენი მოწინააღმდეგენი მოთმინებიდან გამოდიან და წარმოსთქვამენ „თავის სიტყვასა და საქმეს“: ასე ხომ ჰეგელი მსჯელობდაო, გაჰკვირვან ისინი. ასე იქცევა მთელი ბუნება, ვუპასუხებთ ჩვენ.

ზღაპარი მალე ითქმება, მაგრამ საქმე ასე ადვილად როდი კეთდება. ეს ანდაზა ისტორიის მიმართ ასე უნდა გამოეთქვათ: ზღაპრის მოყოლა ძლიერ ადვილია, მაგრამ საქმე მეტის-მეტად რთულად სრულდება. და მართლაც ძალიან ადვილია იმის თქმა, რომ საწარმოო ძალთა განვითარება სამართლებრივ დაწესებულებათა გადატრიალებას იწვევს! ეს გადატრიალებანი წარმოადგენენ მეტად რთულ პროცესებს, რომლის განმავლობაში საზოგადოების ცალკე წევრთა ინტერესები მრავალნაირად ჯგუფდებიან. ზოგისთვის სასარგებლოა ძველი წესწყობილების გამაგრება,—და ისინი მას იცავენ ყველა საშუალებით, რომელიც-კი დამოკიდებულია მათზე. ზოგისთვის-კი ძველი რეჟიმი მავნებელი და საძულველი გახდა, და ისინი თავს ესხმიან მას მთელი ძალღონით, რაც მათს განკარგულებაშია. ესეც ჯერ კიდევ ცოტაა. ნოვატორების ინტერესები ყოველთვის ერთნაირი როდია: ზოგს ერთი რეფორმა მიაჩნია მნიშვნელოვნად, ზოგს—მეორე. უთანხმოება წარმოიშობა თვით რეფორმატორთა ბანაკში, ბრძოლა რთულდება. და თუმცა, ბ. კარეევის სამართლიანი შენიშვნით, ადამიანი სულისა და სხეულისგან შესდგება, მაინც სრულიად უეჭვო მატერიალური ინტერესებისთვის ბრძოლა აუცილებლად წამოჭრის მებრძოლ მხარეთა წინაშე სრულიად უეჭვო სულიერ საკითხს: **სამართლიანობის შესახებ**. რამდენად უპირდაპირდება მას ძველი წყობილება? რამდენად ეთანხმებიან მას ახალი მოთხოვნილებანი? ეს კითხვები უეჭველად წამოიჭრება მებრძოლთა ცნობიერებაში, თუმცა მებრძოლნი ყოველთვის როდი უწოდებენ სამართლიანობას ნამდვილ მის სახელს; შესაძლოა. მათ განაპიროვნონ იგი ადამიანის ან მხეცის მსგავსი რაიმე ღვთაების სახით. ასე, ბ. კარეევის სურვილის წინააღმდეგ, „სხეული“ ჰბადებს „სულს“ ეკონომიური ბრძოლა წამოჭრის მორალურ საკითხებს, „სული“-კი, უახლოესი განხილვის შემდეგ, „სხეული“ აღმოჩნდება; ძველ მორწმუნეთა „სამართლიანობა“ ხშირად ექსპლოატატორთა ინტერესების დამცველად გვევლინება.

სწორედ ის ხალხი, რომელიც ასეთი საკვირველი გამჭირვალობით მიაწერს მარქსს პოლიტიკის მნიშვნელობის უარყოფას,

ამტკიცებს, თითქოს მარქსი არავითარ მნიშვნელობას არ აძლევდა ადამიანთა ფილოსოფიურს, ესთეტიურს, ზნეობრივს წარმოდგენებს, და ყოველთვის და ყოველგან მარტოოდენ „ეკონომიურს“ ამჩნევდა. ეს არაბუნებრივი ლაყბობაა, შჩედრინის ენით რომ ვთქვათ. მარქსი არ უარჰყოფდა ყველა ამ ცნებათა „მნიშვნელობას,“ იგი მხოლოდ მათ გენეზისს ხსნიდა.

„რა არის ელექტრობა?“—მოძრაობის ერთ-ერთი სახე. რა არის სითბო?—მოძრაობის ერთ-ერთი სახე. რა არის სინათლე? მოძრაობის ერთ-ერთი სახე. აჰა, ხედავთ საქმე რაში ყოფილა! მაშასადამე, თქვენ არავითარ მნიშვნელობას არ აძლევთ არც სინათლეს, არც სითბოს და არც ელექტრობას! თქვენთვის ყველაფერი მარტოოდენ მოძრაობაა; ეს ცნებათა მეტის-მეტი ცალმხრივობა, მეტის-მეტი სივიწროება! სწორედ მასე, სწორედ სივიწროვე, ბატონებო! თქვენ დიდებულად გაიგეთ აზრი მოძღვრებისა ენერჯიის გარდაქვევის შესახებ.

საწარმოო ძალთა განვითარების ყოველი განსაზღვრული საფეხური აუცილებლად იწვევს ადამიანთა გარკვეულ დაჯგუფებას საზოგადოებრივ საწარმოო პროცესში, ე. ი. გარკვეულ საწარმოო ურთიერთობას, ე. ი. მთელი საზოგადოების გარკვეულ სტრუქტურას. მაგრამ რაკი მოცემულია საზოგადოების სტრუქტურა, ცხადია, რომ მისი გავლენა თავს იჩენს ადამიანთა მთელს ფსიქოლოგიაში, ყველა მათ ზნე-ჩვეულებაში გრძობებში, შეხედულებებში, მისწრაფებებში და იდეალებში. ზნე-ჩვეულებანი, შეხედულებანი, მისწრაფებანი და იდეალები აუცილებლად უნდა შეეგუონ ადამიანთა ყოფა-ცხოვრების ხასიათს, საზრდოს მოპოების წესს (პეშელის გამოთქმით). საზოგადოების ფსიქოლოგია ყოველთვის მიზანშეწონილია მის ეკონომიასთან, ყოველთვის შეესაბამება მას, ყოველთვის განისაზღვრება იმით. აქ იგივე მოვლენა მეორდება, რომელსაც ჯერ კიდევ ბერძენი ფილოსოფოსები ამჩნევდნენ ბუნებაში: მიზანშეწონილება იმარჯვებს იმ უბრალო მიზეზის გამო, რომ მიზანშეუწონელი მთელი თავისი ხასიათით განწირულია დაღუპვისათვის. უწყობს თუ არა ხელს საზოგადოებას არსებობისათვის ბრძოლის დროს მისი ფსიქოლოგიის შეგუება მის ეკონომიასთან, ცხოვრების პირობებთან? დიდად უწყობს ხელს, იმიტომ რომ ჩვეულებანი და შეხედულებანი, რომელნიც არ შეესაბამებიან მის ეკონომიას და ეწინააღმდეგებიან არსებობის პირობებს, ხელს შეუშლიან მას ამ არსებობის შენარჩუნების დროს. მიზანშეწონილი ფსიქოლოგია ისევე სასარგებლოა საზოგადოებისთვის, როგორც თავის მიზნის შესაფერი ორგანოები სასარგებლოა ორგანიზმისთვის. მაგრამ იმის თქმა, რომ

ცხოველთა ორგანოები უნდა შეეფერებოდეს მათი არსებობის პირობებს, განა იმის თქმას ნიშნავს, რომ ორგანოებს არა აქვს ცხოველისთვის არავითარი მნიშვნელობა? პირიქით, ეს ნიშნავს მისი კოლოსალური, არსებითი მნიშვნელობის აღიარებას. მხოლოდ ძალიან სუსტი გონების პატრონთ შეუძლიანთ საქმე სხვაგვარად გაიგონ. აი ასეა, სწორედ ასე, ბატონებო, ფსიქოლოგიის საქმეც. მარქსი აღიარებდა, რომ ფსიქოლოგია ეგუება საზოგადოების ეკონომიას და ამით სცნობდა მის განუზომელ, განსაკუთრებით მნიშვნელობას.

განსხვავება მარქსსა და, მაგალითად, ბ. კარევეს შორის აქ იმით გამოიხატება, რომ ეს უკანასკნელი, მიუხედავად მისი მიდრეკილებისა „სინთეზისადმი“, მაინც წმინდა წყლის დუალისტა რჩება. მას ერთს ადგილას ეკონომია აქვს; მეორე ადგილას—ფსიქოლოგია; ერთ ჯიბეში—სული, მეორეში—სხეული. ამ სუბსტანციებს შორის ზემოქმედებაა, მაგრამ თითოეული მათგანი დამოუკიდებელ არსებობას ეწევა, რომლის წარმოშობა ბურჟუაზიისაა მოცული<sup>1)</sup>. მარქსის თეალსაზრისი აუქმებს ამ დუალიზმს. ჩისი აზრით საზოგადოების ეკონომია და მისი ფსიქოლოგია ორი მხარეა ერთისა და იმავე მოვლენის, ადამიანთა „სიცოცხლის წარმოების“, არსებობისათვის ბრძოლის, რომელშიც ისინი, საწარმოო ძალთა არსებული მდგომარეობის მიხედვით, განსაზღვრული სახით ჯგუფდებიან. არსებობისთვის ბრძოლა ჰქმნის მათ ეკონომიას; მისივე საფუძველზე წარმოიშობა მათი ფსიქოლოგიაც. ეკონომია თვით არის წარმოებული რამ ისე, როგორც ფსიქოლოგია. სწორედ ამიტომ იცვლება პროგრესის გზაზე მდგომი საზოგადოების ეკონომია: საწარმოო ძალთა ახალი მდგომარეობა იწვევს ახალ ეკონომიურ სტრუქტურას ისე, როგორც ახალ ფსიქოლოგიას და „ეპოქის ახალს სულს“. აქედან ჩანს, რომ მხოლოდ პოპულიარულ ბაასში თუ შეიძლება ვილაპარაკოთ ეკონომიაზე, როგორც ყველა საზოგადოებრივ მოვლენის პირვანდელ მიზეზზე. ეკონომიური სტრუქტურა თვით არის საწარმოო ძალთა შედეგი, „ფუნქცია“.

ეხლა მოვიყვანთ იმ ადგილებს, რომელიც მკითხველს სხოლიოში დავპირდით. „სხეულსაც და სულსაც თავისი მოთხოვნი-

1) არ იფიქროთ, თითქოს ჩვენ ცილს ვსწამებდეთ პატივცემულ პროფესორს. მას დიდი ხოტბა-შესხმით მოჰყავს ბარტის აზრი, რომლის მიხედვითაც „სამართალი ეწევა განცალკევებულს, თუმცა არა დამოუკიდებელ არსებობას.“ აი სწორედ ეს განცალკევებულობა, თუმცა არა დამოუკიდებლობა ხელს უშლის ბ. კარევეს შეიქნოს „ისტორიული პროცესის არსი.“ თუ, სახელდობრ, როგორ უშლის, ამის შესახებ ტექსტი იქნება მოყვანილი ადგილები.



ლებანი აქვს, რომელნიც მიისწრაფიან დაკმაყოფილებიდან და აყენებენ ცალკე პიროვნებას სხვადასხვა ურთიერთობაში გარებუნებასა და ადამიანებთან!.. ამიტომ ადამიანის ურთიერთობა ბუნებასთან, პიროვნების ფიზიკური და სულიერი მოთხოვნილების მიხედვით, იწვევს, ერთის მხრით, პიროვნების მატერიალური არსებობის უზრუნველყოფისაკენ მიმართულ სხვადასხვაგარ საქმიანობას, მეორე მხრით—ჰქნის მთელს გონებრივ და მორალურ კულტურას... ადამიანის მატერიალისტური დამოკიდებულება ბუნებასთან სხეულის მოთხოვნილებებში, მატერიის თვისებებში ძარხია. სხეულის მოთხოვნილებებში უნდა ვეძიოთ „მონადირეობის, მეგოგეობის, მიწათმოქმედების, დაჟუშავებითი მრეწველობის, ვაჭრობისა და ფულადი ოპერაციების მიზეზები“. საღი მსჯელობის მიხედვით ეს, რასაკვირველია, ასეა; მართლაც, ჩვენ რომ სხეული არ გვექნოდა, რად დაგვექირდებოდა პირუტყვი, მხეცები, მიწა და მანქანა, ვაჭრობა და ოქრო? მაგრამ, მეორეს მხრით, ესეც უნდა ვთქვათ: რა არის სხეული უსულოდ? მხოლოდ მატერია, მაგრამ მატერია ხომ მკდარია. მას ხომ არაფრის შექმნა არ შეუძლია, თუ თავისი მხრით სულისა და სხეულისგან არ შესდგება. მაშასადამე, მატერია იჭერს მხეცებს, აშინაურებს ცხოველებს, ამუშავებს მიწას, ვაჭრობს, ბანკში საქმიანობს არა თავისი კეუთით, არამედ სულის კარნახით. მაშასადამე, სულში უნდა ვეძიოთ ბუნებასთან ადამიანის მატერიალისტური დამოკიდებულების წარმოშობის მიზეზი. ამრიგად, სულსაც ორმხრივი მოთხოვნილება აქვს; მაშასადამე, ისიც სხეულისა და სულისგან შესდგება, ეს კი რაღაც სრული უმსგავსოებაა. ეს კიდევ ცოტაა. უნებლიეთ მეზადება აზრი აი კიდევ რის შესახებ. ბ. კარევეის მიხედვით გამოდის, რომ სხეულის მოთხოვნილებათა საფუძველზე აღმოცენდება ადამიანის მატერიალისტური დამოკიდებულება ბუნებასთან. მაგრამ, განა სწორია ეს? განა მართო ბუნებასთან? იქნებ ბ. კარევეს ახსოვს, თუ როგორ სწყველიდა აბატი გიბერი ფეოდალური უღლისგან განთავისუფლებისათვის მებრძოლ ქალაქის თემებს, ამ „საძაგელ“ დაწესებულებებს, რომელთა არსებობის თითქოს ერთად-ერთ მიზანს შეადგენდა სამართლიან ფეოდალურ ბეგარათა თავიდან აცილება. რა ლაპარაკობდა აბატ გიბერში: „სხეული“ თუ „სული“. თუ კი „სხეული“, მაშინ კიდევ ვიტყვი: მაშასადამე, ისიც „სულისა“ და „სხეულისაგან“ შესდგება; თუ „სული“ — მაშასადამე, ესეც „სულისა“ და „სხეულისგან“ შესდგება, რადგან იგი ჩვენ მიერ აღებულ შემთხვევაში თითქმის არ ამჟღავნებს იმ უანგარო დამოკიდებულებას მოვლენებისადმი, რომელიც ბ. კარევეის სიტყვით, „სულის“ დამახასიათებელ თვისებურებას შეადგენს.

აი აქ გაერკვიეთ, თუ შევსწევთ ძალა შესაძლებელია ბ. კარეევმა თქვას, რომ აბატ გიბერში არსებითად სული ლაპარაკობდა, მაგრამ სხეულის კარნახითო და სწორედ ამ სვე აქვს ადგილი მონადირეობის, ვაჭრობის და სხე... დროსო. მაგრამ, ჯერ ერთი, სხეულმა რომ კარნახი შესძლოს, იგი თავისი მხრით კიდევ სხეულისა და სულისგან უნდა შესდგებოდეს; მეორე—ვულგარულ მატერიალისტს შეუძლია შეგვენიშნოს: აი; ხო! ლაპარაკობს სული სხეულის კარნახით, მაშასადამე ის გარემოება, რომ ადამიანი სულია და სხეულისგან შესდგება, ჯერ კიდევ არაფრის თავდება: შე აძლოა, რომ მთელ ისტორიაში სული მხოლოდ სხეულის კარნახით ლაპარაკობდაო. ბ. კარეევს, რასაკვირველია, აღაშფოთებს ასეთი მსჯელობა და შეუდგება ვულგარული მატერიალისტის გაპათილებას. ჩვენ ღრმად დარწმუნებული ვართ, რომ გაიმარჯვებს პატივცემული პროფესორი, მაგრამ ამ ბრძოლაში მას განა დიდ სასნახურს გაუწევს ის უდავო გარემოება, რომ ადამიანი სხეულისა და სულისგან შესდგება?

ესეც ჯერ კიდევ ცოტაა. ბ. კარეევი სწერს, რომ ჰიროენების სულიერი მოთხოვნების ნიადაგზე აღმოცენდება: „მითოლოგია და რელიგია... ლიტერატურა და მხატვრობა“ და საზოგადოებრივი „თეორიული დამოკიდებულება გარემყარისადმი (თავის თავისადმიც). არსისა და შემეცნების საკითხებისადმი სწორედ ისე, როგორც გარე მოვლენათა (აგრეთვე თავის საკუთარი აზრების:ც) უანგარო შემოქმედებითი ასახვა. ჩვენ დაუუჯერეთ ბ. კარეევს. მაგრამ... ჩვენ გვყავს ერთი ნაცნობი სტუდენტი—ტენხოლოგი, რომელიც გაცხარებით სწავლობს დამუშავებითი მრეწველობის ტენიკას, „თეორიულ“ დამოკიდებულებას ბ. პროფესორის მიერ ჩამოთვლილი საგნებ-სადმი კი არ იჩენს. ჩვენ დაგვებადა კითხვა: ხომ არ შესდგება ჩვენი მეგობარი მართო სხეულისგან? ვთხოვთ ბ. კარეევს რაც შეძლებ ჩქარა მოუღოს ბოლო ჩვენ მტანჯვლს და ახალგაზრდა, მეტის მეტად ნიჭიერი, ტენხოლოგისთვის შეურაცხყოფელ ექვეპს!

თუ ბ. კარეევის მსჯელობას რაიმე აზრი აქვს. მხოლოდ შემდეგი: ადამიანს აქვს როგორც მალალი, ისე დაბალი რიგის მოთხოვნები; აქვს, როგორც ეგოისტური, ისე ალტრუისტული გრძობები. ეს სრულიად უდავო ჭეშმარიტებაა, მაგრამ იგი სრულიად არ გამოდგება „ისტორიოსოფიის“ საფუძვლად. ადამიანის ბუნების შესახებ უშინაარსო და გაცვეთილ მსჯელობას ის ვერ სცილდება: იგი სწორედ ასეთი მსჯელობაა და მეტი არაფერი.

სანამ ჩვენ ბ. კარეევს ვებასებოდით, ჩვენმა გამჭირახმა კრიტიკოსებმა უკვე მოასწრეს დავეპირეთ ჩვენ წინააღმდეგობა-

ში თავის თავთან და, რაც მთავარია, მარქსთან. ჩვენ ვთქვით, რომ ეკონომია არ არის საზოგადოებრივ მოვლენათა პირვანდელი მიზეზი, და იმავე დროს ვამტკიცებთ, რომ საზოგადოების ფსიქოლოგია ეგუება მის ეკონომიას,—პირველი წინააღმდეგობა. ჩვენ ვამბობთ, რომ საზოგადოების ეკონომია და ფსიქოლოგია ერთისა და იმავე მოვლენის ორი მხარეა, მაშინ როცა თვით მარქსი გვასწავლის, ეკონომია არის რეალური საფუძველი, რომელზეც აღიმართება იდეოლოგიური ზედნაშენიო,—მეორე წინააღმდეგობა, ჩვენთვის მით უფრო სავალალო, რომ ამით ვსცილდებით იმ ადამიანს, რომლის თვალსაზრისის გადმოცემა ჩვენ ვიკისრეთ. გამოვარკვიოთ საქმის ვითარება.

რომ საზოგადოებრივ-ისტორიული პროცესის ძირითადი მიზეზი საწარმოო ძალთა განვითარებაა—ამას ჩვენ მარქსთან ერთად სიტყვა-სიტყვით ვამბობთ, ასე რომ აქ არავითარ წინააღმდეგობას ადგილი არა აქვს. მაშასადამე, თუ სადმეა წინააღმდეგობა, ეს მხოლოდ საზოგადოების ეკონომიისა და ფსიქოლოგიის ურთიერთობის საკითხში. ცნახოთ.

მკითხველს ვთხოვთ მოიგონოს, თუ როგორ წარმოიშობა კერძო საკუთრება. საწარმოო ძალთა განვითარება ისეთ ურთიერთობას ამყარებს ადამიანთა შორის, რომლის დროსაც ზოგი საგნის პირადი მითვისება უფრო სასარგებლოა საწარმოო პროცესისათვის. ამის შესაბამად იცვლება პირველყოფილი ადამიანის სამართლებრივი წარმოდგენები. საზოგადოების ფსიქოლოგია ეგუება მის ეკონომიას. განსაზღვრულ ეკონომიურ ხაფუძველზე აუცილებლად აღიმართება მისი შესაფერი იდეოლოგიური ზედნაშენი. მაგრამ, მეორეს მხრით, საწარმოო ძალთა განვითარების ყოველი ახალი ნაბიჯი ჰქმნის ცხოვრების პრაქტიკის ახალ ურთიერთობას ადამიანთა შორის, რომელიც არ შეესაბამება უკვე დრომოქმულ საწარმოო დამოკიდებულებებს. ეს ახალი უჩვეულო ურთიერთობა გავლენას ახდენს ადამიანთა ფსიქოლოგიაზე და ძლიერ სკვლის მას. რა მიმართულებით? საზოგადოების ზოგი წევრი იცავს ძველ წესებს, ეს—კონსერვატორი ხალხია. ზოგი—ის, რომლისათვისაც მავნებელია ძველი წყობილება, ემხრობა წინსვლითი მოძრაობას; მათი ფსიქოლოგია იმ საწარმოო ურთიერთობათა მიმართულებით იცვლება, რომელიც ერთდროს ძველ, დრომოქმულ ეკონომიურ ურთიერთობათა ადგილს დაიკავს. როგორც ხედავთ, ეკონომიასთან ფსიქოლოგიის შეგუება გრძელდებ

ბა, მაგრამ თანდათანობითი ფსიქოლოგიური. ევოლიუცია წინ უსწრებს ეკონომიურ რევოლუციას<sup>1)</sup>.

ამ რევოლუციის შედეგ მყისვე მყარდება სრული შესაბამობა საზოგადოების ეკონომიასა და ფსიქოლოგიას შორის. მაშინ ახალი ეკონომიის საფუძველზე საბოლოოდ ყალიბდება ახალი ფსიქოლოგია. რამდენიმე ხნის განაჰყოლობაში ეს შესაბამობა დაურღვეველი რჩება: იგი სულ უფრო და უფრო მტკიცდება კიდევ. მაგრამ თანდათან თავს იჩენს ახალი უთანხმოება: მოწინავე კლასის ფსიქოლოგია ზემოდ აღნიშნული მიზეზის გამო, ისევ უკან სტოვებს ძველ საწარმოო ურთიერთობას. იგი განუწყუტელი განაგრძობს ეკონომიასთან შეგუებას: ის ეგუება ახალ საწარმოო ურთიერთობას, რომელიც მომავლის ეკონომიის ჩანასახს წარმოადგენს. განა ეს ერთისა და იმავე პროცესის ორი მხარე არ არის?

ამდენხანს ჩვენ მარქსის აზრის საილიუსტრაციოდ მაგალითები უმთავრესად ქონებრივი სამართლის სფეროდან მოგვყავდა. ეს სამართალი, რასაკვირველია, იგივე იდეოლოგიაა, მაგრამ იდეოლოგია პირველის, ასე ვთქვათ, დბალი რიგის. როგორ უნდა გავიგოთ მარქსის უხედეულება უმაღლესი რიგის იდეოლოგიაზე: მეცნიერებაზე, ფილოსოფიაზე, ხელოვნებაზე და სხე...?

ამ იდეოლოგიათა განვითარების დროს ეკონომია წარმოადგენს საფუძველს იმ აზრით, რომ საზოგადოებამ უნდა მიაღწიოს კეთილდღეობის განსაზღვრულ საფეხურს იმისთვის, რათა გამოაყოს თავისი წრიდან ადამიანთა განსაზღვრული ფენა, რომელიც მთელ თავის ძალ-ღონეს მხოლოდ-და-მხოლოდ მეცნიერულსა და სხვა ამის მსგავს მუშაობას შესწირავს. შემდეგ, პლატონისა და პლუტარქის ზემომოყვანილი უხედეულება ცხადპყოფს, რომ თვით გონებრივი მუშაობის მიმართულება საზოგადოებაში განისაზღვრება ამ საზოგადოების საწარმოო ურთიერთობით. მეცნიერებათა შესახებ ჯერ კიდევ ვიკო ამბობდა, რომ ისინი საზოგადოებრივი მოთხოვნილებიდან აღმოცენდებიანო. ისეთი მეცნიერების მიმართ, როგორიც პოლიტიკური ეკონომიაა, ეს ყველასათვის ცხადაა, ვინც კი ამ მეცნიერების იტორიას ოდნავ მაინც იცნობს. გრაფმა პეკიომ სამართლიანად შენიშნა, რომ პოლიტიკური ეკონომია განსაკუთრებით ამტკიცებს იმ წესს, რომ პრაქტი-

---

<sup>1)</sup>არსებითად, ეს იგივე ფსიქოლოგიური პროცესია, რასაც ამჟამად ევროპიული პროლეტარიატი განიცდის: მიაი ფსიქოლოგია უკვე ეგუება ახალს, სამერმისო საწარმოო ურთიერთობას.

კა ყოველთვის და ყოველგან წინ უსწრებს მეცნიერებას<sup>1)</sup>. რასაკვირ-  
 ველია, ამის გაგებაც შეიძლება ძალიან განყენებულად. შეიძლება  
 ითქვას: „თავისთავად ცხადია, მეცნიერებისთვის საჭიროა ცდა,  
 რაც მეტია ეს უკანასკნელი, მით უფრო სრულქმნილია მეცნი-  
 ერება“. მაგრამ საქმე ეს კი არ არის. შეადარეთ არისტოტელის და  
 ქსენოფონტის შეხედულებანი ადამ სმითისა და რიკარდოს შეხედუ-  
 ლებებს და თქვენ დაინახავთ, რომ ძველი საბერძნეთის და ბურჟუაზიუ-  
 ლი საზოგადოების ეკონომიურ მეცნიერებას შორის არსებობს არა  
 მარტო რაოდენობითი, არამედ თვახებითი განსხვავებაც: სულ სხვა  
 თვილსაზრისი, სულ სხვა დამოკიდებულება საგნისადმი. რით აიხსნე-  
 ბა ეს განსხვავება? სწორედ იმით, რომ შეიცვალა თვით მოვლენე-  
 ბი: ბურჟუაზიული საზოგადოების და ანტიური ქვეყნის საწარმოო  
 ურთიერთობანი ერთმანეთს არ გვანან. სხვა და სხვა საწარმოო ურ-  
 თიერთობა იწვევს სხვა და სხვა თვალსაზრისს მეცნიერებაში. ეს  
 ცოტაა. შეადარეთ რიკარდოს თვალსაზრისი ვილაც ბასტიას თვალ-  
 საზრისს და თქვენ დაინახავთ, რომ ისინი სხვადასხვანაირად უყურებენ  
 საწარმოო ურთიერთობას,—რომელიც, არსებითად, თავისი ზოგადი  
 ხასიათით უცვლელი დარჩა,—ბურჟუაზიულ საწარმოო ურთიერთობას.  
 რატომ მოხდა ეს ასე? იმიტომ, რომ რიკარდოს დროს ეს ურთიერთო-  
 ბანი ჯერ კიდევ აყვავების ხანას განიცდიდნენ. ჯერ კიდევ მტკიც-  
 დებოდნენ. ბასტიას დროს-კი ისინი დაღუპვის გზაზე იდგნენ. ერთისა  
 და იმავე საწარმოო ურთიერთობის სხვადასხვა მდგომარეობას აუცი-  
 ლებლად უნდა ეპოვნა თავისი გამოხატულება იმ ადამიანთა შეხედუ-  
 ლებებში, რომელნიც მას (ურთიერთობას) იცავენ.

ანდა ავიღოთ სახელმწიფო სამართლის მეცნიერება. როგორ  
 და რატომ ვითარდებოდა მისი თეორია? „სახელმწიფო სამართლის  
 მეცნიერული დამუშავებაო,—ამბობს პროუესორი გუმპლოვიჩი,—იწ-  
 ყება მხოლოდ იქ, სადაც გაბატონებული კლასები ერთი-მეორეს ეჯა-  
 ხებიან თითოეული მათგანის კუთვნილი ხელისუფლების სფეროს გა

1) Quand'essa cominciava appena a nascere nel diciassettesimo secolo, al-  
 cune nazione avevano già da piu secolo fiorito colla lora sola esperianza, da  
 cui poscia la scienza ricavo i suoi detta nu. Storia della l'conomia publica in  
 Italia etc. Lugano, 1829, გვ. 11.

ჯ. ს. მილი იმერებს: „In every department of human affairs, Practice  
 long precedes science... The conception, accordingly of political Economy as a  
 branch of acience, is extremely moderna; but the subject whith wich ist inguiries  
 are couversant has in all ades necessarily constituted one of the chiet practical  
 interests of mankind“. Ptinciples of political Economy. London, 1813, t. I, p. 1.

მო. მაგალითად, პირველი დიდი პოლიტიკური ბრძოლა, რომელსაც ვენჩ ვხვდებით ევროპის საშუალო საუკუნეების მეორე ნახევარში, ბრძოლა საეროსა და სასულიერო ხელისუფლებას შორის, ბრძოლა იმპერატორსა და პაპს შორის აძლევს პირველ ბიძგს გერმანულ სახელმწიფო სამართლის მეცნიერების განვითარებას. მეორე სადავო პოლიტიკური საკითხი, რომელმაც გაბატონებული კლასების წრეში გაორება შეიტანა და ბიძგი მიკცა სახელმწიფო სამართლის შესაბამი ნაწილის პუბლიცისტურ დამუშავებას, იყო იმპერატორის არჩევის საკითხი <sup>1)</sup> და სხვ...

რა არის კლასების ურთიერთი დამოკიდებულება? ეს, პირველ ყოვლისა, სწორედ ის ურთიერთობაა, რომელიც იქმნება ადამიანთა შორის საზოგადოების საწარმოო პროცესში: საწარმოო ურთიერთობა. ეს ურთიერთობა თავის გამოხატულებას ჰპოულობს საზოგადოების პოლიტიკურ ორგანიზაციაში და სხ. ადასხვა კლასს შორის პოლიტიკურ ბრძოლაში; ეს ბრძოლა-კი ხელს უწყობს სხვადასხვა პოლიტიკური თეორიის აღმოცენებასა და განვითარებას: ეკონომიურ საფუძველზე აუცილებლად აღმოცენდება მისი შესაფერი იდეოლოგიური ზედნაშენი.

მაგრამ ყველა ეს იდეოლოგია, თუ პირველის არა, ყოველ შემთხვევაში, არც სრულიად მაღალი რიგისაა. როგორ არის, მაგალითად, ფოლოსოფიის, ხელოვნების საქმე? სანამ ამ კითხვას ვუპასუხებდეთ, ჩვენ ცოტა უკან უნდა დავიხიოთ.

ჰელვეციუსი იმ დებულებას ემყარებოდა, რომ *l'homme n'est que sensibilité*. ამ თვალსაზრისით ცხადია, რომ ადამიანი ყოველთვის ეცდება თავიდან აიცილოს უსიამოვნო და მიიღოს სასიამოვნო შეგრძნებები. ეს შემგრძნები მატერიის აუცილებელი, ბუნებრივი ეგოიზმია. მაგრამ თუ ეს ასეა, მაშინ როგორ ებადება ადამიანს სრულიად უანგარო მისწრაფებანი: ჰემშარიტების სიყვარული, თავვანწირულობა? ასეთი იყო ის ამოცანა, რომელიც უნდა გადაეჭრა ჰელვეციუსს. ჰელვეციუსმა ვერ შეძლო მისი გადაჭრა და სიძნელისგან თავის დასაღწევად მან წაშალა სწორედ ის X, ის უცნობი ოდენობა, რომლის გამორკვევაც მან იკისრა. იგი ამბობდა: არ არის არც ერთი მეცნიერი, რომელსაც ჰემშარიტება უანგაროდ უყვარდეს; ყოველი ადამიანი ხედავს მასში მხოლოდ გზას დიდებისაკენ; დიდებაში-კი—გზას ფულისაკენ; ფულში-კი—სასიამოვნო ფიზიკურ შეგრძნებათა მისაღებ საშუალებას, მაგალითად, გემრიელი საქმელის ან *belles esclaves*-ის შე-

<sup>1)</sup> *Rechtsstaat und Socialismus*, Innsbruck, 1881, გვ. გვ. 124—125.

საძენად. ზედმეტია ლაპარაკი იმაზე, თუ რამდენად მართებულია ასეთი ახსნა. ამით ფრანგულმა მეტაფიზიკურმა მატერიალიზმმა გამოიჩინა უკვე ჩვენ მიერ ზემოდ აღნიშნული უძლურება განვითარების საკითხების გადაჭრის საქმეში.

თანამედროვე დიალექტიკური მატერიალიზმის მამამთავარს აწერენ ისეთ შეხედულებას ადამიანის აზროვნების ისტორიაზე, რომელიც სხვა არაფერია, გარდა ჰელვეციუსის მეტაფიზიკური მსჯელობის განმეორებისა. მარქსის შეხედულება, მაგალითად, ფილოსოფიის ისტორიაზე ხშირად დაახლოებით ასე ესმით: როცა კანტი ამუშავებდა ტრანსცენდენტალი ესთეტიკის საკითხებს, როცა იგი ლაპარაკობდა განსჯის კატეგორიებზე, ან გონების ანტინომიებზე, ეს მხოლოდ ფრაზები იყო: ნამდვილად მას სრულიად არ აინტერესებდა არც ესთეტიკა, არც კატეგორიები და არც ანტინომიები; მას მხოლოდ ერთი რამ ესაქაროებოდა: ნიეწოდებინა იმ კლასისთვის, რომელსაც თითონ ეკუთვნოდა ე. ი. გერმანელ წვრილი ბურჟუაზიისთვის რაც შეიძლება მეტი გემრიელი კერძი და „belles sciences.“ ამის საუკეთესო საშუალებად მას მიაჩნდა კატეგორიები და ანტინომიები, და აი მიჰყო ხელი მათ „მოშენებას.“

განა საჭიროა მტკიცება იმისა, რომ ეს სრული სისულელეა? როცა მარქსი ამბობს, რომ ესა თუ ის თეორია საზოგადოების ეკონომიური განვითარების ამა და ამ პერიოდს შეესაბამებაო,—მას ამით სრულიად იმის თქმა არ უნდა, რომ ამ პერიოდის განმავლობაში გაბატონებული კლასის მოაზროვნე წარმომადგენელი თავიანთ შეხედულებებს განზრახ უხამებენ მათ ცოტად თუ ბევრად მდიდარ, ცოტად თუ ბევრად გულუბნე კეთილშობილთა ინტერესებს.

თავის თავად ცხადია, სიკოფანტები ყოველთვის და ყოველგან იყვენ, მაგრამ მათი წყალობით არ ვითარდებოდა ადამიანის გონება. ისინი კი, ვინც ნამდვილად ხელს უწყობდა გონების განვითარებას, ზრუნავდენ ქეშმარიტებაზე და არა ამა ქვეყნის ძლიერთა ინტერესებზე!).

„საკუთრების სხვადასხვა ფორმაზე,—ამბობს მარქსი,—არც ბობის საზოგადოებრივ პირობებზე აღიმართება სხვადასხვა თავისებური გრძნობების და ილიუზიების, შეხედულებათა და ცნებების მთელი ზედნაშენი. ყველაფერი ეს იქმნება და ყალიბდება მთელი კლასის მიერ მისი არსებობის მატერიალურ პირობებისა და მათ შესა-

1) ეს ხელს არ უშლიდა მათ ზოგჯერ ამა ქვეყნის ძლიერთა შიში ჰქონოდათ. მაგალითად, კანტი ამბობდა თავის თავზე: ვერაფერ მა თქვენგანს რის საწინაღმდეგოს, რასაც ვფიქრობ, მაგრამ ყველაფერს იმასაც ვერ ვიტყვი, რასაც ვფიქრობო.

ფერ საზოგადოებრივ ურთიერთობათა ხიადაგზე.“ იდეოლოგიური ზედნაშენის წარმოშობის პროცესი მიმდინარეობს ადამიანთათვის შეუმჩნეველად. ისინი ან ზედნაშენს განიხილავენ არა როგორც წარმავალ ურთიერთობათა დროებითს პროდუქტს, არამედ როგორც ბუნებრივსა და თავისი საკუთარი ხასიათით საველდებულოს. ცალკე პირთ, რომელთა შეხედულებანი და გრძნობები აღზრდისა და საერთოდ გარემომცველი წრის ზეგავლენით მუშავდება, შეუძლიანთ გამსკვალულნი იყონ სრულიად გულწრფელი, სრულიად თავგანწირული დამოკიდებულებით იმ შეხედულებების და საზოგადოებას იმ ფორმების მიმართ, რომელნიც ისტორიულად ცოტად თუ ბევრად ვიწრო კლასობრივ ინტერესთა საფუძველზე წარმოიშვენ. იგავე ითქმის მთელი პარტიების შესახებაც. 1848 წლის ფრანგი დემოკრატები გამოხატავდენ წვრილი ბურჟუაზიის მისწრაფებებს. წვრილი ბურჟუაზია ბუნებრივად მიისწრაფოდა თავის კლასობრივი ინტერესების დაცვისაკენ, მაგრამ „გონების შეზღუდულობა იქნებოდა გვეუქია. — ამბობს მარქსი, — თითქოს წვრილი ბურჟუაზია შეგნებულად მიისწრაფოდეს თავისი ეგოისტური კლასობრივი ინტერესების დაცვისაკენ. პირიქით, იგი ფიქრობს, რომ მისი განთავისუფლების კერძო პირობები წარმოადგენს საზოგადო პირობებს, მხოლოდ რომლის დროსაცაა შესაძლო თანამედროვე საზოგადოების გადარჩენა და კლასობრივი ბრძოლის მოსპობა. არ უნდა ვიფიქროთ აგრეთვე, რომ წვრილი ბურჟუაზიის წარმომადგენელნი თითქოს მედუქნეები ან მათი თაყვანისმცემელნი იყონ. თავისი განათლებით და პირადი მდგომარეობით ისინი შესაძლებელია ისე შორს იდგენ მედუქნეებისაგან, როგორც ცა დედამიწისგან. წვრილი ბურჟუაზიის წარმომადგენლებად მათ ის გაუემოება ხდის, რომ მათი აზრი არ სცილდება წვრილი ბურჟუაზიის საყოველღეო ცხოვრების ფარგლებს, და რომ ამიტომ ისინი თეორიაში იმავე ამოცანებს ისახავენ და სწყვეტენ, რომელსაც წვრილი ბურჟუა თავისი მატერიალური ინტერესებისა და საზოგადოებრივი მდგომარეობის გამო პრაქტიკულ ცხოვრებაში ისახავს და სწყვეტს. ასეთია ურთიერთობა საზოგადოდ განსაზღვრული კლასის პოლიტიკური და ლიტერატურული წარმომადგენლების, ერთას მხრით, და თვით ამ კლასისა, მეორეს მხრით 1).

1) ლ ა მ ა რ კ ი ამტკიცებს, რომ ცხოვრების პირობები (Les circonstances) გავლენას ახდენს ცხოველთა ორგანიზაციაზე, და იქვე აკეთებს შენიშვნას, რომელიც სასარგებლო იქნება გავიხსენოთ აქ ყოველგვარი გაუგებრობის თავიდან ასაცილებლად. „ის, ვინც ჩემ ნათქვამს სიუხვ-ასიტყუით გაიგებს, — ამბობს იგი, — ყალბ შეხედულებას მომაწერს. რადგან, როგორც უნდა იყოს ცხოვრების პირობები, — ისინი ცხო-



ამას ამბობს მარქსი თავის წიგნში ნაპოლეონ III *capit. et al.*-ის შესახებ. შესაძლოა თავის მეორე თხზულებაში იგი უკეთ არკვევდეს კლასების ფსიქოლოგიის დიალექტიკას. ამ თხზულებაში იგი ლაპარაკობს იმ განმათავისუფლებელ როლზე, რომელსაც ასრულებს ზოგჯერ ცალკე კლასი.

„ვერც ერთი კლასი ვერ შესძლებს ამ როლის შესრულებას, თუ დროებით არ გამოიწვია თავისი და მასების ენტუზიაზმი. ამ ხნის განმავლობაში იგი უძმობილდება მთელ საზოგადოებას, მას სცნობენ საერთო წარმომადგენლად, მას, როგორც ასეთს, თანაუგრძნობენ. ამ დროის განმავლობაში ამ კლასის ყველა უფლება და მოთხოვნისება მართლაც მთელი საზოგადოების უფლებასა და მოთხოვნისებას წარმოადგენს, თითონ-კი—საზოგადოების თავსა და გულს. მხოლოდ მთელი საზოგადოების უფლებათა სახელით შეუძლია ცალკე კლასს მოითხოვოს თავისი გაბატონება დანარჩენზე. რათა შესაძლებელი გახდეს განმათავისუფლებლის როლის ძალით ხელში ჩაგდება და ამასთან ერთად თავისი საკუთარი სფეროს სასარგებლოდ ყველა საზოგადოებრივი სფეროს პოლიტიკური ექსპლოატატორის როლის იერიშით აღება, ამისათვის არაა საკმარისი მარტო ენერჯია და თვითღარწმუნება. რომ ერთი წოდება, ასე ვთქვათ, მთელი საზოგადოების შემცველი გახდეს, ამისათვის საჭიროა, რათა ყველა საზოგადოებრივი სენი თავმოყრილი იყოს სხვა რომელიმე კლასში, საჭიროა, რომ რომელიმე წოდება წარმოადგენდეს ისეთ წოდებას, რომელიც საზოგადო ზიხლს იწვევს, უნდა წარმოადგენდეს განპიროვნებას იმისა, რაც ყველას ავიწროვებს... რომ ერთი წოდება გახდეს განმათავისუფლებელ წოდებად *par excellence*, საჭიროა სხვა რომელიმე წოდება საერთო შეგნებაში წარმოადგენდეს, პირიქით, დამმონაყებელ წოდებას. საფრანგეთის აზნაურებისა და

---

ველთა ფორმასა და ორგანიზაციაში არავითარ უშუალო ცვლილებებს არ იწვევენ“, ცხოვრების პირობების საგრძნობ ცვლილებათა გამო ცხოველებს უჩნდებათ ახალი ძელიდან განსხვავებული მოთხოვნისებები. თუ ეს ახალი მოთხოვნისებები ძლიერ დაუხანს რჩებიან,—ისინი იწვევენ ახალ ჩვეულებათა წარმოშობას. „მას შემდეგ-კი, რაც ცხოვრების იხალმა პირობებმა... ცხოველთა ახალი ჩვეულებები წარმოშვეს, ე. ი. გამოიწვიეს მათი მხრით ახალი მოქმედებანი, რომელნიც ჩვეულებრივ მოქმედებებად იქცენ,—უმჯობესი გახდება ზოგი ორგანოს ვარჯიშობა და ზოგჯერ-კი სრული უმოქმედობა იმ ორგანოებისა, რომელნიც უსარგებლო გახდენ. გაძლიერება ვარჯიშობისა ან უმოქმედობა გაკლენას იქონიებს ორგანოთა აგებულებობაზე და მამასაღმე, მთელ ორგანიზმზეც. (*Lamarque, Philosophie zoologique etc., nouvelle édition par Charles Martin 1873, ტ. I გვ. გვ 223—224*).—აი სწორედ ასე უნდა გვესმოდეს ეკონომიურის და მისგან გამომდინარე სხვა მოთ-

სასულიერო წოდების უარყოფითად უნივერსალურმა მნიშვნელობამ გამოიწვია მისი მკობელი და მოპირდაპირე, ბურჟუაზიული კლასის დადებითად-უნივერსალური მნიშვნელობა<sup>1)</sup>

ამ წინასწარი ახსნის შემდეგ არ არის ძნელი წარმოვიდგინოთ მარქსის შეხედულება მაღალი რიგის იდეოლოგიაზე, მაგალითად, ფილოსოფიასა და ხელოვნებაზე. მაგრამ მეტი სიცხადისთვის ჩვენ შევადარებთ მას ი. ტენის თეილსაზრისს:

„რომ გავიგოთ რომელიმე მხატვრული ნაწარმოები, რომელიმე არტიტი, არტიტთა რომელიმე ჯგუფი, — ამბობს ეს მწერალი, — საჭიროა ზედმიწევნითი სისწორით წარმოვიდგინოთ მათი ეპოქის აზროვნებისა და ზნე-ჩვეულების საერთო მდგომარეობა. იქ ძვეს საბოლოო ახსნა, საბოლოო მიზეზი, რომელიც განსაზღვრავს ყველა დანარჩენს. ეს ქეშმარიტება მტკიცდება ცდით. მართლაც, თუ კი ჩვენ კვალ-და-კვალ განვიხილავთ ხელოვნების ისტორიის მთავარ ეპოქებს, დაეინახავთ, რომ ხელოვნება აღმოცენდება და გაქრება აზროვნებისა და ზნე-ჩვეულების განსაზღვრულ მდგომარეობასთან ერთად, რომელთანაც იგი დაკავშირებულია. მაგალითად, ბერძნული ტრაგედია, — ტრაგედია ესქილის, სოფიკლისა და ევროპიდის, — წარმოიშვა სპარსელებზე ბერძნების გამარჯვებასთან ერთად, ქალაქების მცირე რესპუბლიკების გმირულ ეპოქაში, იმ უდიდესი დაჭიმვის მომენტში, რომლის წყალობითაც მათ თავიანთი დამოუკიდებლობა მოიპოვეს და განათლებულ ქვეყანაზე თავიანთი ჰეგემონია დაამკვიდრეს. ეს ტრაგედია ჰქრება ამ დამოუკიდებლობისა და ენერჯიის გაქრობასთან ერთად, როცა ხასიათის დაწვრილმანება და მაკედონიის დაპყრობა აბატონებს უცხოელებს საბერძნეთზე. სწორედ ასევე გოტიური არქიტექტურა ვითარდება მეთერთმეტე საუკუნის ნახევრად აღორძინების ეპოქაში ფეოდალური წყობილედ-

---

ხოვნილებების გაელენა ხალხის ფსიქოლოგიაზე. აქ წარმოებს შეგუების ნელი პროცესი ვარჯიშობისა ან უმოქმედობის გამო; „აკონომიური“ მატერიალიზმის ჩვენი მოწინააღმდეგენი-კი ჰეიქრობენ, თითქოს, მარქსის აზრით, ხალხი მისი ახალი მოთხოვნა-ღებების წარმოშობისას მყისვე და განზრახ ასხეფერებდეს თავის შეხედულებებს. გასაგებია, რომ იპინი ამას სისულელედ თვლიან. მაგრამ ეს სისულელე ხომ თითონვე მათ მოიგონეს: მარქსს ამის მსგავსი არაფერი უთქვამს. საზოგადოდ ამ მოაზროვნეთა საბუთები მოავაგონებს ერთი ღვალის ძლევა-მოსილ არგუმენტაციას: და რ ვ ი ნ ი ს წინააღმდეგ: „დარეინი ამბობს გადაადგდეთ ჭათამი წყალში და მას საცურავი გარსი გამოეზრდებაო. მე კი ვამტკიცებ, რომ ჭათამი დაიხრჩობა.“

<sup>1)</sup> Deutsch-Französische Jahrbücher, Paris, 1844, წერილი „Zur Kritik der Hegelschen Rechtsphilosophie, Einleitung“, გვ. 82.

ბის საბოლოო დამყარებასთან ერთად, იმ დროს, როცა ნორმანების და ყაჩაღების თავდასხმისაგან განთავისუფლებული საზოგადოება მკვიდრდება უფრო მტკიცედ. იგი ჰქრება მაშინ, როცა ცოტად თუ ბევრად მსხვილ ბარონთა სამხედრო რეჟიმი იხრება XV საუკუნის მიწურულში, ყველა იმ ზნე-ჩვეულებასთან ერთად, რომელიც მისგან გამომდინარეობდა, ახალი დროის მონარქიათა წარმოშობის გამო. მსგავსად ამისა, ჰოლანდიური მხატვრობა იფურქნება იმ სახელოვან მომენტში, როცა თავისი შეუპოვრობისა და სიმამაცის წყალ ბით, ჰოლანდია საბოლოოდ იცილებს ესპანეთის უღელს, წარმატებით ებრძვის ინგლისს, ხდება ყველაზე უფრო მდიდარი, სამრეწველო და აყვავებული სახელმწიფო ევროპაში; იგი განიცდის დეკადანსს XVIII საუკუნის დასაწყისში, როცა მეორე ხარისხიდან აღვილს იქერს, პირველობას ინგლისს უთმობს და ხდება უბრალო ბანკი, მშვიდობიანი და კეთილმოწყობილი სავაჭრო სახლი, სადაც ადამიანს შეუძლია გაატაროს გონიერი ბურჟუას მშვიდი ცხოვრება, რომელსაც არ აწუხებს პატივპოყვარე განზრახვები და ღრმა განცდები. ბოლოს, მსგავსად ამისა, ფრანგული ტრაგედია იჩნდება მაშინ, როცა ლიუდოვიკო XIV დროს, მტკიცედ დამკვიდრ ბულმონარქიას თან მოაქვს ეტიკეტის ბატონობა, სასახლის ცხოვრება, ბრწყინვალეობა და ელევანტობა კარის არისტოკრატისა. ეს ტრაგედია ჰქრება, როცა რევოლუცია აუქმებს აზნაურობას და სასახლის ზნე ჩვეულებებს. როგორც ნატურალის ტეზის სწავლობენ ფიზიკურ ტემპერა ჯურას, რათა გაიგონ ამა თუ იმ მცენარის: შერის თუ სიმინდის, ფიქვის თუ ალოს ხეს აღმოცენება, სწორედ ასევე საჭიროა შევისწავლოთ მორალური ტემპერატურა, რათა ავხსნათ ამა თუ იმ სახის ხელოვნების გაჩენა: წარპართული სკულპტურის ან რელიგიური მატეობის. მისტიკური არქიტექტურის ან კლასიკური ლიტერატურის, საავხორცო მუსიკის ან იდეალისტური პოეზიის. ადამიანის სულს შემოქმედება ისე, როგორც ცოცხალი ბუნების შემოქმედება მხოლოდ მათი გარემომცველი წრით აიხსნება“<sup>1)</sup>

ყველაფერს ამას სავსებით დაეთანხმება მარქსის ყოველი მიმდევარი: დიახ, სწორედ ყოველი მხატვრული შემოქმედება ისე, როგორც ყოველი ფილოსოფიური სისტემა შეიძლება აიხსნას განსაზღვრული ეპოქის აზროვნებისა და ზნე-ჩვეულების მდგომარეობით. მაგრამ რით აიხსნება ეს უკანასკნელი? მარქსის მიმდევრები ფიქრობენ, რომ იგი აიხსნება საზოგადოებრივი წყობილებით, სოციალური წრის თვი-

<sup>1)</sup> Philosophie de l'art deuxième édition. Paris, 1872. გვ. გვ.13—17.

სებებით. „ადამიანის მდგომარეობის ყოველი ცვლილება იწვევს მასი ფსიქიკის შესაბამ ცვლილებას“<sup>1)</sup>, ამბობს იგივე ტენი. და ეს მართალია. მხოლოდ კითხვა ისმება, რა იწვევს საზოგადოებრივი ადამიანის მდგომარეობის, ე. ი. საზოგადოებრივი წყობილების ცვლილებას? მხოლოდ ამ კითხვაში სცილდებიან „ეკონომიური მატერიალისტები“ ტენს.

ტენისთვის ისტორიის, როგორც მეცნიერების, ამოცანა საბოლოოდ „ფსიქოლოგიური ამოცანაა“. მისი აზრით აზროვნებისა და ზნე-ჩვეულების მდგომარეობა ჰქმნის არა მარტო ხელოვნების სხვადასხვა სახეს, ლიტერატურისა და ფილოსოფიის, არამედ ხალხის მრეწველობას და ყველა საზოგადოებრივ დაწესებულებასაც. ეს-კი იმას ნიშნავს, რომ სოციალური წრის საბოლოომიზეზი არის „აზროვნებისა და ზნე-ჩვეულების მდგომარეობა“.

ამრიგად გამოდის, რომ საზოგადოებრივი ადამიანის ფსიქიკა განისაზღვრება მისი მდგომარეობით, მისი მდგომარეობა-კი ფსიქიკით. ეს ჩვენთვის უკვე ცნობილი ანტინომიაა, რომელსაც ვერ დაახწივს თავი XVIII საუკუნის განმანათლებლებმა. ვერც ტენმა შესძლო ამ ანტინომიის გადაჭრა. მან მხოლოდ მთელ რიგ შესანიშნავ თხზულებებში მრავალი ბრწყინვალე ილიუსტრაცია მოგვცა ამ ანტინომიის პირველი დებულებისა: აზროვნებისა და ზნე-ჩვეულების მდგომარეობა სოციალური წრით განისაზღვრება.

ტენის ფრანგი თანამედროვენი, რომელნიც უარპყოფდნენ მის ესთეტიურ თეორიას, იცავდნენ ანტითეზისს: სოციალური წრის თვისებები განისაზღვრება აზროვნებისა და ზნე-ჩვეულების მდგომარეობით.<sup>2)</sup> მსგავსი დავა შესაძლებელია გაგრძელდეს მეორედმოსვლამდე ისე, რომ არა თუ დაესძლიოთ საბედისწერო ანტინომია, არამედ ვერც-კი შევამჩნიოთ მისი არსებობა.

მხოლოდ მარქსის ისტორიული თეორია ახერხებს ამ ანტინო-

---

<sup>1)</sup> Philosophie de l'art dans es Pays-Bas. Paris. 1869. გვ. 96.

<sup>2)</sup> Nous subissons l'influence du milieu politique ou historique, nous subissons l'influence du milieu social, nous subissons aussi l'influence du milieu physique. Mais il ne faut pas oublier que si nous la subissons, nous pouvons pourtant aussi lui resister et vous savez sans doute qu'il y en a de mémorables exemples... Si nous subissons l'influence du milieu, un pouvoir que nous avons aussi, c'est de ne pas nous laisser faire, ou pour dire encore quelque chose de plus,

მის გადაქრას და ამით სრულიად ბოლოს უღებს დავას ან ყოველ შემთხვევაში, მის საბოლოოდ გადაქრის საშუალებას აძლევს იმ ხალხს, რომელსაც სმენა და გონება აქვს.

სოციალური წრის თვისებები განისაზღვრება საწარმოო ძალთა მდგომარეობით ყოველ განსაზღვრულ დროს. რაკი მოცემულია საწარმოო ძალთა მდგომარეობა, ამით მოცემულია აგრეთვე სოციალური წრის თვისებებიც, მოცემულია მისი შესაფერი ფსიქოლოგია, მოცემულია აგრეთვე ურთიერთ ზემოქმედება წრისა, ერთის მხრით, და აზროვნების და ზნე ჩვეულების მეორეს მხრით. ბრიუნეტური საესე-ბით მართალია, როცა ამბობს, რომ ჩვენ არა მარტო ვეგუებით წრეს, არამედ, პირიქითაც. ვახერხებთ ისიც შეეუგუოთ ჩვენს მოთხო-ვნილებებსო. თქვენ იკითხავთ, როგორ ჩნდებიან მოთხოვნილებანი, რომელნიც ჩვენი გარემომცველი წრის თვისებებს არ შეეფერებიან? ისინი იბადებიან ჩვენში—(როცა ამას ვამბობთ, ჩვენ მხედველობაში გვაქვს ადამიანის არა მარტო მატერიალური, არამედ ყველა ეგრეთ-წოდებული სულიერი მოთხოვნილება) იმავე ისტორიული მოძრაო-ბით, საწარმოო ძალთა იმავე განვითარებით, რომლის გამო ყოველი საზოგადოებრივი წყობილება ადრე თუ გვიან არადამაკმაყოფილებე-ლი, მოძველებული ხდება, მოითხოვს რადიკალურ გარდაქმნას და შე'აძლოა სრულს მოსპობასაც. ჩვენ უკვე ზემოდ სამართლებლივ და-წესებულებათა მაგალითზე ცხადყავით, თუ როგორაა შესაძლებელი, რომ ადამიანთა ფსიქოლოგიამ წინ გაუსწროს საზოგადოებრივი ცხოვრების ფორმებს.

ჩვენ დარწმუნებული ვართ, რომ ამ სტრიქონების წაკითხვისას ბევრი ჩვენდამი კეთილგანწყობილი მკითხველიც-კი, გაიხსენებს აუა-რებელ მაგალითს, მრავალ ისტორიულ მოვლენას, რომელთა ახსნა, ერთი შეხედვით, ყოვლად შეუძლებელია ჩვენი თვალსაზრისით. მკითხველები უკვე მზად არიან გვითხრან: „თქვენ მართალი ხართ, მაგრამ არა საესეებით; ასევე არა საესეებით მართალია ის ხალხი, რომე-ლიც საწინააღმდეგო თვალსაზრისს იცავს. თქვენც და ისინიც მხოლოდ ქეშმარიტების ნაწილს ხედავთ.“ მაგრამ მოითმინეთ მკითხველო, ნუ ეძებთ შველას ეკლექტიზმში, სანამ არ შეგითვისებიათ ყველაფერი ის, რისი მოცემაც შეუძლია თანამედროვე მონისტურს, ე. ი. მატე-რიალისტურ თვალსაზრისს ისტორიაზე.

ამდენხანს ჩვენი დებულებანი აუცილებლობის გამო ძლიერ გან-ყენებული ხასიათის იყვნ. მაგრამ ჩვენ უკვე ვიცით: განყენებული-ქეშმარიტება არ არსებობს, ქეშმარიტება ყოველთვის კონკრეტუ-ლია. საქაროა ჩვენ დებულებებს უფრო კონკრეტული სახე მივსცეთ.

რადგანაც თითქმის ყოველი საზოგადოება განიცდის თავისი მეზობლების გავლენას, ამიტომ შეიძლება ითქვას, რომ ყოველი საზოგადოებისთვის, თავისი მხრით, არსებობს განსაზღვრული სოციალური, ისტორიული წრე, რომელიც გავლენას ახდენს მის განვითარებაზე. გავლენის ჯამში, რომელსაც განიცდის ესა თუ ის საზოგადოება მეზობლების მხრით. არასოდეს არაა თანაბარი იმ გავლენისა, რომელსაც განიცდის ამა იე დროს სხვა საზოგადოება. ამიტომ, ყოველი საზოგადოება ცხოვრობს თავის განსაკუთრებულ ისტორიულ წრეში, რომელიც შესაძლებელია ძლიერ წააგავდეს — და მხოლოდ წაგავს კიდევ — სხვა ხალხის გარემომცველ ისტორიულ წრეს, მაგრამ მათ შორის არასოდეს არ არის და არც შეიძლება იყოს სრული იგავება. ამას სხვადასხვაობის მეტის მეტად ძლიერი ელემენტი შეაქვს საზოგადოებრივი განვითარების იმ პროცესში, რომელიც ჩვენი წინანდელა, განყენებული თვალსაზრისით უძარესად სქემატიურად წარმოგვიდგებოდა.

მაგალითი. საგვარეულო კავშირი წარმოადგენს საზოგადოებრივ ფორმას, რომელიც ახასიათებს ყველა ხალხს თავის განვითარების განსაზღვრულ საფეხურზე. მაგრამ ისტორიული წრის გავლენა ძლიერ ასხვავდასხვანაირებს სხვადასხვა ტომთა გვარის ბედს. იგი აძლევს თვით გვარს ამა თუ იმ, ასე ვთქვათ, ინდივიდუალურ ხასიათს, იგი აჩქარებს ან ანელებს მის დარღვევას და გასაკუთრებით ამ დარღვევის პროცესის დიდ სხვადასხვაობას ჰქმნის. რღვევის პროცესის სხვადასხვაობა კი იწვევს იმ საზოგადოებრივი ფორმების სხვადასხვაობას, რომელთაც ადგილს უთმობა საგვარეულო წყობილება. ამდებნანს ჩვენ ვამბობდით: საწარმოო ძალთა განვითარებას მივყევრთ კერძო საკუთრების წარმოშობამდე, პირველყოფილ კომუნიზმის გაქობამდე ეხლა ჩვენ უნდა ვთქვათ: პირველყოფილი კომუნიზმის ნანგრევებზე წარმოშობილი კერძო საკუთრებია ხასიათი სხვაფერდება საზოგადოების გარემომცველი ისტორიული წრის ზოგავლენით. „აზიური, განსაკუთრებით ინდური სათემო საკუთრების ფორმის გულდასმით შესწავლას შეეძლო ნათელყო, თუ პირველყოფილი საზოგადოების სხვადასხვა ფორმიდან როგორ გამომდინარეობს მისი დაოღვევის სხვადასხვა სახე. მაგალითად, კერძო საკუთრების რომაული და გერმანული ტიპი შეიძლებოდა გამოგვეყვანა ინდიური თემის სხვადასხვა სახიდან“<sup>1)</sup>

ამა თუ იმ საზოგადოების გარემომცველი ისტორიული წრის გავლენა თავის იჩენს, რასაკვირველია, მასი (ე. ი. ამ საზოგადოების)

<sup>1)</sup> Zur Kritik der politischen Oekonomie. S. 10. Anmerkung.

იდეოლოგიის განვითარებაში. ასუსტებს თუ არა უცხოეთის გავლენა ამ განვითარების დამოკიდებულებას საზოგადოების ეკონომიურ სტრუქტურაზე? და თუ ასუსტებს, რამდენად?

შეადარეთ ენეიდა ოდისეას, ან ფრანგული კლასიკური ტრაგედია ბერძნულ კლასიკურ ტრაგედიას. შეადარეთ XVIII საუკუნის რუსული ტრაგედია კლასიკურ ფრანგულ ტრაგედიას. რას შეემაჩნეთ? ენეიდა მხოლოდ ოდისეას მიბაძვავა, ფრანგების კლასიკური ტრაგედია ნხოლოდ მიბაძვავა ბერძნული ტრაგედიისა, XVIII საუკუნის რუსული ტრაგედია შექმნილია, თუმცა ულახათოდ, ფრანგული ტრაგედიის მიხედვით. ყოველგან—მიბაძვა, მაგრამ მიმბაძველი სცილდება თავის ნიმუშს მთელი იმ მანძილით, რომელიც არსებობს მიმბაძველის საზოგადოებასა და ნიმუშის წარმომშობ საზოგადოებას შორის. ნუ დაგაეიწყდებათ, რომ ჩვენ შესრულების მეტს თუ ნაკლებს რულქმნილებზე კი არ ვლაპარაკობთ, არამედ იმაზე, რაც მხატვრული ნაწარმოების სულს შეადგენს. ვის წააგავს რასინის აქილესი: იმ ბერძენს, რომელიც, დიდი ხანი არ არის მას შემდეგ, რაც ბარბაროსული მდგომარეობიდან გამოვიდა, თუ XVII საუკუნის მარკიზს—*"talon rouge"*-ს? ენეიდას მოქმედ პირებზე ამბობდენ, რომ ისინი ავეუსტის დროის რომაელებს წარმოადგენენო. მართალია, XVIII საუკუნის რუსული ეგრეთწოდებული ტრაგედიების მოქმედ პირთა შესახებ ძნელია ითქვას, რომ ისინი მაშინდელ რუსებს გამოხატავენ, მაგრამ თვით მათი უვარგისობა რუსეთის საზოგადოების მდგომარეობის დამახასიათებელია. ისინი გვიხატავენ მის მოუშწიფებლობას.

კიდევ მაგალითი. ლოკი უეკველად მე-18 საუკუნის ფრანგ ფილოსოფოსთა დიდი უმრავლესობის მასწავლებელი იყო (პელეციუსის უწოდებს მას ყველა ხალხისა და საუკუნის უდიდეს მეტაფიზიკოსს). და მიუხედავად ამისა, ლოკსა და მის ფრანგ მოწაფეებს ერთმანეთისაგან სწორედ ის მანძილი აცილებს, რომელიც *"glorious revolution"*-ის დროის ინგლისურ საზოგადოებას აშორებდა ფრანგულ საზოგადოებისაგან, როგორც ეს უკანასკნელი იყო საფრანგეთის ხალხის *"great rebellion"*-ის რამოდენიმე ათეული წლის წინედ.

მესამე მაგალითი. მე-40 წლების გერმანეთის „ქეშმარიტ სოციალისტებს“ თავისი იდეები უშუალოდ საფრანგეთიდან შემოქონდათ. მაგრამ შეიძლება ითქვას, რომ ამ იდეებს საზღვარზე მაინც ესმებოდა იმ საზოგადოების დალი, სადაც ისინი უნდა გავრცელებულიყვნ.

ამრიგად, ერთი ქვეყნის ლიტერატურის გავლენა სხვა ქვეყნის ლიტერატურაზე ამ ქვეყნების საზოგადოებრივ ურთიერთობათა მსგავსების პირდაპირ პროპორციულია. ამ გავლენას სრულიადაც არა აქვს ადგილი, როცა მსგავსება მათ შორის ნულს უდრის. მაგალითი: აფრიკის ნეგრებს დღევანდლამდე არ განუცლიათ ოდნავი გავლენა ევროპიული ლიტერატურის. ეს გავლენა ცალმხრივია, როცა ერთ ხალხს თავისი ჩამორჩენილობის გამო არ ძალუძს მისცეს არაფერი მეორეს არც ფორმის და არც შინაარსის მხრით. მაგალითი: წარსული საუკუნის ფრანგული ლიტერატურა გავლენას ახდენდა რუსულ ლიტერატურაზე და არავითარ გავლენას არ განიცდიდა ამ უკანასკნელის მხრით. ბოლოს, ეს გავლენა საურთიერთოა, როცა საზოგადოებრივი ყოფა-ცხოვრებისა და, მაშასადამე, კულტურული განვითარების მსგავსების გამო ორს, ერთმანეთზე მომქმედ, ქვეყანას შეუძლია რაიმე ისეხოს ერთმეორისაგან. მაგალითი: ფრანგული ლიტერატურა გავლენას ახდენდა ინგლისურზე და თავისი მხრით განიცდიდა მის გავლენას.

ფსევდო-კლასიკური ინგლისური ლიტერატურა თავის დროზე ძლიერ მოსწონდა ინგლისის არისტოკრატებს. მაგრამ ინგლისელი წინბაძეულების შენეკმედება ვერასოდეს ვარ შეედრებოდა ფრანგულ ორიგინალებს. ეს იმიტომ, რომ ინგლისელი არისტოკრატების ვეოავითარი ღონისძიება ვერ გადმოიტანდა ინგლისში იმ საზოგადოებრივ ურთიერთობას, რომლის დროსაც გაიფუჩქნა ფრანგული ფსევდო-კლასიკური ლიტერატურა.

ფრანგი ფილოსოფოსები აღტაცებაში მოჰყავდა ლოკის ფილოსოფიას. მაგრამ მათ გაცილებით გაუსწრეს თავის მასწავლებელს. ეს იმიტომ, რომ ის კლასი, რომლის წარმომადგენლებიც ისინი იყვენ საფრანგეთში, გაცილებით წინ წავიდა ძველი რეჟიმის წინააღმდეგ ბრძოლის საქმეში, ვიდრე ინგლისის-საზოგადოების ის კლასი, რომლის მისწრაფებებს გამოხატავდენ ლოკის ფილოსოფიური თხზულებანი.

როცა ჩვენ წინ არის იმ საზოგადოებათა მთელი სისტემა, რომელნიც ძლიერ გავლენას ახდენენ ერთი-მეორეზე—როგორც მაგალითად, ამას ადგილი აქვს ახალი დროის ევროპაში, მაშინ იდეოლოგიის განვითარება თითოეულ მათგანში რთულდება სწორედ ისევე ძლიერად, როგორც ეკონომიური განვითარება—სხვა ქვეყნებთან გახუწყვეტელი სავაჭრო ურთიერთობის ზეგავლენით.

მაშინ ჩვენ გვაქვს თითქმის ერთი, მთელი განათლებული კაცობრიობისთვის საერთო ლიტერატურა. მაგრამ ისე, როგორც:



ზოოლოგიური გვარი იყოფა სახეებად,—ეს მსოფლიო ლიტერატურაში იყოფა ცალკე ქვეყნების სხვადასხვა ლიტერატურად. როცა იუმი ჩამოვიდა საფრანგეთში, ფრანგი „ფილოსოფოსები“ მიესალმნენ მას, როგორც თავიანთ თანამოაზრეს. მაგრამ აი ერთხელ, პოლბახთან სადილობის დროს, ამ ფრანგ ფილოსოფოსთა უეჭველმა თანამოაზრემ ლაპარაკი ჩამოაგდო „ბუნებრივ რელიგიაზე“. „რაც შეეხება ათეისტებს,—თქვა მან,—მე არ წარმომიდგენია მათი არსებობა; მე არასოდეს არც ერთი ათეისტი არ შემხვედრია“-ო.—„ამდენხანს თქვენს რწმუნებულებით ბედი არ გწყალობდათ—მიუგო „ბუნების სისტემის“ ავტორმა,—აქ, მაგიდასთან, თქვენ პირველად ჩვიდმეტ ათეისტს ხედავთ“. იმავე იუიმე გადამწყვეტი გავლენა იქონია კანტზე, რომელიც მან, ამ უკანასკნელის სიტყვებითვე, გამოაღვიძა დოგმატიური ძილიდან. მაგრამ კანტის ფილოსოფია საგრძნობლად განსხვავდება იუმეს ფილოსოფიისაგან. იდეათა იმავე ფონდს მიუყუევართ ფრანგი მატერიალისტების მებრძოლ ათეიზმამდე, იუმეს რელიგიურ ინდიფერენტისამდე, კანტის „პრაქტიკულ“ რელიგიამდე. საქმე ის არის, რომ რელიგიური საკითხი ინგლისში ისეთსავე როლს არ ასრულებდა, როგორსაც საფრანგეთში, და საფრანგეთში არა ისეთს, როგორსაც გერმანიაში. რელიგიური საკითხის ეს სხვადასხვა მნიშვნელობა-კი გამოწვეული იყო იმით, რომ თითოეულში ჩამოთვლილ ქვეყნებიდან საზოგადოებრივ ძალთა სხვადასხვა ურთიერთობა იყო. თავისი ბუნებრივ ერთგვარი, მაგრამ თავისი განვითარების ხარისხით სხვადასხვა, საზოგადოებრივი ელემენტები სხვადასხვაგვარად ჯგუფდებოდნენ სხვადასხვა ევროპიულ ქვეყანაში და ამიტომ იყო, რომ თითოეულ მათგანში ადგილი ჰქონდა „აზროვნების და ზნე-ჩვეულების“ თავისებურ „მდგომარეობას“, რაც გამოიხატა ნაციონალურ ლიტერატურაში, ფილოსოფიაში, ხელოვნებაში და სხვა... ამის გამო შესაძლებელი იყო, რომ ერთსა და იმავე კითხვას დიდი ინტერესით მოპყრობოდნენ ფრანგები და სრული გულგრილობა გამოეჩინათ ინგლისელებს; ერთსა და იმავე საბუთს შეეძლო მოწინავე გერმანელში დიდი პატივისცემა გამოეწვია, მოწინავე ფრანგში—კი ზომაზე მეტი სიძულვილი. რა იყო გერმანული ფილოსოფიის კოლოსალური წარმატების მიზეზი? გერმანიის სინამდვილეო, გვიპასუხებს ჰეგელი: ფრანგებს არ სცალიათ ფილოსოფიისთვის, ცხოვრება მათ პრაქტიკული სფეროსკენ (zum Praktischen) იწვევს, გერმანული სინამდვილე-კი უფრო გონივრულია, გერმანელებს შეუძლიათ მშვიდად განავითარონ თეორია (beim Theoretischen stehen bleiben). არსებითად გერმანული სინამდვილის ეს მოჩვენებითი გონივრულობა გამოწვეული იყო გერ-

მანულის სოციალური და პოლიტიკური ცხოვრების სიბეზავით, რის გამოც მაშინდელ განათლებულ გერმანელებს სხვაგზა არ რჩებოდათ, თუ არა ემსახურათ მოხელეების სახით სრულიად არამინიჭიდველი „სინამდვილისათვის“ (შეგუებოდენ „პრაქტიკულს“), ან ნუგეში ეძებნათ თეორიაში, მიეპყრათ ამ დარგისაკენ ნების მთელი ძალა, აზრის მთელი ენერჯია. მაგრამ, რომ ამ „პრაქტიკულით“ გატაცებულ მოწინავე ქვეყნებს წინ არ წაეწიათ გერმანელების თეორიული აზრი, რომ მათ არ გამოეღვიძებიათ ისინი „დოგმატიური ძილისგან“, მაშინ ეს უარყოფითი თვისება—სოციალურისა და პოლიტიკური ცხოვრების სიბეზავე—ვერ წარმოშობდა ამ კოლოსალურ დადებით რეზულტატს: გერმანული ფილოსოფიის ბრწყინვალე განვითარებას.

გოეთეს მეფისტოფელი ამბობს: „Vernunft wird Unsinn, Wohltat — Plage“-ო. გერმანული ფილოსოფიის ისტორიის მიმართ თითქმის შეიძლება ასეთი პარადოქსი ვიხმაროთ: უგონობამ წარმოშვა გონება, სიბეზავე კეთილმყოფელი აღმოჩნდა.

მაგრამ, ვფიქრობ, ეხლა შესაძლოა დაეამთავროთ ჩვენი დალაგების ეს ნაწილი. გაუკეთოთ ნათქვამს რეზიუმე.

ურთიერთობა არსებობს როგორც საერთაშორისო, ისე ხალხთა შინაგან ცხოვრებაში; იგი სრულიად ბუნებრივი და აბსოლუტურად აუცილებელია, მაგრამ, თავის თავად, იგი ჯერ კიდევ არაფერს ხსნის. ურთიერთი ზემოქმედების გასაგებად საჭიროა გამოვარკვიოთ ურთიერთ ზემოქმედ ძალთა თვისებები. ეს თვისებები კი საბოლოოდ არ აიხსნება ურთიერთი ზემოქმედების ფაქტით, რა რიგ არ უნდა შეიცვალონ ისინი ამ უკანასკნელის წყალობით. ამ შემთხვევაში ზემოქმედ ძალთა ხასიათი, ურთიერთ გავლენის ქვეშ მყოფ საზოგადოებრივ ორგანიზმთა თვისებები აიხსნება საბოლოოდ ჩვენთვის უკვე ცნობილი მიზეზით: ამ ორგანიზმთა ეკონომიური სტრუქტურით, რომელიც მათ საწარმოო ძალთა მდგომარეობით განისაზღვრება.

ისტორიის ფილოსოფიამ, რომელსაც ჩვენ ვალაგებთ, ვფიქრობთ, რამოდენადმე უფრო კონკრეტული სახე მიიღო. მაგრამ იგი ჯერ კიდევ მაინც განყენებულ ხასიათს ატარებს, ჯერ კიდევ შორს დგას „ცოცხალი სინამდვილისაგან“. ჩვენ გვმართებს გადავდგათ კიდევ ნაბიჯი ამ უკანასკნელისაკენ.

ჯერ ჩვენ ვლაპარაკობდით „საზოგადოებაზე“, შემდეგ გადავედით საზოგადოებათა ურთიერთ ზემოქმედებაზე; მაგრამ ყოველი საზოგადოება თავის შემადგენლობით ხომ ერთგვარი არ არის; ჩვენ

აკი ვეცით, რომ პირველ-ყოფილი კომუნისმის დარღვევას მივყევართ უთანასწორობამდე, კლასების წარმოშობამდე, რომლებსაც სხვადასხვა, ხშირად ერთი მეორის სრულიად საწინააღმდეგო ინტერესები აქვთ. ჩვენ უკვე ვიცით, რომ კლასებს შორის გაჩაღებულია თითქმის განუწყვეტელი ხან ფარული, ხან აშკარა, ხან ქრონიკული, ხან მწვავე ბრძოლა. და ეს ბრძოლა ახდენს უდიდეს, მეტის-მეტად მნიშვნელოვან გავლენას იდეოლოგიათა განვითარებაზე. გადაუმეტებლად შეიძლება ითქვას, რომ ჩვენ სრულიად ვერ გავიგებთ ამ განვითარებას, თუ მხედველობაში არ მივიღებთ კლასთა ბრძოლას.

„გნებავთ თქვენ გაიგოთ, თუ შეიძლება ასე ითქვას, ნამდვილი მიზეზი ვოლტერის ტრაგედიისა?“ ჰკითხულობს ბრიუნეტერი. „ეძებეთ იგი, ჯერ ერთი, ვოლტერის პიროვნებაში, განსაკუთრებით-კა აუცილებლობაში, რომელიც მას მოსვენებას არ აძლევდა გაეკეთებოდა სრულიად სხვა რამ, ვიდრე რასინმა და კინომ უკვე გააკეთეს, და იმავე დროს, მათი გზით წასულიყო. რომანტიული დრამის: ჰუჯოსა და დიუმას დრამის შესახებ, მე თავს ნებას მივსცემ ვთქვა, რომ მის განმარტებას სავსებით შეიცავს ვოლტერის დრამის განმარტება. თუ რომანტიზმს არ სურდა გაეკეთებია ეს თუ ის თეატრალურ სცენაზე, ეს იმიტომ, რომ მას უნდოდა კლასიციზმის საწინააღმდეგო გაეკეთებია... ლიტერატურაში ისე, როგორც ხელოვნებაში, პიროვნების გავლენის შემდეგ, დიდი მნიშვნელობა აქვს ნაწარმოებთა ერთი-მეორეზე მოქმედებას. ზოგჯერ ჩვენ ვცდილობთ შევეცილოთ ჩვენ წინამორბედთ მათ საკუთარ ეპოქაში,—და ამ გზით მკვიდრდება განსაზღვრული წესები, იქმნება სკოლები, მტკიცდება ტრადიციები. ზოგჯერ-კი ჩვენ ვცდილობთ სხვაგვარად ვაკეთოთ, ვიდრე ისინი აკეთებდნენ,—და მაშინ იბადება წინააღმდეგობა განვითარებასა და ტრადიციებს შორის, ჩნდება ახალი სკოლები, სხვაფერდება წესები“<sup>1)</sup>.

საკითხს პიროვნების როლის შესახებ ჯერ განუხილველად დავტოვებთ და შევნიშნავთ, რომ დროა უკვე ჩაუფიქრდეთ „ერთი ნაწარმოების მოქმედებას მეორეზე.“ ყველა იდეოლოგიის განვითარება სწორედ იმ გზით მიდის, რომელიც ბრიუნეტერიმა აღნიშნა. ერთი ეპოქის იდეოლოგიები—ან მიდიან თავიანთ წინამორბედთა გზით, ანვითარებენ მათ აზრებს, იყენებენ მათ წესებს და თავს ნებას აძლევენ მხოლოდ „შევეცილონ“ მათ; ან ისინი ილაშქრებენ ძველი იდეების და წესების წინააღმდეგ, უპირდაპირდებიან მათ. ორ-

განიულ ეპოქებს, სენ-სიმონის თქმით, სცელის კრიტიკული ეპოქები. ყურადღების ღირსია განსაკუთრებით უკანასკნელი.

აიღეთ რომელი საკითხი გნებავთ, ვთქვათ, ფულის შესახებ. მერკანტილისტებისათვის ფული წარმოადგენდა სიმდიდრეს *par excellence*: ისინი მიაწერდნენ ფულს გადამეტებულს, თითქმის განსაკუთრებულ მნიშვნელობას. იმათ, ვინც მერკანტილისტებს ებრძოდა, არა თუ აიცილეს ეს უკიდურესობა, არამედ თითონაც (ყოველ შემთხვევაში, მათგან ზოგი ყველაზე უფრო თავგამოდებული) პირდაპირ საწინააღმდეგო უკიდურესობაში ვარდებოდა. ფული მხოლოდ პირობითი ნიშანია. თავის თავად მას არავითარი ღირებულება არ გააჩნია. ასე უყურებდა ფულს, მაგ., იუმე. თუ მერკანტილისტების თვალსაზრისი შეიძლება მათი დროის სასაქონლო წარმოებისა და მიმოქცევის ჩამორჩენილობით აიხსნას, პირიქით, უცნაური იქნებოდა აგვეხსნა მათ მოწინააღმდეგეთა თვალსაზრისი მხოლოდ იმით, რომ საქონლის წარმოება და მიმოქცევა ძლიერ განვითარდა. ეს შემდგომი განვითარება ერთი წუთითაც არ აქცევდა უფლს შინაგან ღირებულებას მოკლებულ პირობით ნიშნად. რამ გამოიწვია იუმეს თვალსაზრისის უკიდურესობა? იგი წარმოშვა მერკანტილისტებთან ბრძოლის, „წინააღმდეგობის“ ფაქტმა; მას სურდა მერკანტილისტების „საწინააღმდეგო“ გაეკეთებია, მსგავსად იმისა, როგორც რომანტიკოსებს სურდათ გაეკეთებიათ კლასიკოსების „საწინააღმდეგო“. ამიტომ შეიძლება ითქვას (მსგავსად იმისა, როგორც ბრიუნეტერი ამბობს რომანტიულ დრამაზე), რომ მერკანტილისტების თვალსაზრისი ფულზე საესებით შეიცავს იუმეს თვალსაზრისს, როგორც თავის საწინააღმდეგოს.

მეორე მაგალითი. XVIII საუკუნის ფილოსოფოსნი დაუნდობლად და გადაქრით ებრძვიან ყოველგვარ მისტიციზმს. ფრანგი უტოპისტები ცოტად თუ ბევრად გამსჭვალულნი არიან რელიგიური განწყობილებით. რით იყო გამოწვეული ეს დაბრუნება მისტიციზმთან? ნუთუ ისეთ ხალხს, როგორც იყო „ახალი ქრისტიანობის“ ავტორი, ნაკლები „*lumières*“ გააჩნდა, ვიდრე ენციკლოპედისტებს? არა, მათ არა ნაკლები „*lumières*“ ჰქონდათ, და საზოგადოდ მათი შეხედულებანი მქიდრო კავშირში იყვენ ენციკლოპედისტების შეხედულებებთან. ისინი ამ უკანასკნელთა უშუალო მემკვიდრენი იყვენ, მაგრამ დაუპირისპირდნენ მათ ზოგიერთ საკითხებში,—ე. ი, არსებითად საზოგადოებრივი ორგანიზაციის საკითხში,—და დაებადათ სურვილი „გაეკეთებიათ საწინააღმდეგო“ ენციკლოპედისტებისა; მათი დამოკიდებულება რელიგიისადმი წარმოადგენდა მხოლოდ წინააღმდეგო-

ბას „ფილოსოფოსთა“ დამოკიდებულებისა რელიგიისადმი. ამ უკანასკნელთა თვალსაზრისი უკვე შეიცავდა ფრანგი უტოპისტების თვალსაზრისს რელიგიაზე.

ბოლოს ავიღოთ მაგალითად ფილოსოფიის ისტორია: XVIII საუკუნის მეორე ნახევარში საფრანგეთში ბატონობს მატერიალიზმი; მისი დროშის ქვეშ გამოდის საფრანგეთის *l'Etat*-ის უკიდურესი ფრაქცია. XVIII საუკუნის ინგლისში მატერიალიზმით გატაცებულნი არიან ძველი რეჟიმის დამცველები—არისტოკრატები, აბსოლუტიზმის მომხრეები. ამისი მიზეზიც ცხადია. ის ხალხი, რომელთანაც „წინააღმდეგობაში“ იპოფებოდენ რესტავრაციის დროის ინგლისელი არისტოკრატები, უკიდურესი რელიგიური ფანატიკოსები იყვნენ; რათა „საწინააღმდეგო გაეკეთებინათ“, რეაქციონერები იძულებულნი გახდნენ მატერიალიზმამდე მისულყვენ. XVIII საუკუნის საფრანგეთში საქმის ვითარება სულ საწინააღმდეგო იყო: რელიგიას იცავენ რეაქციონერები, მატერიალიზმს-კი უკიდურესი რევოლუციონერები. ასეთი მაგალითებით სავსეა აზროვნების ისტორია და ისინი ერთსა და იმავეს ადასტურებენ: ყოველი კრიტიკული ეპოქის „აზროვნების მდგომარეობის“ გასაგებად, იმის ასახსნელად, თუ რატომ ბატონობს განსაზღვრულ ეპოქის განმავლობაში სწორედ ასეთი, და არა სხვაგვარი მოძღვრება, საჭიროა წინასწარ გავეცნოთ წინა ეპოქის „აზროვნების მდგომარეობას“; უნდა შევიტყოთ, რა მოძღვრებანი და მიმართულებანი ბატონობდენ მაშინ. ამის გარეშე სრულიად ვერ გავიგებთ რომელიმე ეპოქის გონებრივ მდგომარეობას, რა გინდ კარგად ვიცოდეთ მისი ეკონომია.

მაგრამ არც ეს უნდა გავიგოთ განყენებულად, როგორც ეს რუს „ინტელიგენციას“ ჩვევია. ერთი რომელიმე ეპოქის იდეოლოგები არასოდეს არ აწარმოებენ თავის წინამორბედთა წინააღმდეგ ბრძოლას *sur toute la ligne*;—ადამიანის ცოდნის ყველა დარგისა და საზოგადოებრივ ურთიერთობათა გარშემო. XIX საუკუნის ფრანგი უტოპისტები სავსებით ეთანხმებოდენ ენციკლოპედისტებს მრავალ ანთროპოლოგიურ საკითხში; რესტავრაციის დროის ინგლისელი არისტოკრატები მრავალ საკითხში ეთანხმებოდენ მათთვის საძულველ პურიტანებს, მაგალ., სამოქალაქო სამართლის საკითხებში და სხვ... ფსიქოლოგიური ტერიტორია განიყოფება პროვინციებად, პროვინციები მაზრებად, მაზრები თემებად, თითოეული თემი წარმოადგენს ცალკე პირთა (ე. ი. საკითხთა) კავშირს. როცა თავს იჩენს „წინააღმდეგობა“, როცა იფეთქებს ბრძოლა, იგი მოიცავს ჩვეულებრივად მხოლოდ ცალკე პროვინციებს,—თუ მაზრებს არა—

მხოლოდ ანარეკლი მოქმედება მოედება მეზობელ სფეროებს. თავდასხმა წარმოებს, პირველ ყოვლისა, იმ პროვინციაზე, რომელსაც ეკუთვნოდა წინა ეპოქაში ჰეგემონია. მხოლოდ თანდათან ომის უბედურებანი ვრცელდება უახლოეს მეზობლებზე, თავდასხმის ქვეშ მყოფ პროვინციის ერთგულ მოკავშირეებზე. ამიტომ საჭიროა დაეუმატოთ, რომ ყოველი კრიტიკული ეპოქის ხასიათის გამორკვევის დროს აუცილებელია გავიგოთ წინა ორგანიული ეპოქის ფსიქოლოგიის არა მარტო ზოგადი თვისებები, არამედ ამ ფსიქოლოგიის ინდივიდუალური თავისებურებანიც. ერთი რომელიმე ისტორიული პერიოდის განმავლობაში ჰეგემონია ეკუთვნის რელიგიას, მეორეში — პოლიტიკასა და სხვ... ეს გარემოება აუცილებლად თავს იჩენს შესაფერი კრიტიკული ეპოქების ხასიათში, რომელთაგან თითოეული გარემოებისდა მიხედვით, ან განაგრძობს ფორმალურად ძველი ჰეგემონიის ცნობას და შეაქვს ახალი, ძველის საწინააღმდეგო, შინაარსი გაბატონებულ ცნებებში (მაგალითი: ინგლისის პირველი რევოლუცია), ან და სავსებით უარჰყოფს მას და ჰეგემონია გადადის აზროვნების ახალ პროვინციებზე (მაგალითი: განათლების დროის ფრანგული ლიტერატურა). თუ გავიხსენებთ, რომ ცალკე ფსიქოლოგიური პროვინციების ბრძოლა ჰეგემონიისათვის ითრეკს მეზობლებსაც და სხვადასხვანაირად და სხვადასხვა მიმართულებით ვრცელდება მათზე ყოველ ცალკე შემთხვევაში, მაშინ ჩვენთვის ნათელი გახდება, თუ რამდენად დაუშვებელია აქ, როგორც ყოველგან, განყენებულ დებულებებზე შეჩერება.

„შესაძლოა ყველაფერი ეს ასევე იყოს — გვეუბნებიან ჩვენი მოწინააღმდეგენი, — მაგრამ ვერ გავიგია რა შუაშია აქ კლასთა ბრძოლა, და ჩვენ ვფიქრობთ, რომ თქვენ სადღეგრძელოთ დაიწყეთ და სულისმოსახსენებლით ათავებთ. თქვენ თითონვე სცნობთ ეხლა, რომ ადამიანის აზრის განვითარება ემორჩილება თავისებურ კანონებს, რომელსაც არაფერი აქვს საერთო ეკონომიის კანონებთან ან საწარმოო ძალთა იმ განვითარებასთან, რომლითაც თქვენ გული გავგიწყალეთ.“ გიპასუხებთ.

რომ ადამიანის აზრის განვითარებას, უფრო სწორედ, ადამიანის ცნებების და წარმოდგენების შეერთება-შეკავშირებას თავის ზაკუთარი კანონები აქვს, ამას, როგორც ვიცით, არ უარჰყოფდა არც ერთი „ეკონომიური“ მატერიალისტი. არც ერთი მათგანი არ აიგივებდა, მაგალითად, საქონლის მიმოქცევის და ლოლიკის კანონებს. მაგრამ, მიუხედავად ამისა, არც ერთს ამ სახის მატერიალისტს არასოდეს არ მოსვლია აზრად კაცობრიობის გონებრივი განვითარება.

რების საბოლოო მიზნის, ძირითადი მამოძრავებელის ძებნა აზროვნების კანონებში დაეწყო. სწორედ ეს გარემოება ასხვავებს „ეკონომიურ მატერიალისტებს“, მათ სასარგებლოდ, იდეალისტებისა და განსაკუთრებით-კი, ეკლექტიკოსებისგან.

რაკი კუჭი მომარაგებულია საკვები მასალის განსაზღვრული რაოდენობით, იგი იწყებს მუშაობას საქმელის მონელების საერთო კანონების მიხედვით. მაგრამ განა შეიძლება ამ კანონების შეშვეობით ვუპასუხოთ კითხვას, რატომ თქვენს კუჭში ყოველდღიურად იგზავნება გემრიელი და ნოყიერი საზრდო, ჩემს კუჭში-კი იგი იშვიათი სტუმარია? ხსნის თუ არა ეს კანონები, რატომ ზოგიერთი ძალიან ბერს სკამს, ზოგი-კი შიმშილით კვდება? ჩვენ გვგონია, რომ ამის ახსნა უნდა ვეძებოთ რომელიმე სხვა სფეროში, სხვაგვარ კანონების მოქმედებაში. ასეა ადამიანის გონების საქმეც. რაკი იგი ჩაყენებულია განსაზღვრულ მდგომარეობაში, რაკი მას გარემომცველი წრე განსაზღვრულ შთაბეჭდილებებს აწვდის, იგი აერთებს და აკავშირებს მათ ერთგვარი საერთო კანონების მიხედვით (ამასთანავე შედეგი აქაც სხვადასხვანაირია მიღებულ შთაბეჭდილებათა სხვადასხვაობის განი). მაგრამ რა აყენებს მას ასეთ მდგომარეობაში? რით განისაზღვრება მიღებულ ახალ შთაბეჭდილებათა რაოდენობა და ხასიათი? აი კითხვა, რომელსაც ვერ გადავჭრით აზრის ვერავითარი კანონებით.

შემდეგ. წარმოიდგინეთ, რომ მ:ლალი კოშკიდან ვარდება ბურთი. მისი მოძრაობა წარმოებს შექანიკის ყველასათვის ცნობილი და მეტად მარტივი კანონის მიხედვით. მაგრამ აი ბურთი დაეჯახა დახრილ სიბრტყეს და მისი მოძრაობა მიმართულებას იცვლის სხვა, ისევე მეტად მარტივი და ყველასათვის ცნობილი შექანიკური კანონის მიხედვით. შედეგად ვღებულობთ მოძრაობის ტეხილ ხახს, რის შესახებაც შეიძლება და უნდა ითქვას კიდევ, რომ იგი წარნოადგენს ორივე აღნიშნული კანონის შეერთებული მოქმედების რეზულტატს. მაგრამ საიდან გაჩნდა დახრილი სიბრტყე, რომელსაც ბურთი დაეჯახა? ამას ვერ ხსნის ვერც პირველი კანონი, ვერც მეორე და ვერც მათი შეერთებული მოქმედება. სრულიად იგივე ითქმის ადამიანის აზროვნების შესახებაც. საიდან გაჩნდნ ის გარემოებანი, რომელთა წყალობითაც მისი (აზროვნების) მოძრაობა ერთგვარ კანონების შეერთებულ მოქმედებას დაემორჩილა? ამას ვერ ხსნის ვერც მისი ცალკე კანონები და ვერც ამ კანონთა შეერთებული მოქმედება.

ის გარემოებანი, რომლებზეც დამოკიდებულია აზროვნების მოძრაობა, სწორედ იქ უნდა ვეძიოთ, სადაც მათ ფრანგი განმანათლებლები ეძებდნენ. მაგრამ ჩვენ ეხლა უკვე არ ვჩერდებით იმ „საზღვართან“, რომლის „გადალახვაც“ მათ ვერ შესძლეს. ჩვენ არათუ ვამბობთ, რომ ადამიანი მთელი თავისი აზრებითა და გრძნობებით საზოგადოებრივი გარემოს ნაყოფია, არამედ ამ საზოგადოებრივი გარემოს გენეზისის გაგებასაც ვსცდილობთ. ჩვენ ვამბობთ, რომ ამ გარემოს თვისებებს ესა და ეს, ადამიანის გარეშე მყოფი და დღემდე მისი ნებისგან დამოუკიდებელი მიზეზი განსაზღვრავს. ადამიანთა ფაქტიურ ურთიერთობათა მრავალგვარი ცვლილებანი აუცილებლად იწვევს მათი (ადამიანთა) „აზროვნების მდგომარეობის“, იდეათა ურთიერთი დამოკიდებულების, გრძნობების და რწმენის ცვლილებებს. იდეები, გრძნობები, რწმენა ერთმანეთს თავისი განსაკუთრებული კანონების მიხედვით უკავშირდებიან. მაგრამ ამ კანონების მოქმედებას იწვევს გარეშე მიზეზები, რომელსაც ამ კანონებთან არაქერი აქვს საერთო. იქ, სადაც ბრიუნეტური მხოლოდ იმ გავლენას ამჩნევს, რასაც ზოგიერთი ლიტერატურული ნაწარმოები ახდენს სხვებზე, ჩვენ, ამის გარდა, უფრო ღრმად მდებარე საზოგადოებრივი ჯგუფების, ფენების და კლასების ურთიერთ გავლენას ვხედავთ; იქ, სადაც ის მხოლოდ იმისი აღნიშვნით კმაყოფილდება, რომ წარმოიშვა წინააღმდეგობა და ადამიანებმა იმის საწინააღმდეგოს გაკეთება მოისურვეს, რასაც მათი წინაპრები აკეთებდნენ,— ჩვენ ვუმატებთ: ეს მათ სწორედ იმიტომ მოისურვეს, რომ მათს ფაქტიურ ურთიერთობაში ახალი წინააღმდეგობა გაჩნდა, რომ წარმოიშვა ახალი ფენა ან კლასი, რომელსაც უკვე არ შეეძლო ისე ეცხოვრა, როგორც ძველი დროის ხალხი ცხოვრობდა.

მაშინ, როცა ბრიუნეტურმა მხოლოდ ის იცის, რომ რომანტიკოსებს კლასიკოსებისათვის წინააღმდეგობის გაწევა სურდათ, — ბრანდესი ამით არ კმაყოფილდება და ცდილობს ახსნას მათი მიდრეკილება „წინააღმდეგობისადმი“ იმ საზოგადოებრივი კლასის მდგომარეობით, რომელსაც ისინი (რომანტიკოსები) ეკუთვნოდნენ. მოიგონეთ, მაგალითად, თუ რას აშობს ის რესტავრაციისა და ლუი ფილიპეს დროის ფრანგი ახალგაზრდობის რომანტიული განწყობილების მიზეზის შესახებ.

როცა მარქსი ამბობს: „რათა ერთი წოდება გახდეს განმათავისუფლებელ წოდებად par excellence, საჭიროა რომელიმე მეორე წოდება--საერთო ცნობიერებაში ღამონავებულ წოდებად გახდეს“-ო, ისიც საზოგადოებრივი აზროვნების განვითარების განსაკუთრებულ,



ამასთანავე მეტად მნიშვნელოვან კანონზე მიგვივითებებს. მაგრამ ეს კანონი მოქმედებს და მას შეუძლია იმოქმედოს მხოლოდ კლასიურ საზოგადოებებში; ის არ მოქმედებს და მას არც შეუძლია იმოქმედოს პირველყოფილ საზოგადოებაში, სადაც არც კლასებია და არც მათი ბრძოლა.

ჩაუკვირდეთ ამ კანონის მოქმედებას, როცა ესა თუ ის წოდება დანარჩენი მოსახლეობის თვალში საყოველთაო დამჩაგვრელს წარმოადგენს, მაშინ ამ წოდებაში გაბატონებულ იდეებსაც მოსახლეობა, ბუნებრივად, მხოლოდ მჩაგვრელების იდეებად თვლის. საზოგადოებრივი ცნობიერება ამ იდეების „წინააღმდეგი“ ხდება; ის საწინააღმდეგო იდეებს ითვისებს. მაგრამ ჩვენ უკვე ვთქვით, რომ ამგვარი ბრძოლა მთელი ხაზით არასოდეს არ წარმოებს: ყოველთვის რჩება იდეათა განსაზღვრული ნაწილი, რომელსაც აღიარებენ როგორც რევოლიუციონერები, ისე ძველი წყობილების დამცველნიც. ყველაზე უფრო ძლიერი იერიში იმ იდეების წინააღმდეგ წარმოებს, რომლებიც ამ დროს მომაკედავი წყობილების ყველაზე უფრო მავნე მხარეების გამომხატველია. სწორედ ეს მხარეები იწვევს რევოლიუციონერ-იდეოლოგებში თავის წინაპრებისადმი „წინააღმდეგობის“ უძლიერეს სურვილს, სხვა იდეების მიმართ-კი, თუგინდ ისინი ძველი საზოგადოებრივი ურთიერთობის ნიადაგზეც იყვენ წარმოშობილი, რევოლიუციონერი-იდეოლოგები ხშირად სრულიად გულგრილი რჩებიან, ზოგჯერ-კი ტრადიციით ამ იდეების დაცვასაც განაგრძობენ. მაგალითად, ფრანგმა მატერიალისტებმა, ძველი რეჟიმის ფილოსოფიური და პოლიტიკური (ე. ი. სამღვდლოებისა და აზნაურული მონარქიის) იდეების წინააღმდეგ ბრძოლის დროს, ძველი ლიტერატურული ტრადიციები თითქმის ხელუხლებლად დასტოვეს. მართალია, დიდროს ესთეტიური თეორიები აქაც ახალ საზოგადოებრივ ურთიერთობათა გამომხატველი შეიქნენ. მაგრამ აქ ბრძოლა მეტად სუსტი იყო, რადგან მთავარი ძალა მიმართული იყო სხვა მხრით<sup>1</sup>). იქ აჯანყების დროშა მხოლოდ შემდეგ იქნა აღმართული და ისიც ისეთი ხალხის მიერ, რომელიც მხურვალედ თანაუგრძნობდა რევოლიუციით დამხობილ ძველ რეჟიმს და რომელიც, ერთის შეხედვით, იმ ლიტერატურულ შეხედულებათა თანამგრძნობი უნდა ყოფილიყო, რომელნიც ამ რეჟიმის ოქროს ხანაში წარმოიშვენ. მაგ-

---

<sup>1</sup>) გერმანიაში ლიტერატურულ შეხედულებათა ბრძოლა, როგორც ვიცით, გაცილებით უფრო ენერგიული იყო, მაგრამ აქ ნოვატორთა ყურადღებას პოლიტიკური ბრძოლა არ იპყრობდა.

რამ ეს მოჩვენებითი უცნაურობაც „წინააღმდეგობის“ პრინციპით აიხსნება. წარმოუდგენელია, რომ შატობრიანი თანაუგრძნობდეს ძველ ესთეტიურ თეორიას მაშინ, როცა ვოლტერი, —საძაგელი, ბოროტი ვოლტერი მისი ერთ-ერთი წარმომადგენელი იყო.

Der Widerspruch ist das Fortleitende, ამბობს ჰეგელი. იდეოლოგიათა ისტორია თითქოს ერთხელ კიდევ ზედმეტად ამტკიცებს, რომ არ შემცდარა ძველი „მეტაფიზიკოსი“. ის (იდეოლოგიათა ისტორია), როგორც ჩანს, რაოდენობით ცვლილებათა თვისობრივში გადასვლასაც ადასტურებს. მაგრამ ჩვენ ვთხოვთ მკითხველს იქონიოს მოთმინება და ბოლომდე მოგვისმინოს.

ამდენხანს ჩვენ ვამბობდით, რომ თუ მოცემულია საზოგადოების საწარმოო ძალები, —ამით მოცემულია მისი სტრუქტურა და, მაშასადამე, მისი ფსიქოლოგიაც. ამის გამო შეიძლება ჩვენ ის აზრი მოგვაწერონ, რომ ამა თუ იმ საზოგადოების ეკონომიური მდგომარეობის მიხედვით შესაძლებელი იყოს სისწორით დავასკვნათ მისი იდეათა ხასიათის შესახებ. მაგრამ ეს ასე არაა იმიტომ, რომ ყოველი დროის იდეოლოგია ყოველთვის მკიდრო, —დადებითს ან უარყოფითს, —კავშირშია წინა დროის იდეოლოგიასთან. ყოველი განსაზღვრული დროის „აზროვნების მდგომარეობა“ შეიძლება გაგებული იქნეს მხოლოდ წინა ეპოქის „აზროვნების მდგომარეობა“ —სთან და, კავშირებით. რასაკვირველია, ვერც ერთ კლასს ვერ გაიტაცებს ისეთი იდეები, რომელიც მის მისწრაფებას ეწინააღმდეგება. კლასი ყოველთვის კარგად, თუმცა შეუგნებლად ახერხებს თავისი „იდეალები“ შეეგუოს თავის ეკონომიურ მოთხოვნილებებს. მაგრამ ეს შეეგუება შეიძლება სხვადასხვა გზით მოხდეს, და თუ რატომ ხდება სწორედ ეს შეეგუება ასე და არა სხვანაირად, ეს აიხსნება არა ამა თუ იმ განცალკევებულად აღებული კლასის მდგომარეობით, არამედ ყველა წვრილმანით ამ კლასის დამოკიდებულებისა თავისი ანტაგონისტისადმი (ან თავისი ანტაგონისტებისადმი). კლასების წარმოშობის შემდეგ, წინააღმდეგობა არა მარტო მამოძრავებელი არამედ გარკვეული ფორმის მიმცემი პრინციპიცაა. <sup>1)</sup>

---

<sup>1)</sup> შეიძლებოდა გვეთქვა: რა დამოკიდებულება უნდა ჰქონდეს კლასთ ბრძოლასთან ისეთი ხელოვნების ისტორიას, როგორიც, მაგალითად, არქიტექტურაა. მაგრამ ისიც მკიდროდაა დაკავშირებული ამ ბრძოლასთან. იხ. ედ. კარუაიე: «L'architecture hothique», განსაკუთრებით მეოთხე ნაწილი: L'architecture civile.

მაგრამ როგორია პიროვნების როლი იდეოლოგიათა ისტორიაში? ბრიუნეტიერის აზრით ინდივიდუუმს უდიდესი, გარემოსაგან დამოუკიდებელი მნიშვნელობა აქვს. გიუიო ამტკიცებს: გენიოსი ყოველთვის რალაც ახალს ქმნის<sup>1)</sup>.

ჩვენ ვიტყვოდით, რომ საზოგადოებრივ იდეათა სფეროში გენიოსი წინ უსწრებს თავის თანამედროვეებს იმ გაგებით, რომ ის მათზე აღრე უღებს აღლოს ახალ, წარმოშობის პროცესში მყოფ საზოგადოებრივ ურთიერთობათ. მაშასადამე, აქ გარემოსაგან გენიოსის დამოუკიდებლობაზე ლაპარაკიც შეუძლებელია. ბუნებისმეტყველების დარგში გენიოსი აღმოაჩენს კანონებს, რომელთა მოქმედებაც, რასაკვირველია, არაა დამოკიდებული საზოგადოებრივ ურთიერთობაზე. მაგრამ საზოგადოებრივი გარემოს როლი ყოველგვარ აღმოჩენათა ისტორიაში ეს არის, რომ იგი, ერთის მხრით, აგროვებს იმ ცოდნას, ურომლისოდაც ვერც ერთი გენიოსი სრულიად ვერაფერს გახდებდა და, მეორეს მხრით, მიმართავს გენიოსის ყურადღებას ამა თუ იმ მიმართულებით<sup>2)</sup>. ხელოვნების დარგში გენიოსი განსაზღვრული საზოგადოების ან საზოგადოებრივი კლასის გაბატონებული ესთეტიური მიდრეკილების საუკეთესო გამომხატველია<sup>3)</sup>. ბოლოს, ყველა ამ სამ დარგში საზოგადოებრივი გარემოს გავლენა თავს იჩენს იმაში, რომ ის ცალკე პირთა გენიალური ნიჭის განვითარებისათვის მეტად თუ ნაკლებად ხელის შემწყობ პირობებს ქმნის.

რასაკვირველია, ჩვენ ვერასოდეს ვერ შევსძლებთ გარემოს გავლენით გენიოსის მთელი ინდივიდუალობის ახსნას, მაგრამ ეს ჯერ კიდევ არაფერს ამტკიცებს.

ბალისტიკა ხსნის არტილერიის ყუმბარის მოძრაობას. მას შეუძლია მისი მოძრაობა გაითვალისწინოს, მაგრამ ის ვერასოდეს ვერ შესძლებს იმის თქმას, თუ რამდენ ნაწილად გასკდება ესა თუ ის

---

<sup>1)</sup> „Il introduit dans le monde des idées et des sentiments, des type nouveaux“. L'art au point de vue sociologique, Paris 1887, გვ. 31.

<sup>2)</sup> თუმცა აქ გავლენის ორმაგი ხასიათი მხოლოდ ფორმალურია. ცოდნის ყოველი განსაზღვრული მარაგი სწორედ იმიტომაა დაგროვილი, რომ საზოგადოებრივი მოთხოვნილებანი იწვევდენ აღმოჩენებში მისი დაგროვების სურვილს და მათ ყურადღებას სათანადო მხრით მიმართავენ.

<sup>3)</sup> თუ რამდენადაა დამოკიდებული ყოველი კლასის ესთეტიური მიდრეკილება და შეხედულება მის ეკონომიურ მდგომარეობაზე, ჯერ კიდევ „Исторические отношения искусства к действительности“-ის ავტორმა იცოდა. მშენებლობა არის თვით ცხოვრება, — ამბობდა იგი, — და თავის აზრს შემდეგი მოსაზრებით ხსნიდა:

ყუმბარა და რა მიმართულებით წავა თითოეული ნატეხი. მაგრამ ამით სრულიადაც არ მცირდება იმ დასკვნების სისწორე, რომელსაც ბალისტიკა იძლევა. ბალისტიკაში არაა საჭირო იდეალისტურ (ან ეკლექტიკურ) თვალსაზრისზე დადგეთ: ჩვენთვის სრულიად საკმარისია მოვლენის მექანიკური ახსნა, თუმცა, მართალია, ეს ახსნა მაინც არ არკვევს ცალკე ნატეხების „ინდივიდუალურ“ ბედს, სიდიდეს და ფორმას.

ბედის საკვირველი დაცინვა! წინააღმდეგობის სწორედ ის პრინციპი, რომელსაც ასეთი გაცხარებით ებრძვიან ჩვენი სუბიექტივისტები, როგორც „მეტაფიზიკოსი“ ჰეგელის უშინააღსო გამოგონებას, თითქოს გვაახლოებს ჩვენ avec nos chers amis les ennemis. თუ იუმე უარპყოფს ფულის შინაგან ღირებულებას იმ მიზნით, „რათა იმის საწინააღმდეგო თქვას, რასაც მერკანტილისტები ამბობდენ; თუ რომანტიკოსებმა თავისი ღრამა მხოლოდ იმისთვის შექმნეს, რათა იმის საწინააღმდეგო რამ „გაეყეთებიათ“, რასაც კლასიკოსები აკეთებდენ,—მაშინ ობიექტური ქეშმარიტება არ არსებულა: არის მხოლოდ ქეშმარიტი ჩემთვის, ბ. მიხაილოვსკისათვის, თავადი მეშჩერკისათვის და სხვ. ქეშმარიტება სუბიექტურია, ქეშმარიტია ყოველივე ის, რაც ჩვენს შემეცნებითს მოთხოვნილებას აკმაყოფილებს.

არა, ეს ასე არაა! წინააღმდეგობის საწყისი კი არ აქარწყლებს ობიექტურ ქეშმარიტებას, მას მხოლოდ ამ ქეშმარიტებასთან მივყევართ. მართალია, გზა, რომლითაც მას კაცობრიობა მიჰყავს, სრულიადაც არაა პირდაპირი გზა. მაგრამ მექანიკაშიაც ცნობილია

---

კარგი ცხოვრება, ე. ი. „ცხოვრება, როგორიც ის უნდა იყოს“, მდებოა ხალხის აზრით, იმაში მდგომარეობს, რომ საკმაო საზრდო გქონდეს, კარგს ქონში ცხოვრობდე და საკმაოდ გეძინოს; მაგრამ ამასთანავე, გლახის წარმოდგენით, ცნობა: „ცხოვრება“ ყოველთვის შეიცავს ცნებას: „მუშაობა“. მუშაობის გარეშე ცხოვრება შეუძლებელია; უიპისოდ იგი მოსაწყენიც იქნებოდა. სრული კმაყოფილებით ცხოვრების შედეგად დიდი მუშაობის პირობებში, რომელიც ამავე დროს არ იწვევს დაქანცვას, ახალგაზრდა გლახს ან გლახ-ქალს უნდებოდა სახის მეტად ქორთა ფერი და ღიწვის სიმწითურე,—ეს მდებოა ხალხის წარმოდგენით. სილამაზის უმთავრესი პირობაა. სოფლის ქალ ბევრი მუშაობის გამო თაისი აგებულობით ძალოანია და საკმაოდ ჩისმულიც, ესეც სოფლური სილამაზის აუცილებელი პირობაა: საერო, „სანახევროდ პაეროვანი სილამაზის ქალი“ სოფლელზე ხშირად ცუდ შთაბეჭდილებას ახდენს, რადგანაც იგი მიჩვეულია სიგამბდრეს ისე უყუროს, როგორც დაეადამყოფების ან „მწარე ბედის“ შედეგს. მაგრამ მუშაობის გამო შეუძლებელი ხდება მეტის-მეტის გასუქება. თუ სოფლელი ქალი ჩასუქებულია, ეს ავადმყოფობაა, რომელიც სხულის „უძარღვობას“ მოწმობს, და ხალხიც მეტის მეტ სიმსუქნეს ნაკლად სთვლის; სოფლელ ლამაზ ქალს შეუძლებელია პატარა ხელ-ფეხი ჰქონდეს, რადგანაც ის ბევრს მუშაობს—სილა-

ისეთი შემთხვევა, როცა ის, რაც მანძილში წაიგება, მოიგება სიჩქარეში: სხეული, რომელიც ციკლოიდზე მოძრაობს, ერთი წერტილიდან მეორე, ქვემოთ მდებარე წერტილამდე ზოგჯერ უფრო ადრე მიდის, ვიდრე მაშინ, თუ პირდაპირი ხაზით იმოძრაებდა. „წინააღმდეგობა“ ჩნდება იქ, და მხოლოდ იქ, სადაც ბრძოლაა, სადაც მოძრაობაა: იქ კი, სადაც მოძრაობაა, აზროვნება წინ მიდის, თუნდაც არაპირდაპირი გზით. მერკანტილისტებთან წინააღმდეგობამ იუმე მიიყვანა ყალბ შეხედულებამდე ფულზე. მაგრამ საზოგადოებრივი ცხოვრების და, მაშასადამე, ადამიანის აზროვნების მოძრაობა არ შეჩერებულა იმ წერტილზე, რომელსაც მან იუმეს დროს მიაღწია. ამ მოძრაობამ ჩვენ იუმეს „საწინააღმდეგო“ თვალსაზრისამდე მიგვიყვანა. და ამ წინააღმდეგობის შედეგად მივიღეთ სწორი შეხედულება ფულზე. ეს სწორი შეხედულება, რომელიც სინამდვილის ყოველმხრივი შესწავლის შედეგია, სწორედ ობიექტურ კემზმარიტებას წარმოადგენს, რომლის მოსპობაც არ შეუძლია არაერთარ შემდეგს წინააღმდეგობას. ჯერ კიდევ მილის შენიშვნების ავტორი აღფრთოვანებით ამბობდა:

ის, რაც ცხოვრებით მივიღეთ ერთხელ,  
ბედს აღარ ძალუძს წაგვართვას ისევ.

ცოდნის მიმართ ეს უექველად სწორია. არაერთარ ბედისწერას არ ძალუძს წაგვართვას ეხლა ენერჯიის გარდაქცევის და სახეობათა ცვალებადობის კანონი, ან მარქსის და კოპერნიკის გენიალური აღმოჩენები.

მაზის ეს თვისებები არცაა მოხსენებული ჩვენს სიმღერებში. ერთი სიტყვით, ხალხურ სიმღერებში ლამაზი ქალის აღწერილობაში დასახელებული არაა სილამაზის არც ერთი ისეთი თვისება, რომელიც ორგანიზმის სისხლის ან მის ძალთა წონასწორობის გამოშხატველი არ იყოს, რაც თავის მხრით სერიოზული, მაგრამ არა მეტის-მეტად მძიმე შრომის პირობებში კმაყოფილებით ცხოვრების მუდმივ შედეგს წარმოადგენს. სულ სხვაა საერო ლამაზი ქალი: უკვე რამდენიუ თაობის განმავლობაში მისი წინაპრები ცხოვრობდნენ ისე, რომ ფიზიკურად არ მუშაობდნენ; უმოკმედოთ ცხოვრების დროს სისხლის მიმოქცევა კიდურებში შემკურებულია; ყოველ ახალ თაობას ხელისა და ფეხის კუნთები თანდათან უსუსტდება, ძალი უწერილდება; ყოველვე ამის აუცილებელ შედეგს უნდა წარმოადგენდეს პატარა ხელ-ფეხი—რაც საზოგადოების შიდალი კლასების ცხოვრების დამახასიათებელი ნიშნებია, ცხოვრების, რომელმაც არ იცის ფიზიკური შრომა. თუ საერო ქალს დიდრონი ხელ-ფეხი აქვს, ეს ან იმის მომასწავებელია, რომ იგი ცუდათ ჩასმულია, ან იმის, რომ იგი არ ეკუთვნის ძველ წარჩინებულთა გვარს.. მართალია, ჯანმრთელობა არასოდეს არ დაკარგავს ფასს ადამიანის თვალში, რადგან, როგორც ფუფუნებაში, ისე კმაყოფილებით ცხოვრების დროს, ჯანმრთელობას მოკლებული ცხოვრება ცუდია,—ამის გამო დაწ-

საზოგადოებრივი ურთიერთობანი იცვლებიან; მათთან ერთად იცვლება მეცნიერული თეორიებიც. ამ ცვლილებათა შედეგად, ბოლოს, ჩვენ ვღებულობთ სინამდვილის ყოველხრივ შესწავლას და, მაშასადამე, ობიექტურ ქეშმარიტებასაც. ქსენოფონტს სულ სხვაგვარი შეხედულებები ჰქონდა, ვიდრე ჟან ბატისტ სეის. სეის შეხედულებანი ქსენოფონტს ალბად სიღლეოდ მოეჩვენებოდა, ქსენოფონტის შეხედულებებს სეი სისულულედ აცხადებდა. ჩვენ ეხლა-კი ძალიან კარგად ვიცით, თუ საიდან წარმოიშვა ქსენოფონტისა და სეის შეხედულებანი და მათი ცალმხრივობაც. ეს უკვე ობიექტური ქეშმარიტებაა, და ვერაფრითარი „ბედის წერა“ ხელს ვერ აცვადებინებს ამ სწორ თვალსაზრისზე.

— მაგრამ კაცობრიობის აზროვნება ხომ არ შეჩერდება იმაზე, რასაც თქვენ მარქსის აღმოჩენას ან აღმოჩენებს უწოდებთ?— რასაკვირველია, არა! ის მომავალშიაც მოახდენს აღმოჩენებს, რომელიც შეავსებს და განამტკიცებს მარქსის ამ თეორიას ისე, როგორც ახალი აღმოჩენები ასტრონომიაში ავსებდა და ადასტურებდა კოპერნიკის აღმოჩენას.

„სუბიექტური მეთოდი“ სოციოლოგიაში უდიდესი შეუსაბამობაა, მაგრამ ყოველ შეუსაბამობას თავისი საქცაო მიზეზი აქვს, და ჩვენ დიდი ადამიანის თავმდაბალ მიმდევრებს შეგვიძლია ამაყად განვაცხადოთ: ჩვენ ვიცით ამ შეუსაბამობის საქცაო მიზეზი. აი ეს მიზეზიც:

„სუბიექტური მეთოდი“-ს პირველი აღმომჩენი არ იყო არც ბ. მიხაილოვსკი და არც „სკოლის ანგელოზი“, ე. ი. „ისტორიული წერილების“ ავტორი. მას ჯერ კიდევ ბრუნო ბაუერი და მისი მიმ-

---

ვების სიმწითურე და სიცოცხლით სავსე სიქორფე საერო ხალხისთვისაც მიმზიდველია; მაგრამ ივადობას, სისუსტეს მკონარეობას და უსუსურობას, რამდენადაც საერო ხალხს ყოველივე ეს ფუფუნებითი—უმოქმედო ცხოვრების ნაყოფად მიაჩნია, მის თვალში სილამაზის ნიშნებს წარმოადგენენ. ფრამკ-თალობას, უსუსურობას, ავადობას საერო ხალხისთვის სხვა მნიშვნელობაც აქვს: თუ გლეხი ეძებს მოსვენებას, სიწყნარეს, განათლებული საზოგადოების ხალხი, რომელმაც არ იცის თუ რაა მატერიალური გაკირვება და ფიზიკური დადლილობა, მაგრამ, რომელიც სამაგიეროდ უსაკმობისა და მატერიალური უზრუნველობის გემო, ხშირად მოწყენილობას გრძნობს, ეძებს „ძლიერ განცდებს, მღელვარებას, ვნებას“, რომელთა წყალბობითაც ერთგვარი და უფერული საერო ცხოვრება მრავალფერიანი და მიზიდველი ხდება. ძლიერი განცდებისა და მგზნებარე ვნებათაგან-კი ადამიანი მალე ცდება: როგორ არ უნდა გვზნობავდეს ლამაზი ქალის უსუსურობა, ფრამკ-თალობა, თუ მისი უსუსურობა, ფერმკრთალდება იმის მაჩვენებელია, რომ მას ცხოვრებაში ბერი რა) განუტლია“? (იხ. კრებულში „ესთეტიკა და პოეზია“. გვ. 6 წ).

დევრები, სწორედ ის ბრუნო ბაუერი, რომელმაც შვა „ისტორიული წერილების“ ავტორი, „ისტორიული წერილების“ სწორედ ის ავტორი, რომელმაც თავისმხრით ბ. მიხაილოვსკი და მისი ძმანი შვა.

„ისტორიკოსის ობიექტივობა, ყოველი ობიექტივობის მსგავსად, მხოლოდ უბრალო ლაყობაა, და სრულიადაც არა იმ აზრით, თითქოს ობიექტივობა მიულწვეელი იდეალი იყოს. ობიექტივობამდე, ე.ი. უმრავლესობის შეხედულებამდე, მასის მსოფლგაგებამდე, ისტორიკოსს მხოლოდ ჩამოკვეითება შეუძლია. და რაკი ის ასე მოიქცევა, ამის შემდეგ ის შემომკმედი არაა და თავისი ეპოქის დაქირავებული მომუშავე ხდება“<sup>1)</sup>).

ეს სტრიქონები ეკუთვნის შელიგას, რომელიც ასეთი თავგაშობილი მიმღვეარი იყო ბრუნო ბაურის და რომელსაც ასე გესლიანად დასცნოლენ მარქსი და ენგელსი წიგნში: „Die Heilige Familie“. ჩასვით ამ სტრიქონებში „ისტორიკოსის“ ნაცვლად „სოცოლოგი“, შესცვალეთ ისტორიის „მხატვრული შემოქმედება“ საზოგადოებრივი „იდეალების“ შემოქმედებით, — და თქვენ მიიღებთ „სოციოლოგიის სუბიექტურ მეთოდს“.

ჩაუკვარდით იდეალისტის ფსიქოლოგიას. მისი აზრით ხალხის „შეხედულებანი“ საზოგადოებრივ მოვლენათა ძირითადს, უკანასკნელ მიზეზს წარმოადგენს. მას ჰგონია, თითქოს საზოგადოებრივ ურთიერთობაში, როგორც ამას ისტორია მოწმობს, ხშირად ყველაზე უფრო შიუს ბამო შეხედულ ბანი ხორციელდებოდენ. — რატომ არ უნდა განხორცილდეს ჩემი შეხედულებაცო, — რომელსაც, მაღლობა ღმერთს, შ: უსაბამოდ. სიან არადერი აქვს საერთო — ჰკითხულობს იგი. რაკი არსებობს განსახლებული იდეალი, მაშასადამე არსებობს, უკიდურეს შემთხვევაში, ამ იდეალის თვალსაზრისით სასურველი საზოგადოებრივი გარდა მნის შესაძლებლობაც. რაც შეეხება ამ იდეალის რაიმე ობიექტური საზომით შემოწმებას, — ეს შეუძლებელია, რადგან ასეთი საზომი არ არსებობს: უმრავლესობის შეხედულებანი კემშარიტების საზომად არ გამოდგება“.

ამრიგად, ესა თუ ის გარდაქმნა იმიტომაა შესაძლებელი, რომ ამას ჩემი იდეალი მოთხოვს, რომ ეს გარდაქმნა სასარგებლოდ მიმანია. ხოლო ისინი სა არგებლოდ იმიტომ მიმანია, რომ მსურს ისინი ასეთად ქიე ჩინო. ობიექტური საზომის უარყოფის შემ-

<sup>1)</sup> Die Organisation der Arbeit der Menschheit und die Kunst der Geschichtschreibung Schlosser's Gervinus's, Dahlmann's und Bruno Bauer's. Von Szeliga, Charlottenburg. 1846. s. 6.

დევ, მე არა მაქვს სხვა საზომი, გარდა ჩემი სურვილებისა. ჩემს ზნეს წინააღმდეგობას ნუ გაუწევთ!—აი სუბიექტივიზმის ერთადერთი საბუთი! სუბიექტური მეთოდი არის იდეალიზმის და მასთან ერთად ეკლექტიზმის *reductio ad absurdum*, რადგან ეს პარაზიტიც (ეკლექტიზმი) ყველა იმ შეცთომას შეიცავს, რაც ფილოსოფიის იმ „კარგ ბატონთ“ ახასიათებს, რომელთაც თითონ ღრუნის.

მარქსის თვალსაზრისით დაუშვებელია „ბრბოს“, უმრავლესობის“ და სხვ. შეხედულება დაუპირდაპიროთ პიროვნების „სუბიექტურ“ შეხედულებას, როგორც ობიექტური რამ. ბრბო ადამიანებისაგან შესდგება, ხოლო ადამიანთა შეხედულებანი ყოველთვის „სუბიექტურია“, რადგან ესა თუ ის შეხედულება ყოველთვის სუბიექტის ერთ-ერთ თვისებას შეადგენს. ობიექტურია არა „ბრბოს“ შეხედულებანი, არამედ ეს ურთიერთობანი ბუნებასა და საზოგადოებაში, რომლებსაც ეს შეხედულებანი გამოხატავენ. ჭეშმარიტების კრიტერიუმი ჩემში კი არ იმყოფება, არამედ ჩემს გარეშე არსებულ ურთიერთობაში. ჭეშმარიტია ის შეხედულებანი, რომლებიც ამ ურთიერთობას სწორად გამოხატავენ; შემცდარია ის შეხედულებანი, რომლებიც მათ ამახინჯებენ. ჭეშმარიტია ის საბუნებისმეტყველო თეორია, რომელიც სწორად ასახავს ბუნების მოვლენათა ურთიერთ დამოკიდებულებას; ჭეშმარიტია ის ისტორიული აღწერილობა, რომელიც სწორად გამოხატავს ეპოქის საზოგადოებრივ ურთიერთობას. იქ, სადაც ისტორიკოსს ერთი-მეორის საწინააღმდეგო საზოგადოებრივი ძალების ურთიერთი ბრძოლის დასურათება უხდება, ის აუცილებლად ან ერთის, ან მეორის თანამგრძობი იქნება, თუ, რასაკვირველია, ის თვით უგულო პედანტად არ გადაქცეულა. ამ მხრით იგი არ იქნება ობიექტური, მიუხედავად იმისა, უმცირესობას თანაუგრძობს ის, თუ უმრავლესობას. მაგრამ სუბიექტივიზმი მას ხელს არ შეუშლის სრულიად ობიექტური ისტორიკოსი იყოს, თუ იგი არ დაამახინჯებს იმ რეალურ ეკონომიურ ურთიერთობას, რომლის ნიადაგზეც მებრძოლი საზოგადოებრივი კლასები წირმოიშვენ. „სუბიექტური“ მეთოდის მიმდევარი-კი ამ რეალურ ურთიერთობას ივიწყებს, და ამიტომ მას არ შეუძლია სხვა რისამე მოცემა, გარდა თავისი ძვირფასი თანაგრძობისა ან საშინელი ანტი-პატიისა. ამიტომ ის ყოველთვის, როცა მას ეუბნებიან, რომ ეს საკმარისი არააო, დიდ ხმაურობას ასტეხს ხოლმე და თავის მოწინააღმდეგეებს ბრალს სდებს ზნეობის შეურაცხყოფაში. იგი გრძნობს, რომ მას არ შეუძლია გაიგოს რეალურ საზოგადოებრივ ურთიერთობათა საიდუმლოება, და ამიტომ მათს ობიექტურ ძალაზე ყოველი



მითითება მას შეურაცხყოფად, თავის საკუთარი უძლურებაზე დაცინვად ეჩვენება. იგი ცდილობს ჩააღრჩოს ურთიერთობანი თავისი ზნეობრივი უკმაყოფილების მორევში.

მაშასადამე, მარქსის თვალსაზრისით, იდეალი შეიძლება გრავალგვარი იყოს: უზნეოც, მაღალიც, სწორიც, შემცდარიც. სწორი ის იდეალია, რომელიც ეკონომიურ სინამდვილეს შეესაბამება. ამის გაგონებაზე სუბიექტივისტები იტყვიან: თუ მე დავიწყებ ჩემი იდელების შეგუებას სინამდვილესთან, ამით მე „გამარჯვებულთა“ საბრალო მოახლე გავხდებიო. მაგრამ ისინი ამას მხოლოდ იმიტომ იტყვიან, რომ მათ, როგორც მეტაფიზიკოსებს, არ ესმით ყოველი სინამდვილის ორმაგი, ანტაგონისტური ხასიათი. „გამარჯვებულნი“ ეშყარებიან უკვე გარდამავალ სინამდვილეს, რომლის გვერდით ახალი, მომავლის სინამდვილე ჩნდება. ვინც ამ სინამდვილეს ემსახურება, ის ხელს უწყობს „სიყვარულის დიადი საქმის“ გამარჯვებას.

მკითხველისათვის ეხლა ნათელია, შეესაბამება თუ არა „სინამდვილეს“ ის შეხედულება მარქსისტებზე, რომლის მიხედვითაც ისინი იდეალებს თითქოს არავითარ მნიშვნელობას არ აძლევდენ. ეს შეხედულება სრულიად ეწინააღმდეგება „სინამდვილეს“. თუ „იდეალების“ მიხედვით ვილაპარაკებთ, — მარქსის თეორია ყველა იმ თეორიაზე უფრო იდეალისტურია, რომელთაც კაცობრიობის აზროვნების ისტორია იცნობს. და ეს მართალია, როგორც მისი წმინდა-მეცნიერული, ისე მისი პრაქტიკული ამოცანების მიმართ.

„რა გაეწყობა, თუ ბ. მარქსს არ ესმის თვითშეგნების მნიშვნელობა და მისი ძალა? რა გაეწყობა, თუ ის თვითშეგნების შეცნობილ ქეშმარატებას ასე დაბლა აყენებს?“. —

ეს სიტყვები დაწერილია ბრუნო ბაუერის<sup>1)</sup> ერთ-ერთი მიმდევარის მიერ ჯერ კიდევ 1847 წ., და თუმცა ეხლა მეორმოცე წლების ენით უკვე არ ლაპარაკობენ, მაგრამ დღემდე ოპიუს ვერ გასცილებია ის ხალხი, რომელიც უსაყვედურებს მარქსს აზრისა და გრძნობის ელემენტის მნიშვნელობის უარყოფას ისტორიაში. ყველა ისინი დღემდე დარწმუნებული არიან, რომ მარქსი მეტად დაბლა აყენებს ადამიანის თვითშეგნების ძალას; ყველა ისინი სხვადასხვა-

---

<sup>1)</sup> Die Helden der Masse. Charakteristiken. Herausgegeben von Theodor Opitz. Grünberg 1848, გვ.გვ. 6—7. დაბეჯითებით ურჩევთ ბ. მიხაილოვსკის ამ თხზულების წაკითხვას. ის იქ ბევრ თავის ორიგინალურ აზრს შეხვდება.

ნაირად ერთსა და იმავეს იმეორებენ<sup>1)</sup>. ნამდვილად-კი მარქსი ადამიანის „თვითშეგნების“ ახსნას სოციალური მეცნიერების უმნიშვნელოვანეს ამოცანად თვლიდა.

ის ამბობდა: „დღემდე მატერიალიზმი<sup>2)</sup> (ფოიერბახის მატერიალიზმის ჩათვლით) მთავარი ნაკლი იმაში მდგომარეობდა, რომ იგი სინამდვილეს, მატერიალურ გრძნობადს საძყაროს განიხილავდა მხოლოდ ობიექტის ან მკვერტელობის ფორმით, და არა ადამიანის კონკრეტული მოქმედების — არა პრაქტიკოს ფორმით, არა სუბიექტურად. ამიტომ მოქმედებითს მხარეს, წინააღმდეგ მატერიალიზმისა, დღემდე იდეალიზმი ანეთთარებდა, მაგრამ ანეთთარებდა განყენებულად, რადგან იდეალიზმი, ცხადია, კონკრეტულ მოქმედებას, როგორც ასეთს, არ სცნობს“. ბატონებო, ჩაკვირებებიხართ თქვენ, ოდესმე მარქსის ამ სიტყვებს? ჩვენ ავიხსნით, თუ რას ნიშნავს იგი.

ჰოლბახი ჰელვეციუსი და მათი მიმდევრები ყოველ ღონეს ხმარობდენ, რათა ბუნების მატერიალისტურად ახსნის შესაძლებლობა დაემტკიცებიათ. თანდაყოლილ იდეათა უარყოფაც-კი ვერ შეელოდა ამ მატერიალისტებს გაცილებოდენ იმ თვალსაზრისს, როქელაც ადამიანს განიხილავდა როგორც ცხოველთა სამეფოს წევრს, როგორც *matière sensible*. ისინი არ ცდილობდენ ადამიანის ისტორია თავისი თვალსაზრისით აეხსნათ, და თუ კი იყო ასეთი შემთხვევა (ჰელვეციუსი), იგი მაინც მარცხით თავდებოდა. მაგრამ ადამიანი „სუბიექტად“ მხოლოდ ისტორიაში იქცევა, რადგან მისი თვითშეგნება მხოლოდ ისტორიაში ვითარდება. განიხილო ადამიანი მხოლოდ როგორც ცხოველთა სამეფოს წევრი, ნიშნავს განიხილო იგი, როგორც „ობიექტი“ და მხედველობიდან გაუშვა მისი ისტორიული განვითარება, მისი საზოგადოებრივი „პრაქტიკა“, კონკრეტული ადამიანური მოქმედება. მაგრამ ყოველივე ამის მხედველობიდან გაშვება მატერიალიზმის „მშრალ, უფერულ და მოსაწყენ“ (გოეთე) მოძღვრებად გადაქცევას ნიშნავს. კიდევ მეტი, ეს, როგორც ჩვენ ზემოთ აღვნიშნეთ, მის ფატალისტურ მოძღვრებად გადაქცევას მოასწავებს, რაც ადამიანს ბრმა მატერიის სრულ მონად ხდის. მარქსმა შენიშნა ფრანგულისა და ფოიერბახის მატერიალიზმის ეს ნაკლი და მიზნად დაისახა მისი გასწორება. მისი „ეკონომიური“ მატერიალიზმი იმ კითხ-

<sup>1)</sup> თუმცა ყველა არა: არავის ჯერ აზრად არ მოსვლია მარქსის დამაცხება იმით, რომ „ადამიანი შესდგება სულისა და სხეულისაგან“. ბ. კარევი ოროჯინალურია ორმაგად: 1) არავინ ბ. კარევეამდე მარქსთან ასე არ დავობდა; 2) თის შემდეგ, ალბად, არავინ ასე არ იღავებს მასთან. ამ შენიშნიდან ბ. ვ. ვ. დანახავს რომ ჩვენც შეგვძლება მის „პროფესორს“ სათანადო მიუღოთ

ვის პასუხს წარმოადგენს, თუ როგორ ვითარდება ადამიანის „კონკრეტული მოქმედება“, თუ ამ უკანასკნელის წყალობით, როგორ ვითარდება მისი თვითშეგნება, როგორ იქნება ისტორიის სუბიექტური მხარე. როცა ეს საკითხი თუგინდ ნაწილობრივად მაინც ვადაიქრება, მატერიალიზმიც არ იქნება მშრალი, უფერული და მოსაწყენი; ის ამის შეპდეგ არ დაუთმობს იდეალიზმს პირველ ადგილს ადამიანის არსებობის მოქმედებითი მხარის ახსნის დროს. მაშინ იგი განთავისუფლდება ფატალიზმისაგან.

მგრძნობიარე, მაგრამ გონება-სუსტი ხალხი იმიტომ ებრძვის მარქსის თეორიას, რომ მარქსის პირველი სიტყვა ამ ხალხს უკანასკნელი სიტყვა ჰგონია. მარქსი ამბობს: სუბიექტის განხილვის დროს საჭიროა გავიგოთ, რა ურთიერთ დამოკიდებულებაში იმყოფებიან ერთმანეთთან ადამიანები ობიექტური აუცილებლობის ზეგავლენით. მას შემდეგ, რაც ცნობილია ეს ურთიერთობა, შეიძლება გამოვარკვიოთ, თუ ამ ურთიერთობის ზეგავლენით როგორ ვითარდება ადამიანის თვითშეგნება. ობიექტური სინამდვილე დახმარებას გაკვიწვეს ისტორიის სუბიექტური მხარის გამორკვევაში. აი სწორედ აქ აწყვეტინებს მარქსს მსჯელობას მგრძნობიარე, მაგრამ გონება-სუსტი ხალხი. ჩვეულებრივად სწორედ აქ მეორდება ჩაცკის ფამუსოვთან ლაპარაკის საოცრად მსგავსი რამ.—„თავისი საზოგადოებრივი ცხოვრების წარმოების პროცესში ადამიანები ეჯახებიან განსაზღვრულს, მათ ნებისაგან დამოუკიდებელ ურთიერთობას: წარმოების ურთიერთობას“...—აი, დახეთ, ფატალისტია!...—„ეკონომიურ საფუძველზე აღიძარტება იდეოლოგიური ზედნაშენი...“—რას ამბობს! და ამბობს სწორედ ისე, როგორც სწერს! იგი სრულიად არ სცნობს პიროვნების როლს ისტორიაში!...—„ერთხელ მაინც მოისმინეთ; უკვე ნათქვამიდან ხომ ჩანს, რომ...“—„არა, არ მსურს მოვისმინო, პასუხისგებაში მიეცით! აქტიურ-პროგრესიულ პიროვნებათა ზნეობრივი სამსჯავროს წინაშე აგებინეთ პასუხი, იყოლიეთ სუბიექტური სოციოლოგიის ფხიზელი ზედამხედველობის ქვეშ!“.

ჩაცკი, როგორც ვიცით, სკალოზუბის გამოჩენამ იხსნა. მარქსის რუს მიმდევართა დავის დროს მკაცრ სუბიექტურ შემფასებლებთან დღეიდე საქმე სხვაფერ მიდიოდა. სკალოზუბი გააჩუმებდა ჩაცკებს და მაშინ სუბიექტური სოციოლოგიის ფამუსოვები თავისი უპირატესობის შეგნებით აცხადებდენ: მათ ხომ მხოლოდ ორიოდ სიტყვა თქვეს; მათი შეხედულებანი სრულიად გამოურკვეველი რჩებიანო.

ჯერ კიდევ ჰეგელი ამბობდა, რომ ყოველი ფილოსოფია შეიძლება უშინაარსო ფორმალისმად გადაიქცეს, თუ მის ძირითად დებულებათა უბრალო განმეორებით დავკმაყოფილდებითო. მაგრამ მარქსი ასეთი ცოდვისაგანაც სრულიად თავისუფალია. ის არ კმაყოფილდებოდა იმის განმეორებით, რომ საწარმოო ძალთა განვითარება კაცობრიობის მთელი ისტორიული მოძრაობის საფუძველია. იშვიათია ისეთი მოაზროვნე, რომელსაც თავისი ძირითადი დებულებები ისე განევეითარებოდა, როგორც ეს მარქსმა განავითარა.

— მაგრამ სად, სად განავითარა მან თავისი შეხედულებანი? — სხვადასხვა ხმაზე მღერიან, ლალადებენ, გაიძახიან და ჰკითხულობენ ბ.ბ. სუბიექტივისტები.— აი შეხედეთ დარვანს, მან წიგნი დასწერა, მარქსს-კი წიგნი არ დაუწერია და ამიტომ მისი შეხედულებათა აღდგენა ვეიხდება.

რა თქმა უნდა: „აღდგენა“ არაა ადვილი და სასიამოვნო საქმე, განსაკუთრებით იმათთვის, ვინც მოკლებულია სხვისი ნააზრების სწორად გაგების და „აღდგენისათვის“ საკირო „სუბიექტურ“ უნარს. მაგრამ აღდგენა საკირო არაა, და წიგნიც, რომლის არ არსებობის გამო ნაღვლობენ ბ.ბ. სუბიექტივისტები, დიდი ხანია არსებობს. რამდენიმე წიგნიც-კი მოიპოვება, რომლებიც ერთი-მეორეზე უკეთ არკვევენ მარქსის ისტორიულ თეორიას.

პირველი წიგნი—ეს ფილოსოფიისა და სოციალური მეცნიერების ისტორიაა XVIII საუკუნის დასასრულიდან. ვაეცანით ამ საინტერესო წიგნს (რასაკვირველია, „ლჟუსი“ ამ შემთხვევაში საკმარისი არაა): ის დაგანახევებს თქვენ, თუ რატომ წარმოიშვა და რატომ უნდა წარმოშობილიყო მარქსის თეორია, როგორი პასუხი გასცა მან მანამდე გადაუჭრელ საკითხებს და, მაშასადამე, როგორია მისი ქეშ-მარტი აზრი.

მეორე წიგნი,—მოწყალეო ხელმწიფენო, ეს არის „კაპიტალი“, სწორედ ის „კაპიტალი“, რომელიც თქვენ ყველას „წაგიკითხავთ“, რომელსაც თქვენ ყველა „იზიარებთ“, მაგრამ, რომელიც ვერც ერთმა თქვენთაგანმა ვერ გაიგო.

მესამე წიგნი—ეს არის ევროპის ისტორია 1848 წლიდან, ე. ი. ცნობილი „მანიფესტის“ გამოქვეყნების დღიდან. გაისარჯეთ და ჩაუკვირდით ამ შინაარსით მეტად მდიდარსა და საგულისხმო წიგნს და გვითხარით სინდისის ქვეშ, თუ კი თქვენ დაგრჩენიათ ოდნავი გულწრფელობა მაინც: ნუთუ მარქსის თეორიამ არ შესძინა მას მოვლენათა გათვალისწინების საკვირველი, მანამდე წარმოუდგენელი უნარი?

რა ბედი ეწვია რეაქციის, კონსერვატიზმის ან პროგრესის სხვადასხვა ჯურის მარქსის თანამედროვე უტოპისტებს? სად გაჰქრა ის მტვერი, რადაც მათი „იდეალები“ იქცა სინამდვილესთან პირველი შეხების-თანავე? აკი მტვერის კვალიც არ დარჩენილა; ხოლო ის, რასაც მარქაი ამბობდა, ხორციელდებოდა არსებითად, რასაკვირველია, ყოველდღიურად და მომავალშიაც განუწყვეტლივ იწარმოებს მისი განხორციელება, სანამ საბოლოოდ ხორცს არ შეისხამს მისი იდეალი მთლიანად.

ფიქრობთ, ამ სამი წიგნის დამოწმება საკმარისია, და შეუძლებელია რომელიმე მათგანის არსებობის უარყოფა. თქვენ იტყვით, რასაკვირველია, ჩვენ იქ იმას კი არ ვკითხულობთ, რაც სწერია? კეთილი, თქვით და დაამტკიცეთ ეს; ჩვენ მოუთმენლად ველით თქვენს დასაბუთებას, ხოლო საქმე რომ გაგვიადვილოთ, ჩვენ ჯერ მეორე წიგნის შინაარსს გაგვიკვევთ.

თქვენ, თქვენივე თქმით, აღიარებთ მარქსის ეკონომიურ შეხედულებებს და უარპყოფთ მის ისტორიულ თეორიას. უნდა გამოვტყდეთ, რომ ამით ძლიერ ბევრია ნათქვამი, სახელდობრ, ამით ნათქვამია, რომ თქვენ არ გესმით მარქსის არც ისტორიული თეორია, არც მისი ეკონომიური შეხედულებანი.

რაზეა ლაპარაკი „კაპიტალის“ პირველ ტომში? იქ ლაპარაკია, მაგალითად, ღირებულებაზე. იქ ნათქვამია, რომ ღირებულება არის წარმოების საზოგადოებრივი ურთიერთობა. იზიარებთ თუ არა თქვენ ამ შეხედულებას? თუ—არა, მაშინ თქვენ უარს ამბობთ თქვენსავე სიტყვებზე მარქსის ეკონომიურ თეორიასთან თანხმობის შესახებ. თუ—ჰო, მაშინ თქვენ აღიარებთ მის ისტორიულ თეორიას, თუმცა, აშკარაა, იგი თქვენ არც კი გესმით.

რაკი თქვენ აღიარებთ, რომ ადამიანთა ნებისგან დამოუკიდებლად არსებული და მათ ზურგს უკან მომქმედი საწარმოო ურთიერთობანი მათ აზროვნებაში გამოიხატებიან პოლიტიკური ეკონომიის სხვადასხვა კატეგორიის: ღირებულების, ფულის, კაპიტალის და სხვა სახით, ამით თქვენ იმასაც აღიარებთ, რომ განსაზღვრულ ეკონომიურ საფუძველზე აუცილებლად აღმოცენდება გარკვეული, მისი შესაბამი იდეოლოგიური ზედნაშენი. ამ შემთხვევაში თქვენი გარდაქმნის საქმე სამი მეოთხედით უკვე შესრულებულია, რადგან თქვენ დაგრჩენიათ თქვენი „საკუთარი,“ ე. ი. მარქსისაგან ნასესხები შეხედულება გამოიყენოთ ისეთი მაღალი რიგის იდეოლოგიურ კატეგორიათა ანალიზის საქმეშიც, როგორცაა: სამართალი, სამართლიანობა, ზნეობა, თანასწორობა და სხვ.

ან, იქნებ, თქვენ მარქსს მისი „კაპიტალის“ მეორე ტომიდან ეთანხმებით? აკი მოიპოვება ისეთი ხალხი, რომელიც მხოლოდ იმდენად სცნობს მარქსს, რამდენადაც მან ბ. მიხაილოვსკის ეგრეთწოდებული წერილი მისწერა.

თქვენ არ სცნობთ მარქსის ისტორიულ თეორიას? მაშასადამე, თქვენის აზრით, შემცდარია ის თვალსაზრისი, რომლითაც ის, მაგალითად, 1848-დან 1851 წლამდე საფრანგეთის ისტორიის მოვლენებს აფასებდა თავის გაზეთში: „Neue Rheinische Zeitung“ და იმ დროის სხვა პერიოდულ გამოცემებში და აგრეთვე წიგნში: „Der achtzehnte Brumaire des Louis Bonapartes?“ საწუხაროა, რომ თქვენ არ გაისარჯეთ და არ დაგვანახვეთ ამ თვალსაზრისის სიყალბე; სამწუხაროა, რომ თქვენი შეხედულებანი განუვითარებელი რჩება, და რომ ამისათვის მათი „აღდგენაც“ შეუძლებელია.

ამრიგად, თქვენ არ სცნობთ მარქსის ისტორიულ თეორიას? თქვენი აზრით, მაშასადამე, შემცდარია ის თვალსაზრისი, რომლითაც ის, მაგალითად, XVIII საუკუნის ფრანგი მატერიალისტების ფილოსოფიურ მოძღვრებათა მნიშვნელობას აფასებდა? საწუხაროა, რომ თქვენ მარქსი ამ შემთხვევაშიაც ვერ გააბათილეთ. ან, იქნებ, თქვენ არც-კი იცით, თუ სად ლაპარაკობდა მარქსი ამის შესახებ? თუ ასეა, მაშინ ჩვენ არ გვსურს გიხსნათ გაქვივრებისგან; თქვენ ხომ უნდა იცნობდეთ „ლიტერატურას“ იმ „საგნის“ შესახებ, რაზეც მსჯელობთ; აკი ბევრი თქვენთაგანი,—ბ. მიხაილოვსკის ენით რომ ვქთვათ, მეცნიერების ორდინარულ და ექსტრა-ორდინარულ მეზარეთა სახელს ატარებს. მართალია, ამ სახელმა თქვენ ხელი არ შეგიშალათ უმთავრესად ისეთი „კერძო“ მეცნიერებით გართულიყავით, როგორცაა, მაგალითად: სუბიექტური სოციოლოგია, სუბიექტური ისტორიოსოფია და სხვ.

— მაგრამ რატომ არ დასწერა მარქსმა ისეთი წიგნი, სადაც, მისი თვალსაზრისის მიხედვით, გადმოცემული იქნებოდა კაცობრიობის მთელი ისტორია ძველი დროიდან დღევანდლამდე და განხილული იქნებოდა განვითარების ყველა სფერო: ეკონომიური, იურიდიული, რელიგიური, ფილოსოფიური და სხვ.?

ყოველი განათლებული გონების დამახასიათებელი ნიშანი მდგომარეობს საკითხის სწორად დასმაში, იმის ცოდნაში, თუ როგორი პასუხის მოცემა შეუძლია თანამედროვე მეცნიერებას და როგორის არაა. მარქსის მოწინააღმდეგენი-კი, ამ ნიშანს თითქოს მოკლებული არიან, მიუხედავად მათი ექსტრა-ორდინარობისა და ზოგჯერ ორდინარობისაც-კი, და შეიძლება სწორედ ამის გამოც. ნუ თუ თქვენ.

ფიქრობთ, რომ ბიოლოგიურ ლიტერატურაში არსებობს ისეთი წიგნი, რომელშიაც მოთხრობილია ცხოველთა და მცენარეთა სამეფოს მთელი ისტორია დარვინის თვალსაზრისით? ამის შესახებ თქვენ მოელაპარაკეთ რომელსამე ბოტანიკოსს ან ზოოლოგს და ის, თქვენს ბავშვურ გოლუბრყვილობაზე წინასწარ დაცინვის შემდეგ, გეტყვი, რომ დარვინის თვალსაზრისით სახეობათა მთელი ისტორიის წარმოდგენა—ეს თანამედროვე მეცნიერების იდეალია და თუ როდის იქნება ის მიღწეული არც კი ვიცი. ამჟამად-კი ნაპოვნია ის ერთადერთი თვალსაზრისი, რომლითაც შესაძლებელია სახეობათა ისტორიის გაგება <sup>1)</sup>). საეცებით ასეა საქმე თანამედროვე ისტორიულ მეცნიერებაში.

„რას წარმოადგენს დარვინის მთელი შრომა?—კითხულობს ბ. მიხაილოვსკი.—რამდენსამე ურთიერთთან მკიდროდ შეკავშირებულ იდეას, რომელიც ანზოგადოებს და სისტემაში მოჰყავს ფაქტიური მასალის მთელი მონბლანი. სადაა მარქსის ანალოგიური შრომა? ასეთი არ არსებობს... და არა მარტო მარქსს არ გააჩნია ასეთი შრომა, ის არ მოიპოვება მთელ მარქსისტულ ლიტერატურაშიც, მიუხედავად მისი სიდიდისა და ფართოდ გავრცელებისა... ეკონომიური მატერიალიზმის თვით საფუძვლები, რომელსაც, როგორც აქსიომას, დაუსრულებლივ იმეორებენ, დღემდე ურთიერთ შეუკავშირებელი და ფაქტებით შეუღოწმებელია. ეს განსაკუთრებული ყურადღების ღირსია იმ თეორიაში, რომელიც პრინციპულად მატერიალურს, ხელსახებ ფაქტებს ემყარება და par excellence „მეცნიერული“ თეორიის ტიტულს იჩეგებს“ <sup>2)</sup>).

ის აზრი, თითქოს ეკონომიური მატერიალიზმის თვით საფუძვლები ურთიერთთან შეუკავშირებელი იყოს, აშკარა ხიყაღბეა. საკმარისია „Zuz Kritik der politischen Oekonomie“-ის წინასიტყვაობის წაკითხვა, რომ დაგვრწმუნდეთ,—თუ რა რიგ მწყობრად და მკიდროდ არიან ისინი ერთმანეთთან დაკავშირებული. არც ისაა სწორი, თითქოს ეს საფუძვლები შეუღოწმებელი იყოს—ისინი შეღოწმე-

<sup>1)</sup> „Alle diese verschiedenen Zweige der Entwicklungsgeschichte, die jetzt noch teilweise weit auseinanderliegen und die von den verschiedensten empirischen Erkenntnisquellen ausgegangen sind, werden von jetzt an mit dem steigenden Bewusstsein ihres einheitlichen Zusammenhanges sich höher entwickeln. Auf den verschiedensten empirischen Wegen wandelnd und mit den mannigfaltigsten Methoden arbeitend werden sie doch alle auf ein und dasselbe Ziel hinstreben, auf das grosse Endziel einer uniuersalen monistischen Entwicklungsgeschichte“. E. Haeckel, „Ziele und Wege heutigen Entwicklungsgeschichte“ Jena, 1876, S. 96.

<sup>2)</sup> „Русское Богатство“, იანვარი 1894 წ. განყ. II, გვ.გვ. 105—106.

გულია საზოგადოებრივ მოვლენათა ანალიზით: „მე-18 — ბრიუმერსა“ და „კაპიტალში“, მაგრამ „კაპიტალის“ არა იმ თავში „განსაკუთრებით“ (როგორც ბ. მიხაილოვსკი ფიქრობს), სადაც თავდაპირველ დაგროვებაზეა ლაპარაკი, არამედ ყველა თავში — პირველიდან უკანასკნელამდე. და თუ, მიუხედავად ამისა, ეს თეორია არც ერთხელ არა ყოფილა დალაგებული ფაქტიური მასალის „მთელ გროვასთან“ დაკავშირებით, რაც ბ. მიხაილოვსკის აზრით, მას დარვინის თეორიაზე დაბლა აყენებს, აქაც მხოლოდ გაუგებრობას აქვს ადგილი. იმ ფაქტიური მასალით, რომელსაც, მაგალითად წიგნი „The origin of species“ შეიცავს, უმთავრესად სახეობათა ცვალებადობა მტკიცდება; ზოგი ცალკე სახეობის ისტორიას-კი დარვინი მხოლოდ გაკვრით და ისიც ჰიპოტეტიურად ეხება: შესაძლოა ისტორია, ერთი ან მეორე გზით წასულიყო, მაგრამ ერთი მაინც ექვს გარეშეა: ისტორია იყო, სახეობანი იცვლებოდენ. ეხლა ჩვენ შევეყიოთებით ბ. მიხაილოვსკის: საჭირო იყო თუ არა დაემტკიცებია მარქსს, რომ კაცობრიობა ერთ ადგილზე არ სდგას, რომ საზოგადოებრივი ფორმები იცვლება, რომ ადამიანთა შეხედულებანი ერთმანეთს სცვლიან, ერთი სიტყვით, საჭირო იყო თუ არა ამგვარი მოვლენათა ცვალებადობის დამტკიცება? რასაკვირველია, არ იყო საჭირო, თუმცა ადვილი საქმე იყო ასეთი დამტკიცების მიზნით „ფაქტიური მასალის მონბლანის“ დაგროვება. რა უნდა გაეკეთებია მარქსს? სოციალურ მეცნიერებისა და ფილოსოფიის წინანდელმა ისტორიამ დააგროვა უამრავი წინააღმდეგობა, რომელიც დაჟინებით მოითხოვდა გადაქრას. მარქსმაც ისინი იმ თეორიის საშუალებით გადასჭრა, რომელიც დარვინის თეორიის მსგავსად, „რამოდენიმე ურთიერთ დაკავშირებულ და განმარჯვადობელ იდეას“ შეიცავს. როცა ეს იდეები წარმოიშვა, მაშინ გამოირკვა, რომ მათი საშუალებით შესაძლოა ყველა იმ წინააღმდეგობათა გადაჭრა, რომელიც ადრინდელ მოაზროვნეებს აფრთხობდა. მის წინამორბედთა მიერ შეგროვილი უამრავი ფაქტიური მასალა მარქსს კი არ უნდა შეეხუხულავენინა, არამედ, სხვათა შორის, ეს მასალა უნდა გამოეყენებია და შესდგომოდა კაცობრიობის ნამდვილი ისტორიის შესწავლას ახალი თვალსაზრისით. ასეც მოიქცა მარქსი, როცა იგი კაპიტალისტური ეპოქის ისტორიის შესწავლას შეუდგა, რის შედეგად მივიღეთ „კაპიტალი“ (ჩვენ არაფერს ვამბობთ ისეთ მონოგრაფიაზე, როგორცაა, მაგალითად, „მე-18 ბრიუმერი“).

მაგრამ „კაპიტალში“, ბ. მიხაილოვსკის შენიშვნით, „ლაპარაკია მხოლოდ ერთ ისტორიულ პერიოდზე და ამ ფარგლებშიაც საგანი, რასაკვირველია, დაახლოვებითაც-კი არაა ამოწურული“. ეს



მართალია. მაგრამ ჩვენ კვლავ მოვაგონებთ ბ. მიხაილოვსკის: განათლებული გონების დამახასიათებელია ის, რომ მან იცის, თუ როგორი მოთხოვნები უნდა შეიძლება წაუყუყუნოთ მეცნიერს. მარქსს არ შეეძლო თავის გამოკვლევაში ყველა პერიოდს შეხებოდა, სწორედ ისე, როგორც დარვინს არ შეეძლო ყველა ცხოველისა და მცენარის სახეობის ისტორია დაეწერა.

საგანი არაა ამოწურული ერთი ისტორიული პერიოდის შესახებ—თუგინდ დაახლოვებით მაინც. დიხა, ბ. მიხაილოვსკი, დაახლოვებითაც კი არაა ამოწურული. მაგრამ, გვითხარით, რა საგანი ამოწურა დარვინმა თუგინდ „დაახლოვებით“ მაინც. ჩვენ ეხლავე აგიხსნით, თუ რა მხრით და რისთვის არაა „კაპიტალში“ საკითხი ამოწურული.

ახალი თეორიის მიხედვით, კაცობრიობის ისტორიული მოძრაობა განისაზღვრება საწარმოო ძალთა განვითარებით, რაც ეკონომიურ ურთიერთობათა შეცვლას იწვევს. ამიტომ, ყოველი ისტორიული გამოკვლევა განსაზღვრული ქვეყნის საწარმოო ძალთა მდგომარეობისა და ეკონომიურ ურთიერთობათა შესწავლით უნდა იწყებოდეს. მაგრამ, ცხადია, გამოკვლევა მხოლოდ ამაზე არ უნდა შეჩერდეს: მან ნათელი უნდა გახადოს, თუ როგორ იმოსება ეკონომიის ჩონჩხი სოციალურ-პოლიტიკურ ფორმათა ცოცხალი ქსოვილით, ხოლო შემდეგ,—და ეს ამოცანის ყველაზე უფრო საინტერესო ძაბარაა,—ადამიანის იდეების, გრძნობების, მისწრაფებათა და იდეალების ქსოვილით. შეიძლება ითქვას, რომ მკვლევარს ხელში ეძლევა შკვდარი მატერია (აქ, როგორც მკითხველი ხელდავს ჩვენ ნაწილობრივ ბ. კარევის სტილით ვლაპარაკობთ) მისი ხელიდან. კი სიცოცხლით ხავესე ორგანიზმი უნდა გამოვიდეს. მარქსმა შესძლო იმ საკითხების და ისიც მხოლოდ დაახლოვებით ამოწურვა, რომელიც, უმთავრესად, მის მიერ არჩეული პერიოდის მატერიალურ ყოფას შეეხებოდა. მარქსი არც ისე მოხუცი იყო, როცა გარდაიცვალა, მაგრამ მას 20 წელი კიდევ რომ ეცოცხლა, ის, ალბად, იმავე პერიოდის მატერიალური ყოფის საკითხების შესწავლას განაგრძობდა (გარდა, შესაძლოა, ცალკე მონოგრაფიებისა). სწორედ ესაა ბ. მიხაილოვსკის რომ აბრაზებს. ის, დოინჯ შემოყრილი ნოტაციას უკითხავს სახელგანთქმულ მოაზროვნეს: „ეს რაა, ჩემო ძმაო?.. მხოლოდ ერთი პერიოდი... და ისიც არა სავსებით... არ შემოძლია, მოვიწონო... დარვინისთვის უნდა მიგებაძა!“ მთელი ამ სუბიექტურ ნოტაციაზე „კაპიტალის“ საბრალო ავტორი უპასუხებს მხოლოდ ღრმა ამოხვერით

და შემდეგი ნაღვლიანი აღსარებით. Die Kunst ist lang und kurz ist unser Leben!

ბ. მიხაილოვსკი სწრაფად და მრისხანედ მიუბრუნდება მარქსის მიმდევარ „ზარბოხს“ თქვენ რას უყურებდით, რად არ დაეხმარეთ მოხუცს, რად არ ამოსწურეთ ყველა პერიოდი?— ჩვენ არ გვეცალა, ბ. სუბიექტურო გმირო, უპასუხებენ ქედმოხრილი მიმდევრები ქულის მოხდით; ჩვენ სხვა საქმეს ვაკეთებდით, ჩვენ ვიბრძოდით წარმოების იმ ურთიერთობის წინააღმდეგ, რომელიც მძიმე ლოლად აწვეს თანამედროვე კაცობრიობას. ნუ დაგვსჯით! სხვათა შორის, ცოტა რამ მაინც გავაკეთეთ; მოგვეცი თ ვადა,—მეტსაც გავაკეთებთ.

ბ. მიხაილოვსკი ცოტათი ლმობიერდება: მაშასადამე, ეხლა თქვენც ხედავთ, რომ სავსებით არაა ამოწურული?— როგორ არ ვხედავთ! საკითხი სავსებით დარვინის მიმდევრებსაც ხომ არ ამოუწურავთ!), სავსებით ვერც სუბიექტური სოციოლოგია ახერხებს მის ამოწურვას.

დარვინის მიმდევრებზე მითითება ჩვენი ავტორის ახალ განრისხებას იწვევს.—რა მომაბეზრეთ თავი დარვინით! დარვინით გატაცებული იყო ჭკვიანი ხალხი, მას ბევრი პო.ოფესორი დადებითად აფასებდა, მარქსს-კი ვინ მიჰყვება? მხოლოდ მუშები და მცენიერების უპატენტო პრივატ-მეზარეობი.

ეს საყვედური იმდენად საინტერესო ხასიათს ღებულობს, რომ ჩვენ უნებლიეთ განვაგრძობთ მის მოსმენას.

„წიგნში ოჯახის, საკუთრების და სახელმწიფოს წარმოშობა“ ენგელსი, სხვათა შორის, ამბობს, რომ მარქსის „კაპიტალი“-ს შესახებ კრინტიც არ დასძრეს გერმანელმა ეკონომისტებმა; წიგნში „ლიუდვიგ ფოიერბახი და კლასიკური ფილოსოფიის დასასრული“ იგი აღნიშნავს, რომ ეკონომიური მატერიალიზმის თეორეტიკოსებმა „თავიდანვე, უმთავრესად, მუშებს მივმართეთ და მათში შეთვისების ისეთი უნარი დავინახეთ, როგორსაც ოფიციალური მეცნიერების წარმომადგენელთაგანაც-კი არ მოველოდით-ო“. რამდენად სწორია ეს ფაქტები და როგორია მათი მნიშვნელობა? პირველ ყოვლისა, რაიმე ღირსშესანიშნავის დიდი ხნით „მიჩქმალვა“ ჩვენშიაც-კი, ჩვენი მეც-

---

1) საყურადღებოა, რომ დარვინის მოწინააღმდეგენი დიდხანს იმეორებდნენ და ეხლაც იმეორებენ, რომ მის თეორიას სწორედ ფაქტიური საბუთების „მონბლანი“ აკლიათ. ასეთი აზრი გამოთქვა, როგორც ვიცი, ვირხოვმა გერმანელ ბუნებისმეტყველთა და ექიმების ყრილობაზე მიუნხენში 1877 წლის სექტემბერს. ჰეკელმა თავის პასუხში სწორად აღნიშნა, რომ თუ დარვინის თეორია არ მტკიცდება იმ ფაქტებით, რომელიც ჩვენთვის ეხლა უკვე ცნობილია, მაშინ ვერავითარი ახალი ფაქტი მის სასარგებლოდ ვერაფერს იტყვისო.

ნიე ული და ლიტერატურული შემოქმედების სისუსტის და დაწვრილ-  
მანების პირობებშიც, საექვოა რომ შესაძლებელი იყოს. ეს მით  
უფრო შეუძლებელია გერმანიაში თავისი მრავალრიცხოვანი უნივერ-  
სიტეტებით, წერა-კითხვის საყოველთაო ცოდნით, უამრავი გაზეთე-  
ბით, ყოველგვარი თიმართულების ფურცლებით, იქ, გერმანიაში, სა-  
დაც დიდი მნიშვნელობა ეძლევა არა მარტო ბექედითს, არამედ  
ზეპიო სიტყვასაც. და თუ გერმანიაში მეცნიერების ოფიციალურ  
ქურუმთა ერთი ნაწილი პირველ ხანებში დუმილით შეხვდა „კაპი-  
ტალს“, ეს მარქსის შრომის „მიჩქალვის“ სურვილით როდი აიხს-  
ნება. უფრო სწორი იჩნება, თუ დუმილის მიზეზად იმ „გაუგებრო-  
ბას“ მივიჩნევთ, რომლის გვერდითაც ჩქარა წარმოიშვა, როგორც  
ცხარე ოპოზიცია, ისე სრული მოკრძალება, რის შედეგად „კაპი-  
ტალის“ თეოოიულმა ნაწილმა ძლიერ მალე საპატიო ადგილი  
დაიკავა საყოველთაოდ ცნობილ მეცნიერებაში. სულ სხვაგვარია  
ეკონომიური მატერიალიზმის, როგორც ისტორიული თეოოიის, და  
მომავლის იმ პერსპექტივის ბედი, რომელიც მოცემულია „კაპიტალ-  
ში“. ეკონომიურმა მატერიალიზმმა, მიუხედავად მისი ნახევარი საუ-  
კუნის აოსებობისა, დღემდე ვერ მოახდინა ოდნავ შესამჩნევი გავ-  
ლენაც-კი მეცნიერულ სფეროზე, სამაგიეროდ იგი ძალიან სწრა-  
ფად ვრცელდება მუშათა კლასში<sup>1)</sup>.

ამრიგად, ხანმოკლე დუილის შემდეგ მალე წარმოიშვა ოპო-  
ზიცია. ეს ასეა. ოპოზიცია იმდენად ცხარე აღმოჩნდა, რომ  
ვერც ერთი დოკენტი ვერ მიიღებს პროფეაოოის სახელწოდებას,  
თუ იგი სწოად თელის მარქსის თუგინდ „ეკონომიურ“ თეოოის;  
იმ იენად ცხაოე, რომ ყოველს სრულიად უნიკო პრივატ-დო-  
ცენტსაც-კი შექძლია წარჩინების იმედი ჰქონდეს, თუ კი იგი მოახერ-  
ხებს „კაპიტალის“ სწინააღმდეგოდ ორიოდე ისეთი დებულება  
წაოაყენოს, როგორიც ხვალ ყველას დაავიწყდება. ოპოზიცია სწო-  
რედ რომ ძეტად ცხარე აღმოჩნდა...

და სრული პატივისცემა .. ესეც მართალია, ბ. მიხაილოვსკი:  
ნამდვილად რომ პატივისცემა. სწორედ ისეთი პატივისცემა, როგო-  
რითაც ეხლა ჩინელები უნდა მოეპყრან იაპონიის ჯარას: კარგად  
იბოძვოს, და ამიტომ სასამოვნო არაა მასთან ბრძოლაში შექამაო.  
სწორედ ასეთი პატივისცემით იყვენ და ეხლაც არიან გამსკვეალული  
გერმანელი პროფესოოები „კაპიტალი“-ს ავტორის მიმართ. და რაც  
უფრო კვიანია პროფესოოი, რაც უფრო ძეტი ცოდნა აქვს მას,

1) «Русское Богатство», იანვარი, 1894 წ. განყ. 2, გვ. გვ. 115—116.

მით უფრო პატივს სცემს იგი „კაპიტალი“-ს ავტორს, მით უფრო ნათელია მისთვის, რომ „კაპიტალი“-ს გაბათილება მის ძალღონეს აღემატება. აი რატომაა, რომ ოფიციალური მეცნიერების ვერც ერთი მნათობი ვერ ჰხედავს „კაპიტალზე“ იერიშის მიტანას. ისინი ამჯობინებენ იერიშზე ისეთი ახალგაზრდა გამოუცდელი „პრიატ-მეზარეულები“ გაგზავნონ, რომლებიც წარჩინებას საჭიროებენ.

იქ რად გინდათ გონიერი;

იქ გაგზავნეთ თქვენ რეალი,

მე-კი ვნახავ... სეირს ვნახავ.

თქმა არ უნდა: ეს პატივისცემა მეტად დიდია. ხოლო სხვაგვარ პატივისცემაზე ჩვენ არაფერი გვსმენია, და არც შეიძლება იგი პროფესორს ჰქონდეს, რადგან იმით გამსჭვალულ კაცს გერმანიაში პროფესორად არც გახდიან.

მაგრამ რას ამტკიცებს ასეთი პატივისცემა? აი რას. ის სფერო, რომელიც „კაპიტალი“-ს კვლევის საგანს შეადგენს, სწორედ ის სფეროა, რომელიც უკვე შესწავლილია ახალი თვალსაზრისით, მარქსის ისტორიული თეორიის თვალსაზრისით. ამ სფეროზე თავდასხმას მოწინააღმდეგენი ვერც ბედავენ; ისინი „მას პატივს, სცემენ“, მაგრამ საჭიროა „სუბიექტური“ სოციოლოგის მთელი გულუბრყვილობა, რომ გაკვირვებით იკითხო, თუ რატომ ეს მოწინააღმდეგენი დღემდე არ იწყებენ მარქსის გზით მოსაზღვრე სფეროს გამოკვლევას საკუთარი ძალღონით. „ერი-ჰა, ეს რა ისურვეთ ძვირფასო გმირო! აქ ამ წესით გამოკვლეული ერთი არეც კი სიცოცხლეს გვიმწარებს და თქვენ გსურთ იმავე სისტემით მეზობელი სფეროც დაეამუშაოთ!“ ბ. მიხაილოვსკი ვერ წვდება საგნის არსს, და ამიტომ მისთვის „ეკონომიური მატერიალიზმის, როგორც ისტორიული თეორიის, ბედი“ გაუგებარია. მას არ ესმის აგრეთვე არც გერმანელი პროფესორების დამოკიდებულება „მომავლის პერსპექტივისადმი“. მომავლისათვის მათ როდი სცალიათ, როცა ხელიდან აწაყვანეს ეცლებათ.

მაგრამ გერმანიაში ხომ ყველა პროფესორი არაა ეგზომ გამსჭვალული კლასობრივი ბრძოლისა და „მეცნიერული“ დისციპლინის სულით. აკი არიან სპეციალისტებიც, რომელნიც გარდა მეცნიერებისა, სხვაზე არაფერზე ფიქრობენ. მართალია, ასეთებიც არიან და არა მარტო გერმანიაში. მაგრამ ეს სპეციალისტები ერთიანად თავისი სპეციალური საგნის შესწავლით არიან გართული—სწორედ იპიტომ, რომ ისინი სპეციალისტები არიან. ისინი ამუშავებენ მეცნიერული სფეროს მცირე ნაწილს და მათ არაერთი ზოგადი ფილოსოფიური ისტორიული თეორია არ აინტერესებთ. იშვიათია ისეთი სპეციალის-

ტი, რომელსაც მარქსზე რაიმე წარმოდგენა ჰქონდეს, და თუ აქვს, მხოლოდ როგორც არასასიამოვნო ადამიანზე, რომელსაც ვილაც და სადღაც შეუწყუხებია. როგორ გნებავთ, რომ ასეთმა ხალხმა მარქსი- ვით სწეროს? ჩვეულებრივად მათი მონოგრაფიები მოკლებულია ყოველგვარ ფილოსოფიურ ხასიათს. მაგრამ აქ ხდება იმ შემთხვევის მსგავსი რამ, როცა ქვები იწყებენ ლაღად, თუ ადამიანი სდუმს. თვით მკვლევარმა სპეციალისტებმა არაფერი იციან მარქსის თეორიის შესახებ, ხოლო მათი მუშაობის რეზულტატი აშკარად ღაღადებს ამ თეორიის სასარგებლოდ. და არ მოიპოვება არც ერთი სერიოზული სპეციალური გამოკვლევა პოლიტიკურ ურთიერთობათა ან კულტურის ისტორიის დარგში, რომელიც მას ასე თუ ისე არ ადასტურებდეს. თუ როგორ აიძულებს სპეციალისტებს თანამედროვე საზოგადოებრივი მეცნიერების ხასიათი შეუგნებლად მარქსის ისტორიულ თვალსაზრისზე (სწორედ რომ ისტორიულ თვალსაზრისზე, ბ. მიხაილოვსკი) დადგენ, მტკიცდება უამრავი განსაცვიფრებელი მაგალითით. ზემოდ ორ ასეთ მაგალითს მკითხველი უკვე შეამჩნევდა: ოსკარ პეშელისა და ჟირო ტელონის. ეხლა მოვიყვანოთ მესამეც. ცნობილმა ფიუსტელ-დე-კულანემ თავის თხზულებაში: „L'histoire antique“ ის აზრი გამოთქვა, რომ ანტიური ქვეყნის ყველა საზოგადოებრივ დაწესებულებათა საფუძველს რელიგიური შეხედულებანი წარმოადგენდნო. ვფიქრობთ, სწორედ ამ თვალსაზრისით უნდა განეხილა მას საბერძნეთისა და რომის ისტორიის ცალკე საკითხებიც. მაგრამ, აი ფიუსტელ-დე-კულანეს დასკირდა სპარტის დაცემის საკითხს შეხებოდა. და იგი იმ დასკვნამდე მივიდა, რომ ამ დაცემის მიზეზი წმინდა ეკონომიურია<sup>1)</sup>. შეეხო რომის რესპუბლიკის დაცემის საკითხს—და მიზეზს იგი კვლავ ეკონომიაში ხედავს<sup>2)</sup>. რა დასკვნას ვღებულობთ აქედან? ცალკე შემთხვევაში მკვლევარი მარქსის თეორიას ადასტურებს, ხოლო მისთვის, რომ მარქსისტი გეწოდებიან, ის ალბად ამას გადაქრით უარყოფდა, რითაც დიდათ გაახარებდა ბ. კარეევს. რა გაეწყობა, თუ ყველა ადამიანი ბოლომდე თანმიმდევარი არაა?

<sup>1)</sup> იხ. მისი წიგნი: „Du droit de propriété à Sparte“. ჩვენ აქ, სხვათაშორის, სრულიად უყურადღებოდ ვსტოვებთ ამ თხზულებაში გამოთქმულ შეხედულებას პირველყოფილი საკუთრების ისტორიის შესახებ.

<sup>2)</sup> Il est assez visible pour quiconque a observé le détail (სწორედ რომ le détail, ბ. მიხაილოვსკი) et le textes que ce sont les intérêts matériels du plus grand nombre qui en ont été le vrai mobile და სხვა. Histoire des institutions politiques de l'ancienne France. Les origines du système féodal. Paris, 1890, p. 94.

მაგრამ ნება გვიბოძეთ, გვაწყვეტინებს ბ. მიხაილოვსკი, რამდენიმე მაგალითი მეც მოვიყვანო: „ვეცნობით... ბლოსის წიკს და ვრწმუნდებით, რომ ეს მეტად საპატიო შრომაა, რომელსაც, მიუხედავად ამისა, სრულიად არ აჩნია იმ ძირითადი გადატრიალების სპეციალური კვალი, რასაც ადგილი ჰქონდა ისტორიულ მეცნიერებაში. ის გარემოება, რომ ბლოსი კლასობრივ ბრძოლაზე და ეკონომიურ პირობებზე (შედარებით ძლიერ ცოტას) ლაპარაკობს, ჯერ კიდევ იმას არ ნიშნავს, თითქოს ის ისტორიის საფუძველს წარმოებისა და გაცვლა-გამოცვლის ფორმათა თვითგანვითარებაში ხედავდეს: 1848 წლის ამბების გადმოცემის დროს ეკონომიური პირობებისთვის გვერდის აელა საკვირველიც კი იქნებოდა. აჰოაგდეთ ბლოსის წიგნიდან ქება მარქსზე, როგორც გადატრიალების გამომწვევეზე ისტორიულ მეცნიერებაში, და კიდევ რამდენიმე პირობითი ფრაზა მაქსისტული ტერმინოლოგიით, და ამის შემდეგ თქვენ ვერ იფიქრებთ, რომ საქმე გაქვთ ეკონომიური მატერიალიზმის მიმდევართან. ენგელსის. კაუტსკის და სხვთა თხზულებებში ისტორიული შინაარსის მქონე ზოგიერთი ფურცლისათვის შეიძლებოდა სრულიად მოგვეცილებია ეკონომიური მატერიალიზმის ეტიკეტი, რადგან მათში საზოგადოებრივი ცხოვრება აღებულია მთლიანად, თუმცა ამ აკორდში ეკონომიური სიმი სჭარბობს“<sup>1)</sup>.

ბ. მიხაილოვსკის აღბად კარგად ახსოვს თქმულება: ვინც ანი თქვა, მან ბანიც უნდა თქვას. ის ასე მსჯელობს: თუ შენ ეკონომიური მატერიალისტი ხარ, მაშინ მხედველობაში სწორედ ეკონომიური უნდა გქონდეს და არ „უნდა ეხებოდე მთელ საზოგადოებრივ ცხოვრებას, თუმცა იქ ეკონომიური სიმი სჭარბობს“. მაგრამ ჩვენ უკვე მოვახსენეთ ბ. მიხაილოვსკის, რომ მარქსისტების მეცნიერული ამოცანა სწორედ იმაში მდგომარეობს, რომ დაიწყონ „სიმით“ და ამ გზით მთელი საზოგადოებრივი ცხოვრება ახსნან. როგორაა შესაძლ ბელი, რომ მათ ერთსა და იმავე დროს ხელიც აიღონ ამ ამოცანაზე და მარქსისტებადაც დარჩენ. მართალია, ბ. მიხაილოვსკის არასოდეს არ ჰქონია სურვილი ამ ამოცანას ჩაკვირებოდა, მაგრამ, ცხადია, ამაში მარქსის ისტორიული თეორია არაა დამნაშავე.

ჩვენთვის ცხადია, რომ სანამ ამ ამოცანაზე ხელს არ ავიღებთ, ბ. მიხაილოვსკი ხშირად ჩავარდება უხერხულ მდგომარეობაში: ხშირად „ისტორიული შინაარსის მშვენიერი ფურცლის“ კიხხვის დროს

<sup>1)</sup> „Русское Богатство“, იანვ. 1894 წ. განკ. II, გვ. 117.

იგი ვერ იფიქრებს (მას „აზრადაც არ მოუვა“), რომ იგი დაწერილია „ეკონომიური“ მატერიალისტის მიერ. ეს სწორედ ისეთი მდგომარეობაა, რომლის შესახებ იტყვიან: გუბერნატორის მდგომარეობაზე უაზრისაო! მაგრამ განა მარქსის ბრალი იქნება, თუ ბ. მიხაილოვსკი ამ მდგომარეობაში ხშირად ჩაეარდება?

სუბიექტური სკოლის აქილესი ფიქრობს: „ეკონომიურმა“ მატერიალისტებმა მხოლოდ „წარმოების და გაცულა-გამოცულის ფორმათა თვითგანვითარებაზე“ უნდა ილაპარაკონო. რა „თვითგანვითარებაზე“ ლაპარაკობთ, ღრმად მოაზროვნეე ბ. მიხაილოვსკი? სასტიკად ცდებით, თუ ფიქრობთ, თითქოს მარქსის აზრით, წარმოების ფორმებს „თავის თავად“ განვითარება შეეძლოს. რაა წარმოების საზოგადოებრივი დამოკიდებულებანი? ეს ადამიანთა დამოკიდებულებანია. როგორ შეუძლიათ მათ განვითარდენ ადამიანთა გარეშე, ადამიანთა გარეშე წარმოების დამოკიდებულებანიც ხომ წარმოუდგენელია! ქიმიკოსი ამბობს: მატერია ატომებისგან შესდგება, ატომები მოლეკულებს შეადგენს, ხოლო ეს უკანასკნელი კი უფრო რთულ შენაერთსო. ყველა ქიმიური პროცესი განსაზღვრული კანონის მიხედვით წარმოებს. აქედან თქვენ უეცრად ის დასკვნა გამოგყავთ, რომ ქიმიკოსის აზრით, მთელი საქმე კანონებია და რომ შეიძლება მატერია, — ატომები, მოლეკულები, — სოულიად არ ვითარდებოდეს, მაგრამ ამით ოღნაე არ დაბოკოლდება ქიმიურ შენაერთთა „თვითგანვითარება“. ასეთი დასკვნის შეუსაბამობა ყველასათვის აშკარაა. სამწუხაროდ, ჯერ კიდევ ყველასათვის არაა ცხადი პიროვნებისა და საზოგადოებრივი ცხოვრების კანონების, ადამიანთა მოქმედებისა და მათი საზოგადოებრივი ცხოვეების ფორმათა შინაგანი ლოლიკის იმ უოთიერთი დაპირდაპირების შეუსაბამობა, რომელიც თავისი შინაგანი მნაშენელობით სრულიად ანალოგიურია ზემომოყვანილი შემთხვევისა.

ვ მეორებთ, ბ. მიხაილოვსკი, რომ ახალი ისტორიული თეორიის ამოკანას შეადგენს „მთელი საზოგადოებრივი ცხოვრების“ ახსნა იმის საშუალებით, რასაც თქვენ ეკონომიურ სიმს უწოდებთ, ე. ი. საწარმოო ძალთა განვითარებით. „სიმი“, სიტყვის ერთგვარი გაგებით (ჩვენ უკვე განემარტეთ, სახელდობრ, თუ რა გაგებით), მართლაც საფუძველს წარმოადგენს. მაგრამ ბ. მიხაილოვსკი ცდება, როცა ფიქრობს, თითქოს მარქსისტი, როგორც გ. ი. უსპენსკის „Будка“-ს ერთი გამართაგანი, „მხოლოდ სიმით უნდა სუნთქავდეს“.

ძნელია მთელი ისტორიული პროცესის ახსნა ისე, რომ ბოლომდე მეორე ეოთ პრინციპს. მაგრამ რა გაეწყობა? მეცნიერება

საერთოდ არაა ადვილი საქმე, თუ კი ეს „სუბიექტური“ მეცნიერება არაა: ის ყველა საკითხს ძლიერ ადვილად სჭრის. რაკი ამაზე მოგვიხდა ლაპარაკი, ჩვენ ვეტყვიტ ბ. მიხაილოვსკის, რომ ისეთი საკითხების გადაჭრის საქმეში, რომლებიც იდეოლოგიის განვითარებას ეხებიან, შესაძლოა სიმის მცოდნე ხალხიც, ზოგ შემთხვევაში, უძლური აღმოჩნდეს, თუ განსაკუთრებული ნიჭით, სახელდობრ, მხატვრული აღღოთი არაა დაჯილდოვებული. ფსიქოლოგია ეკონომიას ეგუება. მაგრამ ეს შეგუება რთული პროცესია და, რომ მთელი მისი მსვლელობა გაიგო, რომ ნათლად წარმოიდგინო და სხვებისთვისაც ნათელი გახადო, სახელდობრ, თუ როგორ წარმოებს ეს შეგუება, ამისთვის არა ერთხელ დაგვირდებათ მხატვარის ტალანტი. მაგალითად, ბალზაკმა ძლიერ ბევრი გააკეთა მისი თანამედროვე საზოგადოების კლასთა ფსიქოლოგიის ახსნის საქმეში. ძლიერ ბევრი რამ შეგვიძლია ვისწავლოთ იბსენისაგან, და განა მარტო იბსენისაგან? იმედს გამოვთქვამთ, რომ ოდესმე გაჩნდება ბევრი ისეთი მხატვარი, რომლებსაც, ერთის მხრით, შეგნებული ექნებათ „სიმის“ მოძრაობის „რკინის კანონები“, ხოლო, მეორეს მხრით, შესძლებენ იმის გაგებას და ცხადყოფას, თუ „სიმის“ მოძრაობის წყალობით ამავე „სიმზე“ როგორ აღმოცენდება იდეოლოგიის „ცოცხალი სამოხელი.“ თქვენ გვეტყვიტ, რომ იქ, სადაც პოეტური ფანტაზია ჩაერია, შეუძლებელია მხატვარის თვითნებობას, გაგების ფანტასტიურობას ადვილი არ ექნეს. რასაკვირველია, უამისობაც არ იქნება. და მარქსმა ეს კარგად იცოდა; სწორედ ამიტომ ამბობდა იგი, რომ ამა თუ იმ ეპოქის ეკონომიური მდგომარეობა, რომლის განსაზღვრაც საბუნებისმეტყველო სისწორითაა შესაძლებელი, მკვეთრად უნდა განვასხვავოთ ამ ეპოქის იდეათა მდგომარეობისაგან. ბევრი, მეტად ბევრი რამაა ჩვენთვის ამ დარგში გაურკვეველი. მაგრამ უფრო ბევრია გაურკვეველი იდეალისტებისათვის, კიდევ მეტი ეკლექტიკოსებისათვის, რომლებსაც არასოდეს არ ესმით მათ წინაშე წამოჭრილი წინააღმდეგობანი, და რომლებსაც ჰგონიათ, რომ ისინი ყოველთვის შესძლებენ ყოველი საკითხის დაძლევის ცნობილი „ურთიერთი ზემოქმედების“ საშუალებით. ნამდვილად, ისინი ვერასოდეს ვერც ერთ სიძნელეს ვერ სძლევენ, არამედ მხოლოდ თავს ატყარებენ მათ წინაშე წამოჭრილ სიძნელეთ. მარქსის სიტყვით, დღემდე ადამიანის კონკრეტულ მოქმედებას მხოლოდ იდეალისტური თვალსაზრისით ხსნიდენ. პერე რა? განა მათ დამაკმაყოფილებელი ახსნა მოგვეცეს? ჩვენი მსჯელობა ადამიანის „სულის“ მოქმედების შესახებ თავისი არასაკმაო საფუძვლიანობით გვაგონებს ძველ ბერძენ ფილოსოფოსთა მსჯელობას ბუნება-



ზე, უკეთეს შემთხვევაში გენიალურს, ზოგჯერ-კი მხოლოდ გონებადამახვილ ჰიპოტეზას, რომლის დამტკიცება შეუძლებელია, მეცნიერული დასაბუთებისათვის საჭირო დასაყრდენი წერტილის უქონლობის გამო. მხოლოდ იქ შესძლეს რისამე გაკეთება, სადაც საზოგადოებრივი ფსიქოლოგია „სიმს“ დაუკავშირეს. და აი, როცა მარქსმა ამის დანახვაზე გვიჩიოდა თავი არ დაგვენებებია ერთხელვე დაწყებული ცდებისთვის, როცა მან გვითხრა ყოველთვის „სიმით“ უნდა ვიხელმძღვანელოთო, მას ბრალი დასდევს შეხედულებათა ცალმხრივობაში, სიფიწროეში. სადაა აქ სამართალი,—ეს მხოლოდ სუბიექტურმა სოციოლოგებმა უწყიან.

განაგრძეთ!—გესლიანად შეგვნიშნავს ბ. მიხაილოვსკი,—თქვენი ახალი სიტყვა „50 წლის წინად ითქვა“. დიახ, ბ. მიხაილოვსკი, დაახლოებით ასე. და მით უფრო სამწუხაროა, რომ თქვენ იგი დღემდე ვერ გაიგეთ. განა მეცნიერებაში ცოტაა ისეთი „სიტყვა“, რომელიც რამდენიმე ათი და ასი წლის წინად ითქვა, მაგრამ დღემდე უცნობია მეცნიერებაზე უზრუნველ პიროვნებათა მილიონებისათვის? ვთქვათ, თქვენ შეხვდით ჰოტენტოტს და ცდილობთ დაარწმუნოთ იგი, რომ მიწა მზის გარშემო ტრიალებს. ჰოტენტოტს როგორც მზის, ისე მიწის შესახებაც თავისი „ორიგინალური“ თეორია აქვს. მას არ შეუძლია ამ თეორიას გამოეთხოვოს. და აი ისიც გესლიანად შეგვნიშნა: თქვენ ჩემთან ახალი სიტყვით მოდიეთ, და ამავე დროს თითონვე ამბობთ, რომ იგი რამდენიმე ასი წლის წინად ითქვაო!—რას ამტკიცებს ჰოტენტოტის ეს გესლიანობა? მხოლოდ იმას, რომ ჰოტენტოტი ჰოტენტოტია. მაგრამ ამას ხომ დამტკიცებაც არ უნდა.

თუმცა ბ. მიხაილოვსკის გესლიანობა გაცილებით იმაზე მეტს ამტკიცებს, რის დამტკიცებაც ჰოტენტოტის გესლიანობას შეეძლო. ის ამტკიცებს, რომ ჩვენი „სოციოლოგი“ იმათ რიცხვს ეკუთვნის, რომელთაც თვისტომობა არ ახსოვთ. მისი სუბიექტური თვალსაზრისი შემკვიდრეობით მიღებულია მის მიერ ბრუნო ბაუერისგან, შელიგასგან და მარქსის სხვა წინამორბედთაგან ქრონოლოგიური გაგებით. მაშასადამე, ქრონოლოგიურადაც ბ. მიხაილოვსკის „ახალი სიტყვა“, ყოველ შემთხვევაში, უფრო ძველია, ვიდრე ჩვენი, ხოლო შინაარსის მხრით გაცილებით უფრო ძველიცაა, რადგან ბრუნო ბაუერის ისტორიული იდეალიზმი გასული საუკუნის მატერიალისტების შეხედულებებთან დაბრუნებას წარმოადგენდა<sup>1)</sup>.

<sup>1)</sup>რაც შეეხება საზოგადოებრივი საკითხების გადაჭრის საქმეში ბიოლოგიის გამოყენებას, ამ მხრით ბ. მიხაილოვსკის „ახალი სიტყვა“, თავისი „ტაბით“, როგორც დავინახეთ, მიმდინარე საუკუნის მეოცე წლებს ეკუთვნის. ბ. მიხაილოვსკის „ახალი სიტყვა“, საკმარის ძველია! ამ „სიტყვაში“ რუსული აზრი და რუსული სული კემშარტიად „ძველს იმეორებს და ორმაგად სტყუის.“

ბ. მიხაილოვსკის მეტად აშფოთებს ის გარემოება, რომ „ამერიკელი მორგანის (33) წიგნი „ძველი საზოგადოების“ შესახებ, გამოქვეყნდა მარქსისა და ენგელსის მიერ ეკონომიური მატერიალიზმი“ საფუძვლების გამომუშავების დიდი ხნის შემდეგ და მისგან სრულიად დამოუკიდებლად. ამის შესახებ ჩვენ შევნიშნავთ:

ჯერ ერთი, მორგანის წიგნი ეგრეთწოდებული ეკონომიური მატერიალიზმისგან იმ უბრალო მიზეზის გამოა „დამოუკიდებელი“, რომ თვით მორგანი ეკონომიური მატერიალიზმის თვალსაზრისზე სდგას—როგორც ამაში აღვიღად დარწმუნდება ბ. მიხაილოვსკი, თუ აღნიშნულ წიგნს წაიკითხავს. მართალია, ამ თვალსაზრისამდე მორგანი მარქსისა და ენგელსის დამოუკიდებლად მივიდა, მაგრამ ეს მით უკეთესია მათი თეორიისთვის.

მეორე, განა სამწუხაროა, თუ მარქსის და ენგელსის თეორია „მრავალი წლის შემდეგ“ დადასტურდა მორგანის აღმოჩენებით? ჩვენ დარწმუნებული ვართ, რომ მომავალშიაც ძლიერ ბევრი იქნება ამ თეორიის დამადასტურებელი აღმოჩენები. ხოლო ბ. მიხაილოვსკის შესახებ ჩვენ წინააღმდეგს ვფიქრობთ: „სუბიექტურ“ თვალსაზრისს არ გაამართლებს არც ერთი აღმოჩენა, არც ხუთი და არც ხუთი ათასი წლის შემდეგ.

ენგელსის ერთი წინასიტყვაობიდან ბ. მიხაილოვსკიმ გაავიწყობა, რომ თხზულების—„მუშათა კლასის მდგომარეობა ინგლისში“—ავტორისა და მისი მეგობრის ცოდნა ეკონომიური ისტორიის დარგში მეორმოცე წლებში „არასაკმარისი იყო“ (გამოთქმა თვით ენგელსისა). ბ. მიხაილოვსკი ამის გამო სიხარულით ცას წყდება: მაშასადამე, ამბობს იგი, „ეკონომიური მატერიალიზმის“ მთელი თეორიაც, რომელიც სწორედ მეორმოცე წლებში წარმოიშვა, არამედ იდრ საფუძველზე იყო აგებული. ე! დასკვნა მეოთხე კლასის გიმნაზიელის გონებამახვილობას შეკუერის. მომწიფებული ადამიანი მიხვდებოდა, რომ მეცნიერული ცოდნის ისე, როგორც სხვათა მიმართ, გამოთქმები: „საკმარისი“, „არასაკმარისი“, „მცირე“ „დიდი“, უნდა ავიღოთ შედარებითი გაგებით. მას შემდეგ, რაც ახალი ისტორიული თეორიის საფუძვლები გამომუშავდა, მარქსმა და ენგელსმა რამდენიმე ათი წელი იკოცხლეს; ისინი გულმოდგინედ სწავლობდნენ ეკონომიურ ისტორიას, და ამ დარგში დიდ შედეგებსაც მიღწიეს, რაც აღვიღად გასაგებია, თუ მხედველობაში მივიღებთ მათ განსაკუთრებულ ნიჭს. სწორედ ამ შედეგების წყალობით, თავისი წინანდელი ცოდნა მათ „არასაკმარისად“ უხდა მოჩვენებოდან, მაგრამ ეს ჯერ კიდევ იმას არ ამტკიცებს, რომ მათი თეორია უხა-

ფუძვლო იყო. დარვინის წიგნი სახეობათა წარმოშობის შესახებ გამოვიდა 1859 წ. დანამდვილებით შეიძლება ითქვას, რომ უკვე ათი წლის შემდეგ დარვინი არასაკმარისად თვლიდა იმ ცოდნას, რომელიც მას წიგნის გამოქვეყნების დროს გააჩნდა. ეს ასეც უნდა ყოფილიყო.

ბ. მიხაილოვსკი დიდი ირონიით ლაპარაკობს აგრეთვე იმის შესახებ, რომ „იმ თეორიისთვის, მსოფლიო ისტორიის გაშლქებას რომ ჩემულობდა, მისი შემუშავების შემდეგ ორმოცი წლის განმავლობაში (ე. ი. თითქოს მორგანის წიგნის გამოქვეყნებამდე) ძველი საბერძნეთისა და გერმანიის ისტორია გადაუქრელ ამოცანად რჩებოდა“<sup>1)</sup>. ეს ირონია მარტოოდენ „გაუგებრობაზეა“ დამყარებული.

საბერძნეთისა და რომის ისტორიას, რომ საფუძვლად კლასთა ბრძოლა ედო,—ეს შეუძლებელია არ სცოდნოდათ მარქსსა და ენგელსს მეორმოცი წლების დასასრულს იმ უბრალო მიზეზის გამო, რომ ეს ჯერ კიდევ საბერძნეთისა და რომის მწერლებმა იცოდენ. წაიკითხეთ თხზულებები ფუკიდიდის, ქსენოფონტის და არისტოტელის, წაიკითხეთ რომაელი ისტორიკოსები, თუგინდ ტიტ ლიბიუსი, რომელიც, თუმცა, მოვლენათა აღწერის დროს ხშირად „სუბიექტურ“ თვალსაზრისზე დგება,—და თქვენ დაინახავთ, რომ თითოეული მათგანი მტკიცედ იყო დარწმუნებული, რომ მაშინდელი საზოგადოების შინაგანი ისტორიის საფუძველს ეკონომიური ურთიერთობა და იმით გამოწვეული კლასთა ბრძოლა წარმოადგენდა. მათ ხელში ეს შეხედულება დებულობდა უბრალო, ყველასათვის ცნობილ საყოველღეო ცხოვრების ფაქტის უბრალო აღნიშვნის უშუალო ფორმას, თუმცა პოლიბის უკვე აქვს ისტორიის ფილოსოფიის მავგარი რამ, რაც ამ ფაქტის აღიარებას ემყარება. როგორც უნდა იყოს, ფაქტს მაინც ყველა აღიარებდა, და ნუთუ ბ. მიხაილოვსკი ფიქრობს, რომ მარქსსა და ენგელსს „ძველები არ წაუკითხავთ“? მარქსისა და ენგელსისათვის ისე, როგორც ყველა შეცნიერისათვის, გადაუქრელი რჩებოდა ის კითხვები, რომელიც საბერძნეთის, რომის და გერმანიელი ტომების (როგორც ამას სხვა ადგილას თვით ბ. მიხაილოვსკი ამბობს) წინა-ისტორიული ყოფა-ცხოვრების ფორმებს შეეხებოდენ. ამ კითხვებს პასუხი მორგანის წიგნმა გასცა. მაგრამ ხომ არ ჰგონია ჩვენს ავტორს, რომ დარვინისათვის,—როცა ის თავის შესანიშნავ წიგნს სწერდა,—არ არსებობდა იმ დროის ბიოლოგიაში გადაუქრელი საკითხები?

<sup>1)</sup> იქვე, გვ. 108.

„აუცილებლობის კატეგორიაო,—განაგრძობს ბ. მიხაილოვსკი, იმდენად საყოველთაო და უდავო ხასიათისაა, რომ შეიცავს სრულიად სულელურ იმედებსა და სრულიად უსაფუძლო შიშს, რომლის წინააღმდეგაც ის, თითქოს, მოწოდებულია იბრძოლოს. მისი თვალსაზრისით, შუბლით კედლის გარღვევის იმედი სისულელე კი არაა, არამედ აუცილებლობა ისე, როგორც ქვაზიმოდო სიმახინჯე კი არაა, რამედ აუცილებლობა, კაინი და იუდა ბოროტმომქმედნი კი არ არიან, არამედ აუცილებლობა. ერთი სიტყვით, პრაქტიკულ ცხოვრებაში, თუ მხოლოდ ამ კატეგორიით ვიხელმძღვანელებთ, მაშინ რაღაც ისეთ ფანტასტიურ უსაზღვრო სიერცეში მოვექცევით, სადაც ადგილი არა აქვს იდეებს, საგნებს და მოვლენებს, არამედ არის მხოლოდ იდეებისა და საგნების ერთფეროვანი აჩრდილი“<sup>1)</sup>. სწორედ ასეა, ბ. მიხაილოვსკი; სწორედ ყოველი სიმახინჯეც-კი აუცილებლობის ისეთსავე ნაყოფს წარმოადგენს, როგორსაც სრულიად ნორმალური მოვლენა, თუმცა ეს იმას არ ნიშნავს, თითქოს იუდა ბოროტმომქმედი არ იყოს, რადგან „აუცილებლობის“ ცნებისადმი ცნება „ბოროტმომქმედის“ დაპირდაპირება შეუსაბამოაა. მაგრამ მოწყალეო ხელმწიფევე, რაკი თქვენ გმირობას ჩემულობთ (ხოლო ყოველი სუბიექტური მოაზროვნე გმირია, ასე ვთქვათ, ex professo), ამიტომ გაისარჯეთ და დაამტკიცეთ, რომ თქვენ „შეშლილი“ გმირი არა ხართ, რომ თქვენი იმედები „სულელური“ არაა, რომ თქვენი „შიში“ უსაფუძვლო არაა, რომ თქვენ არა ხართ აზრის „ქვაზიმოდო“, რომ თქვენ არ მოუწოდებთ ბრბოს კედელი შუბლით გაარღვიოს. ყველა ამის დასამტკიცებლად თქვენ იძულებული იქნებით აუცილებლობის კატეგორიას მიმართოთ, ხოლო იმით სარგებლობა-კი თქვენ არ შეგიძლიათ, თქვენი სუბიექტური თვალსაზრისი ამას შეუძლებელს ხდის; ამ „კატეგორიის“ წყალობით სინამდვილე თქვენთვის აჩრდილთა სამეფოდ იქცევა. აი სწორედ აქ ემწყვდევით თქვენ ჩიხში, სწორედ აქ ამოწმებთ თქვენი სოციოლოგიის „testimonium paupertatis“, სწორედ აქ იწყებთ თქვენ იმის მტკიცებას, რომ „აუცილებლობის კატეგორია“ არაფრის მაჩვენებელია, რადგან ის თითქოს ძალიან ბევრის მაჩვენებელი იყოს. მოწმობა თეორიული სილატაკის შესახებ ის ერთად ერთი დოკუმენტია, რომელსაც თქვენს მიმდევრებს აძლევთ. ეს ცოტაა, ბ. მიხაილოვსკი!

წყალ-წყალა ირწმუნება, რაინდი ფრინველი ვარო და ჩემთვის, როგორც ასეთისათვის, ადვილი საქმეა ზღვის გადაწვაო.

<sup>1)</sup> იქვე, გვ. გვ. 113—114.

როცა მას თხოვენ იმის ახსნას, თუ რა ფიზიკურსა ან ქიმიურ კანონებზე ემყარება ზღვის გადაწვის მისი გეგმა, ის უხერხულ მდგომარეობაში ვარდება და, რათა მას როგორმე თავი დააღწიოს, ნაღვლიანად და გაურკვეველად იწყებს ბუტბუტს: „კანონებს“ ისე, სხვათაშორის, ახსენებენ, თორემ ნამდვილად კანონები არაფერს ხსნის, და მასზე არც რაიმე გეგმის აშენება შეიძლება; იმედი უნდა ვიქონიოთ ბედნიერი შემთხვევის, რადგან დიდი ხანია ცნობილია, რომ გაჭირვების დროს ჯოხიდანაც გაისროლიო, მაგრამ საერთოდ la raison finit toujours par avoir raison. რა ქარაფშუტა, რა ცუდი ფრინველია!

შევადაროთ წყალ-წყალას ამ გაურკვეველ ბუტბუტს მარქსის მტკიცე, საოცრად მწყობრი ისტორიული ფილანოფია.

ადამიანის მსგავსი ჩვენი წინაპრები, როგორც ყველა სხვა ცხოველი, ბუნების სრული მონები იყვნენ. მთელი მათი განვითარება სრულიად სტიქიური იყო, რომელსაც განსაზღვრავდა არსებობისათვის ბრძოლაში ბუნებრივი შერჩევის გზით გარემოსთან შეგუება. ეს ფიზიკური აუცილებლობის ბნელეთი იყო. მაშინ ჯერ კიდევ არ ანათებდა შეგნებისა, და მაშასადამე, თავისუფლების განთიადი. მაგრამ ფიზიკურმა აუცილებლობამ ადამიანი განვითარების იმ საფეხურამდე მიიყვანა, რომლის შემდეგაც იგი დანარჩენ ცხოველთა სამეფოდან თანდათან გამოყოფას იწყებს. ის იარაღის მკეთებელ ცხოველად გარდაიქცა. იარაღი ისეთი ორგანოა, რომლის საშუალებითაც ადამიანი ბუნებაზე მოქმედებს თავისი მიზნების მისაღწევად. ეს ისეთი ორგანოა, რომელიც აუცილებლობას ადამიანის შეგნების მორჩილს ხდის, თუმცა პირველ ხანებში მეტად სუსტად, თუ შეიძლება ასე ითქვას, მხოლოდ ნაწილობრივად, ნაწყვეტ-ნაწყვეტად. საწარმოო ძალთა განვითარების დონე განსაზღვრავს ადამიანის გაბატონების ხარისხს ბუნებაზე.

თვით საწარმოო ძალთა განვითარება კი ადამიანის გარემომცველი გეოგრაფიული წრის თვისებებით განისაზღვრება. ამრიგად, თვით ბუნება აწვდის ადამიანს თავისი (ბუნების) დამორჩილების საშუალებას.

მაგრამ ბუნებას ცალკე ადამიანი არ ებრძვის: მას, როგორც მარქსი ამბობს, საზოგადოებრივი ადამიანი ებრძვის (Der Gesellschaftsmensch), ე. ი. თავისი ოდენობით ცოტად თუ ბევრად მნიშვნელოვანი საზოგადოებრივი კავშირი. საზოგადოებრივი ადამიანის თვისებებს ყოველ გარკვეულ დროს საწარმოო ძალთა განვითარების დონე განსაზღვრავს, რადგან საზოგადოებრივი კავშირის მთელი

წყობა დამოკიდებულია ამ ძალთა განვითარების დონეზე. ამრიგად, ამ წყობას საბოლოოდ განსაზღვრავს გეოგრაფიული გარემოს ის თვისებები, რომელიც ადამიანს თავისი საწარმოო ძალთა განვითარების მეტს თუ ნაკლებ შესაძლებლობას უქმნის. მაგრამ რაკი წარმოიშვა განსაზღვრული საზოგადოებრივი ურთიერთობა, მისი შემდეგი განვითარება წარმოებს საკუთარი შინაგანი კანონების მიხედვით. ამ უკანასკნელთა მოქმედება ანელებს ან აჩქარებს საწარმოო ძალთა განვითარებას, რომელიც განსაზღვრავს კაცობრიობის ისტორიულ მოძრაობას. ადამიანის დამოკიდებულება გეოგრაფიულ გარემოზე ჰქარავს თავის უშუალო ხასიათს და მეშვეობით ხასიათს იღებს. გეოგრაფიული გარემო მოქმედებს ადამიანზე საზოგადოებრივი გარემოს მეშვეობით. მაგრამ ამის განა ადამიანის დამოკიდებულება გეოგრაფიულ გარემოსთან მეტის-მეტად ცვალებადი ხდება. საწარმოო ძალთა განვითარების ყოველ ახალ საფეხურზე ის უკვე ისეთი არაა, როგორც წინედ იყო. გეოგრაფიული გარემოს სულ სხვანაირად მოქმედებდა ცეზარის დროის ბრიტანელებზე, ვიდრე ის ინგლისის ეხლანდელ მცხოვრებლებზე მოქმედებს. ასე უღებს ბოლოს თანამედროვე დიალექტიკური მატერიალიზმი იმ წინააღმდეგობას, რომლის დაძლევა XVIII საუკუნის განმანათლებლებმა ვერ შესძლეს 1).

საზოგადოებრივი წრის განვითარება თავის საკუთარ კანონებს ემორჩილება. ეს იმას ნიშნავს, რომ მისი თვისებები სწორედ ისე არაა დამოკიდებული ადამიანის ნებასა და შეგნებაზე, როგორც

1) მონტესკიე ამბობდა: თუ მოცემულია გეოგრაფიული წრე—ამით მოცემულია აგრეთვე საზოგადოებრივი კავშირის თვისებებიც: ერთს გეოგრაფიულ გარემოში შეიძლება მხოლოდ დესპოტიზმი არსებობდეს, მეორეში—მხოლოდ წვრილი დამოუკიდებელი რესპუბლიკები და სხვ.—არა, უპასუხებდა ვოლტერი: ერთსა და იმავე გეოგრაფიულ გარემოში დროთა განმავლობაში სხვა და სხვა საზოგადოებრივი ურთიერთობანი წარმოიშობიან. მაშასადამე, გეოგრაფიული გარემო არ ახდენს გავლენას კაცობრიობის ისტორიულ ბედზე: თავიდათავე ადამიანთა შეხედულებააო. მონტესკიე ანტინომიის ერთ მხარეს ამჩნევდა; ვოლტერი და მისი თანამოაზრენი-კი—მეორეს. ჩვეულებრივად ამ ანტინომიის მხოლოდ ურთიერთი შემოქმედების დამოწმებით იცილებდნენ თავიდან. დიალექტიკური მატერიალიზმი, როგორც ვხედავთ, აღიარებს ურთიერთი შემოქმედების არსებობას, მაგრამ იგი მას საწარმოო ძალთა განვითარებაზე მითითებით ხსნის. ანტინომია, რომლის მხოლოდ მიუუჩნება შეეძლოთ განმანათლებლებს, ერთობ ადვილად იკრება: დიალექტიკური გონება აქაც გატყვევებით უფრო ძლიერია, ვიდრე განმანათლებლების ხალი აზრი (ჰანსჯაა).

გეოგრაფიული წრის თვისებები. წარმოებითი ზემოქმედება ბუნებაზე წარმოშობას ადამიანის მონობის ახალ სახეს: ეკონომიურ აუცილებლობას. და რაც უფრო იზრდება ადამიანის ბატონობა ბუნებაზე, რაც უფრო ვითარდება მისი საწარმოო ძალები, მით უფრო მტკიცდება ეს ახალი მონობა: საწარმოო ძალთა განვითარებასთან ერთად რთულდება ადამიანთა ურთიერთი დამოკიდებულება საზოგადოებრივ საწარმოო პროცესში; ამ პროცესის მსვლელობა მათი კონტროლის გარეშე რჩება, მწარმოებელი თავისი საკუთარი ნაწარმოების მონა ხდება (მაგალითი: კაპიტალისტური წარმოების ანარქია).

მაგრამ, — როგორც ბუნებამ თვით მისცა ადამიანს თავის საწარმოო ძალთა განვითარების და, მაშასადამე, მისი (ბუნების) ბატონობის უფლიდან თანდათ ნი განთავისუფლების პირველი შესაძლებლობა, — სწორედ ასე, საწარმოო ურთიერთობას — საზოგადოებრივ ურთიერთობას, თავისი საკუთარი განვითარების ლოდიკით, ადამიანი იმის შეგნებამდე მიჰყავს, რომ მისი დამონების მიზეზი ეკონომიური აუცილებლობაა. ამით შესაძლებელი ხდება ახალი და საბოლოო გამარჯვება შეგნებისა აუცილებლობაზე და გონებისა ბრმა კანონზე.

მას შემდეგ, რაც მწარმოებელმა („საზოგადოებრივმა ადამიანმა“) შეიგნო, რომ საკუთარი პროდუქტის მიერ მისი დამონება წარმოების ანარქიით არის გამოწვეული, იგი აწესრიგებს ამ წარმოებას და ამ გზით მას თავისი ნების მორჩილს ხდის. მაშინ ბოლო ედება აუცილებლობის სამეფოს და მყარდება თავისუფლება, რომელიც თვით წარმოადგენს აუცილებლობას. კაცობრიობის ისტორიის შესავალი სრულდება, იწყება მისი ნამდვილი ისტორია 1).

---

1) ნათქვამს შემდეგ, ვფიქრობთ: ნათელია, თუ რა დამოკიდებულება იქნება მისი მოძღვრებას და რეინის მოძღვრებასთან. დარვიზმა შესძლო იმ საკითხის გადაჭრა, თუ როგორ წარმოიშობიან მცენარეთა და ცხოველთა სახეობანი არსებობისათვის ბრძოლაში. შიქსმა-კი იმ საკითხის გადაჭრა შესძლო, თუ როგორ წარმოიშობიან სხვადასხვა სახის საზოგადოებრივი ორგანიზაციები ადამიანთა არსებობისათვის ბრძოლის დროს. ლოდიკურად, შიქსის გამოკვლევა სწორედ იქ იწყება, სადაც დარვიზის თავდება. ცხოველები და მცენარეები ფიზიკური წრის გაფლენის ქვეშ იმყოფებიან. საზოგადოებრივ ადამიანზე ფიზიკური წრე იმ საწარმოო ძალთა საფუძველზე წარმოშობილ საზოგადოებრივ ურთიერთობათა მეშვეობით მოქმედებს, რომლებიც თავდაპირველად ფიზიკური წრის თვისებათა გამო მერტო ან ნაკლები სისწრაფით ვითარდებიან. დარვიზი სახეობათა წარმოშობას ხსნის არა იმით, თითქოს განვითარების თვისება ცხოველთა ორგანიზმის თანდაყოლილი იყოს, როგორც ამას ჯერ კიდევ ლამარკი

ამრიგად, დიალექტიკური მატერიალიზმი იმას კი არ ცდილობს, რომ ადამიანი დაარწმუნოს, თითქოს ეკონომიური აუცილებლობის წინააღმდეგ ბრძოლა უაზრობა იყოს, როგორც მისი მოწინააღმდეგენი ჰფიქრობენ, არამედ, პირიქით, სწორედ ის პირველად მიუთითებს მას, თუ რა გზით შეიძლება ეკონომიური აუცილებლობის დაძლევა. ამნაირად, ნიადაგი ეცლება მატაფიზიკური მატერიალიზმის დამახასიათებელ ფატალიზმს. და სწორედ ასევე ეცლება ნიადაგი იმ პესიმიზმსაც, რომელიც, როგორც დავინახეთ, თანხმდევარი იდეალისტური აზროვნების აუცილებელ ნაყოფს წარმოადგენს. ცალკე პიროვნება მხოლოდ ქათია ტალღის ზედაპირზე, ადამიანები ემორჩილებიან რკინის კანონს, რომლის მხოლოდ შეცნობა შეიძლება, ხოლო ადამიანის ნებისადმი მისი დამორჩილება-კი არა,—ამბობდა გიორგი ბიუხნერი. არა, უპასუხებს მარქსი, რაკი ჩვენ შევიცანით ეს რკინის კანონი, მისი დამორჩილება ჩვენზეა დამოკიდებული, ჩვენზეა დამოკიდებული გადავაქციოთ აუცილებლობის კანონი გონების ყურმოქრილ მონად.

მე კია ვარ, ამბობს იდეალისტი. მე კია ვარ, სანამ უფიცი ვარ, უპასუხებს დიალექტიკოს-მატერიალისტი; მაგრამ მე ღმერთი ვარ, როცა ვიცი. *Tantum possumus, quantum scimus!*

ჩადიოდა, არამედ ორგანიზმის შეგუებით მის გარეშე არსებულ პირობებთან: არა ორგანიზმის ბუნებით, არამედ გარე-ბუნების გავლენით. მარქსი კაცობრიობის ისტორიულ განვითარებას ხსნის არა ადამიანის ბუნებით, არამედ ადამიანთა იმ საზოგადოებრივი ურთიერთობის თვისებებით, რომელიც წარმოიშობა საზოგადოებრივი ადამიანის ზემოქმედების დროს გარე-ბუნებაზე. ორივე მოაზროვნის გამოკვლევა სრულიად ერთნაირი ხასიათისაა. აი რატომ შეიძლება ითქვას, რომ მარქსიზმი საზოგადოების მეტყველებაში გამოყენებული დარვინიზმია (ჩვენ ვიცით, რომ ქრონოლოგიურად ეს ასე არაა, მაგრამ ამას მნიშვნელობა არა აქვს). და ეს მისი ერთად-ერთი მეცნიერული გამოყენებაა, რადგან ის დასკვნები, რომელიც დარვინიზმიდან ზოგ ბურჟუაზიულ მწერალს გამოჰყავდა, საზოგადოებრივი ადამიანის განვითარების შესწავლის საქმეში მეცნიერულ გამოყენებას კი არ წარმოადგენდა, არამედ უბრალო ბურჟუაზიულ უტოპიას, მეტად უღამაზო შინაარსის ქადაგებას, მსგავსად ბ. ბ. სუბიექტივისტების ლამაზი შინაარსის ქადაგებისა. ბურჟუაზიული მწერლები, როცა დარვინს იმოწმებენ, თავის მკითხველებს დარვინის მეცნიერული მეთოდის შეთვლისებას კი არ ურჩევენ, არამედ მხოლოდ იმ ცხოველთა მსგავსი არისტინქტების შეთვლისებას, რომელთა შესახებაც დარვინი ლამაზადაა ლაპარაკობდა. მარქსი წააგავს დარვინს, ბურჟუაზიული მწერლები-კი იმ მსგავსებას და პირუტყვებს, რომელთაც დარვინი სწავლობდა.



და აი სწორედ ასეთი თეორიის წინააღმდეგ, — რომელმაც პირველად დაასაბუთა ურყევად ადამიანის გონების უფლებები; რო-მელმაც პირველად განიხილა გონება, არა როგორც უბრალო სათა-მაშო ნივთი შემთხვევითობის ხელში, არამედ როგორც დიადი დაუ-მარცხებელი ძალა, — ილაშქრებენ ამავე გონების თითქოს, ამ თეო-რიით შეღახულ უფლებათა და მის მიერ, თითქოს, აბუჩად აგდებ-ული იდეალების სახელით! მათ გამბედაობა შესწევთ ამ თეორიას დასწამონ კვიეტიზმი, გარემოსთან შერიგების სურვილი და თითქმის მისადმი მორჩილება ისე, როგორც მოლჩალინი მორჩილებდა ყვე-ლა იმათ, ვინც ჩინით მასზე მაღალი იყო! სწორედ ამის შესახებ შეიძლება ითქვას: ჩემი შენ გითხარი, გული მოგაკალიო.

დიალექტიკური მატერიალიზმი <sup>1)</sup> ამბობს: გონებას არ შე-ეძლო ისტორიის დემიურგი ყოფილიყო. რადგან იგი თვით მისი პროდუქტია. მაგრამ ეს პროდუქტი რაკი გაჩნდა, ის არ უნდა დაე-მორჩილოს და თავისი ბუნებით არც შეუძლია დაემორჩილოს დრო-მოკმულ სინამდვილეს; იგი აუცილებლობის გამო ცდილობს გარდაქმ-ნას სინამდვილე თავის მსგავსად, გახადოს იგი უფრო გონივრული.

დიალექტიკური მატერიალიზმი, გოეთეს ფაუსტის მსგავსად, ამბობს:

Im Anfang war die That!

მოქმედება (ადამიანთა კანონზომიერი მოქმედება საზოგადო-ებრივ საწარმოო პროცესში) ნათელჰყოფს დიალექტიკოს-მატე-რიალისტისათვის საზოგადოებრივი ადამიანის გონების ისტორიულ განვითარებას <sup>2)</sup>. მთელი მისი პრაქტიკული ფილოსოფია მოქმედე-ბით გამოიხატება. დიალექტიკური მატერიალიზმი მოქმედების ფილოსოფიაა.

---

<sup>1)</sup> ჩვენ ვხვარობთ თერმინს — „დიალექტიკური მატერიალიზმი“. მალოდ ის ახასიათებს შ ა რ ქ ს ი ს ფილოსოფიას. კ ო ლ ბ ა ა ნ ი და კ ე ლ ვ ე - ც ი უ ს ი შ ე ტ ა ფ ი ზ ი კ ო ს-მატერიალისტები იყვენ. ისინი შ ე ტ ა ფ ი - ზ ი კ უ რ იდეალიზმს ებრძოდენ. შთაბ მატერიალიზმმა ადგილი დაუთმო დ ი ა ლ ე ქ ტ ი კ უ რ ი დ ე ა ლ ი ზ მ ს, რომელიც, თავისი მხრით, დაამარც-ხა დ ი ა ლ ე ქ ტ ი კ უ რ შ ა მ ა ტ ე რ ი ა ლ ი ზ მ შ ა. გამოთქმა „ეკონო-მიური მატერიალიზმი“ ცრულიად მიუღებელია. შ ა რ ქ ს ი არასოდეს არ უწოდებდა თავის თავს ეკონომიურ მატერიალისტს.

<sup>2)</sup> „საზოგადოებრივი ცხოვრება, უმთავრესად, პრაქტიკული ცხოვრებაა. ყოველივე იდუმალი, ყოველივე ის, რასაც თეორია მისტიციზმამდე მიჰყავს, თავის რაციონალურ გადაჭრას ადამიანის პრაქტიკაში და ამ პრაქტიკის გავებაში პპოულობს“ (შ ა რ ქ ს ი).

როცა სუბიექტური მოაზროვნე ამბობს; „ჩემი იდეალი“, — ამით ის ამბობს: ბრმა აუცილებლობის გამარჯვება. სუბიექტური მოაზროვნეს არ შეუძლია თავის იდეალი სინამდვილის განვითარების პროცესზე დაამყაროს; აპიტომ მისი იდეალის პაწაწინა ბალის ღობის გადაღმა მყისვე იწყება შემთხვევითობის და, მაშასადამე, ბრმა აუცილებლობის თვალწევდენელი ველი. დიალექტიკური მატერიალიზმი მიგვითითებს იმ საშუალებებზე, რომლის წყალობითაც მთელი ეს თვალწევდენელი ველი შესაძლოა იდეალის აყვავებულ ბაღად გარდაიქნეს. ის დასძენს მხოლოდ, რომ ამ გარდაქმნისათვის საჭირო საშუალებები თვით ამ ველის წიაღშია დაფარული, რომ საჭიროა მხოლოდ მათი აღმოჩენა და გამოყენება.

დიალექტიკური მატერიალიზმი, წინააღმდეგ სუბიექტივიზმისა, არ ზღუდავს ადამიანის გონების უფლებებს. მან იცის, რომ გონების უფლებები ისე, როგორც მისი ძალა, განუზომელი და უსაზღვროა. იგი ამბობს: ყოველივე ის, რაც გონივრულია ადამიანის ცნობიერებაში ე. ი. ყოველივე ის, რაც წარმოადგენს არა ილიუზიას, არამედ სინამდვილის ქეშმარიტ შეცნობას, აუცილებლად ამ სინამდვილედ იქცევა, აუცილებლად შეიტანს მასში გონივრულობის თავის წილს.

აქედან აშკარაა, თუ რაში მდგომარეობს დიალექტიკოს-მატერიალისტების აზრით პიროვნების როლი ისტორიაში. ისინი არ უარჰყოფენ ამ როლს და პიროვნების წინაშე ისეთ ამოცანას აყენებენ, რომელიც, თუ ჩვეულებრივს, თუმცა არა სწორ ტერმინს ვიხმართ, საგვებით იდეალისტურ ამოცანად უნდა მივიჩნიოთ. რადგან ადამიანის გონება მხოლოდ მაშინ შესძლებს ბრმა აუცილებლობაზე გამარჯვებას, როცა მის საკუთარ, შინაგან კანონებს შეიცნობს, როცა მას მისივე საკუთარი (ე. ი. აუცილებლობის) ძალით დაამარცხებს, აპიტომ ცოდნის განვითარება, ადამიანის შეგნების განვითარება მოაზროვნე პიროვნების უდიდეს, უკეთილშობილეს ამოცანას წარმოადგენს. Licht, mehr Licht! აი რაა საჭირო პირველ ყოვლისა.

მაგრამ, თუ უკვე დიდი ხანია ნათქვამია: ლამპარს არავინ იმისთვის არ ანთებს, რათა ყუთში ჩაკეტოს, დიალექტიკოს-მატერიალისტები უმატებენ: ლანძარი „ინტელიგენციის“ ვიწრო კაბინეტში არ უნდა დავტოვოთო! სანამ არსებობენ ისეთი „გმირები“, რომელნიც ფიქრობენ, თითქოს საკმარისი იყოს მათი საკუთარი განათლება, რომ ბრბო მათი არჩეული გზით წავიდეს, რომ მისგან (ბრბოსგან), ისე როგორც თიხისგან შესაძლებელი გახდეს იმის გამოძერწვა, რაც მათ მოეპრიანებათ, — გონების სამეფო ლამაზ სიტყვად, კეთილშობილ ოცნებად რჩება. ის გიგანტური ნაბიჯით ჩვენთან მოახლოვებას

მხოლოდ მაშინ დაიწყებს, როცა თვით „ბრბო“ გახდება ისტორიული მოქმედების გმირი და როცა მასში, ამ უფერულ „ბრბოში“ ამის შესაფერი თვითშეგნება განვითარდება. განავითარეთ ადამიანის შეგნება, ვთქვით ჩვენ. განავითარეთ მწარმოებელთა თვითშეგნება, ვუმატებთ ჩვენ ეხლა. სუბიექტური ფილოსოფია ჩვენ სწორედ იმიტომ მიგვაჩნია მავნედ, რომ იგი საშუალებას უსპობს ინტელიგენციას ამ თვითშეგნების განვითარებას ხელი შეუწყოს, როცა იგი ბრბოს გმირებს უპირდაპირებს, როცა ის ჰფიქრობს, რომ ბრბო—ეს ნულების გროვაა, რომლის მნიშვნელობა დამოკიდებულია მის ხელმძღვანელი გმირის იდეალზე.

ოლონდ ტბა იყოს და ეშმაკები თავისთავად გაჩნდებიანო,— ამბობს ხალხური ანდაზა. ოლონდ გმირები იყვენ, ბრბო მათთვის მოიძებნებაო,— ამბობენ სუბიექტივისტები,— და ეს გმირები, ჩვენ ვართ სუბიექტური ინტელიგენციის. ამაზე ჩვენ ვუპასუხებთ: ბრბოსადმი გმირების დაპირდაპირება—ეს მხოლოდ თვითგანდიდებაა და ამიტომაც თავის მოტყუილება. და თქვენც უბრალო... მოლაყებ დარჩებით იანაძდე, სანამ ვერ გაიგებთ, რომ თქვენივე იდეალების გასამარჯვებლად საჭიროა მოსპოთ ასეთი დაპირდაპირების თვით შესაძლებლობა, საჭიროა გაუღვიძოთ ბრბოს გმირული თვითშეგნება<sup>1)</sup>.

შეხედულებანი მართავენ ქვეყანასო, ამბობდნენ ფრანგი მატერიალისტები: ჩვენ— შეხედულებათა წარმომადგენლები და ამიტომ ისტორიის დემიურგები ვართ; ჩვენ გმირები ვართ და ბრბო ჩვენ უნდა მოგვეყვასო.

შეხედულებათა ეს სიკიწოვე შეესაბამებოდა ფრანგი განმანათლებლების განსაკუთრებულ მდგომარეობას. ისინი ბურჟუაზიის წარმომადგენლები იყვნენ.

თანამედროვე დიალექტიკური მატერიალიზმი კლასთა გაუქმებისაკენ მიისწრაფის; ის სწორედ მაშინ გაჩნდა, როცა კლასების მოსპობა ისტორიულ აუცილებლობად გარდაიქცა. ამიტომ იგი იმ მწარმოებლებს მიმართავს, რომელნიც უახლოესი ისტორიული პერიოდის გმირები უნდა გახდნენ. ამიტომ, მას შემდეგ, რაც ჩვენი ქვეყანა არსებობს და დედა-მიწა მზის გარშემო ტრიალებს, პირველად ხდება მეცნიერების დაახლოება მუშაკებთან; მეცნიერება მზადაა მშრომელ მასას დაეხმაროს; მშრომელი მასა-კი თავის შეგნებულ მოძრაობის დროს მეცნიერების დასკვნებს ემყარება.

---

<sup>1)</sup> „Mit der Gründlichkeit der geschichtlichen Action wird der Umfang der Masse zunehmen, deren Action sie ist“. Marx, Die Heilige Familie, s. 120.

თუ ყველაფერი ეს სხვა არ არის რა, თუ არა მეტაფიზიკა, მაშინ ჩვენ არ გვესმის, რას უწოდებენ ჩვენი მოწინააღმდეგენი მეტაფიზიკას.

— მაგრამ ყველაფერი ის, რასაც თქვენ ამბობთ, მხოლოდ წინასწარმეტყველებაა; ყველაფერი ეს მხოლოდ მკითხაობაა, რომელიც რამოდენადმე მწყობრ სახეს მხოლოდ ჰეგელის დიალექტიკის თვალთმაქცობის წყალობით ღებულობს; აი რატომ გიწოდებთ თქვენ მეტაფიზიკოსებსო, გვიპასუხებენ ბ. ბ. სუბიექტივისტები.

ჩვენ უკვე ნათელგყავით, რომ ჩვენ შორის წარმოებულ დავასთან „ტრიადის“ დაკავშირება მხოლოდ იმას შეუძლია, ვისაც მასზე (ე. ი. ტრიადაზე) არავითარი წარმოდგენა არა აქვს. ჩვენ უკვე აღვნიშნეთ, რომ ჰეგელი მას (ტრიადას) არასოდეს საბუთის მნიშვნელობას არ აძლევდა, და რომ იგი სრულიადაც არ წარმოადგენს მისი ფილოსოფიის დამახასიათებელ ნიშანს. ვფიქრობთ, ჩვენ ისიც ნათელგყავით, რომ ისტორიული მატერიალიზმის ძალა ტრიადის დამოწმებაში კი არაა, ისტორიული პროცესის მეცნიერულ გამოკვლევაშია. ამიტომ ეხლა ეს საბუთი შეგვეძლო სრულიად უყურადღებოდ დაგვეტოვებია. მაგრამ ვფიქრობთ, რომ მკითხველისათვის ზედმეტი არ იქნება, თუ მესამოცდაათე წლების რუსეთის ლიტერატურის ისტორიიდან შემდეგ საინტერესო ფაქტს გავიხსენებთ.

ბ. ი. ჟუკოვსკიმ „კაპიტალის“ გარჩევის დროს შენიშნა: მისი ავტორი, როგორც ეხლა ამბობენ, თავის მკითხაობას მხოლოდ „ფორმალურ“ მოსაზრებებზე ამყარებს და მისი არგუმენტაციაც წმინდა ფორმალური ხასიათის ლოლიკურ მოსაზრებებს წარმოადგენსო. აი რას უპასუხებდა ამ ბრალდებაზე განსვენებული ნ. ზიბერი

„ჩვენ კვლავ იმ შეხედულებისა ვართ, რომ მარქსის შრომებში მატერიალური ამოცანის გამოკვლევა ყოველგან წინ უსწრებს ფორმალური მხარის გამოკვლევას. ვფიქრობთ, ბ. ჟუკოვსკის უფრო გულდასმით და ნიუდგომლად რომ წაეკითხა მარქსი, იგი ამაში თითონაც დაგვეთანხმებოდა. მაშინ იგი უქველად დაინახავდა, რომ კაპიტალისტური განვითარების იმ პერიოდის მატერიალური პირობების გამოკვლევით, რომელშიაც ჩვენ ვცხოვრობთ, „კაპიტალის“ ავტორი ამტკიცებს, რომ კაცობრიობა ყოველთვის ისეთ ამოცანებს ისახავს, რომელთა გადაჭრაც შესაძლებელია. მარქსს თანდათან შეჰყავს თავისი მკითხველი კაპიტალისტური წარმოების ლაბირინტში და ყველა მისი შემადგენელი ელემენტის ანალიზის საშუალებით ნათელჰყოფს ჩვენთვის მისი (კაპიტალიზმის) დროებითს ხასიათს“<sup>1)</sup>.

<sup>1)</sup> „Несколько замечаний по поводу статьи г. Ю. Жуковского „Карл Маркс и его книга о капитале“. Н. Зибер „Отч. Зап.“ 1877 г., № 6.

„ავიღოთ... საფაბრიკო მრეწველობა, — განაგრძობს ნ. ზიბერი — რომელსაც ახასიათებს მუშა ხელის განუწყვეტელი ცვლა ყოველი ოპერაციის დროს და ნერვიული მოძრაობა, რაც თითქმის ყოველდღე მუშას ერთი ფაბრიკიდან მეორეში ისვრის; — განა მისი მატერიალური პირობები მოსამზადებელ გარემოს არ წარმოადგენს საზოგადოებრივი წყობილების ახალი ფორმებისათვის, საზოგადოებრივი კოოპერაციისათვის? განა ამავე მიმართულებით არ მოქმედებს პერიოდული ეკონომიური კრიზისები? განა ამავე მიზანს არ ისახავს ბაზრების შექცევა, სამუშაო დღის შემცირება, სხვადასხვა ქვეყნის მეტოქეობა საერთო ბაზარზე, მსხვილი კაპიტალის გამარჯვება მცირე კაპიტალზე?...“ შემდეგ ნ. ზიბერი აღნიშნავს, რომ კაპიტალიზმის განვითარების პროცესში საწარმოო ძალები წარმოუდგენელი სისწრაფით იზრდებოდა, და ისევე ჰკითხულობს: „ან იქნებ ყოველივე ეს მატერიალური კი არა, წმინდა ფორმალური გარდაქმნაა?.. განა, მაგალითად, კაპიტალისტური წარმოების ფაქტიური წინააღმდეგობა არაა ის გარემოება, რომ იგი პერიოდულად ავსებს საქონლით მსოფლიო ბაზარს და უამრავ მოსახლეობას იძულებულს ხდის იშიშვლოს იმ დროს, როცა მოხმარების საგნები კარბადაა დამზადებული? განა კაპიტალიზმის ფაქტიური წინააღმდეგობა არაა ის, რასაც, სხვათა შორის, თვით კაპიტალის მფლობელნიც კი აღიარებენ, რომ იგი ერთსა და იმავე დროს უმუშევრად სტოვებს უამრავ მუშას და სჩივის მის ნაკლებობაზე? განა მისი ფაქტიური წინააღმდეგობა არაა ის, რომ შრომის დამზოგველ საშუალებებს, როგორიცაა, მექანიკური და სხვაგვარი გაუმჯობესებანი, იგი სამუშაო დროის გამახანგრძლივებელ საშუალებად აქცევს? განა ფაქტიური წინააღმდეგობა არაა, როცა კაპიტალიზმი, ერთის მხრით, თავგამოდებით იცავს კერძო საკუთრების ხელშეუხლებლობას, ხოლო მეორეს მხრით, გლეხობის უმეტეს ნაწილს ხელიდან აცლის მიწა-წყალს და მოსახლეობის დიდ უმრავლესობას იძულებულს ხდის მხოლოდ ხელფასით ირჩინოს თავი? განა ყველაფერი ეს და სხვა მრავალი რამ მხოლოდ მეტაფიზიკაა და სინამდვილეში არაფერი ამის მსგავსი არ ხდება? მაგრამ საკმარისია ინგლისური ჟურნალის „Economist“-ის რომელიმე N-ის წაკითხვა, რომ მაშინვე საწინააღმდეგოში დაერწმუნდეთ. ამრიგად, არსებული სოციალურ-ეკონომიური ყოფა-ცხოვრების მკვლევარისათვის სრულიად არაა საჭირო ხელოვნურად წარმოიდგინოს, თითქოს კაპიტალისტური წარმოება ფორმალური, დიალექტიკური წინააღმდეგობის მიხედვით მოძრაობდეს: მას ისედაც ბევრი ნამდვილი წინააღმდეგობა აქვს“.

თავისი შინაარსით დამარწმუნებელი, ზიბერის პასუხი ფორმის მხრით ლმობიერი იყო. სულ სხვანაირია ბ. მიხაილოვსკის პასუხი იმავე ბ. ჟუროვსკისადმი.

ჩვენ პატივცემულ სუბიექტივისტს ის თხზულება, რომელსაც იგი მაშინ იცავდა, დღესაც მეტად „ვიწროდ“ ესმის, თუ არა ცალმხრივად, და კიდევ ცდილობს სხვებიც დაარწმუნოს, რომ ამ თხზულების ცალმხრივი გაგება მისი სწორი შეფასებაცაა. ცხადია, ასეთი ადამიანი „კაპიტალის“ საიმედო დამცველი ვერ იქნებოდა. აქიტომ მისი პასუხი მეტის მეტად ბავშვური კურიოზებითაა სავსე. აი, მაგალითად, ერთი მათგანი. თავის ბრალდებას მარქსის ფორმალიზმისა და მის მიერ ჰეგელის დიალექტიკის ბოროტად გამოყენების შესახებ, ბ. ჟუროვსკი, სხვათა შორის, „Zur Kritik der Politischen Oekonomie“-ის წინასიტყვაობის ერთი ადგილის დამოწმებით ასაბუთებდა. ბ. მიხაილოვსკის აზრით, მარქსის მოწინააღმდეგე მართალი იყო, როცა ამ წინასიტყვაობაში „ჰეგელის ფილოსოფიის ანარეკლს ხედავდა: „მარქსს რომ მხოლოდ „Zur Kritik“-ის წინასიტყვაობა დაეწერა, ბ. ჟუროვსკი სრულიად მართალი იქნებოდა“<sup>1)</sup>, ე. ი. ამით ის დამტკიცებოდა, რომ მარქსი მხოლოდ ფორმალისტი და ჰეგელიანელია. ბ. მიხაილოვსკის ამ სიტყვების შემდეგ, ჩვენ ეჭვი შეგვეპარა, წაიკითხა თუ არა წინასიტყვაობა ჩვენმა ავტორმა, რომელიც მაშინ ჯერ კიდევ იძლეოდა იქედებს?<sup>2)</sup> შეიძლებოდა კიდევ რამოდენიმე ასეთი კურიოზი მოგვეყვანა (ერთი მათგანი მოყვანილი იქნება ქვემოთ), მაგრამ ეხლა ეს საჭირო არაა. რაგინდ ცუდად ესმოდა მარქსი ბ. მიხაილოვსკის, მან მაინც მაშინვე დაინახა, რომ ბ. ჟუროვსკიმ თავისი ბრალდება „ფორმალიზმის“ შესახებ „წამოროშა“-მან მაინც მოისაზრა, რომ ასეთი „წამოროშა“ დაუბრუნებლობის უბრალო ნაყოფია.

ბ. მიხაილოვსკიმ სამართლიანად შენიშნა: „მარქსს რომ ეთქვ: — თანამედროვე საზოგადოების განვითარების კანონი ისეთია, რომ იგი (საზოგადოება) თითონ უარჰყოფს თავის წინანდელ მდგომარეობას სპონტანეურად და შემდეგ ამ უარყოფასაც უარჰყოფს და მათ განვლილ სტადიათა წინააღმდეგობებს ინდივიდუალური და თემური საკუთრების მთლიანობაში არიგებს; მას რომ ეს და მხოლოდ ეს ეთქვა (თუგინდ რამდენსამე გვერღზე), მაშინ იგი წმინდა ჰეგელია-

<sup>1)</sup> ნ. კ. მიხაილოვსკის თხზულება, ტ. II. გვ. 356.

<sup>2)</sup> ამ წინასიტყვაობაში მარქსი გადმოგვცემს ისტორიის მატერიალისტურ გაგებას.

ნელი იქნებოდა, რომელსაც კანონები საკუთარი გონებიდან გამოკ-  
 ყავს და წმინდა ფორმალური, ე. ი. შინაარსისგან დაპოუჯიდებული,  
 პრინციპებით კმაყოფილდება. მაგრამ აკი ყველამ, ვისაც „კაპიტალი“  
 წაუქოთხავს, იცის, რომ თან აუა მარტო ეს თქვა.“ ბ. მიხაილოვ-  
 სკის სი ზუვით, ჰეგელის ფორმულა შესაძლებელია ისევე ადვილად  
 მოიხსნეს მასში მარქსის მიერ თითქოს ჩაჩრილ ეკონომიურ შინაარ-  
 სისგან, როგორც თათმანი ხელიდან. „ეკონომიური განვითარების  
 განვლილი საფეხურების შესახებ შეუძლებელია რაიმე ექვი არსებობ-  
 დე... ასევე უეჭვოა პროცესის შემდგომი მსვლელობაც: წარმოების  
 საშუალებათა სულ უფრო და უფრო მკირერიცხოვან მესაკუთრეთა  
 ხელში დაგროვება. მომავლის შესახებ კი, ცხადია, ექვი შესაძლებე-  
 ლია. მარქსი ფიქროცს, რომ რადგან კაპიტალის კონცენტრაციას  
 თან სდევს შრომის განსაზოგადოებრივობა, ამიტომ სწორედ ეს უკა-  
 ნასკნელი გახდება იმ ეკონომიურ და ზნეობრივ საფუძვლად (როგორ  
 „გახდება“ ეს განსაზოგადოებრივობა შრომისა ზნეობრივ საფუძვლად?  
 და რა უნდა უყოთ „ფორმათა თვითგანვითარებას“? გ. პ.), რომელ-  
 ზეც აღმოცენდება ახალი იურიდიული და პოლიტიკური წყობი-  
 ლება. ბ. ეუკოვსკის სრული უფლება ჰქონდა ამ მსჯელობისთვის  
 მკითხაობა ეწოდებია, მაგრამ არავითარი უფლება (ცხადია, მორა-  
 ლური. გ. პ.) არ ჰქონდა სრულიად არ აღენიშნა ის მნიშვნელობა,  
 რომელსაც მარქსი განსაზოგადოებრივობის პროცესს ანიჭებს<sup>1)</sup>).

მთელი „კაპიტალი“-ო—სამართლიანად შენიშავს ბ. მიხაილოვ-  
 სკი,—იმის გამოკვლევას წარმოადგენს, თუ როგორ ხდება, რომ  
 ერთხელ წარმოშობილი საზოგადოებრივი ფორმა განუწყვეტლივ ვი-  
 თარდეა, აძლიერებს თავის ტიპიურ თვისებებს; იმორჩილებს და  
 ითვისეცს(?) აღმოჩინებს, გამოგონებს, წარმოების საშუალებათა გა-  
 უმჯობ. სებას, ახალ ბაზრებს, თვით მეცნიერებას და აიძულებს მათ  
 მის სასარგებლოდ იმუშაონ, და ბოლოს, როგორ ხდება, რომ  
 მატერიალურ პირობათა შემდგომ ცვლილებებს განსაზღვრული ფორ-  
 მა ვერ უძლებს“<sup>2)</sup>.

მარქსის მოძღვრებაში „სწორედ ანალიზი საზოგადოებრივი ფორ-  
 მის (ე. ი. კაპიტალიზმის, ხომ კი, ბ. მიხაილოვსკი?) დამოკიდე-  
 ბულებისა მისი არსებობის მატერიალურ პირობებთან (ე. ი. საწარმოო  
 ძალუბთან, რომლებიც წარმოების კაპიტალისტურ ფორმის არსე-  
 ბობას თანდათან ნიადაგს აცლიან,—ასე არა, ბ. მიხაილოვსკი?) დარ-

<sup>1)</sup> იქვე, გვ. 353—354.

<sup>2)</sup> იქვე, გვ. გვ. 357.

ჩება სამუდამოდ ლოლიკური სისტემისა და უდიდესი ერუდიციის ძეგლად. ბ. ჟუკოვსკის შესწევს ზნეობრივი გამბედაობა ამტიკოსს, თითქოს მარქსი სწორედ ამ საკითხს უვლიდეს გვერდს. აქ არაფერი გაეწყობა. დაგვრჩენია მხოლოდ გაკვირვებით ვუყუროთ იმ კრიტიკოსის შემდეგ მოსაწყენ ვარჯიშობას, რომელიც იმ ხალხის გასართობად კორწილობს, რომლის ერთი ნაწილი, ექვს გარეშეა, მყისვე მიხედება, რომ მის წინ გამბედავი ჯამბაზი იგრიხება, ხოლო მეორე ნაწილი-კი—საკვირველ სანახაობას სულ სხვანაირად დააფასებს<sup>1)</sup>.

**Suumma summarum:** თუ ბ. ჟუკოვსკიმ მარქსს ბრალი დასდო ფორმალისმში, ეს ბრალდება, ბ. მიხაილოვსკის სიტყვით, „ერთ დიდ სიყალბეს წარმოადგენდა, რომელიც სხვა მრავალ პატარა სიყალბისგან შესდგებოდა“.

მკაცრია ეს განაჩენი, მაგრამ სრულიად სამართლიანი. ხოლო თუ იგი სამართლიანია ბ. ჟუკოვსკის მიმართ, მაშინ იგი სამართლიანია ყველა იმათ მიმართაც, რომელნიც ეხლა იმეორებენ, რომ მარქსის „მკითხაობა“ მხოლოდ ჰეგელის ტრიადაზეა აშენებულიო. და თუ ასეთი განაჩენი სამართლიანია ყველა ასეთი ხალხის მიმართ, მაშინ... გაისარჯეა და წაიკითხეთ ეს ამონაწერი:

„მან (მარქსმა) ცარიელი დიალექტიკური სქემა ისე აავსო ფაქტიური შინაარსით, რომ შესაძლოა ის მოვაშოროთ ამ შინაარსის ისე, როგორც ფინჯანს სახურავი და ამით არც არაფერი დაშავდება და არც შეიცვლება, გარდა ერთად ერთის, მართალია, უდიდესი მნიშვნელობის პუნქტისა. სახელდობრ, საზოგადოების „იმანენტური“ კანონები მომავლის შესახებ მხოლოდ და მხოლოდ დიალექტიურ საფუძველზეა აგებული. მართლმორწმუნე ჰეგელიანელისთვის საკმარისია იმის თქმა, რომ „უარყოფას“ „უარყოფა“ უნდა მოჰყვეს; მაგრამ ის ვინც ჰეგელიანურ სიბრძნეს არ ზიარებია, ამით ვერ დაკმაყოფილდება, მისთვის დიალექტიკური დასკვნა დამტიკიცება არაა, და ყოველმა არაჰეგელიანელმა, რომელიც მას დაიჯერებს, უნდა იცოდეს, რომ მან სწორედ მხოლოდ დაიჯერა და არა დარწმუნდა“<sup>2)</sup>.

ბ. მიხაილოვსკიმ თავის თავს თითონვე გამოუტანა განაჩენი.

ბ. მიხაილოვსკი თითონ გრძნობს, რომ იგი ეხლა იმეორებს

ბ. ი. ჟუკოვსკის სიტყვებს იმის შესახებ, თითქოს მარქსის დასაბუთება „ფორმალური იყოს“ და „მკითხაობას“ წარმოადგენდეს. მას არ დავიწყებია თავისი წერილი; „ქარლ მარქსი ბ. ი. ჟუკოვსკის

1) იქვე, გვ. 357—358.

2) «Русское Богатство» 1894 წ. თებერვალ. განც. II, გვ. გვ. 150—151.



სამსჯავროს წინაშე“, და შიშობს კიდევ: ეს წერილი მისმა მკითხველმაც უადგილოდ არ მოიგონოს. ამიტომ იგი ჯერ ისე გვაჩვენებს თავს, თითქოს ეხლაც იმას ამბობდეს, რასაც მესამოცდაათე წლებში ამბობდა. ამ მიზნით იგი იმეორებს, რომ „ღიალექტიკური სქემა“ შეიძლება მოიხსნას „როგორც სახურავიო“ და სხვა. შემდეგ არის „მხოლოდ ერთი პუნქტი,“ რომლის დაფასებაში ბ. მიხაილოვსკი მკითხველისათვის შეუქმნევლად სავსებით ბ. ი. ჟუკოვსკის ეთანხმება. მაგრამ ეს „ერთი პუნქტი“ სწორედ ის უდიდესი მნიშვნელობის პუნქტია, რომელიც ბ. ჟუკოვსკის „ჯამბაზობის“ მხილების საბაბი გახდა.

ბ. მიხაილოვსკი 1877 წ. ამბობდა, რომ მარქსი მომავლის შესახებაც, — ე. ი. სწორედ „ერთი უდიდესი მნიშვნელობის პუნქტის“ შესახებ, არ დაკმაყოფილდა ჰეგელის დამოწმებითო. ეხლა კი მისი (ბ. მიხაილოვსკის) აზრით—დაკმაყოფილდა. 1877 წ. ბ. მიხაილოვსკი ამბობდა, რომ მარქსმა საკვირველი „ლოლიკური სიძლიერით“ და „უდიდესი ერუდიციით“ ცხადჰყო, თუ „განსაზღვრული ფორმა“ (ე. ი. კაპიტალიზმი) როგორ ვერ უძლებს მისი (ფორმის) არსებობის „მატერიალურ პირობათა“ შემდგომ ცვლილებებს. ეს სწორედ „ერთს, უდიდესი მნიშვნელობის პუნქტს“ შეეხებოდა. ეხლა ბ. მიხაილოვსკის დაავიწყდა, თუ რა ბევრი დამარწმუნებელი რამ თქვა მარქსმა ამ პუნქტის შესახებ და ამასთანავე რა დიდი ლოლიკური ძალა და ერუდიცია გამოიჩინა მან. 1877 წელს ბ. მიხაილოვსკი განცვიფრებული იყო იმ „ზნეობრივი გამბედაობით“, რომლითაც ბ. ჟუკოვსკიმ მიაფუჩეჩა ის გარემოება, რომ მარქსი თავის მკითხაობას შრომის იმ განსაზოგადოებრივობაზე ამყარებდა, რომელიც უკვე კაპიტალისტურ საზოგადოებაში ხდება. ესეც „ერთ დიდი მნიშვნელობის პუნქტს“ შეეხებოდა. ეხლა ბ. მიხაილოვსკი არწმუნებს მკითხველს, რომ მარქსი ამ პუნქტის შესახებ განსაკუთრებით „ღიალექტიკურად“ მკითხაობსო. 1877 წელს ყველამ, ვისაც „კაპიტალი“ წაეკითხა, იცოდა, რომ მარქსს „მარტო ეს არ უთქვამს“. ეხლა აღმოჩნდა, რომ—„მხოლოდ ეს თქვა“, და რომ მის მიმდევართა მომავლის რწმენა, „მხოლოდ და მხოლოდ ჰეგელის სამარგოლიან ჯაქვს ემყარება“<sup>1)</sup>. როგორი გადასხვაფერებაა!

ბ. მიხაილოვსკიმ თავის თავს თითონვე გამოუტანა განაჩენი და ამას იგი გრძნობს კიდევ.

1) იქვე, გვ. 165.

მაგრამ საკვირველია, რატომ ჩაიდინა ეს მან? ნუთუ ამ ადამიანმა, წინადასე დაუნდობლად რომ ამხელდა ლიტერატურულ „ჯამბაზებს“, მოხუცებულობის ეპოს თითონ იგრძნო მიდრეკილება „ჯამბაზური ხელოვნებისადმი“? ნუთუ შესაძლებელია ასეთი გადასხვაფერება? ყოველგვარი გადასხვაფერება შესაძლოა, მკითხველო! და ის ხალხი, რომელიც ასე სხვაფერდება, გაიკიხვის ღირსია. მათ ჩვენ ვერ ვგავამართლებთ. მაგრამ ასეთ ხალხსაც, როგორც იტყვიან, ადამიანურად უნდა მოვექცეთ. გაიხსენეთ მილისადმი შენიშვნების ავტორის უაღრესად ჰუმანური სიტყვები: როცა ადამიანი ცუდად იქცევა, ეს ხშირად იმდენად მისი ბრალი კი არაა, რამდენადაც მისი უბედურება; მოიგონეთ, თუ რას ამბობდა იგივე ავტორი ნ. ა. პოლევოის ლიტერატურული მოღვაწეობის შესახებ:

„ნ. ა. პოლევოი კუზნის მიმდევარი იყო, რომელსაც ის ყოველად ბრძენ და მსოფლიოს უდიდეს ფილოსოფოსად თვლიდა.. კუზნის მიმდევარი ვერ ურიგდებოდა ჰეგელის ფილოსოფიას, და როცა ჰეგელის ფილოსოფია რუსეთის ლიტერატურაში შეიქრა—კუზნის მოწაფეები ჩამორჩენილი აღმოჩნდნენ, — და არ შეიძლება მათ ზნეობრივ დანაშაულად ჩაეთვალოს ის, რომ ისინი იცავდნენ თავიანთ შეხედულებებს და შეუსაბამოდ მიაჩნდათ იგი, რასაც გონებრივი განვითარებით მათზე მალლა მდგომი ხალხი ამბობდა; არ შეიძლება გავეიციხოთ ადამიანი იმიტომ, რომ მას წინ გაუსწოო წასზე უფრო მეტი ენერგიითა და გამბედაობით დაჯილდოებულმა ხალხმა, — ეს ხალხი მართალია, რადგან უფრო ახლოა ქეშმარიტებასთან, მაგრამ არც ისაა დამნაშავე, — ის მხოლოდ სცდება!“.

ბ. მიხაილოვსკი მთელ თავის სიცოცლესი ეკლექტიკოსი იყო. მას არ შეეძლო მარქსის ისტორიულ ფილოსოფიას შერიგებოდა მთელი თავისი აზროვნებისა და წარსული, — თუ შეიძლება ეს ბ. მიხაილოვსკიზე ითქვას, — ფილოსოფიური განათლების ხასიათის გამო. როცა რუსეთში მარქსის იდეებმა იწყეს გავრცელება, მან პირველად მათი დაცვა სცადა, თუმცა, რასაკვირველია, არა მრავალი შენიშვნისა და მეტად მნიშვნელოვანი „გაუგებრობის“ გარეშე. იგი ჰფიქრობდა, ეს იდეები თავის ეკლექტიკურ წისქვილში დაეფქვა და ამ გზით თავის გონებრივ საზრდოში კიდევ უფრო მეტი სხვადასხაობა შეეტანა. შემდეგ მან დაინახა, რომ იმ მოზაიკის შესამკობად, რომელსაც ეკლექტიკოსების მსოფლმხედველობა ეწოდება, მარქსის იდეები სრულიად არ გამოდგება და რომ მათი გავრცელებით მის სა-

1) „Очерки гоголевского периода русской литературы“, გვ. 24—25.

ყვარელ მოზაიკას დამსხვრევა მოეღის. და აი მანაც ამ იდეების წინააღმდეგ ფარ-ხმალი აისხა. რასაკვირველია, იგი მაშინვე ჩამორჩენილი აღამიანი აღმოჩნდა, მაგრამ ჩვენ გვგონია, რომ იგი იმაში დამნაშავე არაა; იგი მხოლოდ ცდება.

— მაგრამ ყოველივე ეს ხომ არ ამართლებს „ჯამბაზობას“!

— ჩვენც არ ვამართლებთ მას, არამედ მხოლოდ შემამსუბუქებელ გარემოებაზე მიუთითებთ: თავისთვის სრულიად შეუმჩნეველად, ბ. მ. ხაილოვსკი, რუსეთის საზოგადოებრივი აზროვნების განვითარების წყალობით, ისეთ მდგომარეობაში ჩაეარდა, რომლიდანაც თავის დაღწევა მხოლოდ „ჯამბაზობის“ გზითაა შესაძლებელი. მართალია, კადევ არის სხვა გამოსავალი, მაგრამ მას მხოლოდ ნამდვილი გმირული სულის მქონე აირჩევს. ეს გამოსავალია: ეკლექტიკური იარაღის დაყრა.

## დასკვნა

ამდენხანს, მარქსის მოძღვრების გადმოცემის დროს, ჩვენ ვარჩევდით უმთავრესად იმ მოსაზრებებს, რომელსაც მის წინააღმდეგ თეორიული თვალსაზრისით აყენებენ. სასარგებლო იქნება ეხლა გავვეცნოთ მის მოწინააღმდეგეთა ერთი ნაწილის მაინც „პრაქტიკულ გონებასაც.“ ამასთანავე აქ ჩვენ მიემართავთ შედარებით-ისტორიულ მეთოდს, ე. ი. პირველად განვიხილავთ იმას, თუ როგორ შეხვდა მარქსის მოძღვრებას გერმანელი უტოპისტების „პრაქტიკული გონება,“ შემდეგ-კი უკვე შევეხებით ჩვენი ძვირფასი და პატივცემული თანამემამულეების გონებას.

მეორმოცე წლების დასასრულს მარქსსა და ენგელსს საინტერესო პოლემიკა ჰქონდათ ცნობილ კარლ გეინცენთან. პოლემიკამ ერთბაშად მწვავე ხასიათი მიიღო. კარლ გეინცენი ცდილობდა, როგორც იტყვიან, აბუჩად აეგდო თავის მოწინააღმდეგეთა იდეები, და ამ საქმეში დიდი დახელოვნებაც გამოიჩინა, რითაც იგი სრულიად არ ჩამოუარდებოდა ბ. მიხაილოვსკის. თავის-თავად ცხადია, არც მარქსმა და ენგელსმა დააკლეს ხელი. ადგილი ჰქონდა მეტის-მეტ გამწვაებასაც. გეინცენმა ენგელსს „ბრიყვი, თავხედი ბალლი უწოდა;“ მარქსმა-კი გეინცენს უწოდა *der grobianischen Literatur*-ის წარმომადგენელი. ენგელსმა იგი „თავისი საუკუნის უუფიცეს ადამიანად“ გამოაცხადა. რის გარშემო ტრიალებდა დავა? როგორ შეხედულებებს მიაწერდა გეინცენი მარქსსა და ენგელსს? აი როგორს.

გეინცენი ამტკიცებდა, რომ, მარქსის თვალსაზრისით. მაშინდელ გერმანიაში ოდნავად კეთილშობილი განზრახვებით გამსქვალულ ადამიანს გასაკეთებელი არაფერი ჰქონდა. მარქსის მიხედვით, ამბობდა გეინცენი, „ჯერ უნდა გაბატონდეს ბურჟუაზია, რომელმაც უნდა წარმოშვას საფაბრიკო პროლეტარიატი, და მხოლოდ შემდეგ ეს უკანასკნელი დაიწყებს მოქმედებას“<sup>1)</sup>.

<sup>1)</sup> Die Helden deutschen Kommunismus, Bern, 1848, გვ. 21.

მარქსმა და ენგელსმა „არ მიიღეს მხედველობაში ის პროლეტარიატი, რომელიც შექმნილია ოცდაათობმეტი გერმანელი ვაშპირის მიერ,“ ე. ი., სხვა სიტყვებით, მთელი გერმანელი ხალხი საფაბრიკო მუშების გარდა (სიტყვა „პროლეტარიატი“ გეინცენს ესმის მხოლოდ როგორც ამ ხალხის ნივთიერად უმწეო მდგომარეობა). მარქსის აზრით, თითქოს ამ მრავალრიცხოვან პროლეტარიატს არ ჰქონდა არავითარი უფლება მოეთხოვა უკეთესი მომავალი, რადგანაც იგი ატარებდა მხოლოდ ჩაგვრის დასს და არა საფაბრიკო ბეჭედს; მას მოთმინებით უნდა ეშმშვილებია და დაეღია კიდევაც სული შიმშილით (hungern und verhungern), სანამ გერმანია არ გადაიქცეოდა ინგლისად. ფაბრიკა არის სკოლა, რომელიც წინასწარ უნდა განელოს ხალხმა, რათა მოიპოვოს თავისი მდგომარეობის გაუმჯობესების უფლება“<sup>1)</sup>.

ვინც ცოტათი მაინც იცნობს გერმანიის ისტორიას, იცის ეხლა, თუ რა სულელური იყო გეინცენის ეს ბრალდება. ყველამ იცის არიდებდნენ თუ არა თვალს მარქსი და ენგელსი გერმანელი ხალხის უმწეო მდგომარეობას, ყველას ესმის, სამართლიანი იყო თუ არა მათთვის იმ აზრის მიწერა, რომ გერმანიაში, სანამ ის ინგლისად არ გადაიქცევა, კეთილშობილ კაცს არაფერი აქვს საკეთებელიო: ვფიქრობთ, ეს ხალხი აკეთებდა რაღაცას და სრულიადაც არ უცდიდა თავის სამშობლოს გარდაქცევას ინგლისად. მაგრამ რატომ აწერდა მათ გეინცენი ასეთ სისულელეს? ნუთუ არაკეთილსინდისიერობით? არა, სრულიადაც არა, ჩვენ კვლავ ვიტყვით: ეს მისი დანაშაულობა კი არ იყო, არამედ უბედურება. მან ვერ გაიგო მარქს-ენგელსის შეხედულება და ამიტომ იგი მას მავენედ მოეჩვენა. და რადგანაც მას ძლიერ უყვარდა თავის სამშობლო, ამიტომ მან ფარ-ხმალი აისხა მისი სამშობლოს ამ თითქოს დამლუპველ შეხედულებათა წინააღმდეგ. მაგრამ არცოდნა ცუდი მრჩეველია და მეტად არასაიმედო თანაშემწე დავაში. აი რატომ ჩავარდა გეინცენი სულელურ მდგომარეობაში. ის მეტად გონებამახვილი კაცი იყო, მაგრამ მარტო გონებამახვილობით შორს ვერ წახვალ, „les riours“ მის მხარეზე არ არის.

როგორც ხედავს მკითხველი, გეინცენს საჭიროა ისე უყურებდეთ, როგორც ჩვენში სრულიად ანალოგიური დავის გამო, მაგალითად, ბ. მიხაილოვსკის. და განა მარტო ბ. მიხაილოვსკის? აკი ყველანისინი—მათი სახელი ლეგიონია—რომელნიც მიაწერენ „მოწაფეებს“

1) *ibid.* გვ. 22.

სურვილს მოეწყონ სამსახურში კოლუპაევებთან და რაზუვეევებთან, იმეორებენ გეინცენის შეცთომას და ვერც ერთმა მათგანმა ვერ გამოიგონა ვერც ერთი ისეთი საბუთი „ეკონომიური“ მატერი-ალისტების წინააღმდეგ, რომელსაც ორმოცდაათი წლის წინადად-გილი არ ჰქონოდა გეინცენის არგუმენტაციაში. თუ მათ რაიმე ორი-გინალური აქვთ, — მხოლოდ ერთი: გულუბრყვილო არცოდნა იმისი, თუ თითონ რამდენად არაორიგინალური არიან. მათ დიდი სურვილი აქვთ გამოუნახონ რუსეთს „ახალი გზა“, მაგრამ მათი უეცობის გამო „საბრალო რუსული აზრი“ ადგება ძველს, ევროპიული აზრის მიერ უკვე დიდი ხანია უკუგდებულ გზას. საკვირველია ეს, მაგრამ სავსე-ბით გასაგები გახდება, თუ ამ, ერთის შეხედვით, უცნაური მოვლე-ნის ასახსნელად „აუცილებლობის კატეგორიას“ მივმართავთ. გან-საზღვრული ქვეყნის ეკონომიური განვითარების განსაზღვრულ საფეხურზე მის ინტელიგენციას აუცილებლად უჩნდება განსაზ-ღვრული სულელური კეთილგანზრახვანი.

თუ რა კომიკური იყო გეინცენის მდგომარეობა მარქსთან კა-მათის დროს, დაგვანახებებს შემდეგი მაგალითი. ის დაქინებით მოი-თხოვდა თავის მოწინააღმდეგეებისგან მომავლის დაწერილებითს „იდე-ალს“: გვითხარით, ეკითხებოდა იგი მათ, როგორ უნდა მოეწყოს, თქვენი აზრით, მოკავალი ქონებრივი ურთიერთობანი? როგორი უნდა იყოს, ერთის მხრით, კერძო საკუთრების და, მეორეს მხრით, საზოგადოებრივი საკუთრების ფარგლები? ისინი უპასუხებდენ მას, რომ ყოველ განსაზღვრულ მომენტში საზოგადოების ქონებრი-ვი ურთიერთობანი განისაზღვრებიან საწარმოო ძალთა მდგომარეო-ბით, და რომ ამიტომ შესაძლოა საზოგადოებრივი განვითარების მხო-ლოდ საერთო მიმართულება უჩვენოთ, მაგრამ შეუძლებელია წინასწარ გამოვიმუშაოთ ზუსტად გარკვეული კანონ-პროექტები. უკვე ეხლავე შეიძლება ითქვას, რომ შრომის განსაზოგადოებრივობას, რომელსაც უახლოესი დროის მრეწველობა იწვევს, შედეგად უნდა მოჰყვეს წარ-მოების საშუალებათა ნაციონალიზაცია. მაგრამ შეუძლებელია ით-ქვას, თუ რამდენად განხორციელდებოდა ეს ნაციონალიზაცია, ვთქვათ, ათი წლის შემდეგ: ეს დამოკიდებული იქნებოდა წვრილისა და მსხვილი მრეწველობის, მსხვილი მიწათმფლობელობისა და სა-გლებო მიწის საკუთრების და სხვ. ურთიერთობაზე. მაშასადამეო, დაა-სკვნიდა გეინცენი, თქვენ არავითარი იდეალი არ გაგაჩნიათ; კარგი იდეალი კია, შენმა მზემ, ის იდეალი, რომელსაც შემდეგ მხო-ლოდ მანქანები გამოიმუშავებხო.

გეინცენი უტოპიურ თავალსაზრისზე იდგა. უტოპისტი, როგორც ვიცით, თავისი „იდეალის“ შემუშავების დროს ყოველთვის რაიმე განყენებულ ცნებას ემყარება, მაგალითად, ადამიანის ბუნების ცნებას, ან და რაიმე განყენებულ პრინციპს, მაგ., პიროვნების ამა და ამ უფლების, „ინდივიდუალობის“ და სხვა ამგვარ პრინციპს. რაკი ეს პრინციპი მოცემულია, ძლიერ ადვილია მასზე დამყარებით, სრული სიზუსტით, ძალიან დაწვრილებით გამოვარკვეოთ, როგორი უნდა იყოს (თავის თავად ცხადია, გამოურკვეველია როდის და რა გარემოებაში), ვთქვათ, ადამიანთა ქონებრივი ურთიერთობანი. და გასაგებიცაა, რომ უტოპისტი გაკვირვებით უყურებს ყველა ამას, ვინც მას ეუბნება, რომ შეუძლებელია ისეთი ქონებრივი ურთიერთობანი, რომელნიც თავის თავად სასურველი იყონ ადგილისა და დროის გარემოებათა გარეშე. მას ჰგონია, რომ ასეთ ხალხს არაერთარი „იდეალი“ არ გააჩნია. თუ მკითხველი ოდნავად მაინც თვალყურს ადევნებდა ჩვენს მსჯელობას, მისთვის ნათელი უნდა იყოს, რომ უტოპისტი ამ შემთხვევაში სრულიად არ არის მართალი. მარქსსა და ენგელსს ჰქონდათ იდეალი, და საესებით გარკვეული იდეალიც: აუცილებლობის თავისუფლებისადმი, ბრმა ეკონომიურ ძალთა ადამიანის გონების ძლიერებისადმი დამორჩილება. ისინი ამ იდეალს ემყარებოდნენ და თავიანთ პრაქტიკულ საქმიანობას ამის მიხედვით წარმართავდნენ, რომელიც, თავის თავად ცხადია, მდგომარეობდა არა ბურჟუაზიის მსახურებაში, არამედ სწორედ იმ მწარმოებელთა თვითცნობიერების განვითარებაში, რომლებიც ერთ დროს თავიანთი პროდუქტების ბატონ-პატრონი უნდა გახდნენ.

მარქსსა და ენგელსს სრულიად არ სჭირდებოდათ „ეზრუნათ“ გერმანიის ინგლისად გარდაქცევაზე, ან როგორც ეხლა ამბობენ, ბურჟუაზიის მსახურებაზე; ბურჟუაზია მათ დაუხმარებლადაც ვითარდებოდა, და შეუძლებელი იყო ამ განვითარების შეჩერება, ე. ი. არ მოიპოვებოდა ისეთი საზოგადოებრივი ძალები, რომელთაც ეს შესძლებოდათ. ან და რა საჭირო იყო ეს, რადგანაც ძველი ეკონომიური წყობილება საბოლოოდ უკეთესი არ იყო ბურჟუაზიულზე და ორმოციან წლებში იმდენად მოძველდა, რომ ყველასათვის მავნებელი შეიქნა. მაგრამ კაპიტალისტური წარმოების შეჩერების შეუძლებლობა საშუალებას არ უსპობდა გერმანიის მოაზროვნეთ ზალწის კეთილდღეობაზე ეზრუნათ. ბურჟუაზიას თავისი აუცილებელი თანამგზავნი ჰყავს: ყველა ისინი, რომელნიც ნამდვილად ეკონომიურ-

რი აუცილებლობის გამო მის ჯიბეს ემსახურებიან. რაც უფრო განვითარებულია ამ დამონებულ მსახურთა ცნობიერება, მით უფრო ადვილი ასატანია მათი მდგომარეობა, მით უფრო ძლიერ წინააღმდეგობას უწევენ ისინი ყველა ქვეყნისა და ხალხის კოლუპაევებსა და რაზუვაევებს. მარქსმა და ენგელსმა ამოცანად დაისახეს სწორედ ამ თვითცნობიერების განვითარება. დიალექტიკური მატერიალიზმის ბუნების თანახმად, მათ თავიდანვე საფუძვლით იდეალისტური ამოცანა დაისახეს.

იდეალის კრიტერიუმი ეკონომიური სინამდვილეა. ასე ამბობდენ მარქსი და ენგელსი და ამის გამო მათ დასწამეს ერთგვარი ეკონომიური მოლჩალინობა, ეკონომიურად სუსტის გათელვის განზრახვა და ქედის მოხრა ეკონომიურად ძლიერის წინაშე. ამ ბრალდების წყარო იმის შეტაფიზიკური გაგება იყო, რასაც მარქსი და ენგელსი ჰგულისხმობდენ შემდეგი სიტყვებით: ეკონომიურა სინამდვილე როცა შეტაფიზიკოსს ეუბნებიან, რომ საზოგადო მოღვაწე სინამდვილეს უნდა ეყრდნობოდესო, იგი ჰფიქრობს, რომ მას სინამდვილესთან შერიგებას ურჩევენ. მან არ უწყის, რომ ყოველ ეკონომიურ სინამდვილეში ერთი-მეორეს მოპირდაპირე ელემენტები არსებობს, და სინამდვილესთან შერიგება მის ერთ-ერთ ელემენტთან შერიგებას მოასწავებს, იმასთან, რომელიც გაბატონებულია ამა თუ იმ დროს. დიალექტიკოს-მატერიალისტები მიუთითებდენ და დღესაც მიუთითებენ, სინამდვილის მეორე ამის საწინააღმდეგო ელემენტზე, — იმაზე, რომლის წიაღშიაც მწიფდება მომავალი. საკითხავია, ამ ელემენტზე დამყარება, თავისი „იდეალების“ კრიტერიუმად მისი მიღება, კოლუპაევებისა და რაზუვაევების წინაშე ქედის მოხრა იქნებოდა?

მაგრამ თუ იდეალის კრიტერიუმს ეკონომიური სინამდვილე უნდა წარმოადგენდეს, — მაშინ გასაგებია, რომ იდეალის ზნეობრივი კრიტერიუმი არადამაკმაყოფილებელია არა იმიტომ, რომ ადამიანის ზნეობრივი გრძნობა აბუჩად აგდების ან სიძულვილის ღირსია, არამედ იმიტომ, რომ ეს გრძნობა არ არის საკმარისი ჩვენ მოყვასთა ინტერესების დაცვის საქმეში სწორი გზის გამოსანახავად. არაა საკმარისი ექიმი მხოლოდ თანაუგრძნობდეს თვის ავადმყოფს: მან ანგარიში უნდა გაუწიოს ორგანიზმის ფიზიკურ სინამდვილეს, უნდა დაეყრდნოს მას მასთან ბრძოლის დროს. ექიმი რომ ავადმყოფობის წინააღმდეგ მხოლოდ ზნეობრივი აღშფოთებით კმაყოფილდებოდეს, იგი ღირსი იქნება მწარე დაცინვის. სწორედ ამ მნიშვნელობით დასცინოდა მარქსი თავის მოწინააღმდე-



გეთა „გამაზნეობრივებელ კრიტიკას“ და „კრიტიკულ ზნეობას“. ხოლო მოწინააღმდეგენი ფიქრობდნენ, მარქსი „ზნეობას“ დასცინისო. „ადამიანის ზნეობას და ნებას არა აქვს ფასი იმ ხალხის თვალში, რომელსაც თითონ არც ზნეობა და არც ნება გააჩნია“-ო, ამბობდ ხოლმე გეინცენი<sup>1)</sup>.

უნდა აღვნიშნოთ, რომ „ეკონომიური“ მატერიალისტების ჩვენი რუსი მოწინააღმდეგენი, თუმცა საერთოდ თავიანთ გერმანულ წინამორბედთა საბუთებს იმეორებენ sans le savoir, მაგრამ მაინც ზოგი წვრილმანებით ასხვადფერებენ თავიანთ არგუმენტაციას. მაგალითად, გერმანელი უტოპისტები ვრცლად არ ჩერდებოდნენ გერმანიის „ეკონომიური განვითარების კანონის“ გამორკვევაზე. ჩვენში-კი ამგვარმა მსჯელობამ მეტის-მეტად ფართო ხასიათი მიიღო. მკითხველს ახსოვს, რომ ბ.ვ.ვ.-მა ჯერ კიდევ მეოთხმოცე წლების დასაწყისში აღგვითქვა რუსეთის ეკონომიური განვითარების კანონის აღმოჩენა. მართალია, შემდეგში ერთხანს ბ. ვ. ვ. ამ კანონს უფრთხობდა, მაგრამ მან ამასთანავე დაგვანახვა, რომ იგი მას მხოლოდ დროებით უფრთხის, მხოლოდ მანამდე, სანამ რუსი ინტელიგენცია არ აღმოაჩენს მეტად კარგს და კეთილ კანონს. საზოგადოდ-კი ბ. ვ. ვ. სიამოვნებით ლებულობს მონაწილეობას დაუსრულებელ დავაში იმის შესახებ, უნდა განვლოს თუ არა რუსეთმა კაპიტალიზმის ფაზა. ჯერ კიდევ მესამოცდაათე წლებიდან ამ დავის დროს ეხებოდნენ მარქსის მოძღვრებას.

თუ როგორ წარმოეცნა ჩვენში ასეთი დავა, ამას ცხადპყოფს ბ. ს. კრივენკოს უახლესი სიტყვა. ეს ავტორი ბ. პ. სტრუვესთან დავის დროს ურჩევს თავის მოწინააღმდეგეს უკეთ ჩაუკვირდეს საკითხს „კაპიტალიზმის აუცილებლობისა და კეთილი შედეგების შესახებ“.

„თუ-კი კაპიტალისტური რეჟიმი წარმოადგენს განვითარების გარდაუვალს, აუცილებელ სტადიას, რომელიც ადამიანთა ყოველმა საზოგადოებამ უნდა გაიაროს, თუ მხოლოდ დაგვრჩენია ამ ისტორიული აუცილებლობის წინაშე ქედი მოვიხაროთ, საჭიროა თუ არა მიემართოთ ისეთ ზომებს, რომელსაც კაპიტალისტური წყობილების დამკვიდრებისთვის მხოლოდ ხელის შეშლა შეუძლია და, პირიქით, საჭიროა თუ არა გაეაადვილოთ მასზე გადასვლა და ყოველი ღონისძიება ვიხმაროთ მისი დამკვიდრების დაჩქარებისათვის, ე. ი. საჭიროა თუ არა ვიზრუნოთ კაპიტალისტური მრეწველობის და სარეწავების

<sup>1)</sup> Ibid. გვ. 22.

კაპიტალიზაციის განვითარებაზე, კულაკობის გაძლიერებაზე... თემის დარღვევაზე, მოსახლეობისგან მიწა-წყლის ჩამოცილებაზე და საზოგადოდ ზედმეტი გლეხის სოფლიდან ქარხნისკენ განდევნაზე<sup>1)</sup>).

ბ. ს. კრივენკო აქ არსებითად ორ კითხვას აყენებს: 1) წარმოადგენს თუ არა კაპიტალიზმი საბედისწეროს, აუცილებელ სტადიას? 2) თუ ჰო, მაშინ რა პრაქტიკული ამოცანები გამოძინარეობს აქედან? შევჩერდეთ პირველზე.

ბ. ს. კრივენკო სწორად აყალიბებს ამ კითხვას იმ აზრით, რომ ერთი, და მასთან ძეტად დიდი ნაწილი ჩვენი ინტელიგენციისა სწორედ ასეთი სახით აყენებდა მას: წარმოადგენს თუ არა კაპიტალიზმი საბედისწეროს, აუცილებელ სტადიას, რომელიც უნდა განვლოს ადამიანთა ყოველმა საზოგადოებამ? ერთ დროს ფიქრობდნენ მარქსი ამას დადებითად უპასუხებსო და ძლიერ დაღონებული იყვენ აპის გამო. როცა გამოქვეყნდა მარქსის ცნობილი წერილი ვითომდა ბ. მიხაილოვსკის მიმართ<sup>2)</sup>, გაკვირებული დარჩნენ იმით, რომ მარქსი არ სცნობდა ამ სტადიის აუცილებლობას. და მაშინ ბოროტებით აღვისილი სიხარულით გადასწყვიტეს: ხომ შეარცხვინა მან თავის რუსი მოწაფეები! მაგრამ მათ დაავიწყდათ ფრანგული ანდაზა: *hic et nunc, qui rira le dernier.*

ამ დღის დასაწყისიდან მის დასრულებამდე მარქსის „რუსი მოწაფეების“ მოწინააღმდეგენი სრულიად „არაბუნებრივ ლაყბობას“ ეწეოდნენ.

საქმე ის არის, რომ რუსეთის სინამდვილისადმი მარქსის ისტორიული თეორიის გამოყენების შესაძლებლობის შესახებ მსჯელობის დროს მათ დაავიწყდათ სულ უბრალო რამე: გამორკვევა იმისა, თუ რაში მდგომარეობს ეს თეორია. და კემმარტად შესანიშნავი იყო ის გამოუვალი ხლართი, რომელშიაც ამის გამო ბ. მიხაილოვსკის მეთაურობით ჩვენი სუბიექტივისტები მოექცნენ.

ბ. მიხაილოვსკიმ წაიკითხა (თუკი წაიკითხა) „Zur Kritik“-ის წინასიტყვაობა, სადაც მარქსის ისტორიული-ფილოსოფიური თეორიაა გადმოცემული, და გადასწყვიტა: ეს ჰეგელიანიზმია და მეტი არაფერია. ბ. მიხაილოვსკიმ ვერ შეამჩნია სპილო იქ, სადაც სპილო ნამდვილად იმყოფებოდა და მას ძებნა დაუწყა. ბ. მიხაილოვსკის მო-

<sup>1)</sup> „Русское Богатство“, დეკემბერი 1893 წ. განკ. II, გვ. 189).

<sup>2)</sup> ამ საბოლოოდ დაუმუშავებელ წერილის შავში მარქსი მიმართავს არა ბ. მიხაილოვსკის, არამედ «Отч. Зап.» რედაქტორს. ბ. მიხაილოვსკიზე იქ ლაპარაკობს, როგორც მესამე პირზე.

ეჭვნა, თითქოს მან იგი დაინახა თავში კაპიტალისტური დაგროვების შესახებ, სადაც ლაპარაკია დასაველეთის კაპიტალიზმის და არა მთელი კაცობრიობის კაპიტალიზმის განვითარებაზე.

ყოველი პროცესი აბსოლუტურად „სავალდებულოა“ იქ, სადაც იგი არსებობს. მაგალითად, ასანთის წვა „სავალდებულოა“ ასანთისთვის მას შემდეგ. რაც იგი აინთო. ასანთი აუცილებლად ჩაქვრება, დასრულდება თუ არა წვის პროცესი. „კაპიტალში“ ლაპარაკია, რომ კაპიტალისტური განვითარება „სავალდებულოა“ იმ ქვეყნებისათვის, სადაც მას ადგილი აქვს. ბ. მიხაილოვსკიმ წარმოიდგინა, რომ „კაპიტალის“ აღნიშნულ თავში მოცემულია მთელი ისტორიული ფილოსოფია და გადასწყვეტა: კაპიტალისტური წარმოება, მარქსის აზრით, სავალდებულოა ყველა ქვეყნისა და ხალხისათვის!). მაშინ იგი დაალონა იმ რუსების მძიმე მდგომარეობამ, რომელნიც და სხვ... და... სევედის თავის სუბიექტური მოთხოვნების დაკმაყოფილების შემდეგ, მიმართა ბ. ჟუკოვსკის და თავმოწონედ წარმოთქვა: ხედავთ, ჩვენც შეგვიძლია ვაკრიტიკოთ მარქსი და ბრმაღ არ მივყუებით იმას, რაც magister dixit! თავის-თავად ცხადია, ყოველივე ამან ერთი ხაზითაც ვერ წასწია წინ საკითხი აუცილებლობის შესახებ. მაგრამ ბ. მიხაილოვსკის სევედიანი წერილის წაკითხვის შემდეგ მარქსმა განიზრახა დახმარებოდა მას. მარქსმა „Отечеств. Зап.“-ის რედაქტორს მიმართა შინაშენებით ბ. მიხაილოვსკის წერილზე. მარ-

---

1) იხ. წერილი: „Каря Марке перед судом Ю. Плукковского“. „О. З“. окт. 1877. „კაპიტალის“ მეექვსე თავში არის პარაგრაფი შემდეგი სათაურით: „ეგრეთწოდებული თავდაპირველი დაგროვება“. აქ მარქსს განზრახული ჰქონდა მოეცა წარმოების კაპიტალისტური პროცესის დაწყებითი საფეხურის ისტორიული ნარკვევი, მაგრამ გაცილებით მეტი მოგვცა „მთელი ფილოსოფიურ-ისტორიული თეორია“. ეს, სრული გაუგებრობაა: მარქსის ისტორიის ფილოსოფია გადმოცემულია „რამდენიმე განხოგ. დოებულ, ურთიერთან მჭიდროდ დაკავშირებულ იდეათა“ სახით «Zur Kritik der politischen Oeconomie»-ის იმ წინასიტყვაობაში, რომელიც ბ. მიხაილოვსკიმ ვერ გაიგო. მაგრამ ეს სხვათაშორის. ბ. მიხაილოვსკიმ მოახერხა მარქსის იმ ადგილის არ გაგებაც-კი, სადაც ლაპარაკია კაპიტალისტური პროცესის აუცილებლობაზე დასაველეთისათვის. მან საფაბრიკო კანონმდებლ-ბაშა ისტორიული პროცესის ფატალური გადუველობის „შეწორება“ დაინახა. მას შემდეგ, რაც მან წარმოიდგინა, თითქოს მაოქსის მიხედვით „ეკონომიური“ მოქმედებს თავის-თავად, ადამიანის ყოველგვარი მონაწილეობის გარეშე, ის სრულიად ლოლიკურად მოიქცა, როცა ადამიანთა საწარმოო პროცესში მათი ყოველი ჩარევა შესწორებდად მიჩნია. მან არ იცოდა მხოლოდ ის, რომ, მარქსის აზრით, თვით ეს ჩარევა ყოველთვის განსაზღვრულ ეკონომიურ ურთიერთობათა ნაყოფს წარმოადგენს. ძნელია დავა მარქსის შესახებ ისეთ ხალხთან, რომელსაც იგი ასეთი განსაკვირვებელი სიმტკიცით არ ესმის!

ქსის სიკვდილის შემდეგ, როცა ეს შენიშვნები ჩვენს პრესაში გამოქვეყნდა, ყოველ შემთხვევაში საშუალება მიეცა იმ რუსებს, რომელნიც და სხვ. სწორად გადაეჭრათ აუცილებლობის საკითხი.

რისი თქმა შეეძლო მარქსს ბ. მიხაილოვსკის წერილის გამო? ბ. მიხაილოვსკის ცული საქმე მოუვიდა: მან მარქსის ისტორიულ-ფილოსოფიურ თეორიად მიიღო ის, რაც ასეთს სრულიად არ წარმოადგენდა. ცხადია, რომ მარქსი, უპირველეს ყოვლისა, უნდა მიშველებოდა რუს მწერალს, რომელიც დიდ იმედებს იძლეოდა. გარდა ამისა, რუსი ახალგაზრდა მწერალი სჩიოდა: მარქსმა რუსეთს კაპიტალიზმი მიუსაჯაო. საჭირო იყო დაენახებინათ რუსი მწერლისთვის, რომ დიალექტიკური მატერიალიზმი არც ერთს ქვეყანას არათერს არ უსაჯავს, იგი არ იძლევა ყველა ხალხისთვის ყოველ დროში საერთო და „სავალდებულო“ გზას; რომ ყოველი საზოგადოების შემდგომი განვითარება ყოველთვის მის შინაგან სოციალურ ძალთა ურთიერთობაზე დამოკიდებული, ამიტომ ყოველმა სერიოზულმა ადამიანმა თავი უნდა დაანებოს მკითხაობას და გოდებას რაღაც ფანტასტიურ აუცილებლობაზე, შეისწავლოს, უპირველეს ყოვლისა, ეს ურთიერთობანი. მხოლოდ ასეთ შესწავლას შეუძლია დაგვანახვოს, თუ რაა და რა არაა სავალდებულო განსაზღვრული საზოგადოებისათვის.

სწორედ ასე მოიქცა მარქსი. პირველ-ყოვლისა, მან ამხილა ბ. მიხაილოვსკის „გაუგებრობა“: „თავდაპირველი დაგროვების თავში მე მინდა აღვწერო ის გზა, რომლითაც დასაწყლეთ ევროპაში კაპიტალისტური წყობილება ფეოდალური წყობილების წიალიდან გამოვიდა. აქ, მაშასადამე, კვალ-და-კვალ განხილულია ისტორიულ მოვლენათა ის მსვლელობა, რომლითაც მწარმოებელი ჩამოცილებული იქნა საწარმოო საშუალებათაგან, რის შედეგად პირველი გადაიქცა დაქირავებულ მუშად (პროლეტარად, ამ სიტყვის თანამედროვე მნიშვნელობით), ხოლო—უკანასკნელი კი კაპიტალად. ამ ისტორიაში ყოველი გადატრიალება შეადგენს ეპოქას და კაპიტალისტური კლასის განვითარების ბერკეტს წარმოადგენს; ასეთი განვითარების მთავარ საფუძველს შეადგენს მიწათმომქმედთა ექსპროპრიაცია. თავის დასასრულს მე ვლაპარაკობ კაპიტალისტური დაგროვების ისტორიულ ტენდენციასზე და ვამბობ, რომ მისი უკანასკნელი სიტყვა იქნება კაპიტალისტური საკუთრების საზოგადოებრივ საკუთრებად გარდაქცევა. ამ დასკვნითი სიტყვებში მე არ ვასაბუთებ ჩემ აზრს იმ გასაგები მიზეზის გამო, რომ თვით ის სხვა არათერია, თუ არა ზოგადი დასკვნა ვრცელი მსჯელობისა კაპიტალისტური წარმოების შესახებ“.

იმ გარემოების უკეთ ნათელსაყოფად, რომ ბ. მიხაილოვსკიმ ისტორიულ თეორიად მიიჩნია ის, რაც ასეთი არ იყო და არც შეიძლება ყოფილიყო, მარქსს მოჰყავს ძველი რომის მაგალითი. საესებით დამარწმუნებელი მაგალითია! და მართლაც, თუ ყველა ხალხისთვის „სავალდებულოა“ კაპიტალიზმის სტადია, მაშინ როგორ უნდა აიხსნას რომის, სპარტის, ინკების სახელმწიფოს და სხვ. მრავალი ხალხის მაგალითი, რომელთაც ისე დასტოვეს ისტორიული ასპარეზი, რომ არ შეუსრულებიათ ეს თავისი პსევდო-მოვალეობა? მარქსისთვის ამ ხალხთა ისტორიული ბედი როდი იყო უცნობი; მაშასადამე, მას არ შეეძლო ელაპარაკნა კაპიტალისტური პროცესის საყოველთაო აუცილებლობაზე.

ჩემმა კრიტიკოსმაო, ამბობს მარქსი, „ინება ჩემი ნარკვევი დასავლეთ ევროპის კაპიტალიზმის წარმოშობის შესახებ გარდაეჭვია ხალხთა ისტორიული გზის ისტორიულ-ფილოსოფიურ თეორიად, რომელსაც (გზას) ვერ აცდება ვერც ერთი მათგანი, როგორც უნდა იყოს მათი ისტორიული ყოფის პირობები. მაგრამ ბოდიშს ვითხოვ: ასეთი ახსნა-განმარტება ჩემთვის ერაზსა და იმავე დროს მეტის-მეტი პატივისცემაც არის და შეურაცხება“-ც.

რასაკვირველია! მსგავსი ახსნა-განმარტება ხომ გახდიდა მარქსს ერთ-ერთ იმ „ადამიანად ფორმულებით“, რომელსაც ის ჯერ კიდევ პრუდონთან პოლემიკის დროს დასცინოდა. ბ. მიხაილოვსკიმ მიაწერა მარქსს „პროგრესის ფორმულა“, ხოლო მარქსმა უპასუხა: დიდად გმადლობთ, მე ეს სიკეთე არ მინდაო.

ჩვენ უკვე დავინახეო, თუ როგორ უყურებდენ უტოპისტები ისტორიული განვითარების კანონს (მოიგონოს მკითხველმა, რა ვთქვით ჩვენ სენ-სიმონზე). ისტორიული მოძრაობის კანონზომიერება მათ ხელში მისტიურ სახეს ღებულობდა; გზა, რომლითაც კაცობრიობა მიდის, მათი აზრით, წინასწარ გარკვეულია და არავითარს ისტორიულ მოვლენას არ ძალუძს ამ გზის მიმართულების შეცვლა. საინტერესო ფსიქოლოგიური აბერაციაა! „ადამიანის ბუნება“ უტოპისტებისათვის გამოსავალ წერტილს წარმოადგენს. ამ ბუნების განვითარების კანონები-კი, რომელიც მათ ხელში მყისვე საიდუმლო ხასიათს ღებულობს, გადაიტანება სადღაც ადამიანთა და მათ ფაქტიურ ურთიერთობათა მიღმა, რაღაც „ხუმრა-ისტორიულ“ ხფეროში.

დიალექტიკური მატერიალიზმი საკითხს აქაც სულ სხვა საფუძველზე აყენებს და ამით მას სრულებით ახალ სახეს აძლევს.

დიალექტიკოს-მატერიალისტები „ყველაფერს ეკონომიით ხსნიან“. ჩვენ უკვე ვთქვით, თუ როგორ უნდა გვესმოდეს ეს. მაგრამ

რა არის ეკონომია? ეს ადამიანებს შორის არსებული, ფაქტიურ საწარმოო ურთიერთობათა ერთობლივობაა, რომელიც საზოგადოებას შეადგენს. ეს ურთიერთობანი უძრავს, მეტაფიზიკურ არსებას როდი წარმოადგენენ. ისინი მუდამ იცვლებიან საწარმოო ძალთა განვითარების გავლენით ისე, როგორც იმ ისტორიული წრის ზემოქმედებით, რომლითაც გარემოცულია ესა თუ ის საზოგადოება. რა-კი მოცემულია ადამიანთა ფაქტიური საწარმოო ურთიერთობანი, ამ ურთიერთობათაგან აუცილებლად გამომდინარეობს განსაზღვრული შედეგი. ამ მნიშვნელობით საზოგადოებრივი მოძრაობა კანონზომიერია, და ეს კანონზომიერება მარქსზე უკეთ არავის გამოურკვევია. მაგრამ რადგან ყოველი საზოგადოების ეკონომიურ განვითარებას იმ პირობათა „თავისებურების“ გამო, რომელშიაც ეს განვითარება წარმოებს, „თავისებური“ ხასიათი აქვს, ამიტომ შეუძლებელია ისეთი „ფორმულა პროგრესისა“, რომელიც ხსნიდეს ყველა საზოგადოების წარსულს და წინასწარმეტყველებდეს მათ მომავალ ეკონომიურ განვითარებას. პროგრესის ფორმულა ის განყენებული ქეშმარიტებაა, რომელიც „Очерки гоголевского периода русской литературы“-ის ავტორის სიტყვით ასე გატაცებით უყვარდათ მეტაფიზიკოსებს. მაგრამ მისივე სამართლიანი შენიშვნით განყენებული ქეშმარიტება არ არსებობს. ქეშმარიტება ყოველთვის კონკრეტულია: ყველაფერი დამოკიდებულია დროისა და ადგილის გარემოებაზე. და თუ ყველაფერი დამოკიდებულია ამ გარემოებებზე, მაშინ მათ, მაშასადამე, უნდა სწავლობდეს ის ხალხი, რომელიც დასხვ.

„რომ დარწმუნებით შემძლებოდა მსჯელობა თანამედროვე რუსეთის ეკონომიური განვითარების მსვლელობაზე, მე შევისწავლე რუსული ენა და რამდენიმე წლის განმავლობაში ვსწავლობდი ოჟიციალურსა და ამ საკითხის შესახებ პრესაში გამოქვეყნებულ სხვა წყაროებსაც“.

მარქსის რუსი მოწაფეები ამ შემთხვევაშიც მისი ერთგული რჩებიან. რასაკვირველია, ზოგ მათგანს შესაძლებელია ჰქონდეს უფრო მეტი, ზოგს კი ნაკლები ეკონომიური ცოდნა, მაგრამ აქ მთავარია არა ცალკე პირობა ცოდნის მეტ-ნაკლებობა, არამედ თვით თვალსაზრისი. მარქსის მოწაფეები ხელმძღვანელობენ არა სუბიექტური იდეალით ან რაიმე „ფორმულით პროგრესისა“, არამედ მიმართავენ თავიანთი ქვეყნის ეკონომიურ სინამდვილეს.

რა დასკვნამდე მივიდა მარქსი რუსეთის შესახებ? „თუ რუსეთი იმ გზით ივლის, რომელსაც ის 1861 წლის შემდეგ დაადგა, იგი ხელიდან გაუშვებს ისეთ მოხერხებულ შემთხვევას, როგორიც ხალ-

ხისთვის ისტორიულ მსვლელობას ოდესმე ურგუნებია კაპიტალისტური განვითარების ყველა პერიპეტეიის თავიდან ასაცილებლად“. ცოტა ქვემოთ მარქსი დასძენდა, რომ უკანასკნელი წლების განმავლობაში რუსეთი საკმაოდ შეეცადა წასულიყო დასახლებულ გზით. მას შემდეგ, რაც ეს წერილი დაიწერა (ე. ი. 1877 წელს შემდეგ), დაუმარებთ ჩვენ, რუსეთი ამ გზით მიექანებოდა სულ უფრო და უფრო სწრაფად.

რა გამომდინარეობს მარქსის წერილიდან?—სამი რამ:

1) თავისი წერილით მარქსმა სირცხვილი აქამა არა რუს მოწაფეებს, არამედ ბ. ბ. სუბიექტივისტებს, რომელთაც არ გააჩნდათ არავითარი წარმოდგენა მის მეცნიერულ თვალსაზრისზე და ცდილობდნენ გადაეჭვირათ იგი შეტაფიზიკოსად და უტომისტად, როგორიც თითონ იყვნენ.

2) ბ. ბ. სუბიექტივისტებს არ შეერცხვათ იმ უბრალო მიზეზის გამო, რომ მათ, თავიანთი „იდეალის“ ერთგულებმა, თვით წერილიც ვერ გაიგეს.

3) თუ ბ. ბ. სუბიექტივისტებს სურთ ჩვენთან იმის შესახებ იმსჯელონ, თუ საით და როგორ ვითარდება რუსეთი, საჭიროა ყოველთვის ეკონომიური სინამდვილის ანალიზს ემყარებოდნენ.

ამ სინამდვილის შესწავლამ მესამოცდაათე წლებში მარქსი შემდეგ პირობითს დასკვნამდე მიიყვანა: „თუ რუსეთი იმ გზით ივლის, რომელზეც იგი გლეხების განთავისუფლების დროიდან შესდგა, მაშინ იგი გადაიქცევა სრულიად კაპიტალისტურ ქვეყანად, და ამის შემდეგ რაკი იგი კაპიტალიზმის უღელქვეშ მოექცევა, უნდა დაემორჩილოს კაპიტალიზმის უღმობელ კანონებს სხვა პროფან-ხალათა მსგავსად. მორჩა და გათავდა“.

მორჩა და გათავდა. მაგრამ რუსი, რომელსაც სურს იზრუნოს თავისი სამშობლოს კეთილდღეობაზე, ვერ დაკმაყოფილდება ასეთი პირობითი დასკვნით: მას აუცილებლად კითხვა ებადება: ის მომავალშიაც ამ გზით ივლის თუ არა? არის თუ არა რაიმე საბუთი იმ იმედისათვის, რომ ის ამ გზას ასცილდება?

ამ კითხვაზე პასუხის გასაცემად საჭიროა ისევ ქვეყნის ფაქტიური მდგომარეობის შესწავლას, მისი თანამედროვე შინაგანი მდგომარეობის ანალიზს მივმართოთ. მარქსის რუსი მოწაფეები ამ ანალიზის საფუძველზე ამტკიცებენ: ჰო, ამ გზით ივლის! არავითარი საბუთი არ გვაქვს ვიფიქროთ, რომ რუსეთი მალე დასტოვებს კაპიტალისტური განვითარების იმ გზას, რომელზეც იგი 1861 წლიდან შესდგა. მორჩა და გათავდა!

ბ. ბ. სუბიექტივისტები ფიქრობენ—„მოწაფეები“ სცდებიანო. მათ ეს რუსეთის სინამდვილის მიერ მოცემული მასალით უნდა დაამტკიცონ. „მოწაფეები“ ამბობენ: რუსეთი ივლის კაპიტალისტური განვითარების გზით არა იმიტომ, თითქოს არსებობდეს რაიმე გარეშე ძალა, რალაც საიდუმლო კანონი, რომელიც მას ამ გზაზე აყენებს, არამედ იმიტომ, რომ არ მოუბოვება ისეთი ფაქტიური შინაგანი ძალა, რომელიც მას ამ გზიდან გადაახვევინებს. თუ კი ბ. ბ. სუბიექტივისტები ფიქრობენ, რომ ასეთი ძალა არსებობს, — თქვან, რაში მდგომარეობს იგი, დაამტკიცონ მისი არსებობა. ჩვენ სიამოვნებით მოვუსმენთ მათ. დღემდე მათ ამის შესახებ გარკვეულად არაფერი უთქვამთ.

— როგორ თუ არ არის ძალა! მაშ ჩვენი იდეალები რისი მატენისია? გვეტყვიან ჩვენი ძვირფასი მოწინააღმდეგენი.

ჰე, ბატონებო! სწორედ გულუბრყვილონი ხართ სიბრალულამდე! საკითხი ხომ სწორედ იმაში მდგომარეობს, თუ როგორ უნდა განხორციელდეს, ვთქვათ, თქვენი იდეალები, თუმცა ისინი საკმაოდ უთავბოლო რასმე წარმოადგენენ? მართალია, ამ სახით დასმული საკითხი მეტად მოსაწყენია, მაგრამ სანამ იგი გადაუქრელი რჩება, თქვენს „იდეალებს“ მხოლოდ „იდეალური“ მნიშვნელობა ექნება.

დაამწყვდიეს ვაჟკაცი ქვის საპყრობილეში, გადაუკეტეს რკინის კარები, დააყენეს ფხიზელი მცველები. ვაჟკაცი იცინის მხოლოდ. ამოიღებს ფანქარს და კედელზე ხატავს ნავს, ჯდება მასში და... მშვიდობით საპყრობილევ, მშვიდობით ფხიზელო მცველებო, ვაჟკაცი კვლავ თავისუფალია.

კარგი ზღაპარია! მაგრამ... მხოლოდ ზღაპარი. ნამდვილად კი კედელზე დახატულ ნავს ჯერ კიდევ არასოდეს, არავინ და არსაით გაუქროლებია.

უკვე ბატონ-ყმობის გაუქმების დროიდან რუსეთი აშკარად დაადგა კაპიტალისტური განვითარების გზას. ბ. ბ. სუბიექტივისტები მშვენივრად ხედავენ ამას, თვით ისინი ამტკიცებენ, რომ ჩვენი ძველი ეკონომიური ურთიერთობანი განსაცვიფრებელი, სულ უფრო და უფრო მოზარდი სისწრაფით ირღვევიან. მაგრამ ეს არაფერია, ეუბნებიან ისინი ერთი-მეორეს: ჩვენ ჩავსვამთ რუსეთს ჩვენი იდეალების ნავში და ის გასცილდება ამ გზას ძალიან შორს, ცხრა მთას იქით.

ბ. ბ. სუბიექტივისტები კარგი მეზღაპრეები არიან, მაგრამ... მეტი არაფერი. მეტი არაფერი.—ეს კი მეტის მეტად ცოტაა. და ჯერ არ ყოფილა შემთხვევა, რომ ხალხის ისტორიული მოძრაობა ზღა-



პარს შეეცვალოს, სწორედ იმ უბრალო მიზეზით, რომლის გამოც ჯერ არც ერთი ბულბული არ დაუბურებიათ იგავებით.

ბ. ბ. სუბიექტივისტებს მიღებული აქვთ რუსების საკვირველი კლასიფიკაცია ორ კატეგორიად: ისინი, რომელთაც ხწამთ სუბიექტური ნავით გაქროლების შესაძლებლობა, მიჩნეული არიან კარგ ადამიანებად, ხალხის ქეშმარიტ მოკეთებებად! ხოლო იმათ, ვინც ამბობს—ასეთი რწმენა სრულიად არაფერს ემყარებაო, მიაწერენ რაღაც არაბუნებრივ ბოროტ განზრახვას, სურვილს რუსი გლეხი შიმშილით მოჰკლან. ჯერ არც ერთს მელოდრამაში არ ჰქონია ადგილი ისეთს ბოროტმომქმედს, როგორც არიან, ბ. ბ. სუბიექტივისტების აზრით, თანმიმდევარი რუსი „ეკონომიური“ მატერიალისტები. ეს უცნაური შეხედულება სწორედ ისევე საფუძვლიანია, როგორც იყო მკითხველებისათვის უკვე ცნობილი შეხედულება გეინცენისა, რომელიც აწერდა მარქსს განზრახვას გერმანელი ხალხის „hungern und verhungern“.

ბ. მიხაილოვსკი კითხულობს, რატომ სწორედ ეხლა გამოჩნდა ხალხი, რომელსაც „დამშვიდებული სინდისით შეუძლია მილიონ ხალხს შიმშილით სიკვდილი და სიღატაკე მიუსაჯოს“. ბ. ს. ნ. კრივენკო ფიქრობს: რაკი თანმიმდევარმა ადამიანმა გადასწყვიტა, რუსეთში კაპიტალიზმი აუცილებელიაო, მას დარჩენია მხოლოდ „იზრუნოს სარეწავების კაპიტალიზაციაზე, კულაკობის განვითარებაზე... თემის დარღვევაზე, მოსახლეობის გაბოვანობაზე და საზოგადოდ ზედმეტი გლეხის სოფლიდან გაძევებაზე“. ბ. ს. ნ. კრივენკო ასე ფიქრობს მხოლოდ და მხოლოდ იმიტომ, რომ თითონ „თანმიმდევრობითი“ აზროვნების უნარს მოკლებულია.

გეინცენი, ყოველ შემთხვევაში, სცნობდა მარქსის გულშემატკივრობას იმ მაშვრალთა მიმართ, რომელნიც „საფაბრიკო დაღს“ ატარებდნენ. ბ. ბ. სუბიექტივისტები, როგორც ჩანს, მარქსის „რუსი მოწაფეების“ ამ უმნიშვნელო სისუსტესაც-კი არ სცნობენ: იმათო, ამბობენ, ბოლომდე სძულთ ყველა ადამიანის შვილი, ისინი ყველას დახოცდენ შიმშილით, გარდა, თუ გნებათ, ვაქართა წოდების წარმომადგენლებისაო. მართლაც, რომ ბ. კრივენკო „მოწაფეებში“ ამჩნევდეს ზოგ კეთილ განზრახვას მაინც საფაბრიკო მუშების მიმართ, იგი არ დასწერდა ჩვენს მიერ უკვე მოყვანილ სტრიქონებს.

„იზრუნოს... საზოგადოდ ზედმეტი გლეხის სოფლიდან გაძევებაზე“. ღმერთო დაგვიფარე! რად უნდა ვიზრუნოთ? ქალაქში ახალი მუშა-ხელის შემოსვლა სოფლიდან ხომ ხელფასის დაცემას გამოიწვევს.

მაგრამ ბ. კრივენკომატ-კი იცის, რომ ხელფასის შემცირება არ შეიძლება იყოს სასარგებლო და სასიამოვნო მუშებისთვის. რისთვის შეეცდებიან თანმიმდევარი „მოწაფეები“ მუშებს ზარალი და უსიამოვნება მიაყენონ? ცხადია, რომ ეს ხალხი თანმიმდევარია მხოლოდ ადამიანთა სიძულვილში, რომ მათ არ უყვართ ქარხნის მუშა-კი. შეიძლება უყვართ კიდევ, მაგრამ თავისებურად; უყვართ და ამიტომ ცდილობენ ავნონ მათ. საოცარი ხალხია! საკვირველი თანმიმდევრობაა!

„იზრუნოს... კულაკობის განვითარებაზე, თემის დარღვევაზე, მოსახლეობის გაბოგანობაზე“. რა საშინელებაა! მაგრამ რისთვის უნდა ვეცადოთ ყოველივე ამას? კულაკობის განვითარება და მოსახლეობის გაბოგანობა დასცემს ამ უკანასკნელის მყიდველობითი უნარს, მყიდველობითი უნარის დაცემა-კი გამოიწვევს საფაბრიკო ნაწარმოებთა მოთხოვნის შემცირებას, დასცემს სამუშაო ძალის მოთხოვნას, ე. ი. შეამცირებს ხელფასს. არა, თანმიმდევარ „მოწაფეებს“ არ უყვართ მუშა! და განა მარტო მუშა? მოსახლეობის მყიდველობითი უნარის დაცემა აზარალებს მესარეწეებს, რომელნიც, როგორც ბ. ბ. სუბიექტივისტები გვარწმუნებენ, „მოწაფეთა“ სათუთი მზრუნველობის საგანს შეადგენენ. არა, რაც გნებავთ ის თქვით, მაგრამ საკვირველი ხალხია ეს მოწაფეები!

„იზრუნოს... სარეწავების კაპიტალიზაციაზე... არ დაერიდოს არც გლეხების მიწის შესყიდვას, არც საწვრილმანობის და სამიკიტნობის გახსნას და სხვა რაიჟე ბინძურ საქმიანობას...“ მაგრამ რისთვის უნდა მოიქცეს ასე თანმიმდევარი ხალხი? ის ხომ დარწმუნებულია კაპიტალისტური პროცესის აუცილებლობაში; მაშასადამე, თუ, მაგალითად, სამიკიტნობის გახსნა ამ პროცესის არსებითს ნაწილს შეადგენს, — აუცილებლად წარმოიშობოდა სამიკიტნობები (რომელიც, ვფიქრობთ, ამჟამად არ არსებობს). ბ. კრივენკოს ჰგონია, რომ ბინძურმა საქმიანობამ კაპიტალისტური პროცესი უნდა დააჩქაროს. მაგრამ ჩვენ განვიმეორებთ, თუ კაპიტალიზმი აუცილებელია, მაშინ „სიბინძურე“ თავის თავად გაჩნდება. რად უნდა „იზრუნონ“ მასზე მარქსის თანმიმდევარმა მოწაფეებმა?

— აქ უკვე მათი თეორია სდუმს ზნეობრივი გრძნობის მოთხოვნის წინაშე: ისინი ამჩნევენ, რომ სიბინძურე აუცილებელია, აღმერთებენ მას ამ აუცილებლობის გამო და ყოველი მხრით ისწრაფიან დაეხმარონ მას, თორემ ამ საბრალო აუცილებელ სიბინძურეს უჩვენოთ გაუძნელდება თავის მოვალეობის შესრულებას.

ხომ ასეა, ბ. კრივენკო? თუ არა—მაშინ მთელი თქვენი მსჯელობა „თანმიმდევარი“ მოწაფეების შესახებ სრულიად უვარგისია. თუ—ჰო, მაშინ სრულიად უვარგისია თქვენი საკუთარი თანმიმდევრობა, თქვენი საკუთარი „შემეცნებითი უნარი“.

აიღეთ რაც გნებავთ, თუგინდ სარეწავის კაპიტალიზაცია, იგი წარმოადგენს ორმხრივ პროცესს. ერთის მხრით—წარმოიშობა ისეთი ხალხი, რომელიც ხელში მხვდის საწარმოო საშუალებებს, მეორე მხრით—დაქირავებული ხალხი, რომელიც ამ საწარმოო საშუალებებს იყენებს. ვთქვათ, რომ სიბინძურე პირველთა დამახასიათებელ თვისებას შეადგენს, მაგრამ ისინი, რომელნიც იმათთვის ქირაში მუშაობენ, ვფიქრობთ შესძლებენ თავიდან აიცილონ ზნეობრივი განვითარების ეს „ფაზა“. და თუ ეს ასეა, მაშინ რატომ იქნება ჩემი მოღვაწეობა ბინძური, თუ მე მას (ამ მოღვაწეობას) შევსწირავ ამავე ხალხს, თუ მე ხელს შეუწყობ მათ თვითშეგნების განვითარებას და დავიცავ მათ მატერიალურ ინტერესებს? ბ. კრივენკომ შესაძლებელია თქვას, რომ ასეთი მოღვაწეობა კაპიტალიზმის განვითარებას შეაფერხებსო. სრულიადაც არა! ინგლისის, საფრანგეთის და გერმანიის მაგალითზე იგი დარწმუნდება, რომ იქ ასეთმა საქმიანობამ არა თუ შეანელა კაპიტალიზმის განვითარება, არამედ, პირიქით, დააჩქარა კიდევ იგი, რითაც, სხვათა შორის, დააჩქარა ზოგი იქაური წყვეული საკითხის პრაქტიკულად გადაჭრაც.

ანდა ავიღოთ თემის დარღვევა. ესეც ორმხრივი პროცესია: გლეხების „ნადელები“ ხელში უვარდება კულაკებს, წინანდელი დამოუკიდებელ მეურნეთა სულ უფრო და უფრო მეტი ნაწილი პროლეტარდება. ყველა ამას, რასაკვირველია, თან სდევს ინტერესთა შეჯახება, ბრძოლა. ამ ბრძოლის გამო ატეხილ ხმაურობაზე მოდის „რუსი მოწაფე“, უძღვის „აუცილებლობის კატეგორიას“ მოკლედ, მაგრამ მგრძნობიარე ჰიშნს და... აღებს საშიკიტნოს! ასე მოიქცევა ყველაზე უფრო „თანმიმდევარი“, უფრო ზომიერი დაკმაყოფილებდა საწვრილმანოს გახსნით. ასეა ხომ, ბ. კრივენკო? რატომ არ უნდა მიემხროს „მოწაფე“ სოფლის ლატაკებს?

— მაგრამ თუ იგი განიზრახავს მათ მიემხროს, მაშინ ის უნდა ეცადოს ხელი შეუშალოს მათ გაბოგანობას?—დიახ, როგორ არა, უნდა ეცადოს!—ეს კი კაპიტალიზმის განვითარებას შეაფერხებს.— სრულიად არ შეაფერხებს. პირიქით, მას დააჩქარებს კიდევ. ბ. ბ. სუბიექტივისტებს ყოველთვის ეჩვენებათ, რომ თემი „თავის-თავად“ ისწრაფის რალაც „მაღალ ფორმაში“ გადასვლისაკენ. ისინი ცდებიან. ერთად ერთი ნამდვილი მისწრაფება თემისა ეს დარღვევი-

საკენ მისწრაფებაა, და რაც უფრო გაუმჯობესდება გლეხობის მდგომარეობა, მით უფრო ადრე დაირღვევა თეძი. გარდა ამისა, თემის დარღვევა შეიძლება ხალხისთვის ცოტად თუ ბევრად ხელსაყრელ პირობებში მოხდეს. „მოწაფეები“ „უნდა ცდილობდნენ“, რათა იგი ხალხისთვის ყველაზე უფრო ხელსაყრელ პირობებში მოხდეს.

— მაგრამ რატომ არ უნდა ავიცილოთ თავიდან თვით დარღვევა?

— თქვენ რატომ ვერ აიცილეთ თავიდან 1891 წლის შიმშილი? არ შეგეძლოთ? ჩვენ გვჯერა თქვენი; ჩვენი მდგომარეობა უნუგეშო იქნებოდა, რომ თქვენ შეხედულებათა ლოლიკური არგუმენტაციით გაბათილების მაგიერ მხოლოდ ის დავგრჩენოდა, რომ თქვენგან დამოუკიდებელი ასეთი მოვლენების მიზეზად თქვენი ზნეობა ჩაგვეთვალა. მაგრამ თქვენ რატომ გვიდგებით სხვა საზომით? რატომ არის, რომ ჩვენთან კამათის დროს ხალხის სილატაკეს ისე გვიხატავთ, თითქოს ჩვენ ვიყოთ იმის მიზეზი? იმიტომ, რომ იქ, სადაც ლოლიკა გვლატობს, გვშველის სიტყვები, განსაკუთრებით უშინაარსო სიტყვები. თქვენ ვერ შესძელით 1891 წლის შიმშილის თავიდან აცილება. ვინაა იმისი თავდები, რომ თქვენ შესძლებთ თემის დარღვევის, გლეხობის გაბოგანოების თავიდან აცილებას? ავიღოთ ეკლექტიკოსებისათვის ესოდენ სატრფიალო საშუალო გზა. ვთქვათ, ზოგ შემთხვევაში თქვენ შესძლებთ ყოველივე ამის თავიდან აცილებას. მაგრამ იმ შემთხვევაში, როცა თქვენი ცდა უშედეგოდ დამთავრდება და როცა, მიუხედავად ამ ცდისა, თემი მაინც დაირღვევა და გლეხობა მაინც უმიწაწყლოდ დარჩება, როგორ მოექცევით თქვენ გარდაუვალი პროცესის ამ მსხვერპლს? ქარონს სტიქზე მხოლოდ ისეთი სულები გადაჰყავდა, რომელთაც შეეძლოთ ამ შრომის სამაგიერო გადაეხადათ. თქვენი ნავით სუბიექტური იდეალის სამეფოში თემის მხოლოდ ნამდვილ წევრებს გადაიყვანთ? სოფლის პროლეტარიატს ნიჩბით მოიგერიებთ? ალბად თითონვე დაგვეთანხმებით, ბატონებო, რომ ეს მეტის მეტი „უწმინდურება“ იქნებოდა. რაკი ამაში დაგვეთანხმებით, მაშინ მათ თქვენც ისევე უნდა მოექცეთ, როგორც, ჩვენის აზრით, ყოველი წესიერი ადამიანი მოიქცეოდა, ე. ი. სამიკიტნო კი არ უნდა გააღოთ მათთვის მათრობელას მისასყიდად, არამედ უნდა გააძლიეროთ მათში წინააღმდეგობის გაწევის უნარი სამიკიტნოს და ყოველი იმ მათრობელას მიმართ, რასაც-კი მათ ისტორია შესთავაზებს.

იქნებ ჩვენ ეხლა ისევ ზღაპარს ვიწყებთ? იქნებ თემი არ ირღვევა? იქნებ ხალხის გაბოგანოება ფაქტიურად არ ხდება? იქნებ ჩვენ

შევთხზეთ ეს მხოლოდ იმ მიზნით, რომ გავალატაკოთ გლეხი, რომელიც აქამდე კეთილ-მდგომარეობაში იყო? მაგრამ გადაშალეთ თქვენივე თანამოაზრეთა რომელიმე გამოკვლევა და ის დაგანახვებთ თქვენ, თუ როგორი იყო საქმის ვითარება დღემდე, ე. ი. მანამდე, სანამ თუგინდ ერთი „მოწაფეც“ სამიკიტნოს ან და საწერილმანოს გაალებდა. ჩვენთან დავის დროს თქვენ საქმის მდგომარეობას ისე გადმოგვცემთ, თითქოს ხალხი უკვე თქვენი სუბიექტური იდეალების სამეფოში ცხოვრობდეს, ჩვენ-კი, ჩვენთვის დამახასიათებელი კაცთმოდულების გამო, მას კაპიტალიზმისაკენ მივითრევდეთ. მაგრამ საქმე სულ საწინააღმდეგოდ არის: არსებობს სწორედ კაპიტალისტური მწარე სინამდვილე, ჩვენ-კი ვეკითხებით თავს: როგორ ვებრძოლოთ ამ სინამდვილეს, როგორ შეუქმნათ ხალხს ისეთი მდგომარეობა, რომელიც ოდნავ მაინც მიუახლოვდება „იდეალურს“? თქვენ შეგიძლიათ ამ კითხვაზე ჩვენი პასუხი უმართებულოდ ჩასთვალათ, მაგრამ რად გპირდებათ ჩვენი მიზნების დამახინჯება? ეს მართლაც „უწმინდურებაა“, ასეთი „კრიტიკა“ „სუზღალელებსაც“-კი არ შეჰფერის.

მაგრამ როგორ უნდა ვებრძოლოთ კაპიტალისტურ სინამდვილეს, რომელიც, ვიმეორებთ, უკვე არსებობს დამოუკიდებელივ როგორც თქვენის, ისე ჩვენი სურვილისა? თქვენ ერთი პასუხი გაქვთ: „განვამტკიცოთ თემი,“ გავამაგროთ გლეხის კავშირი მიწასთან. ჩვენ კი გიპასუხებთ, რომ ასეთი პასუხი მხოლოდ უტოპისტებს შეეფერება. რატომ? რადგან ეს განყენებული პასუხია. თქვენის აზრით თემი ყოველთვის და ყოველგან კარგია. ჩვენ კი ვფიქრობთ, რომ განყენებული ქეშმარიტება არ არსებობს, ქეშმარიტება ყოველთვის კონკრეტულია, ყველაფერი დამოკიდებულია დროისა და ადგილის გარემოებაზე. იყო დრო, როცა თემი სასარგებლო იყო მთელი ხალხისათვის; ალბად ეხლაც მოიპოვება ისეთი ადგილი, სადაც ის სასარგებლოა მიწათმომქედთათვის. ჩვენ არ წავალთ ასეთი თემის წინააღმდეგ. მაგრამ მთელ რიგ შემთხვევებში თემი გადაიქცა გლეხის ექსპლოატაციის იარაღად. ჩვენ წინააღმდეგი ვართ ასეთი თემის ისე, როგორც ყველა იმისი, რაც საზიანოა მთელი ხალხისთვის. მოიგონეთ ის გლეხი უსპენსკის თხზულებიდან, რომელიც „ტყუილ-უბრალოდ“ იხდის. როგორ უნდა მოვექცეთ მას?—გადავიყვანოთ ის იდეალის სამეფოში, გვიპასუხებთ თქვენ. ძალიან კარგი, გადაიყვანეთ! მაგრამ სანამ ის გადაყვანილი არ არის, სანამ იგი იდეალის ნავზე არ ზის, სანამ ნავე ჯერ კიდევ მას არ მიახლოვებია, და სანამ ჯერ კიდევ არ არის ცნობილი, თუ როდის მიუახლოვდება იგი მას, უმჯობესი არ იქნებოდა თავი დააღწიოს „ტყუილ-უბრალოდ“ გადახდას? უმჯობესი არ იქნებოდა მის-

თვის გამოსულიყო თემიდან, რომელიც უზრუნველყოფს მისთვის სრულიად უნაყოფო ხარჯებს და ამასთანავე პერიოდულ გამოლ ჯვას სათემო სამმართველოში? ჩვენ ვფიქრობთ—უმჯობესია. თქვენ-კი ამის გამო გვაწერთ განზრახვას, თითქოს ჩვენ ხალხის შიმშილით ამოწყვეტა გვწყუროდეს. სამართლიანია ეს? არის თუ არა აქ ერთგვარი „უწმინდურება“? ან და შეიძლება თქვენ მართლაც არა გაქვთ უნარი გაიგოთ ჩვენი აზრი? ნუ თუ ეს ასეა? ოდესღაც ჩაადაეგმა თქვა, რომ რუსისთვის ევროპის სილოგოზმიც-კი უცნობია. ნუ თუ ეს მართლაც votre cas არის? ჩვენ გვჯერა, რომ ბ. ს. კრივენკომ სრულიად გულწრფელად ვერ გაგვიგო. ასევე ვფიქრობთ ბ. კარევისა და ბ. იუჯაკოვის შესახებ. მაგრამ ბ. მიხაილოვსკი ჩვენ ყოველთვის გაცილებით უფრო „გონება-მახვილ“ კაცად მიგვაჩნდა.

რა საშუალება გამონახეთ თქვენ, ბატონებო, ფაქტიურად უმიწაწყლოდ დარჩენილ მილიონთა ბედის გასაუმჯობესებლად? როცა ლაპარაკია „ტყუილ-უბრალოდ“ გადამხდელეებზე, თქვენ იძლევიტ მხოლოდ ერთს რჩევას: მართალია, იგი „ტყუილ-უბრალოდ“ იხდის, მაგრამ მაინც საჭიროა, რომ მან თემთან არ გასწყვიტოს კავშირი—წინააღმდეგ შემთხვევაში მისი (კავშირის) აღდგენა უკვე შეუძლებელი გახდებაო, რასაკვირველია, ეს გამოიწვევს „ტყუილ-უბრალოდ“ გადამხდელთათვის დროებითს უხერხულობას, მაგრამ... „არაა დიდი უბედურება, რომ გლეხი დაზარალდეს.“

ამრიგად, ჩვენი ბ. ბ. სუბიექტივისტები მზად არიან თავის იდეალებს ხალხის ყველაზე უფრო საარსებო ინტერესები შესწირონ! მაშასადამე, მათი ქადაგება სინამდვილეში სულ უფრო და უფრო მავნებელი ხდება ხალხისთვის.

„ენტუზიასტად ყოფნა მისი საზოგადოებრივ მდგომარეობად იქცაო“—ამბობს ტოლსტოი ანა პავლეს ასულ შერერზე. კაპიტალიზმისადმი სიძულვილი ჩვენ სუბიექტივისტთა საზოგადოებრივ მდგომარეობად გადაიქცა. რა სარგებლობას მოუტანდა რუსეთს გათხოვების პასაკს გადასული ქალწულის ენტუზიაზმი?—სრულიად არავითარს. რა სარგებლობა მოაქვს რუს მწარმოებელთათვის „სუბიექტურ“ სიძულვილს კაპიტალიზმისადმი—ამასაც არავითარი.

მაგრამ ანა პავლეს-ასულის ენტუზიაზმი ყოველ შემთხვევაში უვნებელი იყო. კაპიტალიზმის მიმართ უტოპიური მტრობა-კი ვნებს. პირდაპირ რუს მწარმოებელს, რადგანაც ასეთი მტრობა ჩვენ ინტელიგენციას აიძულებს თემის განმტკიცებისათვის საჭირო საშუალებათა გამონახვაში მეტის-მეტად განურჩეველი იყოს. ჩამოვარდება თუ არა ლაპარაკი ასეთ განმტკიცებაზე, მყისვე დგება სიბნელი, რომელშიაც;

ყველა კატა რუხი მოსჩანს, და სუბიექტისტები მზად არიან აღერ-სით ეამბორონ „მოსკოვის უწყებებს“. და მთელი ეს „სუბიექტური“ გონება-დაბრმავება სწორედ იმ საშიჯიტნოს სასარგებლოდ ხდება, რომლის გაერცელებასაც თითქოს ცდილობენ „მოწაფეები“. ნამდვი-ლად-კი კაპიტალიზმის უტოპიური მტრები, რეალურად მისი ყვე-ლაზე უფრო უხეში, საძაგელი და ხალხისათვის მავნებელი სახით დამცველის როლში გამოდიან.

ამდენხანს ჩვენ ვლაპარაკობდით იმ უტოპისტებზე, რომელნიც ცდილობდნენ, ან ეხლა ცდილობენ მარქსის წინააღმდეგ ამა თუ იმ საბუთის წამოყენებას. ეხლა ენახოთ როგორ იქცევიან ან იქცეოდნენ ის უტოპისტები, რომელნიც მარქსს იმოწმებდნენ.

გეინცენი—რომელსაც ასეთი საკვირველი სისწორით იმეორე-ბენ ეხლა ბ. ბ. რუსი სუბიექტივისტები „რუს მოწაფეებთან“ დავის დროს—იყო დემოკრატიულ-ბურჟუაზიული მიმართულების უტოპის-ტი. მაგრამ მე-40 წლების გერმანიაში ამის საწინააღმდეგო მიმარ-თულების უტოპისტებიც ბევრი იყვნენ.

გერმანიის სოციალ-ეკონომიური მდგომარეობა მაშინ დაახლო-ებით შემდეგნაირი იყო.

ერთის მხრით, სწრაფად ვითარდებოდა ბურჟუაზია, რომელიც დაჟინებით მოითხოვდა გერმანიის მთავრობისგან დახმარებას და ხე-ლისშეწყობას, ცნობილი Zollverein-ის წარმოშობის მიზეზი მხოლოდ ეს ბურჟუაზია იყო. ამავე დროს აგიტაცია მის სასარგებლოდ წარმოებ-და არა მარტო „შუამდგომლობათა“ გზით, არამედ ცოტად თუ ბევ-რად მეცნიერული გამოკვლევების მეშვეობითაც: გავიხსენოთ ფრიდ-რიხ ლისტი. მეორეს მხრით, ძველ ეკონომიურ ურთიერთობათა და-რღვევამ გერმანელი ხალხი კაპიტალიზმის საწველ ფურად აქცია. გლე-ხები და ხელოსნები კაპიტალისტური მოძრაობის პროცესში უკვე საკ-მაოდ ჩათრეულნი იყვნენ, რათა მისი უარყოფითი მხარეები განეცადათ, რომელიც ყველაზე უფრო საგრძნობი გარდამავალ პერიოდში ხდე-ბა. მაგრამ მშრომელი მასა იმ დროს ჯერ კიდევ სუსტი იყო, რომ მის-თვის წინააღმდეგობა გაეწია. მას ჯერ კიდევ ძალა არ შესწევდა რამოდენადმე შესამჩნევი წინააღმდეგობა გაეწია კაპიტალის წარმო-მადგენლებისათვის. ჯერ კიდევ შესაშოცე წლებში მარქსი ამბობდა, რომ გერმანიას ერთსა და იმავე დროს სტანჯავს კაპიტალიზმის განვი-თარება და მისი არასაკმარისად განვითარებაცო. კაპიტალიზმის არა საკმარისი განვითარებით მეორმოცე წლებში იგი უფრო მეტად იტან-ჯებოდა. კაპიტალიზმმა დაარღვია საგლეხო მეურნეობის ძველი ურ-თიერთობანი; შინამრეწველობა, რომელიც წინად გერმანიაში ყვაეო-

და, ეხლა უნდა გამკლავებოდა ხამანქანო წარმოების კონკურენციას, შინამრეწველნი ლარიბდებოდენ და სულ უფრო და უფრო დამოკიდებული ხდებოდენ შემსყიდველებისგან. ამავე დროს გლეხებს დაკისრებული ჰქონდათ მთელი რიგი ისეთი ბეგარისა სახელმწიფოსა და ბატონისგან, რომელიც შესაძლოა ძველად სამძიმო არ ყოფილიყო, მაგრამ მეორმოცე წლებში იმდენად მძიმე ასატანი შეიქნა, რომ სულ უფრო და უფრო არაშესაფერი ხდებოდა გლეხის ცხოვრების ფაქტიური პირობებისა. გლეხობის სილატაკე განსაკვიფრებლად გაიზარდა; კულაკი სოფლის სრული ბატონ-პატრონი შეიქნა. გლეხის პურს იგი ხშირად მომკამდე ყიდულობდა; სილატიკე გარე სამუშაოზე გასვლის მიზეზი გახდა. მაშინდელი მკვლევარები ასახელებდენ ისეთ თემებს, სადაც რამდენიმე ათასი ოჯახიდან სილატაკეს მხოლოდ რამდენიმე ასეული ოჯახი არ განიკდიდა. ზოგ ადგილებში გლეხები ლეშით იკვებებოდენ, — გარემოება სრულიად დაუჯერებელი, მაგრამ თავის დროზე აღნიშნული გერმანული პრესის მიერ. სოფლიდან გასვლის შემდეგ ისინი სამრეწველო ცენტრებში ვერ შოულობდენ საკმაო საარსებო სახსარს, და პრესა აღნიშნავდა უმუშევრობის თანდათან ზრდას და ამით გამოწვეულ ემიგრაციას.

აი როგორ გვიხატავს ერთი მაშინდელი ყველაზე უურო მოწინავე ორგანოთაგანი მშრომელი მასის მდგომარეობას: „ასი ათასი მრთველი რავენსბერგის ოლქში და გერმანიეთის სხვა ადგილებში ვერ ახერხებს იცხოვროს თავისი შრომით. ისინი ვერ ასალებენ თავიანთ ნაწარმოებს (ლაპარაკია უმთავრესად შინამრეწველებზე), ისინი დაეძებენ სამუშაოსა და პურს და ვერ შოულობენ ვერც ერთსა და ვერც მეორეს, რადგანაც მათთვის ძნელია, თუ არა შეუძლებელი, გაიჩინონ შემოსავალი რთვის გარეშე. გააფთრებული კონკურენცია მძვინვარებს მუშებს შორის სრულიად უმნიშვნელო ხელფასის გამო“<sup>1)</sup>.

ხალხის ზნეობა უეჭვოდ ეცემოდა. ძველ ეკონომიურ ურთიერთობათა რღვევას შეესაბამებოდა ძველ ზნეობრივ წარმოდგენათა შეჩევვა. იმ დროის ჟურნალ-გაზეთები სავსეა ცნობებით მუშების ლოთოლის, მათ წრეში სქესობრივი გარყვნილების, მფლანგველობის, სალუქობის შესახებ, რომელიც ვითარდება ხელფასის შემცირებასთან ერთად. გერმანელ მუშას ჯერ კიდევ არ ემჩნეოდა ახალი ზნეობის ნიშნები, იმ ზნეობის, რამაც შემდგომ სწრაფად დაიწყო განვითარება თვით კაპიტალიზმით გამოწვეულის ახალი განმათავისუფ-

<sup>1)</sup> Der Gesellschafts-Spiegel. I ტომ., გვ. 78, კორესპოდენცია ვესტფალიდან.



ლებელი მოძრაობის საფუძველზე. მასების განმათავისუფლებელი მოძრაობა გერ კიდევ არ იყო დაწყებული. მისი ფარული უკმაყოფილება დროგამოშვებით თავს იჩენდა მხოლოდ უშედეგო გაფიცვებში, უმიზნო ამბოხებაში, მანქანების უაზრო დამტყვევებაში. მაგრამ გერმანელი მუშების გონებაში თან და თან შეიკრა შეგნების ნაპერწკალი. წინეთ წიგნი ზედმეტ ფუფუნებას წარმოადგენდა, ახალ ურთიერთობათა დროს კი იგი აუცილებელ საგნად იქცა. მუშებში თან და თან გაძლიერდა კითხვის სურვილი.

ასეთი იყო საქმის ვითარება, რომლისთვისაც ანგარიში უნდა გაეწია გერმანელი ინტელიგენციის (Der Gebildeten—როგორც მაშინ ამბობდნენ) საღად მოაზროვნე ნაწილს. რა ვაკეთოთ, როგორ დაეხმაროთ ხალხს? მოვიშოროთ კაპიტალიზმიო, უპასუხებდა ინტელიგენცია. მარქსის დი ენგელსის იმ დროს გამოქვეყნებულ თხზულებებს ალტაცებით წებვდა გერმანელი ინტელიგენციის ერთი ნაწილი, როგორც ახალი მეცნიერული საბუთების მთელ რიგს კაპიტალიზმის აუცილებელი ჩამოშორების ხასიათებლოდ. „მაშინ, როცა ბ. ბ. ლიბერალმა პოლიტიკოსებმა ახალი ძალით დაჰკრეს მფარველობითი ტარიფის ფრიდრიხ ლისტის საყვირი და ცდილობდნენ დაერწმუნებიათ ხალხი... რომ ისინი ზრუნავენ მრეწველობის აყვავებაზე უმთავრესად მუშათა კლასის ინტერესების დაცვის მიზნით, და მათი მოწინააღმდეგენი-კი, ვაჭრობის თავისუფლების ენტუზიასტები, ლამობდნენ დამტკიცებით, რომ ინგლისის ვაჭრობის და მრეწველობის კლასიკურ ქვეყნად გადაქცევის მიზეზი მფარველობა სრულიად არ ყოფილაო, სწორედ დროზე მოუსწრო ამ დავას ენგელსის შესანიშნავმა წიგნმა „მუშათა კლასის მდგომარეობა ინგლისში“, რომელმაც საბოლოოდ გაფანტა უკანასკნელი ილიუზიები. ყველას მიერ აღიარებულია, რომ ეს წიგნი ახალი დროის ერთ-ერთ უმნიშვნელოვანეს ნაწარმოებთაგანს წარმოადგენს. მთელი რიგი ურყევი საბუთებით ის ნათელჰყოფს, თუ რა უფსკრულისაკენ მიექანება ის საზოგადოება, რომელიც თავის მამოძრავებელ პრინციპად ხდის პირად გაუმადლოებას, იმ კერძო მწარმოებელთა თავისუფალ კონკურენციას, რომელნიც ფულს აღმერთებენ“<sup>1)</sup>).

ამრიგად უნდა მოვიშოროთ კაპიტალიზმი, თორემ გერმანეთი იმ უფსკრულში გადაიჩეხება, რომელშიც ინგლისი უკვე იმყოფება. ეს დამტკიცებულია ენგელსის მიერ. ვინ შესძლებს კაპიტალიზმის აღმოფხვრას? ინტელიგენცია, die Gebildeten. გერმანე-

<sup>1)</sup> ibidem. გვ. 36 Notizen und Nachrichten.

თის თავისებურება, ერთი ასეთა Gebildete-ს თქმით, სწორედ ისაა, რომ იქ კაპიტალიზმის აღმოსაფხვრელად მოწოდებულია გერმანიის ინტელიგენცია მაშინ, როცა „დასავლეთში“ (in den westlichen Ländern) მის წინააღმდეგ უფრო მუშები იბრძვიან <sup>1)</sup>. როგორ შეუძლია გერმანიის ინტელიგენციას თავიდან მოიცილოს კაპიტალიზმი? წარმოების ორგანიზაციის მეშვეობით (Organisation der Arbeit). რა უნდა აკეთოს ინტელიგენციამ წარმოების ორგანიზაციისთვის? „Allgemeines Volksblatt“, რომელიც 1845 წელს კელნში გამოდიოდა, მიგვითითებდა შემდეგს ღონისძიებებზე:

1. ხელისშეწყობა სახალხო განათლებისთვის, მოწყობა სახალხო სამკითხველოებისა, კონცერტებისა და სხვ.

2. მოწყობა დიდი სახელოსნოებისა, სადაც მუშებს, ხელოსნებს და შინამრეწველთ საშუალება ექნებათ იმუშაონ თავისთვის და არა მესარეწისა ან შემსყიდველისთვის. Allgemeines Volksblatt-ი იმედს გამოთქვამდა, რომ რამდენიმე ხნის შემდეგ ეს ხელოსნები და შინამრეწველნი თითონვე შექმნიან ასოციაციებს.

3. დაარსება საწყობებისა შინამრეწველთა და ხელოსნების, და აგრეთვე ნაციონალური სახელოსნოების ნაწარმოებთა გასასყიდლად.

ეს ზომები ააცილებს გერმანიას კაპიტალიზმის წყლულს. ამ ზომების განხორციელება მით უფრო ადვილიაო, დასძენს აღნიშნული Volksblatt-ი, რომ „აქა-იქ უკვე დაიწყეს მუდმივი საწყობების, ეგრეთწოდებული სამრეწველო ბაზრების მოწყობა, სადაც ხელოსნებს შეუძლიანთ გამოიტანონ თავიანთი საქონელი გასასყიდად“ და მიიღონ დაუყოვნებლივ თავიანთი საქონლით უზრუნველყოფილი სესხი. შემდეგ აღწერილია სარგებლობა, რომელიც ყოველივე ამას მოაქვს როგორც მწარმოებლისათვის, ისე მომხმარებლისთვისაც.

გვეჩვენება, რომ კაპიტალიზმის თავიდან აცილება ყველაზე უფრო ადვილია იქ, სადაც ის ჯერ კიდევ ხუსტად არის განვითარებული. ამიტომ გერმანელი უტოპისტები ხშირად და გულმოდგინედ ხაზს უსვამდნენ იმ გარემოებას, რომ გერმანიის ჯერ ინგლისი არაა; გეინცენი კი პირდაპირ მზად იყო უარეყო საფაბრიკო პროლეტარიატის არსებობა გერმანიაში. მაგრამ რადგანაც უტოპისტებისთვის მთავარი ის იყო, რათა მათ „საზოგადოებისთვის“ წარმოების ორგანიზაციის აუცილებლობა დაემტკიცებიათ, ამიტომ დროგამოშვებით

<sup>1)</sup> იხ. Nessa-ს წერილი იმავე სქელტანიანი ჟურნალის იმავე ტომში გვ. 1 და შემ. შეად. აგრეთვე „Neue Anekdoten, herausgegeben von Carl Grün, Darmstadt“, 1845. გვ. 220. წინააღმდეგ საფრანგეთისა, გერმანეთში კაპიტალიზმს ებრძვის და „მასზე გამარჯვებას უზრუნველყოფს“ განათლებული უმცირესობა.

ისინი ადვილად და მათთვის შეუმჩნევლად დგებოდენ იმ ხალხისთვის-საზრისზე, რომელიც ამტკიცებდა: კაპიტალიზმი გერმანიაში მეტს ველარ განვითარდება იმ წინააღმდეგობათა გამო, რომელიც მას ახახიათებს; შინაგანი ბაზარი უკვე ავსებულა; მოხახლეობის მყიდველობითი ძალა ეცემა, გარეშე ბაზრის დაპყრობა ნაკლებ შესაძლებელია და ამიტომ დამმუშავებელ მრეწველობაში ჩაბმულ მუშათა რიცხვი აუცილებლად სულ უფრო და უფრო უნდა კლებულობდესო. ასეთს თვალსაზრისზე დადგა ჩვენ მიერ არა ერთხელ მოხსენებული ეურნალი „Der Gesellschafts-Spiegel“, მაშინდელი გერმანელი უტოპისტების ერთი უმთავრესი ორგანოთაგანი მას შემდეგ, რაც ლ. ბულის საინტერესო ბროშურა გამოქვეყნდა: *Audetzungen über die Noth der arbeitenden Klassen und über die Aufgabe der Vereine zum Wohl derselben. Berlin. 1845.*

ბული შეეკითხა თავს: შესძლებენ თუ არა კავშირები მუშათა კლასის კეთილდღეობის ამოცანის გადაქრას? ხოლო ამ კითხვაზე პასუხის გასაცემად მან წამოაყენა მეორე საკითხი, სახელდობრ იმის შესახებ, თუ რა იწივეს დღეს მუშათა კლასის სიღარიბეს?

ლატაკი და პროლეტარი ერთი და იგივე როდიაო, ამბობს ბული. ლატაკს არ სურს ან არ შეუძლია მუშაობა, პროლეტარი კი დაეძებს სამუშაოს; მას იმისი უნარი აქვს, მაგრამ სამუშაო არსადაა და იგი სილატაკეში ვარდება. ძველად ეს მოვლენა სრულიად უცნობი იყო, თუმცა ყოველთვის იყვენ ლატაკნი და ჩაგრულნი, მაგალითად, ყმები.

როგორ გაჩნდა პროლეტარი? იგი წარმოშვა კონკურენციამ. კონკურენციამ დაამსხვრია წარმოების შემბოჰველი ბორკილები და გამოიწვია მრეწველობის არაჩვეულებრივი აყვავება. მაგრამ იგივე კონკურენცია აიძულებს მესარეწიეებს დასწიონ თავიანთი პროდუქტების ფასი. ამიტომ ისინი ცდილობენ შეამცირონ ხელფასი ან მუშათა რიცხვი. ამ მიზნის მიღწევა შესაძლებელი ხდება მანქანათა გაუმჯობესებით, რომელიც მრავალ მუშას ქუჩაზე ერეკება. გარდა ამისა, ხელოსნებიც ვერ უძლებენ სამანქანო წარმოების კონკურენციას და ისინიც პროლეტარდებიან. ხელფასი სულ უფრო და უფრო ეცემა. ბული მიგვითრთებს ჩითის წარმოების მაგალითზე, რომელიც ჰყვავოდა გერმანიაში ჯერ კიდევ მეოცე წლებში. მაშინ ხელფასი მეტად მაღალი იყო. კარგ მუშას ერთი კვირის განმავლობაში შეეძლო 18-20 ტალერი მიეღო. მაგრამ ფეხი მოიკიდა მანქანურმა წარმოებამ, ამასთან ერთად შესაძლებელი გახდა ქალისა და ბავშვის შრომის გამოყენება, და ხელფასიც საშინლად დაეცა. თავისუფალი კონკურენციის პრინციპი, სადაც-

კი ის ბატონობს, ყოველთვის და ყოველგან ასეთს შედეგს იწვევს. მას მიყვებათ ჰარბ წარმოებამდე, ეს უკანასკნელი კი უმუშევრობას იწვევს. და რაც უფრო წინ მიდის მსხვილი მრეწველობა, მით უფრო იზრდება უმუშევრობა, მით უფრო ნაკლები ხდება სამრეწველო საწარმოში ჩაბმულ მუშათა რიცხვი. რომ ეს სწორედ ასეა, იმ გარემოებითაც მტკიცდება, რომ აღნიშნულ უბედურებათ ადგილი აქვთ მხოლოდ სამრეწველო ქვეყნებში, სამიწათმოქმედო ქვეყნები-კი არ იცნობენ მათ. მაგრამ თავისუფალი კონკურენციით შექმნილი მდგომარეობა მეტად სახიფათოა საზოგადოებისათვის (für die Gesellschaft), და ამიტომ საზოგადოებას არ შეუძლია მას გულგრილად უყუროს. როგორ უნდა მოიქცეს საზოგადოება? აქ ბული აყენებს კითხვას, რომელსაც მის თხზულებაში მთავარი ადგილი უჭირავს: საზოგადოდ შეუძლია თუ არა რომელიმე კავშირს აღმოფხვრას მუშათა კლასის სილატაკე?

მუშათა კლასის დამხმარე ბერლინის [ადგილობრივმა კავშირმა მიზნად დაისახა „არა იმდენად არსებული სილატაკის მოსპობა, რამდენად მომავალში მისი წარმოშობისათვის ხელის შეშლა“. სწორედ ამ კავშირს მიმართავს ბული დასახელებულ წერილში. როგორ გახდით შეუძლებლად მომავალში სილატაკის წარმოშობას, — კითხულობს იგი, — რა ზომებს მიმართავთ თქვენ ამისათვის? თანამედროვე მუშის სილატაკე გამოწვეულია შრომის მოთხოვნის ნაკლებობით. მუშისთვის საჭიროა არა მოწყალება, არამედ სამუშაო. როგორ გააჩენს კავშირი სამუშაოს? შრომის მოთხოვნის გასადიდებლად საჭიროა გაიზარდოს შრომის პროდუქტის მოთხოვნა. ეს მოთხოვნა კი კლებულობს მშრომელი მასის ხელფასის შემცირების გამო. ან იქნებ კავშირი შესძლებს ახალი ბაზრის აღმოჩენას? ბული არც ამას თვლის შესაძლებლად. იგი იმ დასკვნამდე მიდის, რომ ის ამოცანა, რომელიც ბერლინის კავშირმა დაისახა, მხოლოდ „კეთილი ილიაუნაა“.

ბული ურჩევს ბერლინის კავშირს უფრო ღრმად ჩაუკვირდეს მუშათა კლასის სილატაკის მიზეზს, სანამ მასთან ბრძოლას დაიწყებდეს. პალიატივებს ის მნიშვნელობას არ აძლევს. „შრომის ბირჟას, შემნახველსა და საპენსიო საღაროებს და სხვ. შეუძლია რამდენიმე ცალკე პირთა მდგომარეობის გაუმჯობესება, მაგრამ ბოროტებას ძირ-ფესვიანად ვერ აღმოფხვრის“. ბოროტებას ძირ-ფესვიანად ვერც ასოციაციები აღმოფხვრიან: „ასოციაციებიც ვერ აცლებიან კონკურენციის მძიმე აუცილებლობას (dura necessitas)...“

თუ რა იყო, თვით ბულის აზრით, ბოროტების აღმოფხვრის საშუალება, — ამაზე გარკვეულ პასუხს არ იძლევა მისი ბროშურა. ის

გაკერით ამბობს, რომ ამისათვის საჭიროა სახელმწიფოს ჩარევა, თუმცა ამასთანავე დასძინს ასეთი ჩარევის შედეგი ხაეჭვო იქნებოდაო. ასეა თუ ისე, ამ ბროშურამ დიდი შთაბეჭდილება მოახდინა მაშინდელ გერმანელ ინტელიგენციაზე. და სრულიადაც არა სასოწარკვეთილების აზრით. პირიქით, მასში დაინახეს შრომის ორგანიზაციის აუცილებლობის ახალი საბუთი.

აი რას ამბობს ბულის ბროშურის შესახებ ჟურნალი „Der Gesellschafts-Spiegel“.

„ცნობილმა ბერლინელმა მწერალმა ლ. ბულმა გამოსცა თხზულება სათაურით „Andeutungen etc.“... იგი ფიქრობს, და ჩვენც ვეთანხმებით მას, რომ მუშათა კლასის უმწეობა წარმოსდგება საწარმოო ძალთა სიჭარბისაგან; რომ ეს სიჭარბე თავისუფალი კონკურენციის, ფიზიკასა და მექანიკაში ახალ აღმოჩენათა შედეგია; რომ ამჭრობასა და კორპორაციებთან დაბრუნება ისეთივე მავნებელი იქნებოდა, როგორც აღმოჩენებისა და გამოგონებისათვის ხელის შეშლა; რომ, ამიტომ არსებულ საზოგადოებრივ პირობებში (ხაზგასმულია რეცენზენტის მიერ) არ არსებობს ნამდვილი საშუალება მუშათა დასახმარებლად. თუ დაუშვებთ, რომ თანამედროვე ეგოისტური კერძოკაპიტალისტური ურთიერთობანი უცვლელი დარჩებიან, მაშინ უნდა დავეთანხმოთ ბულს, რომ არავითარ კავშირს არ ძალუძს მოსპოს არსებული სილატაკე. მაგრამ ასეთი დაშვება სრულიადაც არაა აუცილებელი. პირიქით, შეიძლება წარმოიშვეს და კიდევაც ჩნდება კავშირები, რომელნიც მიზნად ისახავენ მშვიდობიანი გზით მოსპონ ჩვენი საზოგადოების ზემოაღნიშნული ეგოისტური საფუძველი. საჭიროა მხოლოდ, რათა მთავრობა არ აბრკოლებდეს კავშირების ასეთ საქმიანობას“.

ცხადია, რეცენზენტმა ვერ გაიგო ან და არ გაიგო ბულის აზრი, მაგრამ ამას ჩვენთვის მნიშვნელობა არა აქვს. ჩვენ მივმართეთ გერმანიას იმისთვის, რათა მისი ისტორიის გაკვეთილებით უკეთ შეგვესწავლა თანამედროვე რუსეთის ზოგი გონებრივი მიმდინარეობა. ამ მხრით-კი მეორმოცე წლების გერმანიის ინტელიგენციის მოძრაობა ჩვენთვის ბევრ საგულისხმო რასმე შეიცავს.

ჯერ ერთი, ბულის არგუმენტაცია გვაგონებს ბ. ნ.-ონ-ის არგუმენტაციას. როგორც ერთი, ისე მეორეც იწყებს იმით, რომ შრომის მოთხოვნის შეკვეცის და, მასთანადავს, მუშათა რიცხვის შედარებითი შემცირების მიზეზად საწარმოო ძალთა განვითარებას ასახელებს. ორივე ლაპარაკობს შინაგანი ბაზრის კარბ დატვირთვაზე და სამუშაო ძალის მოთხოვნის შემცირების აქედან გამომდინარე აუცილებლობაზე. ბულს, რო-

გორც ჩანს, შესაძლებლად არ მიაჩნდა გერმანიის მიერ გარეშე ბაზრის დაპყრობა; ბ. ნ. — ონი გადაქრით უარპყოფს ამ შესაძლებლობას რუს მრეწველთათვის. ბოლოს, არც ერთი მათგანი საკითხს უცხოეთის ბაზრის შესახებ არ იკვლევს; არც ერთს მათგანს თავისი აზრის სასარგებლოდ არც ერთი სერიოზული საბუთი არ მოჰყავს.

თავის გამოკვლევიდან ბულს არ გამოჰყავს სხვა რაიმე გარკვეული დასკვნა, გარდა იმისა, რომ სანამ მუშათა კლასს დაეხმარებოდეთ, საჭიროა კარგად ჩაუფიქრდეთ მის მდგომარეობას. ბ. ნ. — ონი მიდის იმ დასკვნამდე, რომ საზოგადოების წინაშე სდგას, მართალია ძნელი, მაგრამ მაინც ისეთი ამოცანა, რომლის გადაჭრა არაა შეუძლებელი — ჩვენი ნაციონალური წარმოების ორგანიზაცია. მაგრამ თუ ბულის შეხედულებებს იმ მოსაზრებით შევავსებთ, რომელიც მათი შესახებ გამოთქვა ჟურნალი Der Gesellschafts-Spiegel-ის ჩვენ მიერ მოხსენებულმა რეცენზენტმა, მაშინ მივიღებთ სწორედ ბ. ნ. — ონის დასკვნას. ბ. ნ. — ონი = ბულს + რეცენზენტი. ეს „ფორმულა“-კი აი რა აზრებს იწვევს ჩვენში.

ბ. ნ. — ონს ჩვენში მარქსისტს, და ერთად ერთ ქეშმარიტ მარქსისტს უწოდებენ. მაგრამ განა შეიძლება ითქვას, რომ ბულისა და რეცენზენტის შეხედულებათა ჯამი გერმანიის მე-40 წლების მდგომარეობაზე უდრის მარქსის შეხედულებას ამავე მდგომარეობაზე? სხვა სიტყვით, იყო თუ არა რეცენზენტით შევსებული ბული მარქსისტი და ამასთანავე ერთად ერთი ქეშმარიტი მარქსისტი, მარქსისტი par excellence? — რასაკვირველია, არა. იმის გამო, რომ ბული აღნიშნავდა წინააღმდეგობას, რომელშიაც, საწარმოო ძალთა განვითარების წყალობით, კაპიტალისტური საზოგადოება ჩავარდა, მაინც არ შეიძლება ითქვას, რომ იგი მარქსის თვალსაზრისზე იდგა. იგი ამ წინააღმდეგობას მეტად განყენებული თვალსაზრისით განიხილავდა და სწორედ ამის გამო მის გამოკვლევას თავისი ხასიათის მიხედვით მარქსის შეხედულებებთან არაფერი ჰქონდა საერთო. ბულის სიტყვები გვაფიქრებინებდა, რომ გერმანიის კაპიტალიზმს დღეს თუ არა ხვალ ჩაჰკლავს თვით მისივე განვითარება, რომ მას მეტი გზა არა აქვს, რომ სარეწავებში საბოლოოდ გაბატონებულია კაპიტალისტური წესი და რომ გერმანელი მუშების რიცხვი სწრაფად შემცირდება. ასეთი აზრი მარქსს არ გამოუთქვამს. პირიქით, მე-40 წლების დასასრულს და განსაკუთრებით-კი მე-50 წლების დასაწყისში, როცა მას ლაპარაკი უხვდებოდა გერმანიის კაპიტალიზმის უახლოესი მომავლის შესახებ — იგი სულ სხვას ამბობდა. მხოლოდ იმ ხალხს შეეძლო გერმანელ ნ. — ონების

კეშმარიტ მარქსისტებად მიჩნევა, რომელსაც სრულად არ ეძიოდა მისი შეხედულებანი<sup>1)</sup>.

გერმანელი ნ. — ონები სწორედ ისე განყენებულად მსჯელობდენ, როგორც ჩვენი დღევანდელი ბულები და ფოლგრაფები. იმსჯელო განყენებულად ნიშნავს იმას, რომ შეცთომა დაუშეა იმ შემთხვევაშია ცი, როცა საესებით მართალ პრინციპებს ემყარები. იცი თუ არა, მკითხველო, რა არის დ'ალამბერის ანტიფიზიკა? დ'ალამბერი ამბობდა: სრულიად უდავო ფიზიკური კანონების საფუძველზე სინამდვილეში სრულიად შეუძლებელ მოვლენათა აუცილებლობას და ემტყციებო. საჭიროა მხოლოდ ყოველი კანონის მოქმედების შესწავლის დროს დროებით დაევიწყოთ ამ კანონის მოქმედების სახის შემცვლელი სხვა კანონის არსებობაო. შედეგს უთუოდ სრულიად სულელურს მივიღებთ. ამის დასამტყციებლად დ'ალამბერს მოჰყავდა რამდენიმე მართლაც შესანიშნავი მაგალითი და აპირებდა კიდევ თავისუფალ დროს დაეწერა მთელი ანტიფიზიკა. ბ. ბ. ფოლგრაფები, ნ. — ონები უკვე სწერენ კიდევ სერიოზულად ანტიეკონომიას. მათი მეთოდი ასეთია: ისინი იღებენ ცნობილ უდავო ეკონომიურ კანონს; სწორად აღნიშნავენ მის ტენდენციას; შემდეგ ივიწყებენ, რომ ამ კანონის განხორციელება სინამდვილეში მთელი ისტორიული პროცესია, და ისე გვიხატავენ საქმის ვითარებას, თითქოს ამ კანონის ტენდენცია სრულიად განხორციელებულია იმ დროისთვის, როცა ისინი თავის გამოკვლევების წერას იწყებენ. მაგრამ თუ ვინმე ფოლგრაფი, ბული ან ნ. — ონი ცუდად მონელებულ სტატისტიკურ მასა-

<sup>1)</sup> მაშინდელ გერმანიაში იყვენ ბევრი სხვადასხვა მიმართულების ნ. — ონები. ყველაზე უფრო შესანიშნავი იქნებ კონსერვატიული მიმართულება იყო. ასე, მაგალითად, D-r კარლ ფოლგრაფმა, Ordentliche Professor-მა der Rechte მეტად გრძელ ხათაურიან ბროშურაში („Von der über und unter ihr naturnothwendiges Maaß erweiterten und herabgedrückten Concurrenz in allen Nahrungs und Erwerbszweigen des bürgerlichen Lebens, als der nächsten Ursache“ des allgemeinen, alle Klassen mehr oder weniger drückenden Nothstandes in Deutschland, insonderheit des Getreidewuchers, sowie von den Mittel zu ihrer Abstellung. Darmstadt. 1848) მოკვცა „გერმანელების სამშობლოს“ ეკონომიური მდგომარეობის სურათი, რომელიც განსაკვიფრებლად წააგავს რუსეთის ეკონომიური მდგომარეობის იმ სურათს, რომელიც მოცემულია წიგნში: „Очерки нашего пореформенного общества и хозяйства“. ფოლგრაფიც საქმის ვითარებას ისე აღწერდა, თითქოს საწარმოო ძალთა განვითარებას „თავისუფალი კონკურენციის ზეგავლენით“ უკვე გამოეწვიოს მრეწველობაში ჩაბმულ მუშათა რიცხვის შედარებითი შემცირება. უმუშევრობის გააღლენას შინაგანი ბაზრის მდგომარეობაზე ის უფრო ვრცლად აგვიწერს, ვიდრე ბული. მრეწველობის ერთი დარგის მწარმოებლები იმავე დროს მეორე დარგის

ლას დაახუბულავენ, წარა-მარა მარქსის დამოწმებას იწყებს, მაშინ მისი „ნარკვევი“ მიიღებს დამარწმუნებელი, მეცნიერული გამოკვლევის ხასიათს მსგავსად „კაპიტალი“-სა. მაგრამ ეს ილიუზიაა და მეტი არაფერი.

ფოლგრაფმა რომ, მაგალითად, მისი თანამედროვე გერმანეთის ეკონომიური ცხოვრების ანალიზის დროს, ბევრი რამ უყურადღებოდ დასტოვა, იმ უდავო გარემოებითაც მტკიცდება, რომ სრულიად არ გამართლდა მისი წინასწარმეტყველება ამ ქვეყნის „საზოგადოებრივი ორგანიზმის გახრწნის“ შესახებ. ხოლო იმ გარემოებას, რომ ბ. ნ.—ონი ამაოდ იმოწმებს მარქსს ისე, როგორც ბ. ი. ჟუკოვსკი ხშირად ამაოდ მიმართავდა ინტეგრალურ გამოანგარიშებას,—ადვილად მიხვდება დიდად პატივცემული ს. ნ. კრივენკოც-კი.

წინააღმდეგ იმ ხალხის შეხედულებისა, რომელიც მარქსს ცალმხრივობას უსაყვედურებს, ეს მწერალი არასოდეს არ განიხილავდა განსაზღვრული ქვეყნის ეკონომიურ მოძრაობას იმ საზოგადოებრივი ძალებთან კავშირის გარეშე, რომელნიც წარმოიშობიან მის ნიადაგზე და თითონ თავისი მხრით გავლენას ახდენენ მის შემდგომ მიმართულებაზე (ბ. ს. ნ. კრივენკო, ეს თქვენთვის ჯერ კიდევ არ არის სრულიად ნათელი, მაგრამ იქონიეთ მოთმინება!). თუ მოცემულია განსაზღვრული ეკონომიური მდგომარეობა, ამით მოცემულია განსაზღვრული საზოგადოებრივი ძალებიც, რომელთა მოქმედებაც აუცილებლად თავის გავლენას იქონიებს ამ მდგომარეობის შემდგომ განვითა-

პროდუქტთა მომხმარებლები არიან, მაგრამ რადგანაც უმუშევრობა მწარმოებლებს გადახდის უნარს უსპობს, ამიტომ მოთხოვნა მცირდება, რის გამოც უმუშევრობა საყოველთაო მოვლენა ხდება და წარმოიშობა სრული პაუპერიზმი (völliger Pauperismus). და რადგანაც კონკურენციის წყალობით გლეხობაც ნადგურდება, ამიტომ მთელი საქმიანობა სრულიად ქვეითდება. საზოგადოებრივი ორგანიზმი იხრწნება, მისი ფიზიოლოგიური პროცესები გამხეცებულ მასას აჩენს, შიშშილი კი ამ მასაში მღელვარებას ჰბადებს, რომლის წინააღმდეგ უძლურია სახელმწიფო სასჯელი და იარაღიც-კი. თავისუფალი კონკურენცია აკუწმანჭებს სოფლად გლეხთა ნაკვეთებს. გლეხის არც ერთს მეურნეობაში არ არის საშუალო ძალის მთელი წლის განმავლობაში საკმარისი გამოყენების შესაძლებლობა. ამრიგად მრავალ სოფელში, განსაკუთრებით მცირე ნაყოფიერ ადგილებში თითქმის სრულიად ისე, როგორც ირლანდიაში, ღატაკი გლეხები უსაქმოდ ატუზულან თავიანთი ქოხების წინ. არც ერთს მათგანს ძალა არ შესწევს დაეხმაროს მეორეს, რადგან თითოეული მათგანს ძალიან ცოტა რამ გააჩნია, ყველა სამუშაოს დაეძებს, მაგრამ ვერ შოულობს მას. ფოლგრაფმა თავისი მხრით „თავისუფალი კონკურენციის“ გამანადგურებელ მოქმედებასთან საბრძოლველად გამოიგონა ღონისძიებათა მთელი რიგი, თუმცა არა იმ ხასიათის, როგორსაც იძლევა სოციალისტური ჟურნალი: „Der Gesellschafts-Spiegel“.



რებაზე (მოთმინება ხომ არ გეკარგებათ, ბ. კრივენკო? აი თვალსაჩინო მაგალითიც). მოცემულია ინგლისის თავდაპირველი კაპიტალისტური დაგროვების პერიოდის ეკონომია. ამით მოცემულია ის საზოგადოებრივი ძალები, რომელიც, სხვათა შორის, წარმოდგენილია ინგლისის პარლამენტში. ამ საზოგადოებრივ ძალთა მოქმედება წარმოადგენდა არსებული ეკონომიური მდგომარეობის შემდგომი განვითარების აუცილებელ პირობას, ხოლო ამ მოქმედების მიმართულებას განსაზღვრავდა ამ მდგომარეობის თვისებები.—მოცემულია თანამედროვე ინგლისის მდგომარეობა; ამით მოცემულია მისი თანამედროვე საზოგადოებრივი ძალები, რომელთა მოქმედების გაელენა თავს იჩენს ინგლისის მომავალ ეკონომიურ განვითარებაში. როცა მარქსი გართული იყო იმ მუშაობით, რასაც ზოგიერთი „მკითხაობად“ ნათლავს, მაშინ იგი მხედველობაში იღებდა ამ საზოგადოებრივ ძალებს და სრულიად არ ფიქრობდა, რომ მათი მოქმედების შეჩერება თვითნებითად შეუძლია იმ ადამიანთა ამა თუ იმ ჯგუფს, რომელნიც ძლიერნი არიან მხოლოდ თავისი წარმტაცი განზრახვებით, („Mit der Gründlichkeit der geschichtlichen Action wird der Umfang der Masse zunehmen, deren Action sie ist“).

მეორმოცე წლების გერმანელი უტოპისტები სხვაგვარად მსჯელობდნენ. როცა ისინი გარკვეულ ამოცანას ისახედნენ, მათ მხედველობაში ჰქონდათ მხოლოდ თავისი ქვეყნის ეკონომიური მდგომარეობის უხერხულობანი და ავიწყდებოდათ იმ საზოგადოებრივი ძალების გამოკვლევა, რომელიც ამ მდგომარეობაზე აღმოცენდა. ჩვენი ხალხის ეკონომიური მდგომარეობა სავალალოაო,—მსჯელობდა ზემოხსენებული რეცენზენტი—მაშასადამე, ჩვენ წინაშე, მართალია, ძნელი, მაგრამ მაინც ისეთი ამოცანაა, —წარმოების ორგანიზაცია—რომლის გადაჭრა შეუძლებელ რასმე არ წარმოადგენს. მაგრამ—შეუშლიან თუ არა ხელს ამ ორგანიზაციას სწორედ ის საზოგადოებრივი ძალები, რომლებიც ამ სავალალო ეკონომიურ მდგომარეობაზე აღმოცენდნენ? ასეთ კითხვას არ აყენებდა კეთილი განზრახვების მქონე რეცენზენტი. უტოპისტი არასოდეს ჯეროვან ანგარიშს არ უწევს თავისი დროის საზოგადოებრივ ძალებს იმ უბრალო მიზეზის გამო, რომ იგი, მარქსის თქმით, თავის თავს ყოველთვის საზოგადოების მალა აყენებს. და ამავე მიზეზის გამო, იმავე მარქსის თქმით, უტოპისტის ყველა გეგმა „ohne Wirth gemacht“ წარმოადგენს და მთელი მისი „კრიტიკა“ არის ყოველგვარი კრიტიკის უარყოფა, სინამდვილის კრიტიკულად განხილვის უნარის სრული უქონლობა.

წარმოების ორგანიზაცია განსაზღვრულ ქვეყანაში შეიძლება ეხოლოდ იმ საზოგადოებრივ ძალთა მოქმედების შედეგი იყოს, რომელთაც ადგილი აქვთ ამ ქვეყანაში. რაა საჭირო წარმოების ორგანიზაციისთვის? მწარმოებელთა შეგნებული დამოკიდებულება, მთელი თავისი სირთულითა და მთლიანობით აღებული, საწარმოო პროცესისადმი. სადაც ჯერ კიდევ ადგილი არა აქვს ასეთ შეგნებულ დამოკიდებულებას, იქ წარმოების ორგანიზაციის უახლოესი საზოგადოებრივი ამოცანის სახით წამოყენება მხოლოდ ისეთ ხალხს შეუძლია, რომელიც თავის სიცოცხლეში გაუსწორებელი უტოპისტი რჩება, თუ გინდ მათ ხუთ მილიარდჯერ განიმეორონ მარქსის სახელი დიდი პატივისცემით. რას ამბობს მწარმოებელთა შეგნებაზე ბ. ნ.—ონი თავის ცნობილ წიგნში?—სრულიად არაფერს: იგი მთელ თავის იმედს „საზოგადოების“ შეგნებაზე ამყარებს. თუ ამას შემდეგ შეიძლება და აუცილებელია ბ. ნ.—ონს ქეშმარიტი მარქსისტი უწოდოთ,—მაშინ ჩვენ არ ვიცით, თუ რატომ არ შეიძლება აღვიაროთ ბ. კრივენკო ჩვენი დროის ერთად ერთ ნამდვილ ჰეგელიანელად, ჰეგელიანელად *par excellence*.

მაგრამ დროა გავათავოთ. რა შედეგამდე მიგვიყვანა ჩვენმა შედარებით-ისტორიულმა მეთოდმა? თუ არ ვსცდებით აი ასეთ შედეგამდე.

1) გეინცენის და მის თანამოაზრეთა შეხედულება, თითქოს მარქსი თავის საკუთარმა თვალსაზრისმა უმოქმედობამდე მიიყვანა გერმანიაში, სისულელე აღმოჩნდა. ასეთივე ყალბი აღმოჩნდება ბ. მიხაილოვსკის შეხედულებაც იმის შესახებ, თითქოს მარქსის თვალსაზრისზე მდგომი ხალხი რუსეთს მოუტანდეს არა სარგებლობას, არამედ ზარალს.

2) ბულების და ფოლგრაფების შეხედულებანი გერმანიის მაშინდელი ეკონომიური მდგომარეობის შესახებ ვიწრო, ცალმხრივი და მცდარი აღმოჩნდნენ თავის აბსტრაქტულობის გამო. უნდა ვიფიქროთ, რომ რუსეთის მომავალი ეკონომიური ისტორია ბ. ნ.—ონის თვალსაზრისის ასეთსავე ნაკლს გამოააშკარავებს.

3) ისინი, ვინც მეორმოცე წლების გერმანიაში თავის უახლოეს ამოცანად წარმოების ორგანიზაციას ისახავდა, უტოპისტები იყვნენ. ასეთივე უტოპისტები არიან ისინიც, რომლებიც ფიქრობენ წარმოების ორგანიზაციაზე ღღევანდელ რუსეთში.

4) ისტორიამ მეორმოცე წლების უტოპისტების ილიუზია სრულიად გააქარწყლა. გვაქვს საფუძველი ვიფიქროთ, რომ ასეთივე ბედი ეწვევა ჩვენი რუსი უტოპისტების ილიუზიებსაც. ისტორიამ მწა-

რედ დასცინა პირველთ, გულის ტკივილით ვგრძნობთ, რომ ასევე მოექცევა ის რუს უტოპისტებსაც.

მაგრამ, ნუთუ ამ ილიუზიებმა არავეთარო სარგებლობა არ მოუტანა გერმანელ ხალხს? ეკონომიური მხრით სრულიად არავეთარი, ან, თუ გნებავთ უფრო სწორედ, თითქმის არავეთარი. საექვოა, რომ შინა-მრეწველობის ნაწარმოებთა გასასაღებელ ყველა ამ ბაზარს და მწარმოებელთა ასოციაციის შედგენის ყველა ამ ცდას რამდენიმე ასეული გერმანელი მწარმოებლისთვის მდგომარეობა შეემსუბუქებინოს. მაგრამ მათ ხელი შეუწყვეს ამ მწარმოებელთა თვითშეგნების გამოფხიზლებას და ამით მათ დიდი სარგებლობა მოუტანეს. ასეთივე სარგებლობა პირდაპირი და არა შემოვლილი გზით მოიტანა გერმანელი ინტელიგენციის განმანათლებელმა მოღვაწეობამ: სკოლებმა, სახალხო სამკითხველოებმა და სხვ. გერმანელი ხალხისათვის კაპიტალისტური განვითარების საზარალო შედეგი ყოველ ცალკე შემთხვევაში შეიძლებოდა შესუსტებულიყო ან აცილებულიყო მხოლოდ იმდენად, რამდენადაც გერმანელ მწარმოებელთა თვითშეგნება განვითარდებოდა. მარქსს ეს უტოპისტებზე უკეთ ესმოდა და ამიტომ მისი მოღვაწეობა უფრო სასარგებლო აღმოჩნდა გერმანელი ხალხისთვის.

უეჭველია, იგივე განმეორდება რუსეთშიაც. ბ. ს. ნ კრივენკო ჟურნალ „Русское Богатство“-ს 1894 წლის ოქტომბრის ნომერში „ცოდვილობს“—როგორც ჩვენში იტყვიან—რუსეთის წარმოების ორგანიზაციისთვის. ვერავეთარ კირს ვერ აგვაცილებს, ვერავეთარ ვააბედნიერებს ამით ბ. ს. ნ. კრივენკო. მისი „ცოდვილობა“ ულაზათო და უნაყოფოა. მაგრამ, თუ ისინი, მიუხედავად ყველა ამ უარყოფითი თვისებისა, თუ გინდ ერთი მწარმოებლის თვითშეგნებას გამოაფხიზლებენ, მაშინ შეიძლება ითქვას, რომ ბ. კრივენკო მარტო იმიტომ კი არ სცხოვრობდა ქვეყნად, რომ მხოლოდ ლოდიკური შეცთომები ჩაედინა ან ყალბად ეთარგმნა რუსულად მისთვის „არასასიამოვნო“ წერილებიდან ადგილები. ჩვენი კაპიტალიზმის საზარალო შედეგებთან ბრძოლა ჩვენშიაც შესაძლო იქნება მხოლოდ იმდენად, რამდენადაც განვითარდება მწარმოებლის თვითშეგნება.

ამ ჩვენი სიტყვებიდან ბ. ბ. სუბიექტივისტებს შეუძლიანთ დაინახონ, რომ ჩვენ სრულებითაც არა ვართ „ტლანქი მატერიალისტები“. თუ ჩვენს თვალსაზრისს შეიძლება „ვიწრო“ ვუწოდოთ, მხოლოდ ერთი გაგებით: იმიტომ, რომ ჩვენ, პირველ ყოვლისა, მიზნად ვისადავთ სრულიად იდეალისტურ ამოცანას.

ეხლა-კი ნახვამდის ბ. ბ. მოწინააღმდეგენო. ჩვენ აქედანვე განვიცდით ყველა იმ უდიდეს კმაყოფილებას, რასაც თქვენი პასუხი მოგვიტანს. მხოლოდ ყური უგდეთ ბატონებო, ბ. ს. ნ. კრივენკოს. მართალია, იგი არც ისე ცუდად სწერს, ყოველ შემთხვევაში, გრძნობით, მაგრამ რას სწერს, თითონაც არ უწყის!

---

**ერთხელ კიდევ ბ. მიხაილოვსკი, ერთხელ კიდევ  
„ტრიადა“**

„Русское Богатство“-ს ოქტომბრის ნომერში ბ. მიხაილოვსკიმ ბ. პ. სტრუვესთან კამათის დროს კიდევ გამოთქვა რამდენიმე მოსაზრება ჰეგელის ფილოსოფიაზე და „ეკონომიურ“ მატერიალიზმზე.

მისი სიტყვით, ისტორიის მატერიალისტური გაგება და ეკონომიური მატერიალიზმი ერთი და იგივე არაა. ეკონომიურ მატერიალისტებს ყველაფერი ეკონომიიდან გამოჰყავთ. „მაგრამ თუ მე საზოგადოების არა მარტო იურიდიული და პოლიტიკური დაწესებულებების, ფილოსოფიური და სხვა შეხედულების, არამედ აგრედვე მისი ეკონომიური სტრუქტურის ფესვის ანუ ფუნდამენტის ძებნას დავიწყებ მისი წევრების რასიულს ან ტომობრივ თავისებურებაში: მათი თავის ქალის სიგრძის და სივანის დიამეტრის ურთიერთ შეფარდებაში, სახის კუთხის ხასიათში, ყბის სიდიდესა და მიმართულებაში, მკერდის ოდენობაში, კუნთების ძალაში და სხვ., ან და, მეორეს მხრით, წმინდა გეოგრაფიულ ფაქტორებში: ინგლისის კუნძულობრივ მდებარეობაში, აზიის ნაწილის ველიანობაში, შვეიცარიის ზედაპირის მთა-გორიანობაში, ჩრდილოეთის მდინარეთა, გაყინვის ხანგრძლივობაში და სხვ., — განა ეს ისტორიის მატერიალისტური გაგება არ იქნება? ცხადია, რომ ეკონომიური მატერიალიზმი, როგორც ისტორიული თეორია, ისტორიის მატერიალისტური გაგების მხოლოდ კერძო შემთხვევაა...“<sup>1)</sup>.

მონტესკიე ცდილობდა ხალხთა ისტორიული ბედი წმინდა გეოგრაფიული ფაქტორებით აეხსნა. რამდენადაც იგი ამ თვალსაზრისს ბოლომდე ატარებდა, ამდენად, უეჭველია, ის მატერიალისტი იყო. თანამედროვე დიალექტიკური მატერიალიზმი, როგორც დავინახეთ, არ უარჰყოფს გეოგრაფიული გარემოს გავლენას საზოგადოების გან-

„Русское Богатство“, ოქტომბერი 1894 წ., განკ. II, გვ. 50.

ვითარებაზე. ის მხოლოდ უკეთ ხსნის, თუ რა გზით მოქმედებს გეოგრაფიული ფაქტორები „საზოგადოებრივ ადამიანზე“. იგი ცხადპყობს, რომ გეოგრაფიული გარემო მეტს თუ ნაკლებ შესაძლებლობას უქმნის ადამიანს საწარმოო ძალთა განვითარებისათვის და ამით მეტი თუ ნაკლები სისწრაფით მიაქანებს მას ისტორიული განვითარების გზაზე. მონტესკიე ასე მსჯელობდა: ესა თუ ის გეოგრაფიული გარემო განსაზღვრავს ადამიანთა ამა თუ იმ ფიზიკურს და ფსიქიურ თვისებებს, ეს თვისებები-კი იწვევს განსაზღვრულ საზოგადოებრივ წყობილებას. დიალექტიკური მატერიალიზმი ააშკარავებს, რომ ასეთი მსჯელობა არადადამკაყოფილებელია, რომ გეოგრაფიული გარემოს გავლენა პირველ ყოვლისა და მეტის მეტი სიძლიერით თავს იჩენს საზოგადოებრივ ურთიერთობათა ხასიათში, რომელნიც თავისი მხრით, გაცილებით უფრო ძლიერ გავლენას ახდენენ ადამიანთა შეხედულებებზე, მათ ჩვეულებებზე და ფიზიკურ განვითარებაზეც-კი, ვიდრე, მაგ., ჰავა. თანამედროვე გეოგრაფიული მეცნიერება (კვლავ მოგაგონებთ მეჩნიკოვის წიგნს და ელიზე რეკლიუს ამ წიგნის წინასიტყვაობას) ამ შემთხვევაში სავსებით ეთანხმება დიალექტიკურ მატერიალიზმს. ეს მატერიალიზმი, რასაკვირველია, კერძო შემთხვევაა მატერიალისტური თვალსაზრისისა ისტორიაზე. მაგრამ ის უფრო სრულად, უფრო ყოველმხრივად არკვევს მას, ვიდრე ამას შესძლებენ სხვა „კერძო შემთხვევები“. დიალექტიკური მატერიალიზმი ისტორიის მატერიალისტური გაგების უმაღლესი საფეხურია.

ჰოლბახი ამბობდა, რომ ხალხთა ისტორიული ბედი ზოგჯერ მთელი საუკუნით იმ შემთხვევითი ატომის მოძრაობით განისაზღვრება, რომელიც უცაბედად საზოგადოებრივი ადამიანის თავში საიდანღაც გაჩნდა. ესეც მატერიალისტური თვალსაზრისი იყო ისტორიაზე. მაგრამ მას სრულიად არ შეეძლო ისტორიულ მოვლენათა ახსნა. თანამედროვე დიალექტიკური მატერიალიზმი გაცილებით უფრო ნაყოფიერია ამ მხრით. იგი, რასაკვირველია, კერძო შემთხვევაა მატერიალისტური თვალსაზრისისა ისტორიაზე, მაგრამ სწორედ ის ერთადერთი კერძო შემთხვევა, რომელიც შეეფერება მეცნიერების თანამედროვე მდგომარეობას. ჰოლბახის მატერიალიზმის უძლურება მის მიმდევართა იდეალიზმთან დაბრუნებით გამოიხატა: „შეხედულებანი მართავენ ქვეყანას“. დიალექტიკური მატერიალიზმი დღეს აძევებს იდეალიზმს თავისი უკანასკნელი პოზიციებიდან.

ბ. მიხაილოვსკის ჰგონია, რომ თანმიმდევარი მატერიალისტი მხოლოდ ის იქნება, რომელიც ყველა მოვლენის ახსნას მოლეკულია-

რული მექანიკის მეშვეობით შესძლებს. თანამედროვე დიალექტიკური-მატერიალიზმი ვერ შესძლებს ისტორიის მექანიკურ ახსნას. თუ გნებავთ, ეს არის მისი სისუსტე. მაგრამ ახერხებს თუ არა თანამედროვე ბიოლოგია სახეების წარმოშობისა და განვითარების მექანიკურ ახსნას?—ვერ ახერხებს. ეს მისი სისუსტეა. გენიოსი, რომელზეც ლაპლასი ოცნებობდა, რასაკვირველია, ასეთ სისუსტეს მოკლებული იქნებოდა, მაგრამ ჩვენ სრულიად არ ვიცით, როდის მოგვევლინება ეს გენიოსი და ვკმაყოფილდებით მოვლენათა ისეთი ახსნით, რომელიც ყველაზე უკეთ შეეფურება ჩვენი დროის მეცნიერებას. ასეთია ჩვენი „კერძო შემთხვევა“.

დიალექტიკური მატერიალიზმი ამბობს: აღამიანთა შეგნება კი არ განსაზღვრავს მათ ყოფას, პირიქით, მათი ყოფა განსაზღვრავს მათ შეგნებას; ფილოსოფიაში კი არა, არამედ საზოგადოების ეკონომიაში უნდა ვეძიოთ მისი არსებული მდგომარეობის გაგების გასაღები. ბ. მიხაილოვსკი ამის გამო რამდენიმე შენიშვნას აკეთებს; ერთი მათგანი ასეთია:

„... მატერიალისტ-სოციოლოგების ძირითადი ფორმულის უარყოფითი ნაწილი შეიცავს პროტესტს ან რეაქციას არა საზოგადოდ ფილოსოფიის წინააღმდეგ, არამედ, როგორც ჩანს, მხოლოდ ჰეგელიანურის. სწორედ იგი „ხნის ყოფას შეგნებით“... ეკონომიური მატერიალიზმის საფუძველმდებელნი—ჰეგელიანელები არიან და ამიტომ, როგორც ასეთნი, ასე დაქინებით იმეორებენ: „არა ფილოსოფია“, „არა შეგნება“... მათ არ ძალუძთ და არც ცდილობენ თავი დააღწიონ ჰეგელიანური აზრის რკალს“<sup>1)</sup>.

ამ სტრიქონების წაკითხვისას, ჩვენ წარმოგვიდგა, რომ აქ ჩვენი ავტორი, ბ. კარეევის მსგავსად, „სინთეზისაკენ“ მიიწევს. რასაკვირველია, ვიფიქრეთ, რომ ბ. მიხაილოვსკის სინთეზი. კარეევის სინთეზზე, უკეთესი იქნება; ბ. მიხაილოვსკი არ დაკმაყოფილდება გ. ი. უსპენსკის მოთხრობის „Неизлечимый“—ის დიაკნის იმ აზრის განმეორებით, რომ „სული განსაკუთრებული ნაწილია“, და რომ „როგორც მატერიას აქვს სხვადასხვა თვისებებზე, სწორედ ასევე სულსაც აქვს თავისი თავისებურებანი“, მაგრამ მაინც ბ. მიხაილოვსკი სინთეზისგან თავს ვერ შეიკავებს: ჰეგელი—თეზისია; ეკონომიური მატერიალიზმი—ანტითეზისი; თანამედროვე რუს სუბიექტივისტთა ეკლექტიზმი—სინთეზი. როგორ არ უნდა მოგვაჯადოვოს ასეთმა „ტრიადამ“<sup>2)</sup>. და იმ ჩვენ გავიხსენეთ, თუ როგორი იყო ნამდვილად მარ-

<sup>1)</sup> იქვე. გვ. 51—52.

ქსის ისტორიული თეორიის დამოკიდებულება ჰეგელის ფილოსოფიასთან.

პირველ ყოვლისა, ჩვენ „შენიშნეთ“, რომ ჰეგელის მიხედვით, ისტორიული მოძრაობის მიზეზს სრულებით არ წარმოადგენს ადამიანთა შეხედულებანი, ადამიანთა ფილოსოფია. „შეხედულებებს“ ისტორიული მოძრაობის მიზეზად XVIII საუკუნის ფრანგი მატერიალისტები ახახელებდნენ. ჰეგელი დასცინოდა ასეთ ახსნას: რასაკვირველია, ამბობდა იგი, გონება მართავეს ისტორიას, მაგრამ იგი ცის მნათობთა მოძრაობასაც ხომ მართავეს, და განა ცის მნათობთ შეგნებული აქვთ თავისი მოძრაობა? კაცობრიობის ისტორიული განვითარება გონივრულია იმ აზრით, რომ იგი კანონზომიერია. ისტორიული მოძრაობის კანონზომიერება ჯერ კიდევ სრულიად იმას არ ამტკიცებს, რომ მისი საბოლოო მიზეზი ადამიანთა შეხედულებებში უნდა ვეძიოთ; სრულიად წინააღმდეგ: ეს კანონზომიერება გვიჩვენებს, რომ ადამიანები თავის ისტორიას შეუგუნებლად ქმნიან.

არ გვახსოვს, ვამბობდით ჩვენ, თუ როგორ სახეს ლებულობს ჰეგელის ისტორიული შეხედულებანი ლიუისის გადმოცემაში. მაგრამ ჩვენ რომ მას არ ვამახინჯებთ, ამაში დაგვეთანხმება ყველა ის, ვისაც წაკითხული აქვს შესანიშნავი „Philosophie der Geschichte“. მაშასადამე, როცა „ეკონომიური“ მატერიალიზმის მომხრენი ამტკიცებენ საზოგადოებრივ ყოფას ფილოსოფია არ განსაზღვრავსო, ამით ისინი ჰეგელს როდი ედავებიან; მაშასადამე, ისინი ამ მხრით მის არავითარ ანტითეზს არ წარმოადგენენ. ეს კი იმას ნიშნავს, რომ ბ. მიხაილოვსკის სინთეზი არ გამოდგება, თუმცა ჩვენი ავტორი არ დაკმაყოფილდება დიაკენის აზრების განმეორებით.

ბ. მიხაილოვსკის აზრით, იმის მტკიცება, რომ ფილოსოფია, ე. ი., ადამიანთა შეხედულებანი არ წარმოადგენენ ისტორიული მოძრაობის მიზეზს; შეიძლებოდა მხოლოდ მეორმოცე წლების გერმანიაში, როცა ჯერ კიდევ ჰეგელის სისტემის წინააღმდეგ არ იყო დაწყებული აჯანყება. ეხლა ჩვენთვის ცხადია, რომ ასეთი შეხედულება, უკეთეს შემთხვევაში, მხოლოდ „ლიუისზეა“ დამყარებული.

თუ რამდენად ცუდად აცნობს ლიუისი ბ. მიხაილოვსკის ფილოსოფიური აზროვნების ისტორიულ მსვლელობას გერმანიაში, გარდა ზემოაღნიშნულისა, გვიჩვენებს შემდეგი გარემოება. ჩვენს ავტორს ალტაცებით მოჰყავს ადგილები ბელინსკის ცნობილი წერილიდან, რომელშიაც ის ემშვიდობება ჰეგელის „ფილოსოფიურ ყალფაკს“. ამ წერილში ბელინსკი, სხვათა შორის, შემდეგს ამბობს: „სუბიექტის, ინდივიდუულის, პიროვნების ბედი უფრო მნიშვნელოვანია, ვიდრე მთე-



ლი ქვეყნის ბედი და ჩინეთის იმპერატორის ჯანმრთელობა (ე. ი ჰეგელის „Allgemeinheit“). ამ წერილის გამო ბ. მიხაილოვსკი ბევრს შენიშნავს, მაგრამ ის ვერ „აჩჩნევს“, რომ ბელინსკის ჰეგელის Allgemeinheit უადგილოდ აქვს მოტანილი. ბ. მიხაილოვსკი, როგორც ჩანს, ფიქრობს, რომ ჰეგელის Allgemeinheit იგეგეა, რაც სული ანუ აბსოლუტური იდეა. მაგრამ ჰეგელისათვის Allgemeinheit არ შეადგენს აბსოლუტური იდეის მთავარ დამახასიათებელ ნიშანსაც-კი, Allgemeinheit-ს შის სისტემაში იმაზე მეტი მნიშვნელობა არა აქვს, რაც Besonderheit-ს ან და Einzelheit-ს. სწორედ ამის გამოა გაუგებარი, თუ რისთვის სახელდობრ Allgemeinheit-ი იწოდება ჩინეთის იმპერატორად და წინააღმდეგ დანარჩენი ორისა (Besonderheit-ის და Einzelheit-ის) იმსახურებს დაცინვას. ეს შეიძლება ისეთ წვრილმანად მოგვეჩვენოს, რაც ამჟამად ყურადღების ღირსი არაა. მაგრამ ეს ასე როდია: ცუდად გაგებული ჰეგელის Allgemeinheit დღემდე ხელს უშლის, მაგალითად, ბ. მიხაილოვსკის გერმანული ფილოსოფიის ისტორიის გაგებაში, — იმდენად უშლის ხელს, რომ „ლიუისიც“-კი ვერ იხსნის მას გასაჭირისგან.

ბ. მიხაილოვსკის აზრით, Allgemeinheit-ის წინაშე ქედის მოხრას ჰეგელი მიჰყავდა პიროვნების უფლებათა სრულს უარყოფამდე. „არ არსებობს ისეთი ფილოსოფიური სისტემაო, — ამბობს იგი, — რომელიც უყურებდეს პიროვნებას ისეთი გამანადგურებელი სიძულვილით და ისეთი (?) ცივი სისასტიკით, როგორც ჰეგელის სისტემა (გვ. 55). ეს შეიძლება მართალი იყოს მხოლოდ „ლიუისის“ მიხედვით. რატომ სთვლიდა ჰეგელი აღმოსავლეთის ისტორიის კაცობრიობის განვითარების პირველ, დაბალ საფეხურად? იმიტომ, რომ იქ განვითარებული არ იყო და დღესაც დაბალ საფეხურზე სდგას პიროვნება. რატომ ლაპარაკობდა ალტაცებით ჰეგელი ძველ საბერძნეთზე, რომლის ისტორიაშიც თანამედროვე ადამიანი თავს ისე გრძნობს, როგორც „თავის სახლში“? იმიტომ, რომ საბერძნეთში განვითარებული იყო პიროვნება („მშვენიერი პიროვნება“ „schöne Individualität“). რატომ ასე ალტაცებით ლაპარაკობდა ჰეგელი სოკრატეზე? რატომ იყო, რომ მან, თითქმის პირველმა ფილოსოფიის ისტორიკოსებს შორის, სამართლიანად შეაფასა სოფისტებიც-კი? ნუთუ იმიტომ, რომ არაფრად მიაჩნდა პიროვნება?

ბ. მიხაილოვსკი მხოლოდ ფეხის ხმას აყოლია.

ჰეგელი არა თუ არ აფასებდა პიროვნებას, არამედ შექმნა გმირთა მთელი კულტი, რომელიც შემდეგ ბრუნო ბაუერმა მთლიანად შემკვიდრებდალ მიიღო. ჰეგელისათვის გმირები მსოფლიო სუ-

ლის იარაღს წარმოადგენენ, და ამ მნიშვნელობით ისინი არ არიან თავისუფალი. ბრუნო ბაუერი აღუდგა „სულს“ და განათავისუფლა „გმირები“. მისთვის „კრიტიკული აზრის“ გმირები წარმოადგენენ ისტორიის ნამდვილ დემიურგებს წინააღმდეგ „მასისა“, რომელიც, მართალია, გაგების უნარის უქონლობით და მოუქნელობით გმირებში სიბრალულს იწვევს, მაგრამ ბოლოს მაინც გმირთა თვითშეგნების მიერ გაკათულ გზაზე დგება. „მასის (ბრბოსი) და გმირების“ დაპირისპირება ბრუნო ბაუერისგან მისმა რუსმა უკანონო-შობილმა შეილებმა გადმოიღეს და ეხლა ჩვენ საშუალება გვაქვს დავეკმაყოფილდეთ მისი ქვრეტით ბ. მიხაილოვსკის წერილებში. ბ. მიხაილოვსკის არ ახსოვს თავისი ფილოსოფიური წინაპრები; ეს არაა მოსაწონი.

ამრიგად, ჩვენ მოულოდნელად მივიღეთ ელემენტები ახალი „სინთეზისთვის“. ჰეგელის კულტი გმირებისა, რომელნიც მსოფლიოსულსე მსახურებიან, თეზისია; „კრიტიკული აზრის“ იმ გმირთა ბაუერის, კულტი, რომელნიც მოხლოდ თავისი „თვითშეგნებით“ ხელმძღვანელობენ—ანტითეზისია; ბოლოს, მარქსის თეორია, რომელიც ათანხმებს ორივე უკიდურესობას და რომელიც უკუაგდებს მსოფლიოს სულს და გმირული თვითშეგნების წარმოშობას გარემოს განვითარებით ხსნის—სინთეზია.

„სინთეზით“ გატაცებულ ჩვენ მოწინააღმდეგეებს უნდა ახსოვდეთ, რომ მარქსის თეორია სრულიად არ იყო პირველი, უშუალო რეაქცია ჰეგელის წინააღმდეგ, რომ პირველს, თავისი ცალმხრივობის გამო, ზერელე რეაქციას ჰეგელის წინააღმდეგ წარმოადგენდა გერმანიაში ფოიერბახისა და განსაკუთრებით ბრუნო ბაუერის თვალსაზრისი, რომელნიც ჩვენმა სუბიექტივისტებმა უკვე დროა თავის ნათესავებად სცნონ.

ბევრი სისულელე ილაპარაკა ბ. მიხაილოვსკიმ ბ. პ. სტრუვეს წინააღმდეგ მიმართულ თავის წერილში ჰეგელზე და მარქსზე. ადგილის უქონლობის გამო ჩვენ მათ ჩამოთვლას აქ არ შეუძლებით. დავკმაყოფილდებით მხოლოდ იმით, რომ ჩვენს მკითხველებს გარდასაწყვეტად მივსცემთ შემდეგ საინტერესო ამოცანას.

მოცემულია ბ. მიხაილოვსკი; მოცემულია მისი სრული არცოდნა ჰეგელისა; მოცემულია მის მიერ მარქსის სრული ვერ გაგება; მოცემულია დაუცხრომელი სურვილი ჰეგელზე, მარქსზე და მად ურთიერთ დამოკიდებულებაზე მსჯელობისა; ამოსაცნობია: კიდევ რამდენ შეცთომას დაუშვებს ბ. მიხაილოვსკი ამ სურვილის გამო?

მაგრამ საეკვოა, რომ ვინმემ შესძლოს ამ ამოცანის გადაჭრა. ეს მრავალუცხოობიანი შეთანასწორებაა. არის მხოლოდ ერთი საშუალება მასში უცნობ ოდენობათა გარკვეული სიდიდეებით შეცვლისა, სახელდობრ: საქიროა ყურადღებით წავიკითხოთ ბ. მიხაილოვსკის წერილები და აღმოვაჩინოთ შეცთომები. მართალია, ეს მოსაწყენი და მძიმე საქმეა, შეცთომა ბევრი იქნება, ბ. მიხაილოვსკი თავს არ დაანებებს თავის კულ ჩვეულებას იმსჯელოს ფილოსოფიაზე, სანამ რჩევას არ მიიღებს მასზე უფრო მცოდნე პირისაგან.

ჩვენ აქ არ შეეხებით ბ. მიხაილოვსკის თავდასხმას ბ. პ. სტრუვეზე. რამდენადაც ამ თავდასხმაზეა ლაპარაკი, ბ. მიხაილოვსკი დღეიდან „Критические заметки к вопросу об экономическом развитии России“-ის ავტორს ეუთვნის. ჩვენ-კი არავითარი სურვილი არა გვაქვს შევლახოთ სხვისი საკუთრება. თუმცა შეიძლება ბ. პ. სტრუვემ გვაპატიოს, თუ ჩვენ ორ პატარა „შენიშვნას“ გაუაკეთებთ.

ბ. მიხაილოვსკიმ შეურაცხყოფილად იგრძნო თავი იმით, რომ ბ. პ. სტრუვემ ექვი შეიტანა მიხაილოვსკის ზოგი გამოთქმის სისწორეში. შეურაცხყოფა იზდენად დიდი აღმოჩნდა, რომ ბ. მიხაილოვსკი არ დაკმაყოფილდა ბ. პ. სტრუვეს გამოთქმებში შეცთომაზე მითითებით და მას უცხოელი უწოდა. მან ანეკდოტიკი გაიხსენა ორი გერმანელის შესახებ, რომელთაგან ერთმა სიტყვა „СТРИГ-НУЛСЯ“, მეორემ-კი გაუსწორა და მტკიცება დაიწყო, რომ რუსულად უნდა ითქვას „СТРИГОВАЛСЯ“. რის გამო აღმართა ბ. პ. სტრუვემ ბ. მიხაილოვსკიზე კითხვის ნიშნით შეიარაღებული ხელი?—შემდეგი სიტყვების გამო: „ვეროპაში თანამედროვე ეკონომიურმა წყობილებამ ფეხის მოკიდება მაშინ დაიწყო, როცა ჯერ კიდევ არ არსებობდა ის მეცნიერება, რომელიც ამ რიგის მოვლენებს განაგებს“... და სხვ. კითხვის ნიშანი ახლდა სიტყვას: „განაგებს“. ბ. მიხაილოვსკი ამბობს გერმანულად შესაძლოა ეს კარგი არ იყოს (როგორი გაბოროტებით არის ნათქვამი: გერმანულად!), მაგრამ რუსულად, გარწმუნებთ, ბ. პ. სტრუვე, ის არავითარ კითხვითი ნიშანს არ მოითხოვს.“ ამ სტრიქონების დამწერი წმინდა რუსულ გვარს ატარებს და ისევე რუსია, როგორც ბ. მიხაილოვსკი: ყველაზე უფრო გესლიანი კრიტიკოსიც კი ვერ გაბედავდა მისთვის გერმანული ეწოდებია, მაგრამ, მიუხედავად ამისა, სიტყვა „განაგებს“ მასშიც ექვს დაბადებს. ის ეკითხება თავს: თუ კი იმის თქმა შეიძლება, რომ მეცნიერება განსაზღვრული რიგის მოვლენებს განაგებს, მაშინ რატომ არ შეიძლება, რომ ტეხნიკური ხელოვნება საგანგებო ნაწილების

უფროსად დაინიშნოს? რატომ არ შეიძლება, მაგალითად, ასეთი გამოთქმა ვიხმაროთ: საკაშნიკო ხელოვნება განაგებს ლითონების შენაერთებს? ჩვენ ეს უხერხულად მიგვაჩნია, რადგან ასეთი გამოთქმა ხელოვნებას უაღრესად სამხედრო სახეს მისცემდა ისე, როგორც სიტყვა გაშვე მეცნიერებას ბიუროკრატის სახეს აძლევს. მაშასადამე, ბ. მიხაილოვსკი მართალი არაა. ბ. პ. სტრუვემ ფრთხილად იხმარა კითხვის ნიშანი. არ ვიცით, თუ როგორ გაასწორებდა იგი ბ. მიხაილოვსკის ულაზათო გამოთქმას. ვთქვათ, რომ იგი დაიწყებდა „СТРИГОВАТЬСЯ“. მაგრამ, რომ ბ. მიხაილოვსკი უკვე რამდენჯერმე „СТРИГНУЛСЯ“, — ეს, სამწუხაროდ, უკვე ფაქტია. ბ. მიხაილოვსკი კი, ვფიქრობთ, სრულიად არაა უცხოელი!

ბ. მიხაილოვსკიმ თავის წერილში სრულიად უსაფუძვლოდ ასტება ხმაურობა ბ. სტრუვეს შემდეგი სიტყვების გამო: „არა, აღვიარებთ ჩვენ უკულტურობას და ცოდნისათვის კაპიტალიზმს მიემართოდ“. ბ. მიხაილოვსკის სურს საქმის ვითარება ისე წარმოგვიდგინოს, თითქოს ბ. სტრუვეს ეს სიტყვები ნაშნავდეს: „მწარმოებელი მსხვერპლად შევწიროთ“ ექსპლოტატორს. ბ. პ. სტრუვეს არ გაუძნელდება ცხადპყოს ბ. მიხაილოვსკის ცდის უნაყოფობა. ამასუთუოდ ეხლაც ამჩნევს ის მკითხველი, რომელსაც გულდასმით წაუკითხავს „კრიტიკული შენიშვნები“. მაგრამ ისიც უნდა ითქვას, რომ ბ. სტრუვემ მეტად მოურიდებელი გამოთქმა იხმარა, რითაც, უთუოდ, შეცთომამში შეიყვანა ბევრი გულუბრყვილო და რამდენიმე ჯამბაზის გული გაახარა. წინ მეცნიერება, ვეტყვი ბ. სტრუვეს, ხოლო ბ. ბ. ჯამბაზებს მოვაგონებთ, რომ ბელინსკიმ თავის სიცოცხლის უკანასკნელ პერიოდში, როცა იგი საბოლოოდ გამოეთხოვა „Allgemeinheit“-ს, თავის ერთ-ერთ წერილში ის აზრი გამოთქვა, რომ რუსეთას კულტურულ მომავალს მხოლოდ ბურჟუაზია უზარუნველპყოფს. ბელინსკის ეს აზრიც მეტად უხერხულ მუქარას წარმოადგენდა. მაგრამ რით იყო გამოწვეული ეს უხერხულობა? დასავლეთის მოტრფიალის კეთილშობლური გატაცებით. ჩვენ ვფიქრობთ, რომ ბ. სტრუვეს უხერხულობაც ასეთივე გატაცებითაა გამოწვეული. ამის გამო ხმაურობა მხოლოდ ისეთ ადამიანს შეჰფერის, ვისაც არაფრის თქმა არ შეუძლია ამ მწერლის, მაგალითად, ეკონომიური საბუთების წინააღმდეგ.

ბ. სტრუვეს წინააღმდეგ ბ. კრივენკომაც აისხა ფარ-ხმალი. ისიც შეურაცხყოფილია. მან შეცთომით სთარგმნა ბ. პ. სტრუვეს წერილის ერთი ადგილი, რაც ბ. სტრუვემ ამხილა. ბ. კრივენკო

ცდილობს თავი იმართლოს და დაამტკიცოს, რომ თარგმანი თითქმის სავსებით სწორია; მაგრამ თავის მართლება ამაოა. ის მაინც დამნაშავე რჩება თავისი მოწინააღმდეგის სიტყვების დამახინჯებაში. მაგრამ ბ. კრივენკოს ვერაფერს გამოერჩებით, რადგან ის უეჭველად იმ ფრინველს ჰგავს, რომლის შესახებაც ნათქვამია:

ძლიერი ხმებით მგალობელს,  
სამოთხის ფრინველს სირენას  
არ აგონდება თავი, როს  
ზეცასა უძღვნის სიმღერას.

როცა ბ. კრივენკო „მოწაფეებს“ არცხვენს, იგი თავის თავს ივიწყებს. დაანებეთ მას თავი, ბ. სტრუვე!

## ცოტა რამ ისტორიის შესახებ

(პ. ლაკომბი: ისტორიის სოციოლოგიური საფუძვლები. თარგმანი ფრანგულიდან რ. ი. სემენტკოვსკის რედაქციით. გამოცემა ფ. პაულენკოვისა).

ჩვენ დარწმუნებული ვართ, რომ ბევრმა რუსმა მკითხველმა ლაკომბი, ეგრეთწოდებულ ეკონომიურ მატერიალისტებში ჩარიცხა (სრულიად შეცთომით). თუ გენბავთ, ის მართლაც ეკონომიური მატერიალისტია, მაგრამ სულ სხვა ჯურის. მისი შეხედულებანი სრულიადაც არ წააგავს იმ მოაზროვნეთა შეხედულებებს, რომელთაც შექმნეს ეკონომიურ (უფრო სწორედ—დიალექტიკურ) მატერიალიზმად წოდებული თეორია. და სწორედ ამიტომ გვსურს ჩვენ ცოტა რამ ვთქვათ მისი წიგნის შესახებ.

ამ წიგნში საკმაო ადგილი აქვს დათმობილი მსჯელობას ადამიანის, „საზოგადოდ ადამიანის“ ბუნებაზე. „ადამიანის ბუნებამ“, ჩვენი ავტორის აზრით, საზოგადოებრივ მოვლენათა გასაღები უნდა მოგვცეს. რაკი ლაკომბი ადამიანის ბუნების თვალსაზრისზე დადგა, იგი სრულიად ლოდიკურად ასკენის, რომ სოციოლოგისათვის ფსიქოლოგიას მეტი სამსახურის გაწევა შეუძლია, ვიდრე ბიოლოგიას. ლაკომბის აზრით, არა ბიოლოგია, არამედ ფსიქოლოგია იძლევა ისტორიის ახსნას. იგი იხილავს ადამიანის ბუნებას და აღნიშნავს მის სხვადასხვა მოთხოვნილებას, როგორცაა, მაგალითად, საზრდოს, ტანსამოსის, ბინის და სქესობრივი მოთხოვნილება. თავის მოყვასისადმი სიყვარულის ან „სიძულვილის“; მოყვასის მხრით ქების დამსახურების და ბოლოს—ესთეტიური და სამეცნიერო მოთხოვნილება.

ყველა ამ მოთხოვნილებას შორის ლაკომბი ერთგვარ იერარქიას აწესებს.

„ვისაც სურს გაითვალისწინოს, რომელიმე მოთხოვნილების ისტორიული როლი, ამბობს იგი, მან პირველ ყოვლისა მხედველობაში უნდა მიიღოს, თუ რამდენად დიდია ამ მოთხოვნილების დაკმაყოფილების მნიშვნელობა (გვ. 47). საზრდოს, ტანსაცმელის და ბინის მოთხოვნილება ყველაზე უფრო გადაუდებელია. მართალია, ლაკომბი შენიშნავს, რომ სუნთქვის მოთხოვნილება კიდევ უფრო გადაუდებელია, მაგრამ ჰაერი მოცემულია განუსაზღვრელი რაოდენობით; იმით

სარგებლობისათვის საკმარისია მხოლოდ პირის ვალეზა; ამიტომ რაგინდ მნიშვნელოვანი უნდა იყოს ეს მოთხოვნილება, მას არ შეეძლო ადამიანთა საზოგადოების განვითარებაზე გავლენა მოეხდინა. მატერიალურ მოთხოვნილებათაგან და მრეწველობის იმ სხვადასხვა სახიდან, რომელიც ამ მოთხოვნილებათა დაკმაყოფილებას ემსახურება, ლაკომბი ადგენს ცალკე ჯგუფს და უწოდებს მას ეკონომიურს. ამ ჯგუფს იგი „ისტორიაში ყველაზე უფრო გავლენიან ჯგუფად“ თვლის.

ცალკე ადამიანი, თავისი ფიზიკური აგებულების გამო, ეკონომიურ საქმიანობას ყოველ სხვა საქმიანობაზე უფრო წინ აყენებს. მისთვის იგი მთავარია არა მარტო ცხოვრების ერთ რომელსავე პერიოდში, არამედ სიცოცხლის მთელ მანძილზე. მხოლოდ მაშინ, როცა ეკონომიურმა მოტივმა თავისი საქმე უკვე გააკეთა, სცენაზე გამოდის სხვა სურვილები, რომლის დასაკმაყოფილებლად მით უფრო მეტი დრო და საშუალება რჩება, რაც უფრო მათი ნაკლები რაოდენობა მოხმარდა ეკონომიურ საქმიანობას (გვ. 48). ეკონომიური მოტივი, როგორც ყველაზე ძლიერი, ყოველთვის და ყოველგან დაამარცხებს ყველა სხვა დანარჩენს, თუ მათთან შეჯახება მოუხდება. ამიტომ ლაკომბი თავს ნებას აძლევს შემდეგი „ჰიპოტეზები“ ააგოს: 1) საზოგადოებას განსაზღვრული მატერიალური კეთილდღეობისათვის უნდა მიეღწია, სანამ შესაძლებელი გახდებოდა მისი გონებრივი განვითარება; 2) ეკონომიური პროგრესი ძლიერ უცვლის სახეს საზოგადოებრივი წყობილების სხვა მხარესაც; 3) საზოგადოებრივ წყობილებაში გაუმჯობესება იმდენად იყო შესაძლებელი, რამდენადაც ეს ეკონომიურ ინტერესს შეესაბამებოდა (გვ. 57).

აი ლაკომბის მთელი ეკონომიური მატერიალიზმიც. შეუძლებელია არ დაეთანხმოთ მის „ჰიპოტეზებს“, თუმცა ისინი, ე. ი. სახელდობრ, მეორე და მესამე „ჰიპოტეზა“ არაა სესებით დამაკმაყოფილებლად გამოთქმული. არ შეიძლება არ აღვიაროთ აგრეთვე ისიც, რომ ეს აეტორი თავის შეხედულებათა მაგალითებით დასაბუთებისას ბევრ მოსწრებულსა და მართალ აზრს გამოთქვამს. ამიტომ მისი წიგნის წაკითხვა დიდ სარგებლობას მოუტანს ყველა იმას, ვისაც სურს საზოგადოებრივ ცხოვრებას ფხიზელი თვალით შეხედოს და ვისაც უკვე თავი მოაბეზრეს სრულიად რუსეთის „სოციოლოგიურმა“ ფანტაზიებმა. მაგრამ ამასთანავე არ უნდა დაგვაფიწყდეს ისიც, რომ ლაკომბის თხზულებაში მხოლოდ ზოგი ცალკე ადგილია უნაკლო, საერთოდ-კი მისი „მატერიალიზმი“ კრიტიკის მსუბუქ შეხებასაც ვერ უძლებს.

„ადამიანის ბუნების“ თვალსაზრისი საზოგადოებრივ მეცნიერებაში არც ისე ახალია. ამ თვალსაზრისზე ილგა, მაგალითად, არისტოტელი, რომელიც, როგორც ცნობილია, იმის დამტკიცებას ცდილობდა, რომ მონობა სავსებით შეესაბამება ადამიანის ბუნებას.

ამ თვალსაზრისზე ილგა XVIII საუკუნის ყველა ფრანგი განმანათლებელი, რომელნიც განუწყვეტლივ იმეორებდნენ, რომ მონობა სრულიად ეწინააღმდეგება ადამიანის ბუნებას, რომელიც თავისუფლებას მოითხოვს.

ამავე თვალსაზრისზე ილგენ ფრანგ განმანათლებელთა მრავალი ცხოვენი მოწინააღმდეგენიც, რომელნიც ადამიანის იმავე ბუნების დამოწმებით ძველი წყობილების გამართლებას ცდილობდნენ. შემდეგ. ოგიუსტ კონტი მტკიცედ იყო დარწმუნებული იმაში, რომ დედაკაცის ხელქვეითი მდგომარეობა მისი ბუნების აუცილებელი და გარდაუვალი შედეგია<sup>1)</sup>. იგივე ოგიუსტ კონტი თავის (ე. ი. უფრო სწორად რომ ვთქვათ, მის მიერ სენ-სიმონისაგან ნასესხებ) ცნობილ კანონს სამი ფაზისისა უკავშირებდა არა სხვა რასმე, თუ არა სწორედ ადამიანის ბუნებას<sup>2)</sup>. საერთოდ მიმდინარე საუკუნის მეორმოცე წლებამდე ძნელად თუ მოიპოვებოდა ისეთი მწერალი, რომელსაც საზოგადოებრივი საკითხების შესწავლის დროს ადამიანის ბუნებისადმი არ მიემართნა. ლაკომბი ძლიერ ცდება, როცა ჰფიქრობს, რომ ეგრეთწოდებული ნაციონალური სულის თეორიის მომხრეებს არაფერი ჰქონდათ საერთო ადამიანის ბუნების თვალსაზრისთანა.

ისინიც ამ თვალსაზრისზე ილგენ, თუმცა მას ახალ სხახს აღეგდენ: „საზოგადოდ ადამიანის“ ბუნებიდან მათ გამოყავდათ რომელიც, ბერძნის, გერმანელისა და სხვათა ბუნება.

და ყოველი ასეთი „ბუნება“ მათთვის ისეთ სასწაულმომქმედს იტყუას წარმოადგენდა, რომლის საშუალებითაც შესაძლებელი ხდებოდა ყველა ისტორიული სიძნელის გადალახვა. ნაციონალური სულის თეორია რომ უსაფუძვლოა, ამაში ლაკომბი სავსებით მართალია.

მაგრამ ამდენადვე უსაფუძვლოა „საზოგადოდ ადამიანის“ ბუნების მის მიერ მოწონებული თეორიაც. ორში ერთი. ან ეს ბუნება უცვლელია, და მაშინ საზოგადოებრივი განვითარების საკითხების შესწავლის დროს მასზე დამყარება ისევე შეუძლებელია, როგორც შეუ-

<sup>1)</sup> იხ. *Lettres d'Auguste Comte à Joann Stuart Mill*, Paris 1877, წერილი 1843. წლის 16 ივლისისა და იმავე წლის 15 ოქტომბრის თარიღით.

<sup>2)</sup> იხ. *Cours de philosophie positive*, ed. de 1869, I p. 8—9 da T. III p. 193, ადამიანის ბუნების შესახებ. იხ. აგრეთვე მისი თხზულების მე-4 ტომში, გვ. 23. ან 31, 385, 387, და მისი კურსის მრავალ სხვა ადგილას.



ძლებელია საზოგადოად ცვალებადი ოდენობის ცვლილების ახსნა მუდმივი ოდენობის თვისებებით; ან და ადამიანის ბუნება თვით იცვლება, და მაშინ სოციოლოგმა ის მიზეზები უნდა აღმოაჩინოს, რომლის მოქმედებაც მის შეცვლას იწვევს. რასაკვირველია, შეიძლება ამ შემთხვევაშიც ადამიანის ბუნება დავიმოწმოთ: მას ისეთი თვისება აქვს, რომ იგი უნდა შეიცვალოს, ვიტყვით ჩვენ. მაგრამ ეს ნიშნავს მოჯადოებულ წრეში ტრიალს და ლიტონი სიტყვით დაკმაყოფილებას მაშინ, როცა საჭიროა საკითხის მეცნიერული გადაჭრა. ასეთ მოჯადოებულ წრეში მოექცა ძლიერ ბევრი სოციოლოგი, მაგალითად, თუგინდ იგივე ოგიუსტ კონტი, ეს „მეტაფიზიკის“ მტერი, რომელმაც „ადამიანის ბუნება“ ნამდვილ მეტაფიზიკურ არსად (entité) გადააქცია. მაგრამ ეხლა ამ წრეში მეცნიერთა ჰოქცევა საკვირველი იქნებოდა, რადგანაც ამ წრიდან გამოსაეალი დიდი ხანია ნაპოვნია, და ნაპოვნია სწორედ თანამედროვე დიალექტიკური მატერიალიზმის საფუძველმდებელთა მიერ.

დიალექტიკოს-მატერიალისტები ამბობენ, რომ ისტორიული ადამიანის „თვისებები“, მისი ჩვეულებები და მისწრაფებანი, მისი შეხედულებანი და იდეალები, მისი სიმპატია-ანტიპატია იცვლება საზოგადოებრივი განვითარების მსკლელობასთან ერთად, რომელიც განისაზღვრება არა ადამიანის ბუნებით, არამედ მის გარეშე მყოფი მიზეზებით. მონადირე ტომების საზოგადოებრივი ურთიერთობანი განსხვავდებიან მიწათმოქმედი ტომების საზოგადოებრივ ურთიერთობათაგან; იმ ხალხთა საზოგადოებრივი ურთიერთობა, რომელნიც ეგრეთწოდებული ნატურალური მეურნეობის ბატონობის დროს მიწათმოქმედებას ეწვეიან, განსხვავდება იმ ხალხთა საზოგადოებრივ ურთიერთობისაგან, რომელნიც „კაპიტალიზმის სტადიაზე“ იმყოფებიან და სხვ. და სხვ.

ადამიანები წარმოების ერთი წესიდან მეორეზე იმიტომ კი არ გადადიან, რომ მათ სხვა „ბუნება“ უჩნდებათ, არამედ იმიტომ, რომ იზრდება საზოგადოებრივი ადამიანის ბატონობა გარე ბუნებაზე, იცვლება მათი საწარმოო ძალთა მდგომარეობა. ამიტომ შეიძლება და უნდა ითქვას კიდევ, რომ კაცობრიობის ისტორიული მოძრაობა საბოლოოდ სწორედ საწარმოო ძალთა განვითარებით აიხსნება.

საზოგადოებრივ საწარმოო ძალთა განვითარებას პირველ ბიძგს თვით ბუნება აძლევს: მათი ზრდა დიდად არის დამოკიდებული ფიზიკური გარემოს თვისებებზე. მაგრამ ადამიანის დამოკიდებულება გეოგრაფიული გარემოსადმი არაა უცვლელი; რაც უფრო იზრდება მისი საწარმოო ძალები, მით უფრო სწრაფად იცვლება საზოგა-

დოებრივი ადამიანის დამოკიდებულება ბუნებასთან, იგი მით უფრო მალე იმორჩილებს მას (ბუნებას). მეორეს მხრით, რაც უფრო იზრდება საწარმოო ძალები, მათი შემდგომი განვითარება მით უფრო სწრაფად და უფრო ადვილად წარმოებს: საწარმოო ძალები თანამედროვე ინგლისში გაცილებით უფრო ჩქარი ტემპით ვითარდება, ვიდრე ისინი, მაგალითად, ძველ საბერძნეთში ვითარდებოდნენ. მაგალი საზოგადოებრივი განვითარება საბოლოოდ საწარმოო ძალთა განვითარების სწორედ ამ შინაგან ლოლიკას ემორჩილება. ეს იმ უბრალო მიზეზით ხდება, რომ ისეთი საზოგადოებრივი ურთიერთობა, რომელიც არ შეეფერება საწარმოო ძალთა განსაზღვრულ მდგომარეობას, აუცილებლად ისპობა: მაგალითად, მონობა მოისპო, როცა იგი საზოგადოების საწარმოო ძალთა შემბოქველ მოვლენად იქცა, ე. ი. უფრო მარტივად რომ ვთქვათ, როცა იგი არახელსაყრელი შეიქნა. თავის თავად ცხადია, რომ დრომოქმული დაწესებულების და ურთიერთობის მოსპობა სრულიადაც არ ხდება თავის თავად,—ეს აბსურდია, რასაც ხშირად დიალექტიკურ მატერიალისტებს მათი მოწინააღმდეგენი მიაწერენ. მუქთად ვერავენ ვერაფერს მიიღებს,—ეს ძველი ქეშმარიტება კარგად იციან დიალექტიკოს-მატერიალისტებმა. პრაქტიკაში ისინი მას უფრო ახორციელებენ, ვიდრე ბევრად სათუთი სულის მქონე იდეალისტი, სუბიექტივისტი და სხვ. და სხვ. მაგრამ ეს სხვათა შორის. საქმე ის არის, რომ მეცნიერს, რომელმაც უარყო ადამიანის ბუნების თვალსაზრისი, ისევე არ შეუძლია ისტორიის ახსნა ფსიქოლოგიაში ეძიოს, როგორც ბიოლოგიაში. ფსიქოლოგიაში თვალსაზრისი მხოლოდ ადამიანის ბუნების თვალსაზრისის ერთ-ერთი კერძო შემთხვევაა. რომ ადამიანის აზრი მის მოქმედებაზე გავლენას ახდენს, ეს ყოველ ექვს გარეშეა. ამაში დაექვეება შეუძლია მხოლოდ იმას, ვინც თვით მოიკოქლებს აზროვნებით. მაგრამ საკითხი იმაშია, თუ როგორ ჩნდება აზრი. ამ საკითხზე დიალექტიკოს-მატერიალისტები გაცილებით უფრო ნათელ პასუხს იძლევიან, ვიდრე იდეალისტები და ეკლექტიკოსები, რომელთაც დარჩენიათ მხოლოდ ადამიანის ბუნება დაიმოწმონ, ე. ი. არსებითად თანდაყოლილ იდეათა ის ძველი თეორია შეაკეთონ, რომელმაც ჯერ კიდევ გასული საუკუნის მეორე ნახევარში სახე შეიცვალა იმ მხრით, რომ ამ დროიდან ადამიანს მიაწერდნენ გონებრივი განვითარების თანდაყოლილ თვისებას, რის მიხედვით ადამიანის გონება თავისი განვითარების დროს გაივლის სწორედ ასეთს და არა სხვა რომელსამე საფეხურს.

„ეკონომიურ“ მატერიალისტს ლაკომბს ამაზე ბუნდოვანი წარმოდგენაც-კი არა აქვს. ის სწორედ იმ თვალსაზრისზე დგას, რომელიც განდევნა მეცნიერებიდან ახალი დროის მატერიალიზმმა. მისი ეკონომიური მატერიალიზმი გვაგონებს საზოგადოებრივი განვითარების მატერიალისტურად ახსნის პირველ ცდებს, მაგალითად, ჰელვეციუსის ცდას. განსხვავება მხოლოდ ის არის, რომ ჰელვეციუსი გაცილებით უფრო ნიჭიერი იყო, და ამიტომ მისი თხზულებები ამჟამადაც უფრო საგულისხმოა, ვიდრე ლაკომბის წიგნაკი.

ყველა იმ ფილოსოფოსს, რომელიც ადამიანის ბუნების თვალსაზრისზე იდგენ, ცხადია, ადამიანთა ურთიერთობის ისეთი იდეალური სისტემა უნდა ეძებნათ, რომელიც ამ ბუნებას უფრო შეეფერებოდა, ვიდრე სხვა რომელიმე. სხვა სიტყვით, ვერც ერთი მათგანი უტოპისტურ გზას ვერ ასცილდებოდა. ეს იმას არ ნიშნავს, რომ ყველა ისინი ნოვატორები იყვნენ. სრულიადაც არა. ბევრი მათგანი ქეშმარიტი კონსერვატორი იყო, ზოგი-კი—ნამდვილი რეაქციონერ. მაგრამ არსებითად თითოეული მათგანი სწორედ ისე უყურებდა მისთვის სასურველ საზოგადოებრივ წყობილებას, როგორც ის ადამიანები თავიანთ იდეალს, რომელიც ცნობილი არიან უტოპისტების *par excellence* სახელწოდებით. ყველა ისინი ყოველ საზოგადოებრივ წყობილებას განიხილავდნენ იმ თვალსაზრისით, რომელიც მათ შემუშავებული ჰქონდათ ადამიანის ბუნებაზე. მოიგონოს მკითხველმა კონტის ზემოხსენებული მსჯელობა დედაკაცის დამორჩილებულ მდგომარეობაზე. ისეთი საზოგადოებრივი წყობილების გამონახვის ცდა, რომელიც ყველაზე უკეთ შეეფერება ადამიანის ბუნებას, ნიშნავს ისეთი წყობილების გამონახვის ცდას, რომლის იქით კაცობრიობას გზა არ ექნებოდა, რომლის დროსაც ადამიანებს, მართალია, შესაძლებლობა ექნებოდათ თავის ურთიერთობებში უმნიშვნელო შესწორება შეეტანათ, მაგრამ, თავისი ბუნებიდან გადახრის შიშით, ამ ურთიერთობათა არსებითი შეცვლა მათ არ შეეძლებოდათ. თითოეული უტოპისტი, ყოველ შემთხვევაში, *an sich* (პოტენციაში) საკმაოდ კონსერვატორი იყო, რასაც მშვენიერად ადასტურებს ამერიკის სოციალისტურ კოლონიათა ისტორია. წარმოუდგენელია დიალექტიკოს-მატერიალისტებს ასეთი კონსერვატიზმი ახასიათებდეს. მათი თეორიის მიხედვით საზოგადოებრივი ურთიერთობანი უნდა იცვლებოდეს საზოგადოებრივ საწარმოო ძალთა განვითარებასთან ერთად. აქვს თუ არა საზღვარი ამ ძალთა განვითარებას? არა. ამიტომ არც ისეთი იდეალური წყობილება არსებობს, რომლის იქით კაცობრიო-

ბას გზა არ ჰქონდეს. დიალექტიკოს-მატერიალისტები განუწყვეტელი წინსვლითი მოძრაობის მომხრენი არიან.

ისინი ერთად ერთი პროგრესისტები არიან ამ სიტყვის სრული მნიშვნელობით.

როგორც ადამიანის ბუნების თვალსაზრისზე მდგომი, ლაკომბიც კონსერვატორი უტოპისტია.

მას სრულიად ვერ წარმოუდგენია ისეთი ეკონომიური ურთიერთობის არსებობა, რომელიც განსხვავდება თანამედროვე კაპიტალისტური ურთიერთობისაგან. მისი აზრით, კაპიტალისტური წყობილების დაღუპვა ცივილიზაციის დაღუპვას მოასწავებს. ამ შემთხვევაში ის მთლიანად იზიარებს ვულგარული ეკონომისტების ყველა ცრუმორწმუნეობას. და არა მარტო ამ შემთხვევაში. თავისი ეკონომიური შეხედულებებით ლაკომბი ამ პატივცემულ მეცნიერებს ერთი ნაბიჯითაც ვერ გასცილდა. ამაში რომ დაგრწმუნდეთ, საკმარისია გავეცნოთ იმას, რასაც ის ამბობს იმ გავლენაზე, რომელსაც ახდენს ხალხის სიმდიდრეზე მოსახლეობის გამრავლება (რუსული თარგმანის გვ. 325 და შემდ.). ცოტა იქნება ვთქვათ, რომ ლაკომბი ცდება. შეცთომაც არის და შეცთომაც. უნდა გამოვტყდეთ, რომ მას არავითარი წარმოდგენა არა აქვს იმ საგანზე, რომლის შესახებაც მსჯელობა დაუწყია. აქ ლაკომბი უსუსურია, როგორც ახლათშობილი ბავშვი, თუმცა ზოგჯერ აქაც ვხვდებით სალი შეხედულების ჩანასახებს. „არის ორგვარი სიღარიბე“,—ამბობს იგი (გვ. 327). ეს სრული ჭეშმარიტებაა: ველურის სიღარიბე სრულიად სხვაა, ვიდრე თანამედროვე პროლეტარის; მას სულ სხვა მიზეზი იწვევს. მაგრამ ლაკომბი ამ საღ აზრს მყისვე აქარწყლებს თავისი გულუბრყვილო მსჯელობით მოსახლეობის სიჭარბეზე. „ველურები ღარიბი არიან, მიუხედავად მცარერიცხოვანებისა, ამბობს იგი,—იმიტომ, რომ მათ არა აქვთ დოვლათის შემქმნელი იარაღები; მონაწილეთა რიცხვი ცოტაა, მაგრამ გასანაწილებელი არაფერია. ძველ განათლებულ ხალხს შესანიშნავი საწარმოო იარაღები და მრავალი პროდუქტი აქვს, მაგრამ სამაგიეროდ ამ პროდუქტის მონაწილეც მრავალია (გვ. 330). თითქოს აქედან წარმოსდგებოდეს განათლებულ ხალხთა სიღარიბე. შეიძლება ვიფიქროთ, თითქოს „ძველ განათლებულ ხალხთ“ ისეთი დაწესებულებები ჰქონდეთ, რომელიც მთელი მოსახლეობის მოთხოვნილებას აღრიცხავდეს, საზოგადოებრივ წარმოებას ამ მოთხოვნილებათა შესაბამად აწესრიგებდეს და შემდეგ მიღებულ პროდუქტებს ისევ ამ მოთხოვნილებათა მიხედვით ანაწილებდეს. სინამდვილეში ეს რომ მართლა ასე ყოფილიყო და, მიუხედავად წარმოების ასეთი

ორგანიზაციისა, ძველი „განათლებული ხალხნი“ მაინც ღარიბნი ყოფილიყვენ, მაშინ სრული უფლება გვექნებოდა ეს მოვლენა აგვეხსნა იმით, რომ „განაწილება ხდება ძალიან ბევრ პირთა შორის“. შეუძლებელი იქნებოდა იმის თქმა, რომ „არსებობს ორგვარი სიღარიბე“. როგორც განათლებულ ხალხთა, ისე ველურების სიღარიბეც იქნებოდა იმის შედეგი, რომ ისინი ვერ ამზადებენ პროდუქტების საკირო რაოდენობას. ნამდვილად-კი, თანამედროვე კაპიტალისტურ საზოგადოებაში ღარიბთა მოთხოვნილება მხოლოდ იმდენად ახდენს გავლენას წარმოებაზე, რამდენადაც ღარიბთ შესაძლებლობა აქვთ მათთვის საკირო პროდუქტები იყიდონ: ვისაც არაფერი გააჩნია, იმას მხოლოდ ის „უნაწილებს“, ვინც მისთვის მოწყალებას გაიღებს, მაგრამ, ცხადია, რომ ჩვენს ავტორს ასეთი განაწილება არა აქვს მხედველობაში.

შემდეგ. რამდენად არის მოსახლეობის დაბალი კლასი კაპიტალისტურ ქვეყნებში „ნამდვილი“, ე. ი. გადახდის უნარის მქონე მოთხოვნის წარმომადგენელი? იმდენად, რამდენადაც ის ახერხებს თავისი სამუშაო ძალა კაპიტალისტებს მიჰყიდოს: თუ სამუშაო მოიპოვება, არის არსებობის რალაც, მართალია, მეტად მცირე საშუალებაც, თუ სამუშაო დაჰკარგე—ღვთის ანაბარა ხდები. მაგრამ რა მიზნით ჰყიდულობს კაპიტალისტი პროლეტარის სამუშაო ძალას? რათა მისი ნაყოფიერი გამოყენების გზით მოგება მიიღოს. თუ კაპიტალისტი მოგების მიღების იმედი არა აქვს, მაშინ იგი არ „იმუშავებს“, რა გინდ დიდი უნდა იყოს, თავის თავად, საზოგადოების საწარმოო ძალები. ეს კი იმას ნიშნავს, რომ თანამედროვე კაპიტალისტურ საზოგადოებაში საზოგადოებრივ წარმოებას საზღვარს უდებს სწორედ კაპიტალის მომგებებიანი გამოყენების შესაძლებლობა და არა საწარმოო ძალთა აბსოლუტური სიდიდე. აი რატომ არის, რომ ამ საზოგადოებაში სიღარიბე არაა დამოკიდებული იმ მიზეზებზე, რომელიც მას კულტურული განვითარების პირველ საფეხურებზე იწვევს: ველურის სიღარიბის საფუძველია მისი ურთიერთობა ბუნებასთან, ბუნებაზე მისი გაბატონების უმნიშვნელო ხარისხი; პროლეტარის სიღარიბეს-კი საზოგადოებრივი ურთიერთობანი ჰქმნიან. ვისაც ეს არ ესმის, უმჯობესია მან სრულიად თავი დაანებოს განათლებულ საზოგადოებათა ეკონომიაზე მსჯელობას. იგი იმის შესახებ ძველი სისულელის მეტს ვერაფერს იტყვის.

წიგნიდან „Социологические основы истории“ ჩვენ შევხვდით კიდევ რამდენიმე მაგალითი მოგვეყვანა იმის ნათელსაყოფად, რომ ამ წიგნის ავტორი სრულიად არაა კომპეტენტური ეკონომიურ

დარგში. მაგრამ ეს საჭიროდ არ მიგვაჩნია, რადგან ამას მოყვანილი მაგალითიც საკმაოდ ცხადჰყოფს. ჩვენ მხოლოდ შევეკითხებით მკითხველს: ისეთ ეკონომიურ მატერიალისტს, რომელსაც ეკონომიის სრულიად არაფერი გაეგება, განა შეუძლია კაცობრიობის ისტორიული განვითარების საკითხებზე ბევრი ნამდვილად საგულისხმო რამ თქვას? თუ საზოგადოებრივ-ისტორიული განვითარების კანონები ადამიანის ბუნებაში მარხია, მაშინ კაცობრიობა ისევე ვერ განთავისუფლდება მისი ბატონობიდან, როგორც ვერ გადაახტება თავის თავს.

მიუხედავად იმისა, იცის თუ არა მან ამ კანონების არსებობა, მაინც იძულებულია თავისი განვითარების დროს მას დაემორჩილოს.

ჩვეულებრივად, სწორედ ასე ესმოდათ ისტორიის ფილოსოფოსებს საზოგადოებრივი განვითარების ის კანონები, რომელსაც ისინი გამოთქვამდნენ. სენ-სიმონი სამი ფაზისის თავის კანონს ადარებს განგებას, რომლის წინააღმდეგ ადამიანის ნება ვერაფერს გახდება.

სულ სხვაგვარად უყურებენ დიალექტიკოს-მატერიალისტები იმ კანონებს, რომელიც მათ მხედველობაში აქვთ. მათი აზრით, ეს კანონები მარხია არა ადამიანის ბუნებაში, არამედ იმ საზოგადოებრივ ურთიერთობათა ბუნებაში, რომელიც მყარდება საწარმოო ძალთა განვითარების სხვადასხვა საფეხურზე.

ამდენხანს ადამიანთა ეს ურთიერთობა მათ მიერ სრულიად შეუგნებლად მყარდებოდა; იგი წარმოადგენდა აუცილებლობის, და არა ადამიანის თავისუფალი, ე. ი. გონივრული, მიზანშეწონილი მოქმედების შედეგს. მაგრამ საკმარისია ადამიანმა გაიგოს ის მიზეზი, რომლის გამო იგი დამოკიდებული ხდება თავის საკუთარ საწარმოო ძალებზე, რათა მან იგი თავის ნებას, თავის გონებას დაუმორჩილოს. აქაც იგივე მოხდება, რასაც ადგილი აქვს ადამიანის ბუნებასთან დამოკიდებულების დროს. სანამ ადამიანი არ იცნობს ბუნების ძალებს, ის მათ ბრმად მორჩილებს, ხოლო როცა იგი ამ ძალებს გაიცნობს, მაშინ ის იმორჩილებს მათ.

რასაკვირველია, ადვილი საქმე არაა გაიგო მიზეზი ადამიანის დამორჩილებისა თავისი საკუთარი საწარმოო ძალებისადმი. ეს მეტად ძნელი ამოცანაა.

მაგრამ მნიშვნელოვანი უკვე ის არის, რომ დღეს მისი გადაჭრა სავსებით შესაძლებელია, და არა მარტო შესაძლებელია, არამედ პირდაპირ აუცილებელიც. ავიღოთ, მაგალითად, კრიზისები. კრიზისებში, იქნებ, ყველაზე უფრო ცხადად, ვიდრე სხვა რასმეში, თავს იჩენს ადამიანის დამოკიდებულება ეკონომიურ ურ-

თიერთობათა ბრმა ძალაზე, მაგრამ რაც უფრო ძლიერდება ეს დამოკიდებულება, მით უფრო აშკარავდება მისი თანამედროვე მიზეზი: წარმოების მოუწყესრიგებლობა. ადამიანები ამას ხედავენ და იწყებენ მასთან ბრძოლას. ზოგი მის დაძლევას ძველ ურთიერთობათა საფუძველზე ცდილობს: „სარეწაფი სინდიკატები“. ზოგი უფრო შორს მიდის, საქმის შინაარსს უფრო ღრმად წვდება: ისინი ცდილობენ ამ ძველ ურთიერთობათა მოსპობას, რომ ამ გზით ეკონომია საესებით დაუმორჩილონ ადამიანის შეგნებულ ნებას. ამრიგად, ეს ბრძოლა, ბრძოლა სინათლისა სიბნელესთან, გონებისა აუცილებლობასთან უკვე წარმოებს, და — რაც ყველაზე უფრო მნიშვნელოვანია — არ შეიძლება არ წარმოადგეს; რომ ეხლა ადამიანებს განეზრახათ კიდევ მასზე ხელის აღება, ამის ნებას არ მისცემდა თვით ეკონომიური აუცილებლობა: მისი უძლეველი მოქმედება მალე გამოაფხიზლებდა თანამედროვე განათლებული ქვეყნების მოსახლეობას. როგორც ვხედავთ, ადამიანის მორჩილება სოციალური კანონებისადმი, რომლის შესახებაც დიალექტიკოს-მატერიალისტები ლაპარაკობენ, არსებითად განსხვავდება იმ მორჩილებიდან, რომლის შესახებაც ლაპარაკობდნენ ადამიანის ბუნების თვალსაზრისზე მდგომი მოაზროვნენი. შეიძლება ითქვას, რომ ერთნი იწყებდნენ სადღეგრძელოთი და ათავებდნენ სულს მოსახსენებლით; ხოლო მეორენი — კი იწყებდნენ სულის მოსახსენებლით და ათავებდნენ სადღეგრძელოთი. ერთნი იწყებდნენ თავისუფლებით და ათავებდნენ აუცილებლობით, ხოლო მეორენი იწყებდნენ აუცილებლობით და მიდიან თავისუფლებამდე. ამ უკანასკნელთა მოძღვრება და მხოლოდ მათი მოძღვრება, ე. ი. მხოლოდ დიალექტიკური მატერიალიზმი არ შეიცავს ფანატიზმის არც ერთს ატომს.

ლაკომბს წარმოდგენა არა აქვს უნაკლო დიალექტიკურ მატერიალიზმზე და ამის გამო ვერც-კი ამჩნევს, რომ შესაძლებელია ადამიანის გონების გამარჯვება ეკონომიური აუცილებლობის ბრმა ძალაზე. მისი „ეკონომიური“ მატერიალიზმი, როგორც უკვე ვიცით, ამოიწურება იმ მოსაზრებით, რომ კაცობრიობის ეკონომიური მოთხოვნილებანი უფრო მნიშვნელოვანი და ძლიერია, ვიდრე მისი სხვა მოთხოვნილებანი. მაგრამ რაგინდ მართალი უნდა იყოს ეს შეხედულება, იგი მაინც სრულიად იმას არ ნიშნავს, რომ ადამიანები სამუდამოდ თავისი საზოგადოებრივი ეკონომიის მონები უნდა დარჩნენ. საზოგადოებრივი წარმოების გონივრული, გეგმაშეწონილი ორგანიზაციისე უზრუნველყოფს ადამიანის „სხეულის მოთხოვნილებათა“ დაკმაყოფილებას, როგორც ყოველი საზოგადოებრივი ურთიერთობის.

დროს თვით ბუნების მიერ არის უზრუნველყოფილი „სუნთქვის მოთხოვნილება“. ამიტომ მაშინ ადამიანთა ურთიერთ დამოკიდებულებაში სხეულის მოთხოვნილებანი დაკარგავენ იმ მნიშვნელობას, რომელიც მათ ეხლა აქვთ, როცა მათი დაკმაყოფილება დამოკიდებულია უბრალო შემთხვევაზე. მაგრამ ეს ლაკომბს აზრადაც არ მოსდის. მას ჰგონია, თითქოს განათლებული კაცობრიობის სხეულებრივ მოთხოვნილებათა დაკმაყოფილება შეუძლებელია კაპიტალისტურ ურთიერთობათა სისტემის გარეშე. ამიტომ ადამიანის ის ბუნება, როგორც ლაკომბს აქვს მხედველობაში, ნამდვილად სხვა არა არის რა, თუ არა კაპიტალისტური წესის ბუნება. და რადგანაც ეს ბუნება მეტად ულამაზოა, ამიტომ არც ლაკომბის „საზოგადოდ ადამიანია“ მიმზიდველი. ლაკომბის „ეკონომიური“ მატერიალიზმი ადამიანთა გვარის მიმართ ერთგვარი პასკვილია. საბედნიეროდ, ეს მატერიალიზმი ჩვენი ავტორის გაუგებრობის, მისი მეცნიერული ჩამორჩენილობის უბრალო ნაყოფია.

ლაკომბის წიგნში არის რამდენიმე ფურცელი, რომელმაც უთუოდ რუსი მკითხველის განსაკუთრებული ყურადღება მიიქცია. ეს ის ადგილია, სადაც ლაპარაკია „პიროვნების“ როლზე ისტორიაში. ლაკომბის აზრით, ეს როლი მეტად დიდია. ის არ ეთანხმება იმ მოაზროვნეებს, რომლებიც ყველაფერს ზოგადი მიზეზების მოქმედებით ხსნიან. „დააყენეთ ფრიდრიხი იენასთან დამარცხებულ პრუსიელთა მეთაურად, — ამბობს იგი, — და წაართვით ფრანგებს ნაპოლეონი, როგორ გგონიათ, მოვლენათა მსვლელობა ამით არ შეიცვლებოდა? ყოველ შემთხვევაში, არც ერთი სამხედრო პირი ამას არ იტყვის“ (გვ. 22). ცდება ის, ვინც ამბობს, დიდი ადამიანი თავის დროის მისწრაფებათა მხოლოდ გამომხატველიაო. ბევრი ისტორიული სიახლის შემომტანი იყვენ დიდი ადამიანები ისეთ პირობებში, როცა მათ სრულიად არავენ თანაუგრძნობდა. „მაჰმედს მის გარშემო მყოფნი პირველად მტრულად შეხვდენ, მაგრამ ბოლოს მან მაინც შესძლო საღვთო ომში ჩაეთრია სწორედ ის ხალხი, რომელიც პირველად მას სრულიად არ ემხრობოდა“ (გვ. 24—25). „ბრბო, ან წრე, რაც ერთი და იგივეა, განაგრძობს ლაკომბი, ისტორიაში დიდ როლს თამაშობს, მაგრამ ჩვენ მაინც იმ აზრს ვიკავებთ, რომ ბრბოს სათავეში მდგომი და მისი საქმიანობის ხელმძღვანელი ისტორიული პიროვნებაც თავისი პირადი უარყოფითი ან დადებითი თვისებებით, თავისი დიდი ან მცირე ნიჭით, გავლენას ახდენს მოვლენათა მსვლელობაზე და რომ ეს გავლენა ხშირად თავს იჩენს საბოლოო შედეგებშიაც“ (გვ. 22).



პიროვნებას ისტორიაში შემთხვევითობის ელემენტი შეაქვს. ეს ძლიერ მოეწონებათ იმ ჩვენ დიდს, საშუალო და პატარა „პიროვნებებს“, რომელთაც აშფოთებს იმის გახსენებაც-კი, რომ შესაძლებელია ისინი ისტორიული მოძრაობის უბრალო იარაღი გახდნენ. ასეთი „პიროვნებები“ უარს არ ამბობენ ისტორიას ემსახურონ, მაგრამ მათ სურთ, რათა ისტორია—თავისი ფილოსოფოსების სახით—გრძნობდეს, რომ ისინი მას ემსახურებიან თავისი კეთილი ნებით, და იცოდეს, რომ მათ გარეშე მისი საქმე ზოგჯერ ძლიერ ცუდად წავიდოდა. სწორედ ეს „პიროვნებები, რომლებიც ისტორიისაგან თუ არა ერთგულებას, ყოველ შემთხვევაში, პატივისცემას მაინც მოითხოვენ, ლაკომბს მყისვე დაეთანხმებიან, ხოლო მას, ვინც მათ მსგავსად „არ აზროვნებს“, უსაყვედურებენ: „აი, ხომ ხედავთ, ისიც ეკონომიური მატერიალისტია, მაგრამ იგი მაინც ნაკლებ ცოდვილია“-ო. მაგრამ ლაკომბი აქ, როგორც სხვა შემთხვევაშიაც, არაა საიმედო დასაყრდნობი. მისი საბუთები სრულიად არაა დამარწმუნებელი და მხოლოდ იმას მოწმობს, რომ იგი—რომელიც არც ისე უჭკუო კაცია—მოკლებულია „ფილოსოფიური აზროვნების“ ყოველგვარ „უნარს“.

ადილი შესაძლებელია იენასთან ბრძოლას სხვა შედეგი მოჰყოლოდა, ფრანგებს მეთაურად ნაპოლეონი რომ არ ჰყოლოდათ. მაგრამ კიდევ უფრო შესაძლებელია, რომ ის დამთავრებულიყო არა ისე, როგორც დამთავრდა, რომ მიმდინარე საუკუნის დასაწყისის ფრანგი ჯარისკაცი ლიუდოვიკო XV-ის დროის ფრანგ ჯარისკაცზე უკეთესი არ ყოფილიყო; ეს, ერთის მხრით, თითქოს ამტკიცებს, რომ მთელი საქმე „პიროვნებებია“ (რომელთაგანაც, მაგალითად, არმია შესდგება),—მაგრამ, მეორეს მხრით, მას პირდაპირი გზით მივყვართ ძველ კითხვასთან იმის შესახებ, თუ ერთი ეპოქის „პიროვნებანი“ რატომ განსხვავდებიან მეორე ეპოქის „პიროვნებათაგან“. ხოლო ამ საკითხის გადაჭრა შეუძლებელია იმ საზოგადოებრივ ურთიერთობათა ანალიზის გარეშე, რომელიც სხვადასხვა ისტორიულ ეპოქას ახასიათებს <sup>1)</sup>.

---

<sup>1)</sup> თავისთავად ცხადია, რომ, მაგალითად, იენასთან ბრძოლის დროს ნაპოლეონის როლი განსხვავდებოდა სხვა რომელიმე უბრალო ფრანგი ჯარისკაცის როლისგან. მაგრამ რა გამომდინარეობს აქედან? ადაჰიანის ორგანიზმში ტვინის ფუნქცია არ წააგავს ქვედა კიდურის თითების ფუნქციას. იგი უეჭველად უფრო მნიშვნელოვანია. მაგრამ ეს იმას არ ამტკიცებს, რომ ტვინის ფუნქცია ფიზიოლოგიის საერთო კანონებით არ აიხსნება.

ისიც მართალია, რომ ბევრი სიახლის შემოტანა დიდმა ისტორიულმა მოღვაწეებმა დაიწყეს „ისეთ პირობებში, როცა მათი გარემომცველი წრე ამის წინააღმდეგი იყო“. მაგრამ ეს საბუთი უხერხულ მდგომარეობაში მხოლოდ იდეალისტებს თუ ჩააყენებს, რომელთა რიცხვს ეკუთვნის ლაკომბიც, მიუხედავად მისი „ეკონომიური მატერიალიზმისა“. თუ ისტორიას ფსიქოლოგია ხსნის, მაშინ ცხადია, რომ დიდმა ისტორიულმა მოღვაწეებმა, რომლებიც თავის წრეზე მალა იდგენ, ისტორიაში რალაც თავისი, რალაც ისეთი შეიტანეს, რაც ამ წრეს არ გააჩნდა. მაგრამ, დიალექტიკოს-მატერიალისტების თვალსაზრისით, ეს ასე არაა. საზოგადოებრივი წრის თვისებები, პირველ ყოვლისა, მათ ესმით როგორც იმ საზოგადოებრივ ურთიერთობათა თვისებები, რომელშიაც ადამიანები იმყოფებიან საწარმოო ძალთა განვითარების ყოველ განსაზღვრულ საფეხურზე. წრის ფსიქოლოგია ჩნდება მხოლოდ ამის შემდეგ და როგორც აღნიშნულ ურთიერთობათა რეზულტატი. მაგრამ ამ შემთხვევაში დიდ ისტორიულ მოღვაწეთა მოქმედებაში არაფერი რჩება ისეთი, რის ახსნაც შეუძლებელი იყოს საზოგადოებრივი გარემოს თვისებებით: დიდი ადამიანი მხოლოდ უფრო ნათლად და უკეთ ასახავს ამ თვისებებს თავის გონებაში, და სწორედ ამიტომ შეუძლია მას დროებით დაუპირდაპირდეს „ბრბოს“, რომელიც, ამავე საზოგადოებრივ ურთიერთობათა ზეგავლენით, თანდათან „გმირის“ მხარეზე გადადის. „Система приобретенных прав“-ის ავტორს უკეთ ესმოდა გერმანელი მუშების მდგომარეობა, ვიდრე თვით მუშებს. ამიტომ ისინი „Система приобретенных прав“-ის ავტორს ზოგჯერ სტვენითაც-ი უმასპინძლებოდნენ. მაგრამ გარემოს პირობებმა—გერმანიის ეკონომიურმა ურთიერთობამ—მალე დაარწმუნა გერმანელი მუშების მოწინავე ნაწილი იმაში, რომ მართალი იყო ის კაცი, რომლის გაბედულმა შეხედულებამ პირველად მისი გაოცება გამოიწვია. ეს არის და ეს. და ეს „საბოლოო შედეგები“ არაფერს ისეთს არ წარმოადგენს, რისი ანალიზიც შეუძლებელი იყოს საზოგადოებრივ ურთიერთობათა ლოლიკის თვალსაზრისით.

ვინც დიდ ადამიანთა ისტორიულ მოღვაწეობასა და სოციალური კანონების მოქმედებას ერთი-მეორეს უპირდაპირებს, ის შჩედრინის იმ გმირს წააგავს. (მიუხედავად იმისა, რომ ამ დაპირდაპირებამ შესაძლოა როგორც ლაკომბის ხელში, მის ხელშიაც გამოკლების სახე მიიღოს), რომელმაც თავის თავს ასეთი დილემა დაუყენა: „ან კანონი, ან მე“, და რომელიც მოითხოვდა ამ დილემის გადაჭრას პირდაპირ.

და ჩვენ მაინც ვურჩევთ მკითხველს ყურადღებით წაიკითხოს „ისტორიის სოციოლოგიური საფუძვლები“. მისი ავტორი მეტად ჩამორჩენილი ადამიანია, მაგრამ უძალო ქვეყანაში კატას აყვებენ. ლაკობი მაინც უფრო გონივრულად უყურებს მოვლენებს, ვიდრე რუსეთის ბევრი „სოციოლოგი“.

---



## შენიშვნები\*.

1. მიხაილოვსკი ნიკოლოზ კონსტანტინეს ძე—ცნობილი რუსი პუბლიცისტი და კრიტიკოსი (1842—1904). მთელი რიგი კრიტიკული წერილებისა და სოციოლოგიური ნარკვევების ავტორი, რომლებმაც შესამჩნევი კვალი დასტოვეს რუსული საზოგადოებრივი აზროვნების ისტორიაში.

შესამოცდაათე წლების მოღვაწეთა თაობის იდეური მეთაური, მიხაილოვსკი დარჩა ნაროდნიკული ტრადიციების ერთ-ერთი თავგამოდებული დამცველი მეოთხმოცე წლების საშინელი რეაქციის ეპოქაში, როცა ინტელიგენციის მერჯევი და იდეას მოკლებული ნაწილი „უარაყოფდა მემკვიდრეობას“.

როგორც სოციოლოგი, მიხაილოვსკი გამოდიოდა ეგრეთწოდებულ „სუბიექტური მეთოდის“ დამცველად. მეოთხმოცდაათე წლებში ისტორიული მატერიალიზმის გარშემო გამართულ დისკუსიაში მიხაილოვსკი მეთაურობდა ანტიმარქსისტულ იერიშს. მოზდენილად დაწერილი და მისი დამწერის ავტორიტეტით მოსილი, მიხაილოვსკის სტატიები, რომელიც მიმართული იყო მარქსის „რუსი მოწაფეების“ წინააღმდეგ, წარმოადგენდა ერთგვარ შექარას რუსული მარქსიზმისთვის.

პირველ ყოვლისა სწორედ მისკენ მიმართა პლებანოვმა თავისი ბასრი კრიტიკა, რომელმაც საბოლოოდ წესი აუგო მიხაილოვსკის თვალსაზრისს და ოსტატურად ნათელპყო მისი ობიექტურად რეაქციონერი ხასიათი.

2. ლ. ბიუხნერი და იაკ. მოლეშოტი—წარმომდგენლები ეგრეთწოდებული საბუნებისმეტყველო მატერიალიზმისა, რომელმაც ფეხი მოიკიდა გერმანიაში XIX საუკუნის მეორეხეობაზე წლებში. ბიუხნერისა და მოლეშოტის მატერიალიზმი ხასიათდება მეტის-მეტი სიმარტივით, ღამაც თავის დროზე დიალექტიკური მატერიალიზმის ავტორები აიძულა გადაჭრით და არაერთხელ გამიჯნულიყვნენ იმისგან. „ხალხმა, რომელმაც მეორეხეობაზე წლებში გერმანიაში იათი მატერიალიზმის გამავრცელებლის როლი იკისრა, ერთი ნაბიჯითაც ვერ გაუსწრო თავის მასწავლებლებსო,—სწერდა ენგელსი „ლიუდვიგ ფოიერბახ“-ში. იდეალიზმს, რომელიც იმ დროისთვის სრულიად გამოიფიტა და რომელიც 1848 წლის რევოლიუციამ სასიკვდილოდ დაჰკოდა, ყოველ შემთხვევაში, ის გარემოება ანუგეგმბდა, რომ მატერიალიზმი მასზე უფრო დაძაბუნდა. ფოიერბახი საესებით მართალი იყო როცა თავიდან იხსნიდა ყოველგვარ პასუხისმგებლობას ამ მატერიალიზმისთვის. მხოლოდ კარგი კი იქნებოდა, რომ მას ერთი-მეორეში არ აერია მატერიალიზმის მაშინდელ მოხეტიალე მქადაგებელთა მოძღვრება და მატერიალიზმი საზოგადოოდ“...

3. „ყოველის, განსაკუთრებით-კი უახლესი ფილოსოფიის უდიდეს საკითხს წარმოადგენს საკითხი იმის შესახებ, თუ რა დაცოიდებულებაშია აზროვნება არსთან“—ამბობს ენგელსი „ლიუდვიგ ფოიერბახ“-ში.

\*) ეს შენიშვნები წარმოადგენს იმ ახსნა-განმარტებათა ნაწილის თარგმანს, რომელიც ს. ი. ვოლფსონმა დაწერა 1923 წ. მისი რედაქციით გამოცემულს გ. პლებანოვის წინამდებარე ნაწარმოებს.

„ფილოსოფოსები ორ დიდ ბანაკად გაიყვეს, იმის მიხედვით, თუ როგორ უპასუხებდნენ ამ კითხვას. ისინი, რომლებიც ამტკიცებდნენ, რომ სული ბუნებაზე ადრე არსებობდა და, მაშასადამე, რომელიც ასე თუ ისე ქვეყნის შექმნას აღიარებდნენ... იდეალიზმის ბანაკში მოექცენ. ხოლო ისინი, რომელნიც ძირითად დასაწყისად ბუნებას სცნობდნენ, მატერიალიზმის სხვადასხვა სკოლებს მიემხრნენ“.

4. ბერკლეიჯორჯი (1695—1753)—ინგლისელი ფილოსოფოსი და ფილოსოფოსი. პირდაპირი და ბოლომდე თანმიმდევარი იდეალისტი. ბერკლეის თხზულებებში („Трактат о сущности вещей вечно существующих“) იდეალისტური მსოფლმხედველობა წარმოდგენილია ცხადად და გარკვეულად, რასაც ადგილი არა აქვს უფრო უგვიანესი ეპოქების იდეალისტთა თხზულებებში. ბერკლეიზმი აბსოლუტური იდეალიზმის მონისტური სისტემაა.

თავის თხზულებებში ბერკლეი თავს ესხმის მატერიალისტ ფილოსოფოსებს ეპიკურისაგან დაწყებული ჰობსამდე და „აძევებს მატერიას ქვეყნისგან“. ბერკლეისათვის ნივთი იმდენად არსებობს, რამდენადაც ჩვენ მას აღვიქმთ (არსებობა ნიშნავს აღქმაში არსებობას, წარმოდგემაში ყოფნას). ჩვენი წარმოდგენანი იქმნებიან სულით, მოაზროვნე მე-თი. არსი ბერკლეისათვის ცნობიერების მდგომარეობაა „ყოველივე, რაც არსებობს, არსებობს სულის ფარგალში, ე. ი. იგი მხოლოდ წარმოდგენაა“.

ბერკლეი ბოლომდე მონისტიკა, იგი უკუაგდებს მატერიას და აცხადებს, რომ ერთად-ერთი, რაც ჩვენი ქვეყნის შესახებ ვიცით, ეს—იდეაა; იდეის სათავე კი არის ლმერთი, მსოფლიოს შემომქმედელი. ასე მიჰყავს მას თავისი სისტემა აბსოლუტური, უკიდურესი იდეალიზმის ლოკიურ ბოლომდე.

5. ჰოლბახიპოლ-ჰენრიხ-დიტრიხი (1723—1789)—მეთორამეტე საუკუნის ფრანგული მატერიალიზმის ერთ-ერთი გამოჩენილი წარმომადგენელი. წინა რევოლუციონური ეპოქის ყველაზე უფრო უდიდესი ფილოსოფიური ნაწარმოებები: „Systeme de la Nature“-ის ავტორი.

ჰოლბახი მოუხმობს კაცობრიობას განთავისუფლდეს რელიგიისგან და მმართოს ბუნებას. ბუნება დიადი მთლიანობაა, რომლის ნაწილაც წარმოადგენს ადამიანიც. ბუნებაში ყველაფერი მკაცრი შინაგანი კანონზომიერების პრინციპის მიხედვით ხდება. თუ-კი ჩვენ ზოგჯერ არ ძალგვიძს გავიგოთ ბუნების მოვლენათა პროცესების მიზეზობრივი კავშირი,—ეს ნებას არ გვაძლევს ზემართოთ ზებუნებრივ მიზეზებს. შეუძლებელია ფიქციებით შეცვლა იმ მიზეზებისა, რომელიც ჩვენთვის მიუწვდომელია.

ადამიანი სავსებით დამორჩილებულია მატერიალური ქვეყნის კანონებისადმი. მისი ზნეობრივი სახე ფიზიკური ყოფის მხოლოდ განსაზღვრული მხარეა. საბოლოოდ ჩვენი ზნეობა დამოკიდებულია გარე სამყაროსგან შთაბეჭდილების მილების ჩვენს უნარზე.

ჰოლბახი უშიშრად ანვითარებდა თავის მატერიალისტურ შეხედულებებს და თავისი ათეიზმის ქადაგით გადასცილდა იმ ხაზს, რომელთანაც მხდლად ჩერდებოდნენ მისი წინამორბედი ფილოსოფოსები. ის მოუწოდებდა ათეიზმი გადაექციათ საყოველთაო კუთვნილებად და აღმოეფხვრათ ცრუმორწმუნეობისა და რელიგიის საშინელი გესლი.

საზოგადოებრივი ცხოვრება მიმდინარეობს მკაცრი კანონზომიერების იმ პრინციპის მიხედვით, რომელსაც ყველაფერი ემორჩილება ბუნებაშიც. მაგრამ საზოგადოებრივ პროცესზე ისტორიულ თვალსაზრისს მოკლებული ჰოლბახი სოცია-

ლური ცხოვრების ახსნის დროს მოგვცა საბედისწერო წინააღმდეგობათა რკალში, როცა მის წინ წამოიჭრა საკითხი „პიროვნებისა“ და „გარემოს“ ურთიერთობის შესახებ. ამ თავდაულწვეულ წინააღმდეგობათა ხასიათი საბოლოოდ ნათელყოფილია გ. ვ. პლუხანოვის მიერ წინამდებარე თხზულებაში და აგრეთვე მის „მატერიალიზმის ისტორიის ნარკვევებში“.

6. ჰელვეციუსი კლოდა-დრიანი (1715—1771)—ჰოლბახთან ერთად XVIII საუკუნის ფრანგული მატერიალიზმის გამოჩენილი წარმომადგენელი. ჰელვეციუსის მთავარი ნაწარმოებია წიგნი: „სულზე“, რომლის გამოქვეყნებამ დიდი შთაბეჭდილება მოახდინა საფრანგეთის წინარევოლიუტურ საზოგადოებრივ აზრზე. ჰელვეციუსისათვის ისე, როგორც ჰოლბახისათვის აღმნიანი ცხოველთა სამეფოს ერთ-ერთი წარმომადგენელია. ინტელექტუალური უნარი ჩვენი ფიზიკური ორგანიზაციის შედეგია.

განსაკუთრებული გამბედაობით მიუდგა ჰელვეციუსი ზნეობის წარმოშობის საკითხს და ეთიური პრობლემის განხილვის ამოსავალ წერტილად ამოიჩნია დებულება: „ყველა ჩვენს მსჯელობას ინტერესი ხელმძღვანელობს“. აღმნიანი მოქმედებს არა მარტო პირადის, არამედ იმ საზოგადოების ინტერესების განსახორციელებლადაც, რომელსაც თვით ეკუთვნის, — ინტერესების, რომელიც მისაზე გადანაცვლო. აბსოლუტური სათნოება არ არსებობს. სკეთესა და ბოროტებაზე წარმოდგენა იცვლება ხალხისა და ეპოქის მიხედვით. ჰელვეციუსი ინტერესს აცხადებს ჩვენ მოქმედებათა ძირითად მამოძრავებელ ძალად და ამეუდროს აღმნიანს განიხილავს როგორც გარემომცველი წრის პროდუქტს და მიმართავს „საზოგადოებრივ შეხედულებას“, როგორც ამ წრის მთავარ მამოძრავებელს.

ამრიგად, ჰოლბახის მსგავსად, ჰელვეციუსმაც ლოლიკურ წინააღმდეგობათა მოჯადოებულ წრეში ამოჰყა თავი. წინამდებარე წიგნის პირველ თავში და აგრეთვე „მატერიალიზმის ისტორიის ნარკვევებში“ გ. ვ. პლუხანოვმა აწილია ამ წინააღმდეგობათა წარმოშობა და ბუნება, რომელნიც ფრანგი მატერიალისტების მეტაფიზიკური თვალსაზრისით იყო გამოწვეული.

7. დეკარტი რენე — Kartesius — (1596—1651) — უდიდესი ფრანგი მათემატიკოსი და უახლესი ფილოსოფიის ერთ-ერთი საფუძველმდებელი.

დეკარტს ეკუთვნის შესანიშნავი დებულება: ვაზროვნებ, მაშასადამე, ვარსებობ, — ჩვენი აზროვნების აღიარება უქველ და უტყუარ ფაქტად, რომლის საფუძველზე შეიძლება ჩვენი არსებობის შესახებაც დავასკვნათ.

თავის ფილოსოფიურ ნაშრომებში დეკარტმა გაშალა ფართო მექანიკური სურათი ქვეყნისა, მკედარი და ცოცხალი ბუნებისა. ცხოველი ისე, როგორც ყველაფერი ბუნებაში, მექანიკურ პრინციპს ემორჩილება, ის მანქანას წარმოადგენს. მხოლოდ ლეთაებრივი, თავისუფალი სულით დაჯილდოებული აღმნიანი ჰქმნის სკეთესა და ბოროტებას, თავისუფალია ამ ყოველის მამოძრავებელი მექანიკური საწყისისადმი დამორჩილებისაგან.

თავის ცნობილ ნარკვევში XVIII საუკუნის მატერიალისტების შესახებ მარკსი ამბობს დეკარტზე:

— თავის ფიზიკაში დეკარტი აწერს მატერიას შემოქმედებითს ძალას და განიხილავს მექანიკურ მოძრაობას, როგორც მისი სიცოცხლის გამოვლენას. ის სავსებით გამოაყრდნობს თავის ფიზიკას მეტაფიზიკისგან. მისი ფიზიკის ფარგალში მატერია წარმოადგენს ერთად-ერთ სუბსტანციას, არსისა და შემეცნების ერთად-ერთ საფუძველს. ფრანგულმა მექანიკურმა მატერიალიზმმა დეკარ-

ტეს ფიზიკას მიემხრო მის მეტაფიზიკასთან საწინააღმდეგოდ... კარტეზიული მატერიალიზმი ჯერ კიდევ ცოცხლობს საფრანგეთში. მისი დიდი მიღწევები მექანიკური ბუნებისმეტყველების მიღწევები იყო.

რ. ჯონ ლოკი (1632—1704)—ინგლისელი ფილოსოფოსი, ახალი დროის ერთ-ერთი გამოჩენილი მოაზროვნე.

ლოკის მთავარი დამსახურება ის არის, რომ მან პირველმა ფილოსოფიის ალორდინებისას განავითარა შემეცნების თეორიის საკითხები. თავის თხზულებებში, უმთავრესად „Опыт о чело́веческом познании“—ში, ლოკმა ყოველმხრივ გააკრიტიკა თანდაყოლილ იდეათა თეორია.

დებულებას, რომ იდეები თანდაყოლილია, ლოკმა დაუპირისპირა დიამეტრულად საწინააღმდეგო დებულება: არავითარი თანდაყოლილი იდეა არ არსებობს. ყველა იდეას ადამიანი თანდათან იძენს. დაბადებიდანვე დაყოლილი კეშმარიტება არ არსებობს. თავდაპირველად სული წარმოადგენს სუფთა დაფას (tabula rasa), რომელსაც ცხოვრება ავსებს გარკვეული შინაარსით. სული ყველა თავის წარმოდგენას ცდის საშუალებით ღებულობს. გამოცდილება შეიძინება ორგვარი დაკვირვებით: პირველი რიგის დაკვირვების ობიექტს წარმოადგენს გარეშე საგნები (შეგრძნება), მეორე რიგის დაკვირვების ობიექტს—შინაგანი განცდები (რეფლექსია). რადგან სულის სხვადასხვა მდგომარეობა, რასთანაც საქმე აქვს რეფლექსიას, წარმოიწობა მხოლოდ იმ გაელენის შედეგად, რომელსაც გარე ქვეყანა ახდენს ჩვენზე, ამიტომ ჩვენი სულიერი ცხოვრების პირველ წყაროდ უნდა ვსცნათ შეგრძნებანი.

ამ მატერიალისტურ პრინციპთან ერთად ლოკის სისტემაში ჩვენ ვხვდებით არსებითად იდეალისტურ ელემენტებს, რომელნიც უარკყოფენ საგნის ობიექტურ თვისებებს და აქცევენ მათ სუბიექტურ განცდებად.

ლოკის სისტემა დეკარტურია. ამიტომ მისგან სხვადასხვა მხრით მიმართება ძაფები. თუ ლოკის სისტემიდან ერთ ბილიკს X VIII საუკუნის ფრანგულ მატერიალიზმამდე მივყევართ, სამაგიეროდ, მეორემ—ეპისკოპოზი ბერკლის სუბიექტივიზმამდე მიგვიყვანა, რომლის ლერძი ფენომენალიზმია.

9. „წმინდა ოჯახში“ მარქსი ხაზს უსვამს, რომ ფრანგული სენსუალიზმი, მისი ყველაზე უფრო გამოჩენილი წარმომადგენლის—კონდილიაკის სახით, უერთდება უშუალოდ ლოკის მოძღვრებასო. „იგი“—ო, ამბობს მარქსი კონდილიაკზე, „ლოკის აზრს ანვითარებდა და ამტკიცებდა, რომ არა მარტო სული, არამედ გარეგანი გრძნობებიც, არა მარტო იდეის შემუშავების უნარი, არამედ გარეგანი გრძნობათა შემწვობით შთაბეჭდილების მიღების უნარიც ცდისა და ჩვეულების საქმეა. ამიტომ ადამიანის განვითარება საესებით დამოკიდებულია აღზრდასა და გარემოზეო“.

ფრანგმა მატერიალისტებმა ადამიანი აღზრდის ნაყოფად გამოაცხადეს, განიხილადენ მას როგორც გარემომცველი წრის ყოველმხრივი ზემოქმედების შედეგს. ამით მათ საბოლოო დასკვნა გამოიყვანეს ლოკის დებულებიდან თანდაყოლილი იდეების არ არსებობის შესახებ.

10. ამ დებულებას პლენაროვი დაწვრილებით არჩევს მის „მატერიალიზმის ისტორიის ნარკვევებში“. აი როგორ ახასიათებს იგი მორალის გადასვლას პოლიტიკაში ურანგი მატერიალისტების მსჯელობაში.

— ჰოლბახის დროს დედა-ბუნება როგორც პოლიტიკაში, ისე მორალში ხელმძღვანელობდა სწორედ იმ კანონებით, რომელიც სასარგებლო იყო ფრანგი



ბურჟუაზიისთვის. ეს სრულიად ბუნებრივია. ეს ხომ ის მომენტი იყო, როცა მესამე წოდებამ საქვეყნოდ გამოაცხადა: ყველაფერი მე ვარო...

— რა არის სათნობა? არ მოიპოვებოდა მეთვრამეტე საუკუნეში არც ერთი ფილოსოფოსი, რომელსაც თავისებური პასუხი არ გაეცა ამ კითხვაზე. ჰელვეციუსისთვის ეს კითხვა მარტივი იყო. სათნობა მდგომარეობს იმის ცოდნაში, თუ რა აღდებულება აკეთ ადამიანებს ერთმანეთის მიმართ, მაშასადამე, სათნობის წინაპირობაა საზოგადოების შექმნა... საყოველთაო ინტერესი—აი სათნობის საზომი და საფუძველი. ამიტომ ჩვენი ქცევა მით უფრო დანაშაულებრივია, რაც უფრო საზარალოა ის საზოგადოებისთვის. ის მით უფრო ქველურია საზოგადოებისთვის, რაც უფრო სასარგებლოა მისთვის. *Salus populi—suprema lex* (ხალხის სიკეთე უხვნესი კანონიაო). ჩვენი ფილოსოფოსის „სათნობა“ პირველ ყოვლისა პოლიტიკური სათნობაა. მორალის ქა აგებას არავითარი სარგებლობა არ მოაქვს: ქადაგებას ჯერ არასოდეს არც ერთი გმირი არ შეუქმნია. საზოგადოებას ისეთი ორგანიზაცია უნდა მისცე, რომელიც ასწავლის მის წევრებს საზოგადოებრივი ინტერესების პატივისცემას. ზნე ჩვეულების გახრწნა მოასწავებს მხოლოდ საზოგადოებრივი და კერძო ინტერესების ურთიერთ გათიშვას. მორალის ყველაზე უკეთესი მქადაგებელი კანონმდებელია, რომელმაც შესძლო ამ გათიშვის მოსპობა.

11. ვ. ვ.—ვასილი პავლეს ძე ვორონცოვის ასევედონიძე.

ვ. ვ. ჩვენს ეკონომიურ ლიტერატურაში ერთ-ერთი ყველაზე უფრო გამოჩენილი წარმომადგენელი იყო იმ „ნაროდნიკული“ რწმენის, რომ რუსეთს განვითარების თავისებური გზა აქვს. როგორც „წმინდა-ეკონომიური“ ნაროდნიკობის იდეოლოგმა—ვ. ვ.-მა არა ერთხელ გაილაშქრა (განსაკუთრებით მეოთხმეოცდაათე წლებში) მარქსიზმის წინააღმდეგ, რომელმაც გაბედა კავშირი გაეწყვიტა ნაროდნიკულ ტრადიციასთან და აღუარებია კაპიტალისტური პროცესის არსებობა რუსეთში. ვ. ვ.-ის მთავარი შრომებია: „Наша программа“, „Очерки теоретическою экономики“, „Крестьянская община“. ნაროდნიკულ ეკონომიურ ტრუმორწმუნეობასთან ბრძოლის მიზნით პლებანოვს არა ერთხელ ამოუღია ნიშნა ვ. ვ. ა. ვოლგინის სხევედონიძით. პლებანოვმა ვ. ვ.-ის შეხედულებათა დახასიათებას მიუძღვნა სპეციალური კრიტიკული ეტიუდი: „Обоснование народничества в трудах г. Воронцова (СПб: 1896).“

12. ლ ა მ ო ტ - ლ ე ვ ე ე ი ე ფ რ ა ნ ს უ ა (1598—1672)—ფრანგი მწერალი და ფილოსოფოსი, რომლის შეხედულებანი გამსჭვალულია სეკტიციზმით. იგი ემხრობოდა პიერ ბეილის სკოლას.

13. ს ი ს მ ო ნ დ ი უ ა ნ - შ ა რ ლ ი (1773—1842)—ისტორიკოსი და ერთ-ერთი გამოჩენილი ევროპიელი ეკონომისტი მეცხრამეტე საუკუნის პირველ ნახევარში.

სისმონდის ეკონომიური სისტემის ცენტრალურ პუნქტს წარმოადგენს კრიზისების თეორია. კრიზისები მეურნეობის კაპიტალისტური წყობის ბუნებრივ შედეგს წარმოადგენს, რომლის დროს საზოგადოებრივი შემოსავალი უკან რჩება ნაციონალური წარმოების ზრდას. საზოგადოებრივი შემოსავალი კი განსაზღვრავს საზოგადოებრივ მოთხოვნას. ასე რომ, მოთხოვნა არ შეესაბამება წარმოებას. ბაზარი იწყებს წარმოებისაგან ჩამორჩენას, რის შედეგად ჩნდება კარბი პროდუქტი. ერთად-ერთი გზა, რომლითაც კაპიტალისტურ მეურნეობას შეუძლია გაასაღოს ეს კარბი პროდუქტი—გარე ბაზარია. მაგრამ ადრე თუ გვიან ეს ბაზარიც მოისპობა.

14. ვიკო ჯამბატისტა (1669—1714).—ცნობილი იტალიელი მოაზროვნე, ისტორიის ფილოსოფიის ერთ-ერთი საფუძველმდებელი, რომელსაც ზოგჯერ ისტორიის „მამას“ უწოდებენ.

ვიკოსათვის კაცობრიობის ისტორია „ადამიანის სულის“ ისტორიაა. მაგრამ ამ სულის განვითარება თვითნებით კი არ ხდება, არამედ ღვთაების უშუალო გავლენითა და ხელმძღვანელობით. ცალკე პირებსა და ჯგუფებს დასახული აქვთ თავიანთი საკუთარი მიზნები, მაგრამ მათი მოქმედების შედეგად წარმოიშობა ისტორიული მოვლენა, რომელიც ღვთაებრივ წინასწარ განზახვას შეესაბამება.

ვიკო ისტორიული პროცესის ძირითად კანონად თვლიდა რაკალისებრ მოძრაობას. ყველა ხალხი ვალდებულია განელოს ისტორიული განვითარების ერთი და იგივე ფაზისებში. ამრიგად, ყოველი ხალხის ისტორია წარმოადგენს იმ ხალხის ისტორიის განმეორებას, რომელიც იმყოფება განვითარების უფრო მაღალ საფეხურზე.

15. გიზო ფრანსუა-ტიერ-გილიომი (1787—1874).—ცნობილი ფრანგი პოლიტიკური მოღვაწე და ისტორიკოსი. მინიესა და ტიერთან ერთად — ისტორიული მეცნიერების ახალი მიმართულების მეტად გამოჩენილი წარმოადგენელი, — მეცნიერების, რომელიც საფრანგეთში წარმოიშვა რევოლუციური ეპოქის შემდეგ და რომელიც ფრანგი დიდი უტოპისტების ფილოსოფიურ-ისტორიულ შეხედულებათა თვალსაჩინო კვალს ატარებდა. „გიზო, ტიერი, მინიეს“ — ამბობს გ. ვ. პლენხანოვი მე-19 საუკუნის ფრანგული უტოპიური სოციალიზმის შესახებ დაწერილ სტატიაში: — „და ყველა ფრანგი ისტორიკოსი სწორედ იმ ისტორიულ შეხედულებებს იცავდა, რომელთა პირველ სისტემატიურ მკადაგებლად სენ-სიმონი გამოვიდა. ამ შეხედულებების შესწავლისას ძალა-უნებურად და ხშირად გაგონდებდა თეორია, რომელიც შემდეგ წარმოიშვა და რომელმაც ისტორიული მატერიალიზმის სახელწოდება მიიღო. ისინი, მართლაც, წარმოადგენდნენ მნიშვნელოვან მასალას ამ თეორიის გამოსამუშევრებლად. მაგრამ ერთხანს ისინი ძალიან კარგად ეგუებოდნენ უკიდურეს ისტორიულ იდეალიზმს...“

16. ოგიუსტენ ტიერი (1796—1856) და ფრანსუა ავგუსტ მინიეს (1796—1854) — გამოჩენილი ფრანგი ისტორიკოსები, რომლებმაც გიზოსთან ერთად შექმნეს ერთი სკოლა.

წინამდებარე შრომის მეორე თავის გარდა, პლენხანოვმა ამ სკოლის დაბალიათება მოგვცა აგრეთვე საეკიალურ წერილში: „ოგიუსტენ ტიერი და მატერიალისტური შეხედულება ისტორიაზე“.

17. ბაზარიამან (1796—1832) — სენ-სიმონის სკოლის ერთ-ერთი თვალსაჩინო წარმომადგენელი. ბაზარის აზრით, საფრანგეთის დიდმა რევოლუციამ ვერ შეასრულა მის წინაშე მდგარი უმთავრესი ამოცანა — სოციალური თანასწორობის განხორციელება. რევოლუციამ გამარჯვება არგუნა ბურჟუაზიას, მაგრამ ხალხთა მასას-კი არაფერი მისცა — გარდა მატერიალური მდგომარეობის გაუარესებისა. ისტორია და სამართლიანობა მოითხოვს შრომის ემანსიპაციას კერძო საკუთრებისაგან. ამის მიღწევა შესაძლებელია მემკვიდრეობის უფლების მოსპობის გზით. ბაზარი ანფანტენთან ერთად მეთაურობდა სენ-სიმონის სკოლას, რომლის შიგნით მან შექმნა თავის მომხრეთა განსაკუთრებული ჯგუფი (ბაზარდისტები).

18. კონდორსე ჟან-ანტუან-იკოლი (1743—1794) — საფრანგეთის დიდი რევოლუციის ეპოქის პოლიტიკური მოღვაწე და ცნობილი მწერალი ისტორიის ფილოსოფიის საკითხებზე. ეირონდისტთა ერთ-ერთი მეთაური.

ავტორი ეგრეთწოდებული კონსტიტუციის ჟიროანდისტული პროექტისა, რომელიც უარყო კონვენტმა. დაპატიმრების შემდეგ, რომელიც გამოწვეული იყო კონვენტის დადგენილებით კანონს გარეშე მისი გამოცხადების შესახებ—სიცოცხლე თვითმკვლელობით დაამთავრა.

19. სეი ჟან-ბაპტისტი (1776—1832)—ცნობილი ფრანგი ეკონომისტი. ადამ სმიტის შეხედულებათა ერთ-ერთი გამოჩენილი პოპულიარიზატორი, რომელიც, მიუხედავად ამისა, ზოგიერთ საკითხებში მას მნიშვნელოვნად შორდებოდა (მოდღერება არამატერიალურ დოვლათზე და სხვ.). იგი იყო ვაქრობის თავისუფლების მხურვალე მომხრე და მტერი ეკონომიურ ურთიერთობაში სახელმწიფოს ჩარევისა.

რიკარდო დავიდ (1772—1823)—ახალი დროის ერთ-ერთი დიდი ეკონომისტი. რიკარდოს ეკონომიური შეხედულებანი მთლიანად დაკავშირებულია მისი თეორიის ძირითად დებულებასთან, რომლის მიხედვით საქონლის საცვლელი ღირებულება განისაზღვრება მისი (ე. ი. საქონლის) წარმოებისთვის დახარჯული შრომის რაოდენობით. ეკონომიური პოლიტიკის სფეროში რიკარდო იცავდა ეკონომიური საქმიანობის სრულ თავისუფლებას.

20. ანტონ ბარტოლომეო-პაროსკერი (1796—1864)—უტოპიური სოციალიზმის გამოჩენილი წარმომადგენელი. სენ-სიმონის სკოლის ერთ-ერთი თვალსაჩინო ფიგურა. ამ სკოლას ბაზართან ერთად მეთაურობდა; შემდეგ-კი დაშორდა მას უმთავრესად ქალთა ემანსიპაციის საკითხში. ბაზართან განხეთქილების შემდეგ თავის ირგვლივ შემოიკრიბა თავის ფანატიკურ მომხრეთა ჯგუფი, რომელიც, თუმცა, ჩქარა დაიშალა.

ანტონტინის უტოპიურ შეხედულებათა დახასიათება მოცემულია გ. პლებანოვის მიერ წერილში: „მე-19 საუკუნის ფრანგული უტოპიური სოციალიზმი“.

21. მალთუსი (1766—1834)—ინგლისელი ბურჟუაზიული ეკონომისტი, მღვდელი. მალთუსის მოძღვრების მიხედვით, მოსახლეობა იზრდება გაცილებით უფრო სწრაფად, ვიდრე საზრდო (პირველი გეომეტრიულის—მეორე-კი არითმეტიკული პროგრესიით), რითაც აიხსნება სიღატაკე, უმუშევრობა და კაპიტალისტური წყობილების სხვა უბედურებანი. ამიტომ, მალთუსის აზრით, სოციალურ გარდაქმნათა ყოველი ცდა უნაყოფოა. ამის მაგიერ მალთუსი გვირჩევს თავი შევიკავოთ ნაადრევ დაქორწინებისგან და შევზღუდოთ მშობიარობა. მალთუსის მოძღვრება წარმოადგენს ცდას—მიჩქმალოს კაპიტალისტური საზოგადოების კლასობრივი წინააღმდეგობანი.

22. ზიბერი ნიკოლოზ ივანეს ძე (1814—1858)—გამოჩენილი რუსი ეკონომისტი და კარლ მარქსის ეკონომიურ შეხედულებათა პირველი პოპულიარიზატორი რუსულ ლიტერატურაში. ხშირად გამოდიოდა მარქსის მრავალრიცხოვანი კრიტიკოსების, მათ შორის ტექსტში მოხსენებულ ი. ეუვოსკის წინააღმდეგ. გარდა პლებანოვის მიერ დასახელებულ ზიბერის დისერტაციისა, დღემდე განსაკუთრებულ ინტერესს შეიცავს მისი შემდეგი ნაშრომები: „რიკარდო და კ. მარქსი მათი საზოგადოებრივ-ეკონომიური გამოკვლევების მიხედვით“, „კარლ მარქსის ეკონომიური თეორია“ და „პირველყოფილი ეკონომიური კულტურის ნარკვევი“.

23. ლაპარაკია ნიკოლოზ გაბრიელის ძე ჩერნიშევსკის შესახებ.

24. Laisser faire, laisser passer—ფიზიოკრატების სკოლის ძირითადი პრინციპი. ეს პრინციპი ფიზიოკრატების მიერ წამოყენებული იყო ლო-

ზუნგის სახით, რომელიც აღიარებდა, რომ სამეურნეო ცხოვრებაში სახელმწიფოს ყოველი ჩარევა მიზანშეწონელი და აგრეთვე მავნებელიცაა. სამეურნეო ცხოვრება საუკეთესოდ ვითარდება მაშინ, როდესაც იგი ამ ჩარევისაგან თავისუფალია. პირად ინტერესთა თავისუფალი ჰიდილი ყველაზე უფრო უზრუნველყოფს სახალხო მეურნეობის განვითარებას.

25. ნიკოლაი—ონი—ჰსევდონიმი ცნობილი პუბლიცისტი და მწერლის ეკონომიურ საკითხებზე—ნიკოლოზ ფრანცის ძე დანიელსონის (1844—1918). ნიკოლაი—ონის მთავარი შრომაა: „Очерки нашего народного хозяйства“. ნიკოლაი—ონი „კაპიტალი“-ს პირველი რუსი მთარგმნელია, რომელმაც იგი გადათარგმნა თვით მარქსის უშუალო ხელმძღვანელობით.

ნიკოლაი—ონის ეკონომიური შეხედულებანი და მისი პროგნოზები რუსეთის სამეურნეო განვითარების შესახებ ხშირად წარმოადგენდა მკაცრი კრიტიკის საგანს პლენხანოვის მხრით. ამ კრიტიკას პლენხანოვმა ადგილი დაუთმო წინამდებარე შრომაშიც.

26. როდბერტუსი იაგეცოვ კარლ (1805—1875)—მე-19 საუკუნის ერთ-ერთი გამოჩენილი ეკონომისტი. როდბერტუსი გერმანულ სოციალისტებს შორის ერთად-ერთი იყო, რომელიც ჯერ კიდევ მეოცდაათე წლებში დაინტერესდა ეკონომიური პრობლემებით.

გ. ვ. პლენხანოვმა როდბერტუსის შეხედულებათა ვრცელი დახასიათება მოგვცა წერილში: „როდბერტუს იაგეცოვის ეკონომიური თეორია“ (მოთავსებულია კრებულში „Знн днмддддддддддд“). პლენხანოვმა ასე შეაფასა როდბერტუსის მნიშვნელობა:

— სასაცილოა დაკვირვებთ მისი მოძღვრება მარქსისა და ენგელსის მოძღვრებაზე არამც თუ მაღლა, არამედ მისი გვერდითაც-ი. როდბერტუსის შეხედულებანი შემეშავდა ეკონომიური მეცნიერების ისტორიის იმ პერიოდში, როდესაც კლასიკური ეკონომიის მოძღვრება აღმოჩნდა ვიწრო, მოძველებული და მოითხოვდა რადიკალურ გადაკეთებას. მისი თხზულებები წარმოადგენდა ამ გარდამავალი ხანის დამახასიათებელ მოვლენას, მაგრამ ის ვერ განდებოდა იმ არქიტექტორად, რომელიც ფუნდამენტს ჩაუყრიდა ახალ მეცნიერებას.

იგი გულმოდგინედ და კეთილსინდისიერად მუშაობდა მისი განახლებისათვის, თავის მხედველობის არეს არ ზღუდავდა მხოლოდ მაღალი კლასების ინტერესებით, არ ჩქმალავდა კლასიკური ეკონომიის მიერ მიღწეულ რეზულტატებს. ყოველივე ეს ისტორიულ მეცნიერებაში მას საპატიო ადგილს აკუთვნებს. იგი იყო სმითის და რიკარდოს ჰემარაიტი მიმდევარი და მის თანადროულ ვულგარულ ეკონომისტებზე განუსაზღვრელად მაღლა იდგა.

27. აქ ჰაპარაკია ფრ. ენგელსის ცნობილ წიგნზე „Herrn Eugen Dühring's Umwälzung der Wissenschaft“ („Антн-Дюринг“).

28. ფოიერბახილი უდვიგანდრეას (1804-1872)—მარქს-ენგელსის უშუალო ფილოსოფიური წინამორბედი. ფოიერბახმა, რომელიც თითონ ჰეგელის სკოლიდან გამოვიდა, პირველად მოგვცა ჰეგელის სისტემის ვრცელი და საფუძვლიანი კრიტიკა.

„ჩემი პირველი აზრი იყო ღმერთი, მეორე—გონება, მესამე და უკანასკნელი ადამიანი“—ასეთ ფორმულაში ჩამოაყალიბა ფოიერბახმა თავისი ფილოსოფიური ძიების ისტორია. თეოლოგიიდან იგი მიდიოდა აბსოლუტური სულის ჰეგელის კულტამდე, ჰეგელიანელობ ან—ადამიანის ფილოსოფიაში.

იდეალისტური ფილოსოფია აღიარებდა: „მე აბსტრაქტული, მხოლოდ გონებით წარმოსადგენი არსებობა, სხეული არ ეკუთვნის ჩემს არსებას“. ამას ფოიერბახმა დაუპირდაპირა დიამეტრულად საწინააღმდეგო დებულება: „მე რეალური, გრძობადი არსებობა, ჩემი მე, ჩემი არსება, ეს—სხეულია მისი სრული მთლიანობით“. ჭეგელი ადამიანს აბსოლუტური სულის ქმნილებად თვლიდა, ფოიერბახმა თვით აბსოლუტური სული ადამიანის ქმნილებად გამოაცხადა.

ფოიერბახის მიხედვით, მაღალი ცნებები შეფძლებელია გამოვიყვანოთ ცალკე მე-ესგან ეპიკრიულად მიცემული შენ-ის გარეშე. ადამიანი მხოლოდ ადამიანებთან კავშირში ამქვანებს თავის თავს არა მარტო როგორც მოაზროვნე, არამედ როგორც მორალური არსებაც.

რამდენად ფოიერბახმა აზროვნება აღიარა არსის შედეგად და არა მის მიზეზად, რამდენად მან გამოარკვია, რომ არსის კანონები იმავე დროს აზროვნების კანონებია—იგი გადაჭრით დაადგა მატერიალიზმის გზას. მაგრამ ამავე დროს მან „მე“-სა და „შენ“-ის ურთიერთობის საფუძველზე სცადა ეთიური სისტემის აგება, რომელიც დაუკავშირა რელიგიის ფილოსოფიას (ტუიზმი). ამან იგი იღვანოდა იღვანოდა მიიყვანა.

ზნობა ემყარება ადამიანთა შორის კავშირს. მასზე ემყარება ჩვენი რელიგიური შეხედულებანიც. ადამიანი თავის ურთიერთობას ადაქიანებთან რელიგიაში აწმინდანებს, ხოლო ღვთაებაში-კი გზობხატავს თავის უძვირფასეს სურვილებს. ღმერთს კი არ შეუქმნია ადამიანი, არამედ ადამიანი ქმნის ღმერთებს თავის მსგავსად. ღმერთი საცქერა, რომელშიაც გამოიხატება ადამიანი.

ფოიერბახი მატერიალისტია; მის უფიდეგს დამსახურებას ის შეადგენს, რომ მან აღადგინა იდეალისტური ფილოსოფიის ტრიუმფალური სულით გათელილი მატერიალიზმი და იგი დაუპირისპირა გზარწნილ იდეალიზმს. მაგრამ მის წინაშე მდგარი ამოცანები მას ბოლომდე არ შეუსრულებია. „აბსოლუტური სულის“—როგორც „თეოლოგიის გარდაცვლილი ღმერთის“—წინააღმდეგ გალაშქრებით ფოიერბახმა უკუგადო ჭეგელიანელობა, მაგრამ ვერ შესძლო მისი დაძლევა. ფოიერბახმა ვერ გაითვალისწინა ჭეგელის მეთოდის—დიალექტიკის—მნიშვნელობა. ამაშია მისი მოძღვრების აქილესის ტერფი, რის შემდეგაც იგი უძღური, პასიური აღმოჩნდა სოციალური პროცესების წინაშე.

ფოიერბახის შემოქმედების გაცნობა ძირითადი წინაპირობაა მარქსიზმის თეორეტიკულ-შემეცნებითი საფუძველების შესასწავლად.

29. ძმები ბაუერები—ედგარი (1820--66) და ბრუნო (1809—1862)—მემარცხენე ჭეგელიანელები, რომელთა შეხედულებანი ახასიათებენ კლასიკური ფილოსოფიის დაშლის ერთ-ერთ მომენტს.

ბაუერების წინააღმდეგ მიმართული იყო მარქსისა და ენგელსის ცნობილი პამფლეტი „წმინდა ოჯახი ანუ კრიტიკული ფილოსოფიის კრიტიკა“. „ქუშმარტი ჰუმანიზმის—ნათქვამია პამფლეტში—გერმანიაში არა ჰყავს იმაზე უფრო საწინააღმდეგო მტერი, როგორც სპირიტუალიზმი ან სპეკულიატიური იდეალიზმი, რომელიც ნამდვილი ინფიდეალური ადამიანის მაგიერ აყენებს „თვითშეგნებას“ ან-და „სულს“. თავის-თავად ცხადია, რომ ეს უნაყოფო სული არსებობს მხოლოდ მის წარმოდგენაში“...

30. იგულისხმება პ. ლ. ლავროვი (1823—1900)—ერთ-ერთი ყველაზე უფრო გამოჩენილი რუსი სოციალისტი. გადასახლდა რუსეთიდან საზღვარ-გარედ

და რუსული რევოლუციური ემიგრაციის ერთ-ერთი ცენტრალური ფიგურა შეიქმნა. ლავროვმა თავისი შრომებით სოციოლოგიისა და საზოგადოებრივი აზროვნების ისტორიის დარგში და აგრეთვე თვისი პუბლიცისტური მოღვაწეობით (იგი იყო ჯერ ჟურნალ „Вперед“-ის და შემდეგ „Вестник Народной Воли“-ს რედაქტორი) სრულიად დაიმორჩილა რუსეთის ინტელიგენციის აზროვნება იგი სარგებლობდა საყოველთაო ავტორიტეტით 70—80 წლების რუსეთის პროგრესიული საზოგადოების სხვადასხვა ფენებში.

„ისტორიული წერილები“, რომელზეც ლაპარაკია ტექსტში — ლავროვის ერთ-ერთი მთავარი ნაწარმოებია (გამოქვეყნდა მირტოვის ასევედონიებით). იგი შეიქმნა რუსეთის საზოგადოებრივი აზროვნების მიმართულების მიმცემი. კაცობრიობის პროგრესი შესაძლო ხდება, როგორც მასის განუზომელი ტანჯვის შედეგი, მხოლოდ იმ პროგრესის მთავარი მამოძრავებელი არიან „კრიტიკულად მოაზროვნე პიროვნებანი“. კრიტიკულად მოაზროვნე პიროვნებებს — როცა ისინი ისტორიულ ბორბალს აბრუნებენ, უნდა ახსოვდეთ, თუ რა დიდი ტანჯვით არის მიღწეული ისტორიული პროგრესი. ამ პიროვნებების ზნეობრივი მოვალეობაა „პროგრესისთვის სანაცვლო ექვივალენტი გადაიხადონ“. ეს გადახდა-კი შემდეგს ნიშნავს: უნდა იმუშაონ ხალხში, აამაღლონ მისი ზნეობრივი და გონებრივი დონე, შესცვალონ ჩისი არსებობის საზოგადოებრივი ფორმები — მიუახლოვონ ის კემშარიტებ:სა და სამართლიანობის იდეალებს.

ლავროვის იდეებმა „კრიტიკულად მოაზროვნე პიროვნებაზე“ შესამჩნევი გავლენა მოახდინა, სხვათა რიცხშიც, ნ. კ. მიხაილოვსკიზეც, რომლის შეხედულებანი პიროვნების როლზე ისტორიაში გამანადგურებელი კრიტიკის ობიექტი გახდა ალექსანოვის მხრით.

31. ს ა ვ ი ნ ი ფ რ ი დ რ ი ხ კ ა რ ლ (1779—1861) — ცნობილი იურისტი, ეგრეთწოდებული სამართლის ისტორიული სკოლის ერთ-ერთი დამაარსებელი.

32. პ ლ ხ ტ ა გ ე ო რ გ ფ რ ი დ რ ი ხ ი (1798—1846) — ცნობილი გერმანელი სამართლის შეტყველი, რომელიც თავისი შეხედულებებით უახლოვდებოდა საეინის. სამართლის ისტორიული სკოლის ერთ-ერთი თვალსაჩინო წარმომადგენელი.


33. მ ო რ გ ა ნ ი ლ ე ვ ე ი - გ ე ნ რ ი (1818—81) — ახალი დროის ერთ-ერთი გამოჩენილი ეთნოგრაფი და სოციოლოგი.

მორგანის გამოკვლევებმა ოჯახის წარმოშობაზე მოახდინა ძირითადი გადატრიალება მეცნიერების თვალსაზრისში ოჯახის წარმოშობის და საგვარეულო ყოფა-ცხოვრების საკითხებზე. ამ გამოკვლევებმა დიდი გავლენა მოახდინა აგრეთვე მეცნიერული სოციალიზმის საფუძველმდებლებზე. ფრ. ენგელსი ოჯახის წარმოშობის საკითხში მთლიანად იზიარებს მორგანის თვალსაზრისს.

მორგანის ძირითადი შრომაა კლასიკური თხზულება: „უძველესი საზოგადოება“.

## ს ა რ ჩ ე ვ ი

1. წინასიტყვაობა—ს. ვოლფსონი	III—XIV
2. მეორე გამოცემის წინასიტყვაობა—ავტორი . . .	1— 2
3. თავი პირველი: XVIII საუკუნის ფრანგული მატერიალიზმი . . . . .	3— 13
4. თავი მეორე: რესტავრაციის დროის ფრანგი ისტორიკოსები	14— 28
5. თავი მესამე: უტოპისტ-სოციალისტები .	29 — 63
6. თავი მეოთხე: გერმანული იდეალისტური ფილოსოფია.	64—110
7. თავი მეხუთე: თანამედროვე მატერიალიზმი .	<u>111—229</u>
8. დასკვნა . . . . .	230—262
9. დამატება პირველი: ერთხელ კიდევ მიხაილოვსკი, ერთხელ კიდევ „ტრიადა“	263—271
10. დამატება მეორე: ცოტა რამ ისტორიის შესახებ .	272—285
11. შენიშვნები	287—296



## შეცთომების გასწორება

გვ.	სტრიქ.	დაბეჭდილია	უნდა იყოს
17	7	ქვევიდან რომის იმპერიის შემდეგ	რომის იმპერიის დაცემის შემდეგ
20	8	ისტორიკოს-ლიტორატორებს	ისტორიკოს-ლიტერატორებს
—	18	ნათელყოფა	ნათელყოფა
—	14	„ ცხადყოფა	„ ცხადყოფა
36	18	„ იწვევს	„ შეიკავს
44	2 და 14	ზევიდან ნაროდნიზმის	ნაროდნიკობის
—	16	„ ასეთი „მსოფლმხედველობის“ მკონე ხალხს	„ იმ ხალხის „მსოფლმხედველობას“, რომელსაც ასეთი „მხედველება“ აქვს
—	17	ამ მსოფლმხედველობის მიხედვით	ამ მხედველების მიხედვით
—	5	ქვევიდან ელიარებია	აღეარებია
46	13	„ პროფესორი	ისტორიკოსი
51	3	„ რომ, რომ	რომ
101	11	„ ყველაფერია	ყველაფერი
105	5	„ კეიმარიტს	კემმარიტს
112	19	ზევიდან ძალაა	ძალაა
141	3	ქვევიდან культура	культура
192	15	„ მას ჯერ კიდევ	მას იცავდა ჯერ კიდევ
268	16	ზევიდან მონლოდ	მხოლოდ
—	18	ქვევიდან ახსოვ,	ახსოვ-
—	3	„ მად	მათ
272	2	ზევიდან სოციოლოგაური	სოციოლოგიური
296	10	„ აზროვნების	აზროვნებისთვის